

AUG. GISLENIUS PUSBEQUII

Quæ extant

~~Z. 16. 28~~

O M N I A;

Quibus accessit Epitome

De Moribus

~~Mm. 19. 37~~

TURCARUM,

cum Indice auctiore.

Z. 16. 28



LONDINI,

Ex officina R. DANIELIS, An. Dom.

MDCLX.



L. CARRIO
NICOLAO MICAUTIO
INDEVELDII D^{no}. R. M. in Con-
cilio secretiori Consiliario
S. D.

IN morte filii tui Maximiliani, V. Cl. ab
Arnoldo Grisperio optimo & doctissi-
mo viro mihi nuntiata, lachrymas non
tenui; cui illa pleno gradu ad veram
laudem properanti nuper Auvelliani nimis imma-
ture manum iniecit. Et tamen, si verum scire
volumus, in hac fatali universæ prope dixerim
Europæ conversione, ita hodie fluunt tempora, ut,
si unquam alias, jam verissimum sit dicere, O-
ptimum esse non nasci, proximum quam citissime
denasci: utque eorum, qui apud plures sumus, non
tam vicem dolere quam vivorum conditionem ha-
beamus necesse deplorare. Quæ etsi, in animo non
nimis ad dolorem molli, sed infinitis multorum
annorum exemplis probe confirmato, ad consolan-
dum non parum videantur valere; mihi tamen ne-
que dicta, neque dies, neque ulla omnino alia
cum luctum minuere potuerunt. Cui luctui te-
stando hæc ad te, V. Cl. mitto, utque iis legendis in
memoria antiquissimæ amicitie conquiescens, æ
rerum

rerum tristissimarum recordatione paulatim ab-
 ducaris ; & quæ olim, dum fiebant, recens co-
 gnoscebas, ea jam longo post tempore tandem le-
 gens, non sine voluptate recognoscas. Est enim
Epistola Augerii Busbequii de itinere suo tam By-
zantino quam Asiatico ad te olim, ni fallor, scri-
pta. Cujus rei ex eo conjecturam facio, quod de u-
troque vestrum sæpe meminerim audire, cum Bus-
bequius nomine Imp. Ferdinandi & Maximilia-
ni apud Turcam oratoris partes ageret; tuque apud
Lusitanos Reginarum legatus esses; vos ultro ci-
troque res, ut quæque illarum iis in locis erant
memorabiles, perscripsisse; & quasi libros com-
mentarios contexuisse. Addidi ejusdem Busbequii
De acie contra Turcam, cum tempus ferret, instru-
enda consilium; quod & hoc non tantum lecturis
jucundum esse, sed etiam reip. salutare posse vi-
deretur. Sunt hæc quidem, quod non ignoras, non
in hoc ab eo scripta ut in publicum emitterentur
(alia longe ab eo viro, cujus famæ nulla nullius
commendatione quicquam potest accedere, nulla
nullius reprehensione decedere, sunt expectanda)
tamen qualia qualia sunt, cum in manus meas in-
cidissent, & fructum, si quis inde ad remp. cujus
Busbequius amantissimus est, pervenire posset,
cum aliis communicari eum non nolle certo scirem;
operæ prætium putavi hæc typis Plantini commit-
tere. quod ipsum etiam Busbequium non nimis æ-
gre laturum spero, si tu editionis hujus periculum
in te receperis. quod ut facias te etiam atque etiam
vehementer oro. Vale. Avarici Biturigum, 1 Feb.
 cl. l. lxxxi.



AUGERII GISLENI
BUSBEQUII

VITA.



Augerius Gissenius Busbequius Cominii Flandriæ oppido natus est; unde & Philippo Cominzo, Historicorum nostratium Principi, cognomen. Pater Ægidius Gissenius, Busbequæ ad Lysam fluvium sitæ, Toparcha, pervetusto & nobili apud Flandros genere. Juvenis in paternis ædibus educatus, Lovanii, Lutetiæ, Venetiis Ioanni Bapt. Egnatio, post Bononiæ & Patavii bonis literis operam dedit. Patre è vivis sublato, in Angliam à D. Petro Lasso, Ferdinandi Imperatoris oratore, evocatus, aliquandiu in ejus contubernio hæsit, dein in patriam reversus, ab ipso Imperatore, adnitente potissimum Io. vander Aa Belgæ, qui cum eidem Imperatori à Secretis, Viennam vocatus, huic ipsi & Maxmiliano filio virtutis ac prudentiæ gratia ita se probavit, ut nullius fere magis consilio Cæsares niterentur, illumque moribus atque Aulæ Matchiæ, Maximiliani, Alberti, & Venceslai, Archiducibus Austræ, Maximiliani jam dicti filiis, præficerent. Legationibus claruit, quarum prima Asiatica fuit, quando Io. Mariz Malvezio susceptus, magna animi modestia atque constantia mitigato Solimanno, octennii inducias impetravit, prout latius è Legationis Turcicæ epistolis patet. Altera Amasiana fuit, quam itidem
scripto

scripto complexus est. Atque utraque Antuerpiæ iterata editione, procurante L. Carrione, dein anno 1600. Monachii à Sadelerio, sed austior, & ornatior impressa; qui Ferdinando II. Imperatori dedicat, epistolasque illas dignas ait, quæ milites edantur, & ab omnibus evolvantur. Plurimas quoque antiquas inscriptiones à Græcia Asiaque illi debent antiquitatis cultores, quas viris doctis communicavit, ut Ancyranam And. Schotto contubernali suo; pluresque alias tum Græcas tum Latinas I. Lipsio, per quem insertæ sunt veterum Roman. inscriptionibus, à Smerio & Grutero promulgatis. Quanti eum fecerit Lipsius, liquet tam ex Saturnalium librorum præfatione ipsi inscripta, tum ex Epistolis XVIII & LXIII. Epistol. selectar. Centuriæ primæ. Verum Byzantio reversus Isabellam Austriam Carolo IX. Regi Gallorum nuptui datam in Galliam duxit, aulæ ejus Præfectus, & post Rudolphi Cæsaris Legatus, ad quem durante ea Legatione epistolas hæc scripsit, quas hætenus desideratas posteritati consecramus. At cum jam septuagenarius semestri spatium à Cæsare impetrasset ut patriam amicosque inviseret, per Normanniam bellis civilibus vexatam in Belgium tendens, dum in vico Callia hospitatur, violenta militum manu ex proximo castro advolante abripitur. Verum cum ille, quæ erat animi constantia & magnitudine, quereretur vim sibi fieri, & contra jus gentium prædam de Legato agi, neque Rothomagensis Præfecti jussu (ut jactabant prædones) sed rapinæ causa scrinia sua auferri, territi & sibi male conscii milites eum diluculo in integrum restituunt, procinusque diffugiunt. Præfecto vero Rothomagensi factum excusanti & vindictam promittenti, respondit sese magis animi quietem quam injuriæ vindictam expetere. Et cum lethalem sibi morbum prælagiret, in vicinas ædes lectiss. foeminæ Toparchæ Maillocensis ad fanum D. Germani deferri se jubet, ibique, undecimo

cimo post die, anno c15 Id xer, v Kal. Novemb.
fatis concessit. Corpus in D. Germani honorifice
conditum; cor in lamina plumbea inclusum Bus-
bequam magnifico majorum monumento illa-
rum est. Ultra quatuor illas Epistolas Turcicas,
quarum duas edidit Plantinus sub titulo itinerum
Constantinopolitani & Amasiani, scripsit etiam
consilium de re militari contra Turcam insti-
tuenda, quod una cum præcedentibus legitur;
item librum de vera nobilitate, quem periisse fe-
runt; & demum literas hæcæ legationis suæ Gal-
licanæ, quas in lucem proferimus. Epitaphium
amico scripsit V.C. Lipsius, quod subjungo.

A Ugerius istic est situs Busbequius:
Quis ille? quem virtutis & prudentia,
Habuere carum, gratia, ipsi Casares;
Hunc aula eorum vidit, aula & externa
Asia Tyranni. Quæ viri felicitas
Probavit hæc, & illa. in omni tempore,
In munere omni, Nestorem se præbuit
Lingua atque mente. Iam quies eum sibi
Et patria hæc spondebat; ecce sustulit
Viam per ipsam miles incertum, an latro.
Sed sustulit, simulque sidus Belgica,
Quod nunc choreas fulget inter astricas.

Iustus Lipsius magno amico
exiguum monumentum P.

CON-

C O N T E N T A

hoc libello.

I.

A Vgerii Gissenii Busbequii Legationis Turcicae
Epistolae quatuor. Pag. 1

II.

Ejusdem Exclamatio, sive de re militari contra
Turcam instituenda Consilium. P. 70

III.

Solimanni Turcar. Imp. Legatio ad Ferdinandum
Roman. Caf. anno 1610 LX. I. p. 82

IV.

Ejusdem Busbequii, Caesaris apud Regem Gallorum
Legati, Epistolae ad Rudolphum II. Imperato-
rem; ex Biblioth. Io. Bapt. Haumaert I. C. Pa-
tricii Bruxellensis. p. 170

De Turcarum Moribus Epitome, Bartholomaeo
Georgievix Peregrino auctore. p. 287

Praemissa est vita Auctoris.

A V.



AUGERII GISLENII
BUSBEQUII

Legationis TURCICÆ

Epistola prima.

Quod tibi discedens promiseram, fore,
ut de toto itinere meo Constantino-
politano certior à me fieres. in eo si-
dem liberare volo: & quidem (ni fal-
lor) liberabo cumulate; nam ad iter
Constantinopolitanum accedet Amasianum, illo
haud paulo minus tritum minusque vulgare. Tu,
si qua mihi jucunda evenisse intelliges, tuam par-
tem voluptatis feres, quod pro veteri necessitudi-
ne nostra nihil habeam quod mihi non sit commu-
ne tecum. sin qua evenerunt, quod in tanta itine-
ris magnitudine & difficultate fuit necesse, mole-
stiora, nihil ad te pertinere judicabis; quod ea
præterita, quo fuerunt in experiundo graviora,
eo mihi ipsi nunc fiant recordanti jucundiora.
Non te fugit cum essem ex Anglia domum rever-
sus, à Regis Philippi & Reginæ Mariæ nuptiis,
ubi fueram inter comites Don Petri Lassi, quem
honoris causa eo Romanorum Rex Ferdinandus,
dominus meus clementissimus, legaverat, quem-
admodum idem Ferdinandus me per literas ad hoc
iter evocarit. Quas cum Insulis III Novembris
accepissem, tantum moræ interposui dum ad Bus-
be-

bequium desisterem, patrique & amicis valedicerem: inde facto per Tornacum itinere mox Bruxellam properavi. Bruxellæ conveni ipsum Don Petrum; qui currenti, quod aiunt, calcar addidit, Regis ad se litteris ostensis, quibus ei mandabat ut mihi quam maturime proficiscendi auctor esset. Itaque conjicio me in equos dispositos, quantaque possum festinatione Viennam contendere. Non defuit jam huic itineri suus labor, cum propter incommodæ equitationis insolentiâ, tum propter anni tempus ob sædas aeris tempestates & lutum, diesque contractiores, faciendo itineri non parum alienum: ut mihi necesse esset pleramque noctis partem eodem assumere, & per densas tenebrarum caligines via prope invia non sine periculo currere. Ut vero Viennam veni, per Io. Vander Aa ad Ferdinandum, cui is erat à secretis, introductus, cum ea benevolentix significatione excipior, qua is Rex uti solet erga eos quorum de fide & probitate opinionem aliquam concepit: prolixè commemorat, quid sibi de me promiserit; quantopere sua intersit me hoc legationis munus non refugere, profectionemve diutius non differri; se ita Bassæ Budensi recepisse, oratorem, quem missurus esset, sub initium mensis Decembris sine dubio Budæ futurum; nolle se Turcas, si dies servata non sit, causam habere cur ipsi quæ promiserint vicissim non servent. Supererant ad id tempus vix dies XII. spatium parvo itineri, nedum tam longo apparando, exiguum: & tamen de eo quoque dies aliquot refecandi erant, dum Commaronium ad Io. Mariam Malvezium de auctoritate & sententia Regis excurrerem. magni enim referre Rex putabat, ut ego, qui neque prudentia neque usu aliquam rerum Turcicarum cognitionem mihi comparassem, Malvezium prius convenirem, & de moribus ingenioque ejus gentis nonnulla cognoscerem, & præcepta quæ huc facerent, ex ejus ore haurirem. Fuerat
is

is aliquot annis Ferdinandi apud Suleimannum orator: ab eo nimirum tempore, quo Cæsar Carolus magnus de causis per Gerardum Velduvickium inducias cum Turca fecerat. nam tum quoque Regis Ferdinandi nomine cum eo de induciis octo annorum convenerat. & fuerat Malvezius in Velduvickii comitatu; quem ex eo itinere reversum Ferdinandus Constantinopolim remiserat, ut oratoris partes ageret; quo commodius Turcarum in regno Hungariæ grassationibus occurreretur: cum esset, qui apud eum principem de suorum præfectorum injuriis, coram expostularer, & satisfactionem exigeret. Sed accidit haud ita multo post, ut, cum occasione, quæ se offerebat, Transilvaniæ cum reliqua Hungaria reconciliandæ, Hungaris ipsis, ut fieret, vehementer contendentibus, quod ad ejus regni dignitatem pertinere judicarent, deesse noller, Ferdinandus cum vidua & filio Io. Veyvodæ, qui aliquando nomen regium in Hungaria usurpavit, transigeret; Transilvaniamque cum aliis provinciis permutatam reciperet: cumque his de rebus, ut erat necesse, aliquid interdum ad aures Turcarum permaneret, solebat Malvezium ad se vocare Rustanus (erat is Suleimanni gener, consiliariorum, quos Bassas Visirios vocant, princeps) ex eoque quærere num vera essent quæ nunciarentur; quæ ille falsa esse constantissime perseverabat: neque vero, si secus rem sese habere compertum esset, cuius supplicio caput suum obligare dubitabat. Sed cum jam posito totius Transilvaniæ Ferdinando certa res esset, neque dissimulationi locus relinqueretur, vehementer Turcarum Imperator in Rustanum, quod affirmationi Malvezii tantum fidei habuisset, multo etiam magis in Malvezium Rustanus, cujus se fraude circumventum clamabat, excanduerunt. ne longior sim; Malvezius in carcerem compingitur: pecunia familiaq; publicantur. quo in carcere sub arctissima custodia pœne bien-

nium habitus morbum ex urinæ difficultate contraxit, qui ei postmodum lethalis fuit. neque enim quicquam introferri licebat, quo morbo mederi posset; & sunt Turcæ alioqui in utramque partem nimii; siue indulgentia, cum pro amicis probare volunt; siue acerbitate, si irati sunt. sed cum res eorum propter domesticas discordias pacis & quietis magis quam belli egeret, repetitæque per arma Transilvaniæ negotium minus procederet, facile adducti sunt, ut positis armis, de compositione per disceptationem ageretur. de Transilvania, Turcæ in integrum restitui volebant: Ferdinandus pacta, quæ nec vi nec dolo cum Veyvoda inita fuerant, irrita fieri nolebat; neque Transilvaniam dimittebat. Quæ ut Turcis probarentur, missi eo Antonius Wrantzius Dalmata Episcopus Agriensis, & Franciscus Zay, earum navium, quas Hungari Nassadas vocant, Trierarcha; uterque propter fidem & industriam imprimis Regi acceptus. quorum adventu carcere liberatus Malvezius cum Suleimanni literis ad Ferdinandum remittitur, à quo, non multo post, cum responso jubetur redire Constantinopolim, facta pace ordinarii oratoris loco futurus. sed ut in eo itinere Commaronium attigit (quæ arx est ad confluentem Danubii & Vagæ fluminum, nostræ ditionis contra Turcam ultima) morbus, quem ei carcer attulerat, sic recruduit, ut de salute diffusus subsisteret, Ferdinandumque per literas rogaret, ut hujus legationis munus ab se in alium translatum velleret. Ferdinandus Malvezio neque plane fidem habebat, neque omnino derogabat: propius tamen erat, ut suspicaretur memoria præteritarum ærumnarum metuque imminentium magis, quam morbi magnitudine, ab hoc legationis munere retro fugere: & tamen hominem bene de se deque repub. meritum nequaquam honestum arbitrabatur tergiversantem eo velle cogere: mors Malvezii paucis post mensibus consecuta, satis docuit eum

um morbo neque ficto neque ad tempus simulato laborasse. itaque ego in Malvezii locum suffectus sum. Sed cum usum nullum nec rerum nec morum Turcicorum haberem, visum est (ut dixi) Regi de re fore, si ad Malvezium proficiscerer, ejusque praeceptis & monitis adversus Turcarum captiones fierem cautior. igitur biduo cum Malvezio versatus, quantum temporis brevitatis patitur, quae mihi in consuetudine quotidiana cum Turcis sequenda, quae cavenda essent, disco. celeriter inde Viennam reversus res ad iter necessarias omni diligentia comparare incipio. sed ea fuit negotiorum multitudo, ex temporis angustia, ut cum praefinita discessui dies venisset, neque Rex profectionem urgere desineret, & ego à quarta vigilia totum diem negotiisque & sarcinis componendis vacassem; vix prima noctis sequentis vigilia ad iter accinctus essem, reseratisque Viennae portis, quas ea noctis hora consuetudo clauserat, proficiscerer. Caesar, cum eo die ad venationem exiret, se non dubitare dicebat, quin antequam vespere domum redisset, ego jam in itinere futurus essem: quod quidem ita evenit, ut ramentum ejus reditum meus discessus non magno intervallo anteverteret. Hora noctis undecima venimus Ficiminum Hungariae municipium, quatuor à Vienna miliaribus; ubi coenam sumpsimus: nam incenati propter festinationem discesseramus, inde Commaronium versus iter fecimus. Erat in mandatis Caesaris, ut Commaronio quendam Paulum Palinai hominum rapinarum & populationum, quas Turcae facerent, probe gnarum, mecum Budam ducerem, illoque suggerente commodius de iis cum Bassa exoptularem, & satisfactionem peterem. Sed is nihil minus suspicans quam diem discessus mei sic ad amissum servatum iri, domo se nondum moverat: neque erat quisquam qui se scire aut audisse diceret, quando affuturus esset: quod mihi permolestum accidebat. Facio ea de re

Ferdinandum certiore, & sequentem diem illi meo comiti præstolando Commaronii do. At die tertio, trajecto Vaga iter Strigonium versus prosequor, primam Turcicæ ditionis arcem. adjunxerat mihi præfectus Commaronii Io. Paxius tutelæ causa, equites XVI, de iis, quos Husarones vocant Hungari; iisque mandat, ne me relinquerent donec custodes Turcici conspicerentur. Strigonii præfectus suos medio itinere præsto mihi futuros significarat. Cum jam per vastam planiciem tribus, plus minus, horis iter habuissem, ostendunt se procul equites Turcæ IV. neque eo secius comitari desinunt Hungari; donec eos, ut se recipere, admonerem, veritus ne quid forte, si propius esset accessum, molestæ velitationis incideret. Ubi Turcæ me vident appropinquare, adequitant, adsistunt ad currum, salutant. sic aliquantum itineris progressi, inter sermones mutuos (erat enim mihi puer interpret) cum præterea nullum alium comitatum expectarem, descendimus in locum aliquanto depressiorem: ubi me derepente ala equorum circiter CL. cinctum video: jucundum sane spectaculum homini insolenti, clypei hastæque pictæ, gemmati acinaces, versicolores plumæ, capitis tegmina candidissimis spiris aptata, vestes fere purpureæ aut ferrugineæ, equi egregii, phalaræ pulcherrimæ. accedunt præfecti; meque comiter excipiunt; adventum gratulantur; quam fuerit iter ex sententia, percunctantur: respondeo quæ visum est. sic deducor Strigonium; quo nomine arx in colle sita, cujus pedem Danubius alluit, & oppidum vicinum, quod in planicie jacet, designantur. In oppidum diverto. ejus loci Archiepiscopus inter Hungariæ magnates cum dignitatis auctoritate, tum divitiarum amplitudine primatum obtinet. Accipior hospitio plane militarem in modum. pro lectis sternuntur super asseres crassioris generis villosi tapetes; culcitæ nullæ, nulla lintheamina, ita hic primum mea familia deliciis Turcicis imbui cœpit:

cœpit: nam mihi lectus circumferebatur. Postridie non destitit urgere ut ad se venirem ejus loci Singiacus; sic Turcæ præfectum vocant, cui *Singiacus*, hoc est globus æreus deauratus in summo hastili equitum Turcæ, signum præmittitur, ad quem etsi nihil neque litterarum neque mandatorum haberem, ea tamen fuit pervicacia, eundum ut fu-erit. nec sane aliud volebat, quam me videre, officiose salutare, rogare quid ferrem, ad pacem hortari, iter prosperum precari. miratus sum, dum eo proficiscor, mense Decembri, cœlo frigido, co-axantes ranas: id faciunt sulfure tepentes aquæ quæ iis locis stagnant. Egredior Strigonio Budam versus sumpto jentaculo, prandii vicem futuro; ne-que enim erat ubi subsisterem antequam Budam pervenirem. Egreditur una, deducendi causa cum omni familia equitatuq; cui præerat, Singiacus: quem impedire non potui quin hoc officio defun-geretur. portis effusi equites ludibundi concurrant, projecta in solum pilea equis celerrimo cursu in-citatis hastarum cuspidibus attollunt; aliæque hu-juscemodi ludicra factitant. Erant inter reliquos Tartarus promissa & densa coma: quem semper aperto esse capite, neque ulla tempestate aut præ-lío, adversus cœli injuriam telorumve casum alio quam capillorum præsidio caput munire affirma-bant. Singiacus, cum ei visum est, accepta reddi-taq; salute domum revertit. ducibus itineris in co-mitatu meo relictis. Budam venienti pauci Turcæ ex eo genere quos Chiaufos vocant, obviâ fuerunt; hi vicem accensorum apparitorumq; implent, & mandata pleraque omnia seu principis Turcarum seu Bassarum ferunt; estq; in primis honorificum apud eam gentem officium. Deducor ad civem Hungarum in hospitium; ubi sarcinis, curribus & equis melius quam mihi fuit. Id enim imprimis curæ habent Turcæ, ut equi, currus, impedi-men-ta in tuto sint: hominibus, extra cœli injuriam, cætera satis consultum putant. Misit ad me Bassa

qui viseret & saluaret; is Tuigon vocabatur, nomine Turcarum sermone illi cum ciconia communi. pereum excusari volebat si diebus plusculis aditum non daret, quod gravi morbo detineretur: simul ac convaluisset, operam mihi daturum. Casus hic effectit, ne mora Palinai quid adferret incommodi, neu graviori culpæ imputaretur: qui quidem summa usus diligentia, ne sero veniret, haud multo post affuit. Bassæ morbus diu me Budæ detinuit: quem quidem ex animi ægritudine, accepto de grandi pecunia, quam nescio quo loco condiderat, furto lublato nuntio, contraxisse credebatur. attentior enim ad rem pæne sordidus vulgo audiebat. interea vero, cum medicum habere me Guilielmum Quacquelbonum virum cum in omni Philosophia versatissimum, tum artis medicinæ scientissimum intelligeret, magno à me conatu cœpit contendere ad se ut mitterem, qui sibi medicinam faceret. concessi non difficulter. sed nihil propius affuit, quam ut me hujus facilitatis pœniteret. cum enim Bassæ morbus indies ingravesceret, neque citra mortis periculum videretur ægrotare, non parum verebar ne, si ad suum Mahumetem migraret, Turcæ à meo medico interfectum calumniarentur: ex quo bono illi viro periculum crearetur; mihi vero, veluti conscio, magna parata esset infamia, sed hac me cura Bassæ sanitate reddita Deus liberavit. Budæ primum mihi visi sunt Gianizari; sic Turcæ prætorianum peditem vocant, eorum, cum plenissimus est numerus, res Turcarum habet XII. millia, per omnes fere ejus imperii fines, vel præsidio munitionibus adversus hostem, vel tutelæ Christianis Judæisque adversus injurias multitudinis futuri, sparguntur: neque ullus est paulo frequentior pagus, municipium, oppidumve, in quo non sint aliquot Gianizari, qui Christianos & Judæos reliquosque opis indigos ab improborum petulantia defendant. Budæ in arce perpetuum Gianizarorum

rum præsidium est. vestitu utuntur ad talos demisso : capitis tegmen habent ex penulæ manica (nam inde, ut ipsi memorant, duxit originem) cujus parti caput insertum sit, pars retro propendens cervicem verberat. à fronte surgit oblongus argenteus conus dæauratus gemmisque elaboratus, sed vulgaribus. hi Gianizari fere bini ad me veniebant : ubi in cœnaculum erant admissi, capite demisso me salutabant : inde propere & pene cursum accedentes vestem mihi aut manum, veluti deosculaturi, tangebant ; fasciculumque Hyacinthorum vel Narcissorum obtrudebant : & mox pari fere celeritate recessim ad fores, ne mihi tergum obverterent, regrediebantur ; id enim institutis eorum habetur indecorum. ibi summa cum modestia compositis ante sinum manibus terramque intuentes taciti adstabant : magis ut in iis monachos nostros agnoscas, quam milites. ubi vero nummulos aliquot (quod unum captabant) acceperant ; inclinatis denuo capitibus, actisque clara voce gratiis, omnia fausta precantes ominantesque abibant. Et sane ni Gianizaros esse præmonitus fuisset, Monachorum Turcicorum genus aliquod, aut collegii nescio cujus sodales esse facile credidisset. hi tamen illi sunt *Gianizari*, qui tantum terroris secum quocunque circumferunt. Erant Budæ frequentes mecum in cœna Turcæ, vini dulcedine illecti, cujus quo minorem habent copiam, eo sunt avidiores, eoque largius se ingurgitant, ubi semel contigerit habere : in multam noctem fiebant invitationes. post, ubi me ludi tædebat, surgebam à mensa, meque in cubiculum recopiebam : illi, quod vino nondum obruti ire etiam poterant, tristes abibant ; sed mox puer aderat qui nomine ipsorum rogaret, ut iis vini copiam facerem, scyphosque argenteos commodarem : velle, si permittam, in aliquo angulo noctem potando extrahere. ego vero quantum vellent vini itemque vasa, quæ petebant, jubebam præberi. illi

ante potandi finem non faciebant, quam mero sopiti humi sternerentur. Vini potus Turcis magno crimini datur, præsertim ætate provectioribus: juniores cum majore veniæ & excusationis spe peccare consueverunt. cum vero non minores pœnas post hanc vitam sibi paratas arbitrantur, si vini minimum biberint quam si plurimum; ubi semel vinum gustaverint, potare pergunt: quod veluti pœna jam commissæ peccent impune, ebrietatemque in lucro ponant. hujusmodi illi circa vini potum habent opiniones, & his etiam absurdiores. Vidi senem quendam Constantinopoli, qui cum calicem sumsisset in manum ut biberet, magnos prius clamores edebat. rogati à nobis amici cur ita faceret, respondebant eum his clamoribus commonitam velle animam, ut se reciperet in aliquem corporis angulum, aut prorsus emigraret; ne reâ fieret ejus delicti, quod ipse erat admissurus; neu vino, quod infusus erat, pollueretur. Jam vero de civitate Buda longum esset omnia dicere. ne plane taceam, dicam quod satis erit non librum scribenti, sed epistolam. Iacet plane Buda loco amœnissimo, fertilissimaque regione, in collis dorsum porrecta: ita ut una ex parte vitiferi colles eam contingant, ex altera Danubium præterfluentem, & trans Danubium præsum latissimosque campos despectet. Locus videtur de industria imperio Hungariæ delectus. Ea urbs quondam splendidissimis optimatum Hungariæ domibus ornabatur; quæ jam partim aut conciderunt, aut crebro tibiæine suffultæ adversus ruinam muniuntur. habitantur fere milicibus Turcis: quibus cum diurnum stipendium vita sit, nihil suppetit quod tantis ædibus sarcien-
dis regendisve impendatur. igitur num testum perpluat, num vitium faciat paries, non magnopere laborant; modo sit ubi in sicco equum collocent, & sibi lectum sternant: quæ supra se, nihil ad se pertinere putant; & quantavis superiorem
ædium

ædium partem mustelis & muribus habitandam relinquunt: Huc accedit quod instituti sit Turci- ci, ut ab ædificationis magnificentia abhorreant; quod superbi elatique neque suo modulo meri- entis animi esse judicent, studere magnificis ædi- bus, ut si quis sibi immortalitatem & perpetu- am mansionem in hac vita polliceatur; se ita do- mibus uti, quemadmodum peregrinantes diver- soriis; in quibus si sint à latronibus, à frigore, à sole, ab imbre tuti, reliquas opportunitates non requirunt. Itaque non facile tota Turcia, quam- vis magni, quamvis divitis viri, paulo elegantius ædificium reperiatis. vulgò tuguria & casæ habi- tantur. magnates hortis student & balneis; & ut, pro multitudine familiæ, laxas habeant ædes. cæterum ibi nec porticus luculenta, nec visendum atrium, nec aliud quicquam magnificum aut ad- mirandum. in quo eadem fere illis, quæ Hunga- ris est ratio. excepta enim urbe Buda, & (si vis) Pausonio, vix ullam tota Hungaria paulo splen- didioribus ædificiis constructam urbem videas. Quam consuetudinem ex vetustate retineri puto: militiæ & castris & longinquis bellis assueta gens, ædificandi curam neglexit; nec urbes aliter co- luit, quam si mox relictura. Illud quoque, dum eram Budæ, videre juvit, fontem qui est ex- tra portam, qua iter est Constantinopolim, in summo mire ferventem: in cuius tamen fundo natantes despicias pisces, quos inde nisi costos eximi posse non putes. Ad Bassam vix tandem VII. Decembris à morbo confirmatum introduci- mur: demulcemus muneribus: querimur de in- solentia & maleficiis militum Turcicorum: re- petimus quæ contra fidem induciarum nobis ab- lata sunt, quæ se restitutum Regi meo, modo ora- torem mitteret, per literas receperat. Ille nihilo leviores querimonias regerit, de damnis & inju- riis quibus se à nostris affectum contendebat. de- locis vero, quæ reddere debebat, hoc se dilem-

mate tuebatur: Aut non promisi me quicquam redditurum, eaque de causa nec debeo; aut si promisi, eo es iudicio ut intelligas, me quod promisi nec posse nec debere præstare, mihi enim à domino meo augendi ejus imperii, non minuendi partes commissæ: neque mihi licet conditionem ejus facere deteriore; ejus, non meum negotium agitur: quod visum fuerit, petere ab eo poteris, ubi ad eum veneris. adjicebat, veluti pro corollario, non debere me sibi etiamnum ex morbo languenti longa & inani disputatione molestum esse. quo veluti jure dicto, ire licuit; re nulla confecta, nisi pactis induciis, dum esset relatum à Suleimanno responsum. Animadverti, cum ad Bassam introduceremur, manere apud eos morem Romanū acclamandi, FELICITER, faustisque ominibus prosequendi; item digniorem apud eos haberi locum sinistrum, nisi quid aliud obstarat: cujus rei causam afferunt, quod eam partem gladius honestet; & qui sit in parte dextera, quodammodo gladium habeat sub manu ejus qui sinistrum latus claudit; ille vero eum gestet liberum & expeditum. Rebus ita Budæ, quantum poterat, transactis, comes meus ad Regem revertitur. ego paratas in Danubio naves conscendo, equis curribusque atque omni familia impositis. ita Belgradum secundo flumine deportamur. Erat hoc cum ad securitatem, tum ad brevitatem itineris aptius. nam id temporis iter pedibus Belgradum mihi, ut minimum, XII. dierum futurum erat, præsertim impedimentis gravi. præterea metuendi erant Heydonum incursum, latrociniaque. Heydones vocant Hungari ex armentariis milites sive prædones. Flumine nec metuebantur Heydones, & v. diebus hoc spatium transmittebatur. navis qua ego vehebar, remulco actuariæ trahebatur, in qua erant XXIV. remiges; reliquæ binis remis grandioribus agebantur: nulla neque diei neque noctis pars à navigatione intermittebatur; exceptis iis paucis horis,

horis, quibus à continuo labore cibo & quiete
miseri remiges nautæque reficiebantur. in quo mi-
hi animadvertenda videbatur Turcarum temeri-
tas; qui cælo caliginoso, nocte illuni, ventis ve-
hementioribus navigare non dubitarent; cum
molæ frumentariæ truncique arborum & rami in
ripis eminentes magno cum periculo passim oc-
currerent; itaque non raro fiebat, ut magnitudine
venti compulsa ad ripam navis stipitibus arbori-
busque in flumen propendentibus ita illideretur,
ut jamjam in partes scindenda videretur: certe al-
quot de testæ tabulæ magno cum fragore deterge-
bantur. quare excitatus lecto desiliebam, nautas-
que admonebam agerent cautius. illi sublato cla-
more, aliud nihil respondebant quam, *Alaure*,
hoc est, Deum futurum auxilio. sic mihi licebat
redire ad lectum, & somnum repetere, si poteram.
Equidem vaticinari hoc ausim, futurum aliquan-
do ut hujusmodi navigatio alicui parum feliciter
eveniat. Vidimus in eo itinere Tolnam, non igno-
bile Hungariæ municipium, nobis ob albi vini
præstantiam & humanitatem incolarum non ta-
cendum. Vidimus item edito loco sitam arcem Val-
povar, aliaque castella & oppida; & qua parte
Dravus, & qua Tibiscus ex altera in Danubium
influit. ipsum Belgradum situm est ad confluen-
tem Savii & Danubii: in eoque veluti in extremo
promontorii angulo, urbs vetus exstat antiqua
structura, multis turribus & duplici muro munita,
duabus ex partibus, his, quæ dixi, fluminibus allui-
tur. at ea parte, quæ terræ jungitur, editiore loco
bene firmam habet arcem ex pluribus & excelsis
turribus lapide quadrato constructis: ante urbem
ingens ædificiorum congeries, suburbiaque am-
plissima; in quibus varix habitant nationes, Tur-
cæ, Græci, Iudæi, Hungari, Dalmatæ, alix item
plures. Sunt vero fere per omnes Turcicæ ditio-
nis fines ipsis oppidis majora suburbia: quæ utra-
que simul juncta magnarum civitatum speciem re-
ferunt.

ferunt. Hic primum nobis oblata sunt antiqua numismata: e quibus (ut scis) magnam soleo capere voluptatem, quo in studio conjunctissimum habeo & ad meum sensum mire factum, quem antea nominavi, Guilielmum Quacquelbenum: invenimus non paucos nummos, in quorum altera parte miles erat Romanus, inter taurum & equum (nam iis locis stativa castra habuisse Mœsis superioris legiones satis constat) cum inscriptione TAURUNUM. Hæc urbs avorum nostrorum memoria magna vi bis fuit à Turcis oppugnata; primum ab Amurate, deinde à Mahomete Constantinopolis expugnatore: sed propugnantibus Hungaris & cruce signatis irriti ceciderunt barbarorum conatus. tandem anno cld lxx. cum Suleimanus initio imperii eo magnis cum copiis venisset, invenissetque Ludovici Regis adolescentis negligentia, factiosorumque Hungariæ procerum discordiis justo præsidio destitutam, ac proinde expugnationi opportunam, non magno negotio in suam ditionem redegit. qua veluti porta patefacta satis patet malorum agmen, quo nunc vexatur, irrupisse in Hungariam: hoc aditu cæsum Regem Ludovicum, captam Budam, mancipatam Transilvaniam, afflictum regnum florentissimum, non sine metu ejusdem calamitatis nationum vicinarum, quo exemplo admoneri debent Christiani principes, ne munitionibus & arcibus contra tantum hostem, si rem salvam velint, satis unquam provisum putent. Sunt enim Turcæ magnis fluminibus in eo non dissimiles; quæ aquis inflata, si quam aggeris, quo continentur, partem percellere potuerint, longe lateque evagantur, infinitamque dant stragem: ita Turcæ, & quidem longe perniciosius, ubi semel quæ sibi obstabant repagula disjecerint, longe lateque cum incredibili strage grassantur. Sed nos Belgradum redeamus, ut illinc porro recta Constantinopolim proficiscamur. Postquam in ea urbe, quæ ad iter pedibus

bus deesse videbantur, comparavimus, relicta ad manum sinistram in ripa Danubii Symandria arce quondam Despotarum Servix, Nissam versus iter facere cœpimus. Ostendebant nobis, tametsi procul ex locis editioribus, Turcx albicantes Transilvanix montes: & quo fere loco reliquæ pilæ pontis Traiani exstabant, indicibus digitis designabant. Transgressi fluvium ab incolis Moravam dictum, devertimus in pagum Servianorum Iagodnam: ubi ejus gentis ritus funebres vidimus multum à nostris abhorrentes. Erat cadaver in templo positum detesta facie: juxta erant apposita edulia, panis & caro, & vini cantharus: adstabant conjux, & filia, melioribus ornata vestibus; filix galerus erat ex plumis pavonis. supremum munus, quo maritum jam conclamatum uxor donavit, pileolum fuit purpureum, cujusmodi virgines nobiles illic gestare solent. inde lessum audivimus & nœniam lamentabilesque voces, quibus mortuum percunctabantur; Quid de eo tantum meruissent? quæ res, quod obsequium, quod solatium ei defuisset? cur se solas & miseras relinqueret? & hujus generis, alia. sacerdotes funeri præerant religionis Græcæ. Erant in cœmiterio erectæ in palos aut longurios pleraque cervorum & hinnulorum, & similium ferarum, de ligno dedolatæ effigies: cumque causam quæreremus, aiebant maritos vel patres eo monumento voluisse testari conjugum aut filiarum in obeundis domesticis officiis celeritatem & diligentiam. erant item ad plura sepulchra appensæ comæ; quas mulieres aut puellæ in funere necessariorum luctus indicium posuerant. morem quoque esse in ea regione audiebamus, ut, postquam inter majores de nuptiis juvenis & puellæ convenerat, sponsi puellas raperent; neque enim decorum videri, consentire in primos concubitus virginem. Haud magno intervallo à Iagodna occurrit nobis fluvio-lus, quem accolæ Nissum vocant: habuimusque cum

eum fere ad dexteram manum comitem, donec Nissam veniremus: & post aliquanto vidimus in ejus ripa (ubi veteris viæ Romanæ vestigia supererant) etiamnum exstantem marmoream columellam literis inscriptam Latinis, sed ita mutilatis ut legi non possent. est autem Nissa non ignobile neque infrequens illis gentibus oppidulum. Tempus est, ut de diversoriis, quibus utebamur, aliquid dicam: nam id quidem fortasse jamdudum requiris. Hic diverti in diversorium publicum; *Caravasarai* Turcæ vocant. hoc genus in ea regione usitatissimum: vastum est ædificium, longius aliquanto quam latius; in cujus medio patet area ponendis sarcinis & camelis, mulis carrisque collocandis. hanc aream plerumque circumcirca murus ambit, tres plus minus pedes altus; parieti, quo totum ædificium clauditur, hærens, & inædificatus. ejus muri summa superficies æqua est, patetque in latitudinem pedes circiter quatuor. hic Turcarum cubilia sunt; hic cœnacula; hic rem expediunt culinariam (nam in pariete, quo totum ædificium contineri dixi, foci subinde sunt inædificati) nulla re à camelis, equis, reliquisque jumentis alia sejuncti, quam ejus muri spatio. quinimo ad muri pedem ita ligatos habent equos, ut capite & tota cervice supra eum emineant; dominisque se calefacientibus aut etiam cœnantibus adstant, velut ministri; interdum panem vel malum, sive quid aliud, de manu eorum capiant. in eodem muro lectos sibi sternunt: tapetem in primis explicant, quem ea de causa apratum ephippiis fere circumferunt, huic injiciunt penulam; cervical præbet equestris sella: veste talari pellibus suffulta, qua vestiuntur diu, teguntur noctu. sic illi somnum capiunt nullis laceffitum blandimentis. nihil ibi secreti: omnia sunt in propatulo: neque quicquam ab omnium conspectu, nisi noctis tenebris, submovetur. Ab hoc diverso-

versorii genere abhorreham, ut à qua re maxime: quod Turcarum omnium oculi in nos conicerentur, nostros ritus nostramque consuetudinem admirantium. Itaque operam dabam, ut potius misselli alicujus hominis Christiani lecto reciperet. sed tantæ sunt tuguriorum illorum angustix, ut sæpe collocando lecto deesset spatium. itaque quiescebam modo sub tentorio, modo in meo curru; aliquando divertebam ad Turcica xendochia: quæ sane commodissima sunt, non ineleganter constructa, suisque distincta cubiculis. neque enim ab iis præcetur quisquam sive Christianus, sive Iudæus, seu dives seu mendicus sit. ex æquo patent omnibus. Bassæ quoque & Singiacoi, cum peregrinantur, illis utuntur. in his tanquam in aliquo regio palatio, magnifice mihi videbar accipi. Mos ita fert illorum, ut singulis qui eo divertunt, cibum præbeant: ergo ubi venerat cœnæ tempus, aderat minister cum ingenti ligneo disco, qui mensæ instar videri poterat; in cujus medio patina erat plena decocti ad cremorem hordei, addito carnis frusto; circumque eam patinam aliquot panes, & nonnunquam favi aliquid. primo verecundebar accipere, & mihi cœnam meam parari dicebam, admonens ut ea darentur egenis: instabat ille, ne tenuem apparatus fastidirem; hæc Bassis quoque solita præberi; ita ferre loci consuetudinem: superesse quod distribueretur egentibus; si ipse nollem, famulis relinquerem. ita, nisi parum commodus haberi vellem, necesse erat accipere. agebam ergo gratias, & gustabam aliquando. neque displicebat. nam id genus pultis, præterquam quod, veluti valde salubre, commendatur à Galeno; gustu insuave non est. fas est peregrinantibus, illis epulis eoque apparatu toto triduo frui; post illa mutare hospitium necesse est. In hæc (ut dixi) commodissime divertebam. sed ea non occurrunt passim. interdum, si domus deerat ubi hospitarer, stabulabar, quærebat ali-

quod

quod stabulum amplum & capax; in cujus parte altera focus & caminus erat; altera pars armento & pecori erat destinata. ita enim fere est illorum stabulorum ratio, ut sub eodem agant recto armentum sive grex & ejus custodes. hanc partem, ubi focus erat, parietibus tentorii mei à reliqua discludebam. ibi collocata ad ignem mensa lectuloque, Persarum vivebam rege beator. familia, reliqua stabuli parte, in multo mundoque stramine volutabatur: nonnullos apud ignem, ad quem in horto aut prato cœna cocta erat, somnus opprimebat; hi præsidio ignis cum nocturno frigore contendebant; neque minor illis cautio erat, ne exstingeretur, quam olim Romæ virginibus Vestalibus. Subibit fortassis hic percunctari, quonam solatio familia tam incommoda hospitia toleraverit. suspicaberis vini, quod malarum notum solet esse remedium, nobis in media Turcia copiam non nimiam fuisse. neque sane absurde. nam neque vinum passim reperitur omnibus in pagis, & vero minime omnium, ubi non incolunt homines Christiani. sit enim sæpe, ut insolentia fastusque Turcarum pertaxi à via regia se subducant in loca avia, minus fertilia quidem illa, sed securiora; meliorumque possessione potentioribus cedant. Hujusmodi locis vino defectis ubi nos appropinquare videbant Turcæ, monebant desideratum iri vinum. itaque pridie mittebatur dispensator, adjuncto Turca, qui peteret è proximis Christianorum pagis. sic familiarum miserriarum lenimen non deerat: mollesque culcitæ & pulvinaria, & quicquid præterea conciliando somno quæritur, in vino apportabatur. Nam melagenæ, quas in meo curru melioris notæ vini plenas habebam, quod biberem desiderare non patiebantur. sic erat de vino & mihi & meis provisum. restabat unum incommodum, vini penuria pene gravius, quod nobis somnus misere interrumpebatur; cum surgendum esset bene mane.

ne, & quidem aliquanto ante lucem, ut possemus ad opportuniore stationes mature pervenire; fiebat ut duces nostri Turcæ, splendore lunæ diluculum mentientis decepti, non multo post mediam noctem magno tumultu nos excitarent. Neque enim horæ sunt Turcis, quibus temporum, neque miliaria, quibus locorum spatia distinguant. *Talismanos* habent, hominum genus templorum ministerio dicatum; hi mensuris utuntur ex aqua: quibus postquam adventari auroram cognoverunt, clamorem tollunt è celsa turri in eum usum constructa; quo homines ad venerandum deum hortantur & accersunt. Idem faciunt medio tempore inter exortum solis & meridiem; & item inter meridiem & occasum: postremo, sole occidente, voce utuntur acutissima; eam non injucunda modulatione vibrantes; quæ longius, quam credi possit, exauditur. sic totus dies Turcis in quatuor spatia dividitur, majora aut contractiora, ut anni fert tempus. noctis omne tempus incertum est. Decepti (ut dixi) fulgore lunæ nostri duces, cum procul abesset solis exortus, vasa conclamabant. surgebamus propere, ne essemus in mora, neve nobis imputari posset si quid evenisset sinistri; sarcinæ colligebantur; lectus, tentoria, conjiciebantur in currum; equi jungebantur; accincti paratique profectionis veluti signum expectabamus. at nostri Turcæ, animadverso errore, sua cubilia somnumque repetierant; cumque aliquandiu expectassemus, neque illi venirent, mittebam qui nuntiaret parata nobis esse omnia; ipsos morari. referebant, quos miseram, Turcas denuo se in suos tapetes reclinasse; dicere à luna deceptos perperam de discessu indicasse; longe abesse proficiscendi tempus; suadere ut nos quoque redormiremus. sic mihi magno molimine erant retexenda omnia, quæ erant composita, aut pleraque noctis pars in gravi frigore, magna cum molestia, traducenda.

Huic

Huic malo ut occurrerem, interdico Turcis ne mihi deinceps molesti sint : mihi fore curæ ut suo tempore evigilemus , modo pridie tempus profectionis indicent ; habere me horologia quæ non fallerent ; ea me explicaturum ; dormirent ipsi meo periculo ; neque dubitarent surgendi negotium curæ meæ relinquere. his illi quidem acquiescebant , sed tamen sollicitudinem deponere non poterant. aderant mane ; expergefatum cubicularium meum rogabant, ut ad me viseret , videretque quid illi temporis indices loquerentur. quod cum ille fecisset , significabat eis pro eo ac poterat , aut multum aut parum superesse temporis ad exortum solem ; cui cum semel atque iterum fidem habuissent , neque falsi essent , nostrò deinceps stabant arbitrio , fidemque horologiorum admirabantur. nobis vero licebat somnò integro , nullo tumultu interrupto, frui. Nissā venimus Sophiam , itinere & cœlo , pro anni tempore, tolerabili. Satis illud magnum incolis, & peregrinis frequens oppidum ; & olim fuit regnum Bulgarorum , post (nisi fallor) Despotarum Serviz , dum domus illa manebat , neque dum Turcarum armis conciderat. Post hæc pluribus diebus fecimus iter per amœnas & non infrugiferas Bulgarorum convalles ; quo fere tempore pane usi sumus subcinericio ; *Fugacias* vocant. eum puellæ mulieresque vendunt : neque enim sunt in ea regione pistores. illæ ubi hospites advenisse sentiunt, unde lucelli quid sperent, subactam subito cum aqua sine fermento farinam calidis cineribus subijciunt ; atque ita ferventes etiamnum à foco panes parvo precio venales circumferunt. sunt illic & reliqua edulia satis vilia. Vervex xxxv asperis, singuli pulli gallinacei-gallinæque singulis comparantur. asperi L. coronatum constituunt. Non est prætermittendus illarum mulierum ornatus. fere solis indusiis sive interulis vestiuntur. ea linea sunt , filo haud
sub

subtiliore quam quo apud nos sacci texuntur: sed multiplici acus pictura variis coloribus, rudi & ridendo opere elaboratas; quo tamen mirum in modum sibi placent. itaque cum nostra indusia intuerentur, tamen ex præstantissima tela; tamen mirari se aiebant tantam in nobis modestiam, quod simplicibus nullo colore neque opere variatis indusiis uteremur. Sed nihil tamen novum occurrebat, quam turritum caput, & galeri (si sic vocari potest) plane inusitata forma. est ille ex stramine, inducta tela; figura plane contraria ei, qua apud nos utuntur rusticanæ mulieres. hic enim in humeros demittitur, & qua infimus, ibi latissimus est, deinde in pyramidem fastigiatur: contra ille infima parte est angustissimus; deinde supra caput surgit in turbinem, fere ad dodrantem; qua vero supinus cœlum spectat, capacissimus est, & apertus; ut non minus videatur ad imbrem & solem accipiendum factus, quam noster ad arcendum. eo vero spatio quod est inter ejus inferiorem & superiorem oram, nummuli & imagunculæ & frustra vitri diversi coloris, & quicquid nitet, quamvis vile, pro ornamento dependet. Hujusmodi galeri cum ad proceritatem adjuvant, tum ad gravitatem, quamvis levi jactatione ad casum faciles separati. ita ergo se inferunt, ut Clytemnestram aliquam aut Hecubam (sed Troja florente) in scenam prodire putet. Hic mihi in mentem venit, quam levis & infirma res sit, quæ vulgo perhibetur, nobilitas. nam cum de puellis quibusdam, quæ liberaliore erant forma, scire vellem, num quo essent genere; audiebam eas à summis ejus gentis satrapis originem ducere, aut etiam regium esse genus, jam bubulco aut opilioni desponsas: sic in regno Turcarum jacet nobilitas. Vidi item postea aliis locis Catacuzenorum & Palæologorum imperatorii generis reliquias, contemptius inter Turcas degentes quam vixit Dionysius Corinthi.

Nam

Nam Turcæ neminem, ne suorum quidem, nisi ex se pendunt: sola domo Othomanorum excepta, quæ suis censetur natalibus. Gentem Bulgarorum, à flumine Scytharum Volgo, cum pleræque nationes aut sponte aut vi coactæ sedes mutarent, huc commigrasse existimant, dictosq; Bulgarios tanquam Volgaros, ab eo, quem dixi fluvio; montes Hæmi, qui sunt inter Sophiam & Philippopolim, insederunt; loca sane natura munita: ubi diu Græcorum imperatorum potentiam contempserunt: Balduinum majorem Flandriæ comitem Constantinopolis imperio potitum tumultuario prælio captum interfecerunt. Turcarum vim ferre non potuerunt, à quibus devicti miserrimæ servitutis jugum subierunt. lingua utuntur Illyrica. ut Serviani & Raziani. Antequam in eam planitiem descendatur, quæ Philippopoli objacet, per saltum asperrimumque montis jugum evadendum est. hunc saltum Turcæ CAPI DERVENT vocant, quasi dicas portam angustiarum. In ea, quam dixi, planicie fluvius Hebrus mox occurrit, haud procul à Rhodope ducta origine; cujus quidem montis verticem alta nive rigentem, antequam eas (quas dixi) angustias superaremus, spectavimus. quem quidem accolæ, ni fallor, *Rullam*, vocant; ex hoc, ut attestatur Plinius, fuit Hebrus. quod ex illo Ovidii carmine notum est;

*Qua patet umbrosum Rhodope glacialis ad Hamum,
Et sacer amissas exigit Hebrus aquas.*

quo videtur poeta fluminis ejus brevitatem & aquæ Inopiam innuere voluisse. nam etsi magnus & celebris fluvius, tamen plerumque vadosus est. ac memini cum rediremus, proxime Philippopolim nos Hebrum vado trajicere, ut transiremus in insulam; in qua & pernoctavimus sub tentoriis. sed aquis ea nocte auctis, postridie non sine molestia rursus eo transmissio in viam redivimus. Sita est Philippopolis in uno ex tribus collibus, à reliquis montibus disjunctis & tanquam divulsis;

qui-

quibus quidem collibus ea urbe tanquam corona imposita quæsitus honos videtur. Fuimus Philippopoli, vidimus in locis palustribus & aquosis orizam instar tritici crescentem. Est ea tota planicies tumulis terrestribus veluti consita : quos Turcæ de industria excitatos fabulantur, ut essent monumenta pugnarum, quas olim crebras iis in campis fuisse pugnatas credi volunt, hominumque quos belli furor hausit sepulchra. Ita fere secuti Hebri ripam aliquandiu à dextera nos prosequentis, Hæmoque ad sinistram dimisso, qui in Pontum excurrit, ac demum per præclarum Mustaphæ pontem Hebræ transmissio, venimus Hadrianopolim, Turcis *Endrone* dictam. Hæc urbs priusquam ab Imperatore Hadriano nomen & incrementum acciperet, Orestia vocabatur; sita est ad confluentes Maris sive Hebri & fluviolorum Tunxæ & Hardæ, qui simul deinde suum cursum in mare Ægæum deflectunt. Ne hujus quidem urbis, quantum mœnibus antiquis continetur, capacitas maxima est: suburbiis tumet; iisque ædificiis, quæ Turcæ adjecerunt, in molem excrescit. Unum diem Hadrianopoli commorati progredimur Constantinopolim versus jam propinquam, veluti extremum nostri itineris actum confecturi. per hæc loca transeuntibus ingens ubique florum copia offerebatur, Narcissorum, Hyacinthorum, & eorum quos Turcæ *Tulipan* vocant; non sine magna admiratione nostra, propter anni tempus, media plane hyeme, floribus minime amicis. Narcissis & Hyacinthis abundat Græcia miro fragrantibus odore; sic ut, cum multi sint, odorum hujusmodi insuetis caput offendant. Tulipanti aut nullus aut exiguus est odor; à coloris varietate & pulchritudine commendatur. Turcæ flores valde excolunt: neque dubitant, alioqui minime prodigi, in eximio flore aliquot asperorum sumptum facere. Mihi quoque illi flores eaque dona non parvo constabant. erant enim semper aliquot asperi
pro-

promendi, quos contra rependerem. neque aliter rationem instituere oportet eum, qui sit cum Turcis versaturus, quam ut simul ac eorum fines ingressus sit, aperiat marsupium; neque ante claudat, quam jam illinc egressus: interea perpetuam nummorum sementem faciat, utinam ne infrugiferam. sed tamen ut alius fructus desit; hæc una ratio est Turcarum ingenia fera & à reliquis averſa gentibus, mitigandi: hoc veluti cantu Turcæ conſopiantur, alioqui non futuri tractabiles. absque hoc foret, non magis ea loca externis hominibus frequentari possent, quam quæ propter nimium æſtum aut frigus perpetuæ solitudini damnata creduntur. Medio fere inter Constantinopolim & Hadrianopolim itinere oppidulum est quod Chiurli vocant, memorabile adversa Selimi cum patre Bajazete pugna; quo ex prælio equi beneficio, quem Carabouluck, hoc est, nubem nigram, vocarunt, Selimus servatus est, verſa ad Tartaros Propicienses, ubi socer dominabatur, fuga. Antequam veniremus Selimbriam, quod est ea via oppidulum ad mare situm, vidimus non obscura veteris aggeris & fossæ vestigia, quæ ab illo mari ad Danubium usque à posterioribus Græcorum Imperatoribus ea de causa perducta ferunt, ut quæ intra eam munitionem continerentur agri possessionesque Constantinopolitarum, tuta essent ab incurſu barbarorum. quo tempore memorant senem quendam dixisse, se non tam existimare ea extra periculum barbarorum, quæ essent intra ambitum ejus aggeris, quam, quæ extra essent, barbaris prodi. quod major iis animus ad ea oppugnanda, Græcis vero ad defendenda minor futurus esset, Selimbriæ tenuit nos jucundus placidi maris aspectus: juvitque alludentibus undis in littore conchas legere, & delphinorum spectare choros, cœlique illius tepore frui. Nam dici non potest, quæ fuerit ibi temperies, quam mite clemensque cœlum: Chiurli quidem usque, horridior aliquanto, nescio quid

Threi.

Threicium spirans aura: inde incredibilis cœli clementia. Proxime Constantinopolim duos amœnissimos maris sinus ponte trajecimus: quibus locis si qua cultura accederet, naturaq; artis auxilio paululum modo juvaretur, haud scio an nihil pulchrius sol aspiceret: sed videntur illa suam lugere sortem, quod barbaro domino fastidiente negligantur. Implemur hic sapidissimis marinis piscibus, nostro in conspectu captis. Cum in Xenodochiis, quæ Turcæ *Imaret* vocant, hospitarer; animadverti forte plures schedas parietum rimis insertas, quas dum curiosius exemissem, non temere hoc fieri suspicans; libuit ex Turcis meis suscitari, quid continerent. sed comperi, nihil habere cur ita reponi mererentur; eo avidior cognoscendi fio, quæ tamen re ibi servarentur. nam antea quoque pluribus locis id factum videram. Turcæ nihil mihi respondere, nec causam velle indicare; an quod puderet rem narrare, fidem apud me non habituram; an quod tantum mysterium homini profano aperiri nollent. postea ex iis, quibus factus sum familiarior, cognovi Turcas multum honoris deferre chartæ, quod in ea Dei nomen scribatur; itaque chartulam nullam humi jacere patiuntur: & si in aliquam incidunt, subito atcollunt, rimæque alicui aut foramini induunt. ne pedibus protearant. in quo fortasse nihil est hætenus quod reprehendas: sed audi reliqua. Supremi judicii tempore, cum Mahumeres suos sectatores ex iis locis, ubi pro admittis criminibus pœnas dant, in cœlum vocabit, ut sempiternæ beatitudinis participes faciat; alia ad eum via nulla patebit, quam per ingentem ferream cratem igne fervefactam & candentem, per quam nudis pedibus incedendum erit; quo dolore, tu cogita; & tibi ob oculos pone gillum gallinaceum per prunas subsultim currentem. Ecce vero hic (mirabile dictu) charta illa omnis, quam ita ab iis à contumelia pedum asservatam diximus, improvisa aderit, seque eorum

solcis subseruet, magno futura auxilio, quo minus noxam candentis ferri sentiant: tantum erit meritum vindictæ ab injuria chartæ. Et memini, cum aliquando meis famulis graviter duces nostri irascerentur, quod eos viderent ad sordidissima quæque ministeria charta uti, idque ad me tanquam magnum flagitium deferrent; quibus ego nihil id mirum esse respondi in meis famulis, quippe qui suillis etiam carnibus vesci consuevisent. Tales quidem in sua religione sunt Turcæ: immane apud eos piaculum, si quis eorum vel imprudens Alcorano (qui divinæ legis habetur liber) infideat; homini vero Christiano etiam capitale. sed nec rosarum folia humi jacere patiuntur: quod ut veteres rosam ex sanguine Veneris, sic isti ex sudore Mahumeris natam sibi persuaserint. Sed jam desino, ne tibi in his nugis nimius videar. Constantinopolim veni ad diem xx. Januarii, ibique collegas reperi, quos dixi supra, Antonium Wiantium & Franciscum Zay. Eo tempore aberrat cum exercitu Turcarum princeps in Asia: nec erat quisquam relictus Constantinopoli præter Ebrahimum Bassam Eunuchum, qui urbi præesser, & Rustanum, sed honore abactum: quem nos nihilominus & veteris auctoritatis & jam speratæ brevique redituræ memores, officiose invisimus, salutavimus & donis honestavimus. Non erit forrasse ab hoc loco alienum referre, quæ fuerit causa cur sic Rustanus muneris dignitate privaretur. Sustulerat Suleimannus ex concubina (ni fallor) Bosphorona, filium nomine Mustapham, qui tum ætatis flore & militari gloria maxime vigebat. sed erant eidem Suleimanno complures alii liberi ex Roxolana; quam ita amabat, ut in uxoris haberet loco, dicta etiam dote; ex quo Turcis certa matrimonii fidei: & hoc quidem præter morem superiorum Imperatorum; quorum nullus à Bajazete majore, justam in matrimonio conjugem habuit. nam cum ille prælio victus in Tamberlanis potestatem

potestatem una cum uxore venisset, multa quidem intoleranda tulit; sed nihil visum est indignius, quam ludibria & contumeliæ, quibus in ejus oculis uxor afficiebatur. cujus quidem rei memoria Imperatores, qui Bajazeti in imperium successerunt, ad hunc usque omnes à ducendis uxoribus se abstinuerunt; ut quicumque casus incidisset, similem fortunam ne paterentur: tantumque liberos ex servilis conditionis mulieribus, in quas minus injuriæ cadere, quam in uxores legitimas videbatur, susceperunt. Neque vero Turcæ minus honoris deferunt natis ex concubinis aut pellicibus quam ex uxoribus; neque illi minus in bona paterna juris habent. Cum ergo Mustapha propter egregiam indolem ætatisque opportunitatem, gratia militum, & populi suffragio post mortem partis jam senescentis haud dubius imperii successor designaretur; ut liberis regnum assereret, contra nitebatur noverca; studebatque Mustaphæ virtutem & ætatis prærogativam auctoritate matrimonii elevare. quam in rem adjutore & consiliario utebatur Rustano; cum quo illi fortuna communis: quod ejus filiam ex Suleimanno susceptam Rustanus haberet in matrimonio; ut nihil alteri ab altero separatum posset evenire. Idem Rustanus inter Bassas, apud Suleimannum, principem gratiæ & auctoritatis locum tenebat; vir acri ingenio præditus, & perspicaci, magnum Suleimanni laudis instrumentum; si de natalibus quæres, subulcus: nec tamen indignus eo dignitatis gradu, si nullis avaritiæ sordibus contaminaretur. hoc uno nomine ipsi Imperatori suspectus, cæteroqui carus & probatus; quanquam id ipsum vitium domino in bonum vertit, jussus procurare fiscum, & rem pecuniariam tractare: à qua plerumque laborabat Suleimannus. in ea procuratione nullo lucro, quamvis minimo, neglecto, dum etiam ex herbis, rosis & violis, quæ in hortis principalibus erant, pecuniam corradit; dum cujusque

captivi galeam, lorica, equum divendit, cæteraque pari ratione administrat; id consecutus est, ut magnos nummorum acervos conderet, ærarium Suleimanno amplum conficeret, planeque rem ejus ea parte constabiliret. Qua etiam de causa memini, quod in Turca mirere, magnum quendam virum Rustano vehementer infensum ira dicere, Se Rustano, etiam si posset, nocere tamen nequaquam velle, quod ejus cura, studio & labore, res pecuniaria domino suo constituta esset. Camera est in regia peculiaris, ubi hujusmodi pecuniæ servantur, cum hoc titulo, *Pecunia Rustani diligentia acquisita*. Hic Rustanus cum esset Visiriorum primus, penes quem rerum Turcicarum administrationis summa est, nullo negotio quam in partem veller, ut consiliorum omnium auctor, animum voluntatemque sui regis poterat impellere. Unde ea Turcarum mentibus inhaesit opinio, cum Rustani criminationibus cum uxoris Roxolanæ veneficiis, quorum infamia laborabat, ita abalienatum à filio Mustapha patrem fuisse, ut de eo tollendo consilium caperet. pauci credunt Mustapham, cum Rustani consilia noveretque artes non ignoraret, ultro occupare voluisse; patrisque imperio & vitæ insidiatum. Nihil est omnino miserius Turcicorum imperatorum filiis: è quibus, si quis patri successit, reliquos inevitabilis mortis necessitas manet. Nam neque Turcæ imperii amulos ferunt; nec per milites prætorianos omnino ferre possunt. qui si quis forte fratrum sit, præter eum qui regnat, superstes, congiariorum petendorum nullum finem faciunt: si recusantur, statim audis, *Salvus frater sit; Fratrem Deus nobis servet*. quo verbo designari illum imperio non est obscurum. adeo, ut fratrum sanguine manus polluere, & à patricidio regnum auspicari Turcis imperatoribus sit necesse. Hunc casum in se timentem Mustapham, aut Roxolanam à liberis suis in Mustapham cupientem avertere,

avertere, Suleimanno parricidii occasionem dedisse consentaneum est. Erat ei bellum cum Rege Persarum Sagthama, quo missus erat cum summa imperii Rustanus. is cum ad Persarum fines appropinquaret, subito constitit, Suleimannumque per literas trepide certiore fecit, rem in magno versari discrimine; omnia esse insidiarum plena; corruptos militum animos uni Mustaphæ studere; illum imperio, se non esse malo parem; ejus præsentiam atque auctoritatem requiri; veniret, si salvum vellet imperium. His literis turbatus Suleimannus, subito advolat. Mustapham per literas arcessit; utque de criminibus, de quibus in suspicionem vocabatur, & jam palam accusabatur, satisfaciat, monet: si id fiat, nihil manere periculi. Anceps deliberatio Mustaphæ: si ad patrem infensum veniat & inimicum, discrimen certum: sin derelictæ, manifestæ cogitati criminis confessio. Vicit ea sententia, in qua animi & periculi erat amplius. profectus Amasia cui præerat, venit ad patrem, cujus non longe castra erant. innocentia sua fretus, an quod consideret præsentem exercitum nihil sibi eventurum mali: certe ad Ineluctabile exitum venit. Sententiam de filii morte domo conceptam Suleimannus attulerat, consulto prius, ne religio neglecta videretur, suo *Muffi*. is est apud Turcas sacerdotum supremus; ut apud nos Romanus pontifex. Eum vero, ne quid ad gratiam responderet, hunc in modum fuerat aggressus: Constantinopoli quendam haud postremi inter mercatores loci, cum domo aliquandiu esset abfuturus, servum, cui præcipue indulserat, rei suæ familiæque toti præposuisse, uxoremque & liberos ejus fidei credidisse; illum vero statim absentis domini rem intervertere, capitibus uxoris & liberorum insidiari cœpisse; quin ipsimet domino certam perniciem machinatum esse: se, quid in illum jure statui posset,

velle ab eo intelligere. respondit Musti. *Illum us
per cruciatum nec aruit videri meruisse*; id, siue ex ani-
mi sui sententia ita dixerit, siue Rustani Roxola-
nzve fraudibus in hoc allegatus, certe vehementer
animum Suleimanni confirmavit, ultro jam in
necem filii propendentis. non enim minus in se
filii scelus quam servi illius in dominum, esse ex-
istimabat. Cum ergo venisset Mustapha in ca-
stra, suspenso expectatione eventus magnopere
exercitu, introducit in patris tentorium; ubi
pacata videbantur omnia: nullus miles, spicu-
lator nullus, nullus lictor, insidiarum nihil,
quod timeri posset; at erant muti aliquot, quos
Turcz habent in deliciis, validi & robusti homi-
nes, ad eadem ejus destinati; qui receptum in
tentorium interius, magno impetu aggrediuntur,
laqueumque illi omni vi injicere conantur. ille
strenue se defendere (neque enim erat invali-
dus) & non modo de vita, sed etiam de imperio
contendere; cum dubium non esset, quin, si pe-
riculo elapsus inter Gianizaros se coniecisset, illi
rei indignitate & misericordia ejus, quem sum-
me amabant, commoti, non modo servaturi, ve-
rum etiam Imperatorem fuerint salutaturi. Hoc
ipsum metuens Suleimannus, qui linteis modo
tentorii parietibus theatro, in quo illa age-
batur tragœdia, disjungebatur, cum præter spem
incepto suo moram injectam videret, ea ten-
torii parte caput exerens, torvos & minaces ocu-
los in mutos torquet, illorumque segnitiam
atrocibus signis graviter increpat. tum vero mu-
ti, redintegratis terrore viribus, miserum Musta-
pham sternunt, injectoque nervo gulam ei fran-
gunt; moxque in tapete porrectum, ante ten-
torium explicant; ut esset Gianizaris videre,
quem habere imperatorem expectivissent. Quæ
res ubi per castra vulgata est, commiseratio &
dolor omnem exercitum pervasit: neque fuit
quisquam, qui ad tam triste spectaculum non acce-
deret;

deret; præsertim Gianizarorum, quorum ea fuit consternatio & rabies, ut ad quodvis facinus impelli possent, dux modo adesset; nam quem ducem iperaverant, eum sensu cassum, humi videbant jacere. unum supererat; moderate ut ferrent, quod mutari non poterat. igitur mœsti silentesque & lachrymarum pleni se in sua tabernacula referebant: ubi quantum libebat, licebat infelicis juvenis casum miserari. imprimis ut delirum & insanum senem Suleimannum accusabant: modo fraudem & crudelitatem novercx, modo Rustani scelus detestabantur, quod tantum lumen Othomannicæ domus extinxissent. sic illum diem jejuni, ne aqua quidem gustata, traduxerunt; neque defuerunt qui in ediam diutius etiam continuarent. certe totis castris luctus, pluribus diebus, frequentavit: quin neque desiderii neque lugendi modus futurus videbatur; nisi Suleimannus Rustanum de illius ipsius (ut est credibile) consilio exutum dignitate, privatumque Constantinopolim relegasset; in cujus locum suffectus est Achmat Bassa, qui tenente principem locum Rustano inter Virios secundus, majoris animi vir quam consilii fuerat. Quæ rerum mutatio luctum minuit, militumque animos mitigavit, quibus facile probabatur, ut est vulgus credulum, Suleimannum scelera Rustani & philtæ conjugis deprehendisse; & jam, quamvis sero, relapscere, Rustanumque ea de causa exegisse, ac ne conjugii quidem parsurum, ubi Constantinopolim rediisset. Rustanum quidem magnam tristitiam præ se ferentem & tanquam omni spe recuperandæ dignitatis destitutum ipsi Constantinopoli conveniunt. At vero non satis Roxolanæ fuit sublatum esse è medio Mustapham; ni etiam filius (quem reliquerat unicum) adhuc impubes exstingeretur: neque enim suæ liberorumque securitati satis consultum arbitrabatur, quam diu ex illo proles superesset. sed tamen causæ alienjus

obtentum ad eam rem videbat desiderari, neque vero difficile eam invenire. defertur ad Suleimannum, quories nepos ejus Prusiade (nam illic educabatur) prodiret in publicum, solere illius civitatis pueros omnia ei fausta precari, optareque ut diu patri superstes viveret; neque id alio pertinere, nisi ut imperio avi & patris vindictæ destinaretur: non enim defuturos filio Mustaphæ Gianizaros: ita nihil ejus mortem ad regni & status tranquillitatem contulisse: religione nihil esse debere cuiquam antiquius, ne liberorum quidem salutem: religionem Musulmanam (sic illi suam ut optimam vocant) tutela regni & dominatu Othomannicæ familiæ contineri: qua domo afflicta religionem stare non posse: à re vero nulla certiozem imminere illi domui ruinam, quam à domestica discordia: ut ergo & domus & imperium ac proinde religio conservarentur, quacunque ratione, vel cum parricidio liberorum, discordiis intestinis occurrendum esse; magni nec ducendam liberorum jacturam, quæ religionis incolumitate compensetur: Mustaphæ filio eo minus parcendum, quod contagione paterni sceleris jam nocens esse cœpisset: neque dubitari debere, quin se mox ducem paternæ causæ daturus esset. His rationibus impulsus Suleimannus, facile in eadem nepotis subscripsit, deditque Ebrahimio Bassæ negotium, ut Prusiadem ad infantis pueri exitium properaret. Is postquam eo venit, inprimis sibi dandam operam putavit, ut pueri mater deciperetur: nimis enim facinus inhumanum videbatur, sciente matre, & pœne in ejus oculis filium necari. quin etiam motus aliquis populi, atque ex eo impedimentum timeri poterat. hoc ergo mulierem circumvenit artificio. fingit se venisse à Suleimanno, qui & ipsam & filium ejus visat: quam quidem Suleimannum non optimis usum consiliis in occidendo Mustapha fuisse; quod ipse jam sed sero deprehenderit:

henderit : eo tamen sibi cariorē fore ejus filiū, quo in patrem fuisset injustior. multa addit hujus generis, quo fidem faciat credulæ matri, jam præsertim Rustani casu nonnihil confirmatæ. blanditiæ postremo munusculis cūmulantur. post unum atque alterum diem injicitur sermo de prodeundo extra urbem, mutandi cœli, liberiorisque aeris fruendi causa. suadet Eunuchus, ut postridie in suburbanum proficiscantur; ipsa curru veniat; filius in equo currum præcedat. res extra omnem fraudis suspicionem videbatur. assentitur illa. instruitur currus; sed ita composito axe ut, cum ad aspera quædam ventum esset, frangi eum necesse esset. sic illa inauspicatum iter ingressa, extra urbem venit. Eunuchus cum puero, veluti per occasionem colloqui, longius antecedit. sequitur, quanta potest festinatione, mater: sed ubi ad salebras illas ventum est, impacta vehementius saxis rota axis rumpitur. quo illa, ut pessimo augurio perterrita, diu retineri non potuit, quin curru relicto, natum pedes sequeretur, aliquot ancillis tantum comitata. sed jam quo volebat pervenerat Eunuchus; qui non moratus diutius, quam dum subiret limen destinata ad eadem domus, funestam sententiam pronunciat, Mandatum esse Imperatoris ut moriatur. ad quæ puer, ex disciplina gentis, respondisse dicitur, Non se hoc ut jussum Imperatoris, sed ut Dei, cui parere sit necesse, accipere. itaque cervicem laqueo offert: sic summæ spei innocens puer strangulatur. quo perpetrato, Eunuchus postico elabitur, & quantum potest profugit. mox adest mater, ejus quod jam evenerat, præfaga. fores pulsar, ubi commodum est, admittitur. invenit filium etiamnum calentem à vita, palpitantem, & tantum non spirantem. Sed hoc loco velum obtendere melius est. nam qui fuit materni animi in illo filii casu affectus, cogitari facilius potest quam exprimi. Præsiadem deinde se recipere coacta, venit.

eo passis capillis, scissa veste, magno ejulatu, magnisque lamentis omnia complens. accurrunt undique Prusienſes matres, liberæ, ancillæque; & audito tam ſævo facinore, in rabiem aguntur, Bacchanumque in morem conſternatæ portis effunduntur; unum Eunuchum requirunt, unum ſibi offerri optant, dira in eum, ſi detur, exempla edituræ. Verum ille futuri providus, veritusque ne alter Orpheus fruſtatim à furentibus illis conciperetur, nihil in fuga diligentia prætermiſit. Sed jam ad inſtitutum revertor. Nuncius cum literis de meo adventu ad Suleimannum mittitur: interim verodum reſponſum expectatur. urbis Conſtantinopolis per otium inſpiciendæ facultas fuit; imprimis divæ Sophiæ templum adire placuit: quo tamen non niſi ſingulari beneficio ſum admiſſus. Turcæ ſua templa prophanari credunt, ſi quis Chriſtianus ingrediarur: eſt ea ſane moles magnifica, & digna quæ ſpectetur; maximo cum fornice ſive hemiſphærio in medio, quod à ſolo impluvio lumen habet. Ad hujus templi formam omnia fere Turcarum templa ſunt conſtructa, ſunt qui fuiſſe multo majus, multisque appendicibus late ſe extendiſſe, eaſque jampridem reciſas omnes, & adyta ſola, quodque fuit in templo medium, remaniſſe aſſerant. Jam ad ipſius urbis ſitum quod attinet, videtur urbi dominaturæ facta à natura ſedes. eſt in Europa; habet in conſpectu Aſiam, Ægyptum, Africamque à dextra; quæ tametsi contigæ non ſunt, maris tamen navigandi-que commoditate veluti junguntur: à ſiniſtra vero Pontus eſt Euxinus, & palus Mæotis; quæ circum circa multis gentibus habitantur, & multis undique fluminibus frequentantur; nihil ut longe lateque iis in regionibus ad uſum humanum naſcatur, cujus non ſit maxima Conſtantinopolim navibus vehendi opportunitas. Ab una parte, mari alluitur Propontide: ex altera portum efficit flumen; quod à ſimilitudine *cornu autem* vocat Strabo.

Strabo: tertia reliquo continenti jungitur, ut fere peninsulæ similitudinem quandam referat, & perpetuo promontorii dorso in mare sinumque quem à fluvio marique eo recedente fieri dixi, excurret. Igitur à media Constantinopoli jucundissimus est in mare, albertemque perpetuis nivibus Olympum Afiz prospectus. mare piscibus omni ex parte refertissimum, modo demittentibus se ex Mæotide Pontoque per Bosphorum & Propontidem in mare Ægæum Mediterraneumque; modo ex illo subeuntibus in ipsum Pontum, sicuti natura fert piscium; tantis agminibus tamque densis, ut interdum etiam manibus capiantur. Itaque frequentissima est scombrorum, pelamydum, capitonum, synodontum, xiphiorum, iis locis piscatio. in qua se præcipue exercent Græci, magis quidem quam Turcæ: tametsi neq̃ isti positos in mensa pisces aspernantur, modo ex eo sint genere quos mundos putant, alios non magis attingunt, quam venenum lethale. nam (ut hoc quidem obiter dicam) sibi linguam potius aur dentes evelli patiantur, quam quicquam gustent quod immundum esse sibi persuaserint; veluti ranam, limacem, vel testudinem. qua in re parè superstitione laborant Græci. Receperam in familiam puerum religionis Græcæ, quo dispensatore utebar; hunc reliqui famuli nunquam inducere potuerant, ut cochleis vesceretur. tandem vero ita coctas conditasque apposuerunt, ut ille aliud piscium existimans esse genus, avidissime se illis expleret: sed postquam de risu & cachinnatione reliquorum, projectis etiam testis, sibi fuisse illudum cognovit, dici non potest quanto pere commotus, se in cubiculum recepit: ibique vomendi flendique & sese afflictiendi finem nullum fecit; vix duorum mensium salarium satis hujus peccati veniæ redimendæ futurum. nam hunc morem habent sacerdotes Græci, ut pro genere & magnitudine delictorum majus minusve

absolvat.

absolutionis pretium iis, qui sua peccata sunt confessi. statuunt: nec absolutos, nisi, quantum stipulati sint, abstulerint, eos pronuncient. In extremo eo, quod dixi, promontorio palatium est Regum Turcicorum, haud ulla, quantum videtur, structurae magnificentia aut operis artificio visendum: nam ipse eo quidem nondum sum ingressus. sub palatio. loco demissione atque adeo in ipso litore, eorundem principum horri mari praeferuntur: qua maxime in parte fuisse olim vetus Byzantium arbitrantur. Noli hic expectare ut tibi narrem, cur olim dicti fuerint caeci Chalcedonenses, qui sedem è regione Byzantii habuerunt; quorum hodie vix existant parietinx: neque de natura ejus maris perpetuo agmine defluentis, neque unquam reciprocantis; neque item de salsa-mentis, quae Constantinopolim à Mæotide advehuntur, quae Itali *moronellas*, *botargas*, & *caviarum* vocant: neque enim haec epistolae sunt, cujus jam nunc iustum modum sum egressus; & aliqui tam ex antiquis quam hujus temporis aequalibus scriptoribus cognosci possunt. Nunc ad si-
rum Constantinopolis revertor; quo nihil vel ad aspectum jucundius, vel ad usum opportunius esse potest. Aedificiorum elegantiam (ut dixi) in urbibus Turcarum frustra requiras, uti etiam platearum: quippe angustiores amœnitatem omnem excludunt. Sunt multis in locis non contemnendae veterum monumentorum reliquiae: nec tamen tam multae, ut potius mirandum non sit tot à Constantino Roma allatis non superesse plures: de quibus singulatim dicere non est praesentis instituti. pauca tantum attingam. Erat veteris hippodromi area: ubi gemini serpentes znei visuntur. est itidem insignis obeliscus. item duo visuntur Constantinopoli memorabiles columnae: altera est è regione *Caravasarai*, ubi nos hospitabamur: altera in foro quod Turcae *Anrathasar* vocant, hoc est, forum mulierum: ei ab imo ad summum

summum insculpta est historia cujusdam expeditionis Arcadii, qui eam construxit, cujusque diu in summo positam statuem habuit. quam tamen cochleam rectius dixeris, quam columnam, propter structuram graduum, quibus intus ad summum ascenditur. ea penes me depicta est. At columna, quæ sita est ex adverso diversorii, in quo Cæsareos oratores hospitari mos est, ea tota præter basim & epistylium constat octo lapidibus solidis porphyreticis, ita conjunctis, ut unum saxum videatur; quemadmodum etiam vulgo creditur, nam ubi lapis lapidi committitur, tertium prominet laureatum, quod integram ambit columnam: quo inferne spectantibus compaginis aspectus occultatur. Ea columna crebris terræmotibus concussa, & vicino incendio ustulata, multis locis agit rimas, & ne desiliat, crebris circulis ferreis revincitur: in ea ferunt aliquando fuisse Apollinis, deinde Constantini, postremo Theodosii senioris statuas; sed omnes vi ventorum, aut terræ motu dejectas. De obelisco, cujus supra memini, qui est in hippodromo, sic Græci commemorant: à basi convulsum multis à sæculis jacuisse humi: tempore posteriorum Imperatorum repertum architectum, qui operam suam in eo suæ basi restituendo deferret: illumque, postquam de pretio conventum esset, ingentem apparatus organorum ex cochleis & funibus præsertim instituisse, quibus lapidem illum ingentem erexerit, sublimemque eo evexerit, ut uno tantum digito abesset à dorso astragalorum, quibus imponi debebat: tum judicasse populum spectatorem oleum illi & operam tanti apparatus periisse, magnisque denuo laboribus & impensis opus instaurandum; at illum minime diffisum, petito à rerum naturalium scientia subsidio, jussisse afferri immensam aquæ vim; qua multis horis in machinam illam injecta, funes, quibus obeliscus librabatur, sensim madefactos argentesque (ut eorum est natura) se contraxisse: sic

sic ut obeliscum altius sublatum in astragalis
 statuerent ; magna cum admiratione & plausu
 vulgi. Vidi Constantinopoli diversi generis feras,
 lynces, sylvestres feles, pantheras, leopardos, &
 leones, adeo quidem domitos & cicures, ut me
 spectante, objectam pecudem unus sibi à magistro
 ex ore pateretur eripi ; rictuque modo cruore
 delibuto placaretur. Vidi etiam elephantum plane
 juvenem, mire lepidum ; ut qui saltaret & pila
 luderet. Hic credo, vix temperabis risu. elephan-
 tum, inquires, ludentem pila & saltantem ? qui
 minus quam funambulam Senecæ, itemque Gra-
 carum literarum peritum, Plinii testimonio notos ?
 sed audi tamen, ne me quicquam fingere existi-
 mes, aut perperam intelligas. cum saltare jubere-
 tur, movebat ita alternis pedes toto corpore
 coruscans, ut non obscure tripudiare velle videretur.
 pila vero palmaria ita ludebat, ut pilam in se
 coniectam proboscide scite exciperet, longeque
 repercuteret, quod nos palma facimus. si tibi hoc
 non est satis, ut dici possit saltasse, & pila lusitasse,
 quærendus est qui planius, & magis diserte fabu-
 letur. Fuerat & camelopardalis inter eas feras,
 paulo antequam venirem Constantinopolim, sed
 ea jam exspiraverat. ossa tamen, quæ sub terra con-
 debantur, eruenda curavi, ut inspicerem. est hoc ani-
 mal longe in antica parte procerius quàm in postica ;
 ut vel ferendo oneri vel portando homini ea de
 causa non sit aptum. quod caput & cervicem camelo
 similem habeat, pellem vero pardi instar maculis
 sparsam, camelopardalim vocant. Non vidisse Pon-
 tû, cum eo navigandi daretur facultas, nimis desidia
 imputari potuit: quando non minoris negotii esse
 veteribus vidisse Pontum quam Corinthum navi-
 gasse credebatur. eo itaque jucundissima naviga-
 tione profectus, admissus sum in aliquot principis
 ædemos voluptati & oblectationi dicatas : in qua-
 rum unius valvis spectavi opere tessellato graphi-
 ce redditam claram illam Selimi cum Ismaele

Per-

Perſarum rege pugnam. vidi item complura in
amœniſſimis convallibus principis vireta, mini-
mum arti debentia, naturæ fere omnia. ô Nym-
pharum domos! ô ſedes Muſarum! ô loca literatis
apta ſeceſſibus! ea mehercle (ut paulo ante dixi)
hugere nunc videntur, & operam cultumque Chri-
ſtianorum requirere; ſed multo magis ipſa Con-
ſtantinopolis, vel tota potius Græcia: quæ quon-
dam florentiſſima, nunc indigna premitur ſervi-
tute: bonarum olim artium omniſque liberalioris
doctrinæ inventrix, humanitatem, quam nobis
tradidit, repoſcere videtur, & opem pro jure com-
munium ſacrorum adverſus Scythicam barbariem
implorare: ſed fruſtra, euntibus in alia omnium
Principum Chriſtianorum animis. Neque vero
gravioſe imperio Turcæ Græcos premunt, quam
nobis dominantur vitia, luxus, crapula, deſidia,
libido, ſuperbia, ambitio, avaritia, odium, invidia,
æmulatio; quæ noſtros animos ita depreſſos & ſe-
pultos tenent, ut neque cælum ſuſpicere, neque
præclarum quicquam meditari, & ad rem magnam
adſpirare valeant. Debuerat quidem nos pietas &
officium impellere, ut aſſiſtis ſociorum rebus
ſuccurreremus. ſed ſi nec laudis nec honeſti pul-
chritudo animos torpentes inflammavit; certe
utilitas, cujus hodie prima ratio ducitur, movere
potuit, ut loca tam præclara tantique commodi-
tatibus & opportunitatibus plena, Barbaris erepta
à nobis potius, quam ab illis vellemus poſſideri.
Nunc per immenſa maris ſpatia Indix petuntur &
Antipodes: quia enim facilis ibi præda optimæque
exuvix ſine ſanguine hominibus incallidis & ſim-
plicibus detrahuntur, pietas obtenditur, aurum
quæritur. Longe aliter majores noſtri: qui nequa-
quam ſibi, tanquam ſi mercatores eſſent, ea loca
duxerunt quærenda, ubi auri plurimum, ſed ubi
virtutis, officiique exercendi major facultas offe-
rebatur. laboris & periculorum & longinquæ ex-
peditionis præmium non utilitas erat, ſed honor,
neque

neque illis è bellis locupletior quisquam, sed gloria cumulatior domum revertebatur. Sed hæc tibi, ne quis sit fortasse qui nefas esse existimet quicquam in sæculi nostri moribus desiderare. Ut cumque tamen erit, acui sagittas in nostram perniciem video; metuoque futurum, ut si pro gloria nolumus, de salute tandem cogamur dimicare. Redeo nunc in Pontum, quem Turcæ *Caradenis* vocant, hoc est, mare nigrum. demittit se per angustas fauces in Bosphorum Thracium; ubi multis vorticibus & flexibus occursum promontiorum agitur, itinere unius diei, descendit Constantinopolim; ibique paribus præ angustis erumpit in Propontidem. In medio ostio, quo in Bosphorum influit, saxum est cum columna, in cuius basi nomen Romani cujusdam Octaviani (si memini) Latine inscriptum extat. inde in littore Europæ edita turris est, quæ noctu lumen navigantibus præluere solet, *Pharum* dicunt; à quo loco non ita procul fluviolus in mare labitur, in cuius alveo lapillos onychibus sardonichibusque haud multo deteriores legimus; certe eundem fere, si expoliantur, nitorem referunt. Paucis ab eo, quod dixi, ostio miliaribus angustis monstrantur, quibus Darius exercitum contra Scythas Europæos trajecit. at medio circiter spatio inter utrasque Bosphori fauces arces duæ sunt: quarum una in Europa est, altera ex opposito in Asia. hanc diu ante oppugnatam Constantinopolim habuerunt Turcæ: illa validis turribus est ædificata à Mahumete, paucis aliquot antequam Constantinopolim expugnaret, annis. hodie Turcæ pro carcere insignium captivorum uruntur. Ex ea paulo ante elapsus retractusque Lazarus ductor Epirota apud Castrum novum una cum Hispanis captus, conto ab anu in humeros transfixus, dederat crudelas pœnas; quas tamen summa animi æquitate pertulit. Voles fortasse hoc loco, ut tibi aliquid de natantibus insulis Cyaneis sive Symplegadibus referam; ingenue fateor,

fateor, me paucis iis horis, quibus sum ibi versatus, nullas insulas Cyaneas (nescio an alio quopiam tunc defluerint) cognoscere potuisse. de quibus si curiosiores, a Ietro Gyllio istarum omnium rerum exacto investigatore mox certiora disces. mihi obvia modo & exposita commemorare satis est. Illud nefas reticere, valde falli Polybium, variis argumentis colligentem fore, ut labentibus annis Pontus arenarum cumulis ita exaggeretur, ut propter illuviem, quam Danubius, Borysthenes aliaque flumina in ipsum invehunt, navigationi reddatur inutilis. neque enim hodie pilo minus navigabilis Pontus est, quam fuit olim tempore Polybii. sic saepe sententias, quæ nullis rationibus refelli posse videbantur, dies atque usus refellit. Quis olim ratiocinantibus inhabitabiles esse terras sub zona torrida non assensit? cum tamen satis constet ex narratione eorum, qui ea loca adierunt, haud fere minus eas quam alias habitari: quinimo eo ipso tempore, cum iis sol est altissimus, radiosque ad perpendicularum in terram dimittit, æstus tum maxime pluviarum perpetuitate, quibus ea loca adumbrentur refrigerenturque, temperari. Postquam (ut dixi) de meo adventu Turcarum Imperator certior factus est, litteræ ad præfectum Constantinopolitanum afferuntur, quibus nos in Asiam trajicere, & Amasiam, sive (ut est in antiquis numismatibus) Amazeiam, mittere juberetur. Itaque rebus ad iter compositis & acceptis ducibus, die Martii 9. transivimus in Natoliam; sic enim Turcæ hodie Asiam vocant. nec sumus eo die longius, quam Scutarium usque progressi; is pagus est in littore Asiatico, veteri Byzantio oppositus, eo loci ubi olim, aut certe paulo superius, Chalcedonem nobilem civitatem fuisse existimatur. quod equos, currus, impedimenta, familiam, & nos eo die trajeceramus, satis itineris confecisse Turcis visi sumus: maxime quod è propinquo, si quid (ut solet) Constantinopoli

tinopoli quod ad iter pertineret, neglectum aut omissum esset, facile posset repeti. inde postridie digressi per campos herbis odoriferis ac praesertim Stœcade refertos iter fecimus: magnamque vidimus iis locis errantem, sine metu, maximarum restudinum multitudinem. erat ea nobis grata futura praeda, nisi Turcis, quos comites habebamus, parcere maluissemus; siquidem illi, si eas attigissent, aut omnino in mensam nostram inferri vidissent, adeo pollui sese existimassent, ut nullis aquis satis possent ablui. dixi enim jam ante, quanta cum superstitione cum Graeci tum Turcae ab huiusmodi animalium contactu refugiant: unde fit, ut, cum bestiae minime maleficae nemo tendat insidias, restudinum ibi plena sint omnia. Ex quibus unam bicipitem pluribus diebus alui; victuram etiam diutius, nisi mea culpa interiisset. Eo die ventum est in pagum quem *Cartali* vocant. non enim me pigebit deinceps omnium mansionum nostrarum nomina adscribere. Constantinopolitanum quidem iter jam plerisque est usurpatum; Amasianum hactenus, quod sciam, nostram nulli. ex *Cartali* venimus *Gebise*, Bithyniae oppidum; quod olim *Libyssam* fuisse putant, Hannibalis sepulchro celebrem. inde iucundissimus patet in mare sinumque Nicomediensem prospectus, ubi etiam admirandae proceritatis & crassitiei cypressi visuntur. Quarta, postquam Constantinopoli discesseramus mansione, venimus Nicomediam; vetus & fama clarum oppidum, in quo nihil vidimus spectatu dignum, praeter parietinas & rudera, hoc est, epistyliorum & columnarum fragmenta sola ex veteri splendore reliqua. arx est integrior in colle sita. paulo antequam eo veniremus, longus & candido marmore murus sub terra fodientibus detectus fuerat, pars (ut opinor) antiquae Regum Bithyniae domus. Nicomedia transmissio montis Olympii jugo in pagum *Kasockli* venimus; ex hoc *Nicæam*; sed serius, coepta jam prima vigilia:

lia: non procul inde audio magnum clamorem, & veluti hominū irradientium insultantiumque voces. interrogo quid sit; & num fortasse qui nautæ (nam ripa lacus Ascanii haud longe aberat) nos irriderent, quod præter eorum consuetudinem id noctis iter faceremus. narrant mihi ulularum esse bestiarum, quas Turcæ *Ciacales* vocant. Lupi sunt vulpibus majores, communibus lupis minores; voracitate tamen edendique ingluvie pares: gregatim incedunt; hominibus armentisque innoxii, furto magis & dolo quam vi victum quærentes. ab harum ferarum ingenio Turcæ homines fraudulentos & versipelles, maxime Asiaticos, *Ciacales* vocant. tentoria Turcarum aut etiam domos noctu subeunt; in quibus quicquid inveniunt esculentum, vorant. quod si aliud deest; quicquid est operis coriacei rodunt, veluti calceos, ocreas, cingula, gladiatorum vaginas, & quicquid est hujus generis. neque deest ad furtum solertia, nisi (quod ridiculum est) suo se proderent indicio: nam cum maxime sunt in ipso furto occupati, si quis forte gregalium, qui foris remansit, ululare incipiat, mox ipsi idem faciunt, parum memores ubi versentur: quo clamore expergefatti homines, arreptis armis fures manifestarios male mulctant. Nicæ sequenti die mansimus. puto me eadem in aula quievisse, in qua olim habitum fuit concilium Nicænum. jacet Nicæa in ripa lacus Ascanii. oppidi ejus mœnia & portæ satis integre sunt. quatuor sunt omnino, quæ ex medio foro despici possunt: in quarum singulis veteres sunt inscriptiones Latinæ, quæ ab Antonino, quo non memini, sed certe ab Antonino Imperatore urbem eam instauratam testantur. Ejusdem quoque extant thermarum reliquiæ, è quibus dum Turcæ lapidem eruerent, struendis Constantinopoli publicis ædificiis, cum adessemus, statuam invenerant egregiam præneque integram armati militis: sed eam mox malleorum ictibus deformarunt; quod

quod cum ægre nos ferre ostenderemus, deridiculo habebamur; rogantibus operis, num eam venerari & adorare, ut noster esset mos, velle-
mus? Profecti Nicæa venimus Ienysar: ex Ienysar, Ackbyuck, inde Bazargyck; ex Bazargyck Bosovick, sive Cassumbasa, in arctissimis angustis montis Olympi situm. nam à Nicæa fere hætenus per clivos montis Olympi nobis iter fuit. Hic divertimus in Turcicum Xenodochium. è regione saxum erat paullo editius, in quo altius excisa erat quadrata scrobs, eaque ampla; à cùs imo canalís in viam publicam perducebatur. hanc scirobem veteres illi incolæ hyberno tempore nivibus complebant, ut per eum, quem dixi canalem demissa in viam stillans ex nivibus aqua perquam frigida prætereuntium siti subveniret. hujusmodi opera Turcæ pulcherrimas eleemosynas judicant; ut quæ publice & in commune prosint. Non procul ab hoc loco Otmanlik ad dextram ostenditur, receptaculum (ut puto) Othomanni illius, qui princeps Othomannam domum nobilitavit. Ex his angustis in latissimos campos descendimus. in quibus primam noctem sub tentoriis egimus; id enim visum ad tolerandum calorem aptius; locus dicebatur *Chiansada*. Vidimus hic subterraneam domum, cui per solum impluvium lumen infundebatur, vidimus item capras illas, ex quarum vellere sive pilo (ne de lanæ caprina mihi controversia sit) pannus ille texitur, quem cymatilem sive undulatum vocant. est earum tenuissimus mireque nitens pilus, ad terram usque propendens. hunc non rudent, sed depestant caprarii; non multum pulchritudine cedentem serico. capræ sæpius in fluminibus lavantur: gramine pascuntur per eos campos exili & sicco; quod ad lanæ tenuitatem multum conferre certum est. nam constat alio translatis non manere eandem, sed una cum pabulo murari; totasque ita generare capras, ut vix agnoscantur. de-

deductum ex huiusmodi vellere ab ejus regionis mulieribus filum Ancyram portatur Galatiæ urbem, ubi & textitur & tingitur, ut posterius dicetur. Est quoque frequens iisdem locis genus illud ovium (neque enim ex alio fere constant greges) quod pinguem & ponderosam caudam trahit; quæ modo trium aut quatuor, modo etiam octo aut decem librarum est. quinimo in eam aliquando magnitudinem excrescit in ovibus vetustioribus, ut duas rotulas cum media tabella subjici necesse sit, in quam illa recumbar, ut oves trahant quod ferre non possunt. hoc tu fortasse vix credes: nec tamen quicquam mentior. quamquam, ut non negaverim talibus caudis non deesse suum usum propter copiam pinguedinis, caro tamen reliqua mihi durior & insuavior, quam sit ovium nostrarum, videtur. Qui his gregibus pastores præsumunt, noctem & diem degunt in campis, uxoresque & liberos circumvestant in curribus, quibus pro domiciliis utuntur: nisi quod aliquando exigua tabernacula tendant. longe vero lateque vagantur, modo campos, modo editiora loca, modo valles, ut ratio temporis & pabuli postulat, persequentes. Videor mihi deprehendisse in ea regione aves nonnullas nobis invisas adeoque incognitas: inter alias, genus est anatum, quod non immerito quis inter cornicines retulerit; ita voce cornuum sonitum imitantur, quæ inflare solent per dispositos equos iter facientium duces. Est ea avis, quamvis inermis, audax & strenua: quam etiam malos dæmones terrere Turcis persuasum est: certe libertatis adeo retinens, ut etiam per totum triennium in corte nutrita, facultatem nacta, libertatem saginæ anteponat, sedesque naturales & suetos alveos volatu reperat. Ex Chiausada venimus in Karaly; ex hoc in Hazdengri, deinde in Mazotthoy; ex Mazotthoy transmissio Sangaria fluvio, qui defluit in Pontum ex Phrygia, venimus in Mahathli; ex eo in Zugli; inde

inde Chilancyck : ex Chilancyck in Ialanchich ; ex Ialanchich in Potughin : inde attigimus Ancyram, quam Turcæ *Angur* vocant. Ancyræ mansimus unam diem. in magnis caloribus parum properabamus : nec causæ esse credebant Turcæ , cur amplius festinarem. morante adhuc oratore Regis Persarum ; cum quo nos eodem fere tempore volebant venire Amasiam. In tot pagis, quot supra nominavimus , nihil admodum videmus admiratione dignum ; nisi quod inter sepulchra Turcarum nonnunquam incidimus in columnas aut lapides antiquos ex egregio marmore , in quibus inscriptionum Romanarum aut Græcarum extabant vestigia ; sed ita mutila , ut legi nequirent. nam in eo quidem omnis oblectatio mea consumebatur, cum attigeram hospitium , quod vel inscriptiones antiquas, vel numismata Romana aut Græca, vel certe rariores plantas inquirebam. Solent vero Turcæ procul comportatis ingentibus saxi sepulchra suorum, alioqui inania, nulla injecta terra, tegere ; ea quidem de causa, ut malo dæmone accusante & rationem vitæ à mortuo exigente (nam ita credunt) defendente vero bono Genio , locus sit ubi mortuus sedere, & se causæ commodius dicendæ possit erigere. idcirco vero gravis lapis injicitur , ut tutiora sint cadavera à canum , luporum , reliquarumque bestiarum injuriis : in quibus inprimis est Hyæna, regionibus iis satis frequens ; illa sepulchra suffodit, extrahitque cadavera , portatque ad suam speluncam ; juxta quam videre est ingentem cumulum ossium humanorum, veterinariorum, & reliquorum omne genus animalium. Bestia est hyæna lupo aliquanto humilior, sed nihilo brevior : pellem habet lupi similem, nisi quod pilo sit horridiore & grandibus maculis nigris distinguatur ; caput ei spinæ dorsi contiguum, sine ullis vertebrais : ut cum respicere velit, totam se vertere necesse habeat. pro dentibus os habere dicunt continuum. In amatoris ei

vim

vim magnam Turcz. ut etiam veteres, tribuunt. cumque essent dux eo tempore Constantinopoli, mihi tamen vendere gravabantur, quod se Sultanz. hoc est, principis uxori, eas reservare dicerent; quippe quas philtis & magicis artibus animum mariti retinere, recepta in vulgus (ut dixi) opinio est. fallitur vero Bellonus, qui hyznam putat, quem Cartum sive selem Zibettum vocant. Iam ride quantum lubet, si unquam risisti. fabulam audies, quam ex ore populi referam. Aiunt hyznam, quam ipsi *Zivilan* vocant, sermonem intelligere humanum (veteres etiam imitari dixerunt) proptereaque à venatoribus hunc in modum capi, accedunt ad ejus cavernam, quam ex ossium (ut dixi) cumulo deprehendi facile est. subit unus cum fune: cujus partem extremam sociis tenendam foris relinquit; ipse identidem pronuntians, *Ioſtur Ioſtur ucala*, illam se non reperire, illam non adesse, introrepat. at hyzna, quæ se latere nesciri-que ex ejus sermone putat, manet immota, donec sibi crus fune vinciatur; subinde venatore illam non adesse clamitante. deinde cum iisdem verbis retrocedit. sed ubi jam ex spelunca evasit, repente clamore magno hyznam intus esse pronuntiat; quo illa intellecto, vehementi impetu, ut fugam capiat, nequicquam profilit, venatoribus per funem, quo crus ei implicatum diximus, retinentibus. sic eam vel occidi, vel adhibita industria narrant, vivam capi. nam animal sævum est, & quod se impigre defendat. sed de hyzna satis. Veterum numismatum ibidem magnam passim copiam reperiebamus, præsertim posteriorum Imperatorum; Constantinorum, Constantium, Iustinorum, Valentium, Valentinorum, Numerianorum, Proborum, Tacitorum, & id genus similium: quibus multis in locis Turcz pro ponderibus utebantur, nimirum unius drachmæ vel dimidiæ; vocant *Giaur manguri*: ac si dicas, nummos paganorum sive infidelium. Præterea multa
erant

erant vicinarum Afiz civitatum Amyſi, Synopis, Cumanorum, Amaſtris; & ipſius denique Amaſiz quòtendebamus nonnulla. in quo faber quidam ærarius mihi magnopere movit ſtomachum, à quo cum numiſmata requireremus, ingentem ſe aulam paucis ante diebus plenam habuiſſe narrabat; ex quibus lebetes æneos aliquot conſiſſet, quod nulum eorum aut uſum aut pretium putaret eſſe: ſane magno mihi erat dolori, tantum periſſe antiquitatis. ſed ego illum ita ultus ſum, ut dicerem, me centum aureos pro iis ſuperſeſſent modo, numeraturum. ſic illum non minus amiſſo eo è faucibus holo riſtem à me dimiſi quam ille me ea vetuſtatis jactura commoverat. Plantarum quidem, qua iter faciebamus, nobis incognitarum non maxima copia occurrebat. plerzque eadem erant cum noſtratis: niſi quod pro ratione ſoli lætius aut malignius proveniebant Amomum, quod Dioſcorides etiam in Ponto naſci ſcribit, nequicquam magno ſtudio requeſivimus: ut neſciam ſtirpsne ea interierit an ſolum verterit. Ancyram venimus, manſione à Conſtantinopoli XIX. Eſt id oppidum Galatiæ, Gallorum aliquando ſedes, Teſtoſagum Plinio, & Straboni non ignotum: quamquam illud fortaſſe, quod nunc exſtat, veteris oppidi pars tantum fuerit. Canones *Anquiram* vocant, hic pulcherrimam vidimus inſcriptionem; & tabularum illarum quibus indicem rerum à ſe geſtarum complexus eſt Auguſtus, exemplum. id, quatenus legi potuit, per noſtros homines tranſcribendum curavimus. exſtat inciſum ædificii, quod olim fortaſſe prætorium fuerat, diruti & recto carentis marmoreis parietibus, ita ut dimidia pars intrantibus ad dextram, dimidia ad ſiniſtram occurrat. ſuprema capita fere integra ſunt: media lacunis laborare incipiunt: infima vero clavarum & ſecurum ictibus ita lacerata, ut legi non poſſint. quod ſane rei literariæ non mediocriter damnum, eſt à doctis merito deplorandum: idque eo magis quod urbem illam

ab Afiz communitate Augusto dicatam fuisse constet. hic etiam spectavimus, quemadmodum & tingeretur, & affusa aqua vi preli undas illas acciperet, à quibus & nomen habet & commendatur, pannus illic cymatilis, è lana caprarum, de quibus dixi, contextus: is optimus & prastantissimus habebatur, qui latissimarum undarum vestigia receperat, constanterque referebat. quod si qua parte undæ minores disparesque intercurrerent, quamvis idem color & eadem esset materia, tamen aliquot aureis, propter vitium, minoris æstimabatur. eo fere panno honestior inter Turcas senectus ornatur: neque vero Suleimannus in alio vestitu magis spectari se gaudeat, quam cymatili; eoque viridi; colore nostris moribus ab ea ætate alieno; sed eum Turcis commendat religio, prophetaque eorum Mahumet, cui is etiam ætate senecta usitatus & familiaris fuit. Niger apud eos color vilis infaususque habetur: itaque apparere ibi aliquem in veste nigra, fœdi scævique ominis est; adeo ut aliquando Bassæ nos cum veste nigra ad se accedere & mirarentur, & serio conquererentur: nec quisquam ibi eum nigro vestitu in publicum, nisi ærumnosus, prodire, quem vel insignis paupertas vel gravis aliqua calamitas premar. Color purpureus egregius quidem, sed cædis belli tempore nuntius. auspiciores, albus, luteus, cæruleus, ianthinus, murinus, cæterique. Nam Turcæ quidem non parum auguriis ominibusque tribuunt. Constat aliquando amotos ab officio Bassas propter equi lapsum; ac si magni alicujus infortunii id portentum esset, quod abrogatione officii, à publica calamitate in caput privatum averruncaretur. Ancyra venimus in pagum Balygazar; hinc in Zarekust; mox in Zermec Zii; inde venimus ad ripam fluvii Halys. in pagum Algeos transeuntibus per hæc loca procul videbantur Synopi propinqui montes; rubricæ, quæ ab ea nomen habet, colorem

referentes. hic est ille *Halys*, terminus olim re-
 gnorum Medi & Lydorum, de quo verus fuit ora-
 culum, fore ut eum transgressus Cræsus bellum
 Persis moturus maximum imperium everteret, sed
 (quod eum sefellit) suum. Erat ad ejus ripam
 silvula, quam primo, ut ignoti fruticis, mirati
 sumus, sed moxprehendimus glycyrrhizam
 esse, cujus radicum succo nos assatim explevi-
 mus. adstabat forte ibidem homo rusticanus: ex
 quo per interpretem quæsiimus, num is fluvius
 piscibus abundaret, & quemadmodum caperen-
 tur. respondit ille, piscium esse satis, sed capi non
 posse. cumque id miraremur; Si quis, inquit, ma-
 num injicere conetur, ille se proripiunt, neque ca-
 pantem expectant. & jam ante cum in aves nobis
 incognitas incidissemus, eaque de causa, quomodo
 capi possent, interrogassemus, alius nescio quis ca-
 pi negavit; quod avolarent si quis capere conare-
 tur. Habebat alter è meis collegis Franciscus Zay-
 retia, quæ mox ad piscationem expediri jussit, ca-
 pti cum alii pisces, tum frequens Danubio silurus:
 multi præterea in eo flumine cancri marini, aut
 certe marinis perquam similes Turcæ qui aderant,
 tantam Christianorum industriam satis nequibant
 mirari. Quid ergo? inquires; nulline sunt in Turcia
 piscatores? sunt sane: sed in illis locis oppido
 quam pauci. ac memini alio loco magno cachin-
 no rideri nos, cum pisciculos, quos vulgo fundu-
 los vocant, deducto rivo captaremus: quid enim
 tam minutum piscem sectaremus? quem usum aut
 fructum ex eo speraremus? neque fatui animad-
 vertebant, ex magna horum pisciculorum copia
 ingentes nobis struices patinarias concionari,
 quæ multis hominibus satiandis suppetere-
 rent. sed ea est eorum frugalitas, gulæ minime studentium:
 quibus si sal sit & panis, alliumque aut cœpa aut a-
 cidi lactis genus, Galeno non ignoti, quod ipse
Oxygalan, isti *Iugurtham* dicunt, nihil requirant
 præterea. Lac illud diluunt aqua frigidissima, pa-
 nemque

nemque interunt; eoque utuntur in magno æstu & siti. cujus sane utilitatem nos quoque in magnis caloribus sæpe experti sumus. cibus is cum palato & ventriculo gratissimus est, tum ad extinguendam vehementiorem sitim vim habet admirabilem. magna ejus copia passim venalis est, ubicunque sunt *Caravasciarai*, hoc est (ut dixi) Turcarum diversoria, quemadmodum & aliorum obsoniorum. nam Turcæ calentes cibos aut carnes, dum peregrinantur, non desiderant. obsonia sunt ista; oxygala, caseus, siccata pruna, pyra. persica, cydonia, ficus, uvæ passæ, corna: hæc omnia exponuntur in magnis fictilibus scutellis, ex aqua pura cocta; unusquisque, quod magis arriserit, sibi comparat, vesciturque illis fructibus cum pane pro obsonio. quibus absumptis, aquam, quæ superest, vertit in potum. Sic illis minimo impendio cibus & potus constant; adeo ut affirmare auserim, unum aliquem nostratem majorem sumptum in cibos facere uno die, quam Turca faciat duodecim. quinimo solennes eorum epulæ fere non sunt nisi ex libis, placentis, & reliquis dulciariis; item orizæ multis ferculis. huc caro vervecina & gallinæ accedunt. nam capus, animal adhuc ignotum est Turcis. Phasianorum vero, turdorum, ficedularum, & similibus, ne auditum quidem nomen. ad aquam, quam bibunt, si mel aut saccharum admisceatur, Iovi non invident suum nectar. Unum tamen potionis genus, ne quid indictum relinquam, non præterierim. capiunt uvam passam, eam mola subigendam curant; ita subactam & contritam injiciunt in vas ligneum; deinde superfundunt certam portionem calentis aquæ; miscentque, & recto diligenter vase patiuntur fervere uno atque altero die, quod si remissius quam opus sit ferveat, adjiciunt vini fecem. primo ubi fervere cœperit, si gustes, insipidum quiddam & nimia dulcedine odiosum videatur: postea

accedit nonnihil acidī saporis, quod dulci mirum vehementer palato blanditur. itaque tribus aut quatuor diebus ea potio est gratissima, præsertim ubi multa nive, quæ Constantinopoli nullo tempore desit, fuerit refrigerata, *Arab sorbet* vocant, hoc est, potionem Arabicam. sed ea diutius servari non potest; mox enim plane acescit, tentat caput, pedesque non minus quam vinum; ideoque Turcarum religione damnatur: hoc genus potus fateor mihi non displicuisse, quemadmodum etiam mire me nonnunquam refecit uva, quam multis locis in æstatem servant. ejus vero, ut ex ipsis audiui, hæc est ratio conservandæ: Accipiunt uvam grandioribus acinis, bene maturam (quod ab illius regionis sole facile præstari potest) illam collocant in vase ligneo sive fictili, substrato prius in fundo vasis multo semine sinapi molito; cui uvas imponunt; stipantque conspersas subinde eadem sinapi farina: postremo uva ad oram vasis ita perducta, injiciunt mustum quam recentissimum, implentque; ac postremo claudunt. atque ita manere patiuntur donec tempus anni sitim adducat, siccitatisque & caloris remedia poscat; tunc vas relinunt; uvamque proponunt venalem, una cum jure. neque vero minus eo delectantur Turcæ quam ipsa uva. mihi sapor ille sinapi placere non poterat: itaque curabam diligenter eluendam uvam; utebarque in magnis caloribus summa cum jucunditate & fructu. Præposteri Ægyptii hortorum suorum olera, quorum beneficium senserant, pro deis adorabant: ne mirare, si ego illa quæ mihi profuerunt, grata memoria apud te celebros. Sed tempus in viam monet redire. A ripa fluminis Halys (Turcis *Aitoez* dici puto) venimus ad Goukurthoy; inde Choron; post in Theke Thioi, hic multa didicimus à monachis Turcicis, quos *Dervis* vocant, qui eo loco insignem habent ædem. de heroe quodam Chederle, summa corporis atque animi

for-

fortitudine , quem eundem fuisse cum nostro D. Georgio fabulantur , eademque illi ascribunt quæ huic nostri ; nimirum vasti & horrendi draconis eade servasse expositam virginem. Ad hæc alia adjiciunt multa , & quæ libitum est , comminiscuntur ; illum per longinquas oras peregrinati solitum , ad fluvium postremo pervenisse , cujus aquæ bibentibus præstarent immortalitatem. qui quidem fluvius in qua parte terrarum sit , non dicunt ; nisi si fortassis in Utopia collocari debet : tantum affirmant illum magnis tenebris multaque caligine obductum latere ; neque cuiquam mortalium post Chederlem , uti illum videret , contigisse : Chederlem vero ipsum mortis legibus solutum huc illuc in equo præstantissimo , qui similiter ejusdem aquæ hauritu mortalitatem exuerit , divagari ; gaudentem præliis , adesse in bello mellioribus , aut iis qui ejus opem imploraverint , cujuscunque tandem sint religionis. quæ cum sint ridicula , tum istud magis majorem risum miretur , illum fuisse unum de comitibus & amicis Alexandri magni. Nullam habent Turcæ temporum neque ætatem rationem ; mireque historias omnes miscent & confundunt : cum iis in mentem veniet , non verebuntur affirmare , Regis Salomonis magistrum curiæ fuisse lobum ; ejus exercitus præfectum Alexandrum Magnum ; aut his etiam absurdiora. Est in ea *Moschea* (sic Turcæ vocant sua delubra) fons aquæ purissimæ , eximio marmore constructus : hunc credi volunt initium duxisse ex Chederlis equi lotio , quod in eo loco profuderit. narrant præterea multa de Chederlis comitibus , de stabulario ejus , deque nepote ex sorore , quorum sepulchra vicinis locis ostendunt : ubi multa quotidie opem illorum invocantibus divinitus beneficia conferri persuadere nobis conabantur. quinimo ramenta lapidum & terram ipsam , ubi constit erat Chederles , dum præstolaretur dra-

coni, in potu sumptam adversus febrem doloremque capitis & oculorum prodesse eadem superstitione commemorabant. Sunt autem omnia ea loca draconum viperarumque plena; ita ut nonnulla, adultis caloribus, propter multitudinem apricantium ferarum, hominibus inaccessa sint. Ne hoc quidem prætermittam, Turcas magno cum risu spectare in Græcorum templis 1). Georgium, quem (ut dixi) suum Chederlem esse volunt, ita in tabellis depictum, ut illi puer ex equi clunibus, in quibus post dominum sedet, vinum misceat ac ministret: hoc enim habitu passim divus Georgius à Græcis pingitur. Sed jam prope est ut ex longo itinere conquiescamus: ab hoc loco mansio una tantum interfuit, nimirum Baglison, ut veniremus Amasiam. quam quidem attingimus trigésimo die postquam discesseramus Constantinopoli, Aprilis septima: venientibus aliquot occurrerunt Turcæ, qui gratularentur adventum, & honoris causa deducerent. Amasia urbs fere præcipua est Capadociæ: præfectusque ejus provinciæ ibi jus dicere, & stativa castra habere solet. sed nescio quid infaustum ea sedes jam a Bajazetis temporibus habere visa est, & nunc miserabilis Mustaphæ casus comprobavit. Strabo eam patriam sibi fuisse scribit. jacet sub adversis collibus ad utramque transfluentis Iridis ripam (nam is urbem mediam secat) sic ut fere tanquam ex theatri gradibus undique ex locis declivibus despectus in flumen, unaque pars alteri tota pateat & conspicua sit. collibus quidem ita cingitur, ut una tantum via curribus aut jumentis aditum & exitum præbeat. Qua nocte eo venimus, magnum fuit incendium; quod Gianizari suo more vicinarum ædium ruina extinxerunt. optanda certe Turcicis militibus sunt incendia: nam cum eorum opera, nec fere nisi contiguarum ædium (ut dixi) ruina restinguantur; non modo, quorum domus conflagravit, bona

na rapiunt, verum & contiguarum : itaque illi ipsi sæpe ignem occulte subjiciunt, ut furti occasio nascatur. quemadmodum, cum essem Constantinopoli, fieri memini. nam pluribus ortis incendiis, cum satis constaret ea non esse fortuita, neque tamen auctores. deprehenderentur, vulgo in exploratores Persicos culpa conferebatur: sed tandem diligentiore habito examine socios navales, qui erant eo in portu, suscitasse comperitum est, ut obtentu incendii furandi occasionem haberent. In colle, qui editissimus Amasiz imminet, arx est non contemnenda; quæ perpetuo præsidio Turcico tenetur, seu contra Asiz populos imperio Turcarum non nimis æquos (ut dicam postea) seu contra Persam, qui huc usque excursions aliquando fecit, intervallo sane maximo. in eo colle sunt non pauca veterum monumentorum vestigia, fortassis ipsorum Cappadociæ regum. Cæterum nec domus nec plateæ Amasiz pulchritudine ulla visendæ sunt. domus ex argilla, eadem fere ratione, qua in Hispania, ædificatur. quinimo ipsum domus tectum argilla-ceum planum est & sine ullo fastigio. columnæ alicujus veteris fragmentum habent pro cylindro, quo huc illuc impulsio, si quid in tecto pluvia vel vento inxatum est, denuo stipetur æqueturque. in iis tectis incolæ, tempore æstatis, sub dio somnum capiunt. pluvix in locis nec magnæ nec frequentes: sed tamen, si quando sunt, stillante passim ex tectis luto, prætereuntium vestes sordibus valde contaminantur. Vidi ibi in vicinia nostra juvenem quendam Satrapem, more veterum de lecto cœnantem. Venimus Amasiam, ad supremum Bassam Achmat reliquosque salutatim ducti sumus. nam princeps ipse aberat; egimusque de mandatis quæ habebamus à Cæsare; Bassis, ne causæ nostræ statim viderentur iniquiores, haud admodum adversantibus, & totam rem ad principis sui voluntatem

reijicientibus. qui postquam venit, sumus ad eum introducti. sed ille nec orationem, nec rationes nostras, nec mandata animo aut fronte satis benigna suscepit. sedebat ipse in solio perquam humili, ab humo haud altiore uno pedes erat illud illustratum pretiosissima plurimaque veste stragula, pulvinisque exquisito opere elaboratis. juxta erant arcus & sagittæ. frons (ut dixi) minime læta, tristisque in vultu, sed tamen plena majestatis severitas. singuli, ut ingressi sumus, ad eum à cubiculariis ejus deducti sumus, brachia nostra tenentibus: ita enim fert eorum consuetudo ab eo tempore, quo Croata quidam, in vindictam domini sui interfecti Marci Despotæ Servæ, petito colloquio Amuratem occidit. posteaque veluti deosculata ejus manu, ad parietem oppositum cecidimus ita sumus reducti, ne illi tergum aut ullam posterioris corporis partem obverteremus. tunc ea me, quæ volui, dicentem audivit. sed cum expectationi ejus non responderent (erant enim Cæs. Majestatis postulata plena dignitatis & libertatis; ideoque ab eo, qui sibi nihil negari debere putabat, minus æquis auribus accipiebantur) veluti fastidians, nihil aliud respondit, quam *Ginsel, Ginsel*; hoc est, pulchre, pulchre. ita sumus domum dimissi. Erat ejus aula perquam frequens. aderant magnis muneribus præpositi multi: aderant prætoriani equites omnes Sphai, Garipigi, Ulufagi, Gianizarorum magnus numerus; sed nullus in tanto conventu nobilis, nisi ex suis virtutibus & fortibus factis. Natalibus nemo à reliquis distinguitur: honos cuique pro muneris & officii, quod administrat, ratione defertur: nullum ibi de loco certamen; muneris genus, quo fungitur, suum cuique locum assignat. munera vero & officia princeps ipse distribuit: in quo non divitias, non fumum nobilitatis pendit, non gratiam cujusquam aut multitudinis judicium moratur, sed merita
consi-

considerat, sed mores ingeniumque atque indolem intuetur: ex sua virtute unusquisque ornatur. Ita muneribus, qui sunt ad ea obeunda idonei, præficiuntur. suos ibi quisque natales, suam fortunam, quam fingat pro arbitrio, in manu habet. qui rerum primas à principe tenent, fere sunt pastorum aut bubulcorum filii: de quo, tantum abest ut eos pudeat, etiam inter se gloriantur; eoque plus sibi tribuunt, quo minus maioribus aut natalium fortunæ debent. neque enim aut nasci aut propagari traduce virtutem, putant: sed partim à Deo dari, partim bona disciplina multoque labore & studio comparari: utque paternam artem nullam, non musicam, non arithmeticam, non geometriam, sic nec virtutem ad filium aut heredem transire: nec animum ex semine paterno suscitari, ut filium patris similem nasci necesse sit; sed cœlitus in corpus infundi credunt. sic ea in gente dignitates, honores magistratus, virtutum & meritorum præmia sunt: improbitas, ignavia, inertia, nullo honore pensantur, jacent contemnanturque. Ergo illi rebus gestis florent, dominantur, imperii fines quotidie proferunt. Apud nos aliis vivitur moribus: virtuti nihil est relictum loci; omnia natalibus deferuntur; opinione natalium omnes honoris aditus occupantur. sed de his rebus alias fortasse plura: & hæc ipsa soli tibi dicta existimaſco. Nunc ades, & mecum maximam multitudinem turbinatorum capitum spectata, multis candidissimæ bombycinæ telæ spiris involutorum, nitidissimum ex omni genere & colore vestitum, fulgentia omnia auro, argento, purpura, serico & holoserico. longum esset omnia persequi: nec tamen liceret spectaculi novitatem dicendo consequi. nihil unquam vidi, quod jucundius oculis occurreret. In tanto tamen luxu, magna simplicitas & parsimonia: vestium omnium ejusque ordinis una forma: nihil limborum, nihil nugarum, ut apud nos solet, assuitur; quod

magno constat, & triduo deteritur. pulcherrimæ illie vestes sericæ, holosericæ, vel adeo palmatæ, quibus utuntur plurimis. manupretium est datus. illi nostram vestiendi rationem non minus mirabantur, quam nos illorum. Vestitu utuntur prolixo & fere ad talos demisso: qui ut est honestior, ita proceritatem eis conciliare videtur. vestitus contra noster adeo curtus & brevis, ut eas partes aperiat, quas natura latere voluit; eaque se parum decorus; huc accedit quod, nescio qua ratione, demere aliquid de statura, & brevitate addere videtur. Inprimis vero in tanta multitudine, silentium & modestia non medio-crem mihi laudem mereri videbantur. nullæ ibi voces, nullum murmur, quale incompositæ multitudinis esse solet, nulla concursatio: summa quiete quisque sui ordinis locum tuebatur. sedebant summa capita, quæ ipsi *Agæ* vocant, præfecti, chiliarchæ, tribuni, centuriones; reliquum vulgus stabat. digna erant præcipue quæ spectarentur, aliquot Gianizarorum millia; qui longo ordine sejuncti à reliquis tam immoti stabant, ut me diu iudicii incertum redderent hominesque essent an statux; aberant enim aliquanto à me longius: donec, ut eos salutarem, sicuti mos est, admonitus, simul omnes, ut salutem redderent, capita inclinantes viderem. Postquam inde sumus digressi, magna denuo cum voluptate spectavimus equitem prætorianum, domum redeuntem, in equis non pulcherrimis tantum & præstantissimis, sed etiam egregie cultis & ornatis. Ita nos quidem cum exigua spe quicquam eorum, quæ postulabamus, obtinendi discessimus. Venerat Maii decima orator Persicus, secumque attulerat multa & præclara munera, peristromata melioris notæ, tentoria Babylonica, variis intus coloribus acudepicta, phaleras & ephippia exquisiti operis, gemmis ornatos à Damasco acinaces, & mira elegantia clypeos. sed omnia superabat Alcora-

nus; qui liber continet eorum ceremonias legesque, quas divino instinctu afflatum Mahumetem tulisse credi volunt: cujusmodi munus magno est apud eos in honore. Persarum oratori pax illico data; quo nobis, quibuscum plus futurum videbatur negotii, major cura injiceretur. Erga ipsum vero oratorem nullum honoris genus pratermissum, ut nos de veritate pacis minus dubitaremus. Cæteroqui (ut dixi ante) in utramque partem Turcæ solent esse immodici, siue honorem amicis deferant, siue hostes per contumeliam dedignantur. Halli Bassa Visiriorum secundus, Persis prandium dedit in hortis; quem in locum, quanquam à nobis interposito fluvio satis longe distitum, tamen prospectu penetrare poteramus. ita enim loci situs declivitasque ferebat, ut dixi, ut nullus esset fere ea in urbe locus, quo non ultero citroque conspectus pateret. Est vero Halli Bassa natione Dalmata, vir eleganti ingenio, & (quod in Turcæ mirandum) in quo nihil desideres humanitatis. Sub velo mensam inumbrante Bassæ una cum oratore accubuerant. mensæ ministrabant centum juvenes, pari eodemque omnes vestitu, epulasque hoc ordine mensæ inferebant. Procedeant primum paribus distantes spatiis ad mensam usque ubi accumbebant convivæ, vacuis manibus, quo nihil salutationem impediret, quæ positis super femora manibus flexisque in terram capitibus fiebat. qua salutatione perfuncti, qui culinæ proximus constiterat, acceptas lances proximo tradebat; ille tertio; tertius quarto; ac sic deinceps; donec ad eum pervenirent, qui stabat mensæ proximus, de cujus manu acceptas architriclinus mensæ apponebat. sic centum aut eo plura fercula sine tumultu in mensam (ut ita dicam) influebant. quo facto juvenes illi convivas denuo venerati eodem quo venerant ordine regrediebantur: nisi quod, qui ultimi fuerant, in recessu primum locum

tent-

tenerent; & qui mensæ proximi steterant, nunc ipsum agmen clauderent. eadem ratione reliqua etiam in mensam inferebantur. adeo Turcis, vel ubi parvi refert, ordinem esse placet, quem nos in rebus quantumvis gravibus negligimus. haud longissime ab oratoris mensa ejus comites Turczque epulabantur. Pace (ut dixi) cum Persis confirmata, nihil nos, quod quidem æquitatis speciem haberet, à Turcis potuimus impetrare. tantum de semestribus induciis, dum deferri responsum referrique posset, inter nos convenit. Veneram ordinarii oratoris loco futurus: sed cum nihil etiamnum esset de pace confectum, visum est Bassis, ut cum litteris Suleimanni ad Regem meum abirem; ad quas, si ei videretur, responsum referrem. Ita denuo ad principem introducor; injiciuntur mihi palmatae duæ, amplæ, talaræ, quibus vix par eram ferendis. meis quoque famulis omnibus donantur diversi coloris vestes sericæ, quibus induci me comitabantur. procedo cum hac pompa, veluti Agamemnonem aut similem aliquem in Tragœdia acturus; & principem, acceptis ejus litteris, panno aureo testis & obsignatis, valere jubeo. ex famulis quoque honestiores salutatum ad eum admissi. postremo Bassis similiter salutatis, discedo Amasia una cum collegis postridie Kal. Iunias. Mos quidem est, ut discessuris oratoribus prandium in Divano (sic illi vocant locum ubi Bassæ jus dicunt) præbeat; sed amicis nostræ res nondum erant pacatæ. De Suleimanno fortasse, qualis mihi visus sit, requires. Ætate jam est ingravescente; oris dignitate totiusque corporis habitu tanta imperii magnitudine digno; frugi & temperans semper habitus; etiam cum peritatem Turcarum instituto peccare, citra reprehensionem posset. nam ne in adolescentia quidem aut vino se deditit, aut fœdis puerorum amoribus indulgit; quæ fere Turcarum delicta sunt. nec quicquam illi etiam ab iniquioribus ob-

objici gravius potest, præter animum nimis uxorium, ac proinde in morte Mustaphæ fortassis etiam incautiorem; quod vulgo poculis amatoriiis & incantationibus imputabatur uxoris; quam quidem posteaquam in justæ uxoris locum duxit, satis constat nullam eum postea pellicem, tametsi per leges nihil prohiberetur, attigisse. Religionis ceremoniarumque suarum custos severissimus, nec minus illarum, quam imperii propagandi, cupidus. proxtare (nam ad sexagesimum annum jam accedit) satis integra utitur valetudine: nisi quod coloris vitium, latentis alicujus mali indicium est. ulcus immedicabile sive gangrænam in crure esse in vulgus creditum est. sed ille coloris, quod dixi, vitium fuco inductoque genis purpurisso corrigit, quoties oratores cum magna bonæ valetudinis suæ opinionone vult dimissos. quod quidem eo pertinere putat, ut eum externi principes valentem & robustum magis reformident. cujus etiam rei non obscura indicia tum deprehendi. neque enim cum parum diverso vultu abeuntem me dimisit, ab eo quo venientem exceperat. In summis Junii caloribus itineri nos dedimus: quos cum non ferrem, statim in febrem incidi, remissam quidem & lentam, tamen continuam: ad quam capitis gravedo & catarrhus adjungebatur. ea me Constantinopolim usque persecuta est. Eodem die, quo nos discessimus, orator quoque Persicus Amasiam reliquit, eadem via profectus. una enim est (ut dixi) qua sit aditus atque exitus ex ea urbe; asperitate circumjectorum collium à reliquis partibus itineris commoditatem excludente. sed ea via mox in duas scinditur: quarum una in orientem ducit, quam Persæ; altera in occidentem, quam nos tenuimus. Amasia egressis videre erat passim circumcirca per latos campos explicata Turcarum castra multis referta tentoriis. Hic non puto mihi faciendum, ut narrando reditu pluribus te morer; cum fere per eadem loca easdemque mansiones reditus fuerit, per

per quas fuerat accessus : nisi quod aliquanto celerius redierimus, arque aliquot dierum itinera duplicaverimus. Itaque venimus Constantinopolim die Junii vigesimaquarta. quod iter quam mihi grave acciderit febre continua laboranti, tibi cogitandum relinquo. extenuatissimus redii : posterius tamen quietem nactus, auxilio balneorum tepentis aque, quibus auctore medico meo Quaelbeno sum usus, facile vires amissas recuperavi. idem me è balneo exeuntem frigida perfundebat : quæ res etsi erat molesta, tamen magnopere juvabat. Dum essem adhuc Constantinopoli, quidam è castris Turcicis reversus narravit (nec me pigebit adscribere, quod magno argumento sit quam populi illi Asiatici religionem imperiumque Othomannorum gravate ferant) redeuntem Suleimannum usum fuisse hospitio hominis cujusdam Asiatici, inque illius domo pernoctasse; at illum, ubi princeps migrasset, lustralibus aquis multoque suffitu, & certo ceremoniarum ritu, domum suam ut pollutam & contaminatam contagione talis hospitis expiassent. quod ubi Suleimanno innotuisset, jussisse hominem interfici, domumque solo æquari. sic ille magnas aversi à Turcis propensionisque in Persas studii pœnas dedit. Constantinopoli ad quatuordecim circiter dies moratus, dum me reficio, iter ingredior Viennam; sed initio, ut dicam, non satis auspicato. Egresso Constantinopoli statim occurrerunt plaustra puerorum puellarumque, quæ ex Hungaria Constantinopolim venales ducebantur. quo genere mercis nullum frequentius. neque aliter quam Antverpia exeuntibus variaz mercium sarcinæ solent occurrere. nobis subinde obviam fiebant omne genus misera mancipia Christiana, quæ in diram servitutem abducebantur; juvenes, provectioresque ætatis homines gregatim agebantur; aut ita catena illigati, quemadmodum apud nos venales equi, longo ordine trahebantur. Quæ cum viderem, vix lacrymas tenebam,

bam, & infelicem populi Christiani conditionem miserabar. Hoc si satis non est, ut inauspicato iter ingressus videar, accipe aliud. Commendarant mihi collegæ quosdam de suo comitatu, longioris in Turcia moræ impatientes, ut eos mecum reducerem: cum his ergo bidui iter progressus, video qui inter eos erat caput, quemque ab officii nomine Veivodam vocabant, ferri in curru, ægrotum nudato pede, in quo pestilentem anthracem habebat, doloris allevationem hæc ratione quærens. ea res nos omnes quidem vehementer commovit, verentes ne hic morbus, ut solet, latius serperet. neque diutius cum hoc morbo est conflictatus, quã dum Hadrianopolim, quæ non longe aberat, veniremus; quo ex loco migravit ad plures. Ecce hic aliud ex alio malũ. reliqui Hũgari in mortui exuvias involat: alius caligas, alius thoracem, alius, ne quid periret, interulam, alius linteamina arripit: neq. prohiberi possunt, quin se nobiscum una in apertissimum periculum conjiciant. circumcursabat medicus, perque Deum obtestabatur, ne illa tangerent, ex quorum contagio certum paratũ esset exitium. sed surdis canebar. ergo altero, quã Hadrianapoli discesseramus, die illi iidem frequentes medicum meum circumstiterẽ; adversus capitis dolorem totiusque corporis gravitatem cum animi quadam tristitia & dejectione conjunctam remedium petere; pestis esse initia suspicari. hic medicus, non se frustra monuisse; habere eos quod tantopere expetivissent; nolle quidẽ iis deesse: sed quã facultatẽ rebus omnibus necessariis in itinere distituto dari? eo ipso die cum ambulatũ, uti mos meus erat, simul ac in hospitium venerã. si quid forte dignũ cognitu reperirẽ. prodissimus, in prato quodã herba incognita sese mihi offerebat; ex qua folia decerpta cũ naribus admovissẽ, odorẽq; alii percepissẽ, medico, si forte cognosceret, in manus dabam: quam ille diligentius inspectam Scordion esse pronunciat; sublatissq; in cœlũ manibus Deo gratias agit, quod nobis remedium
tam

tam opportuno adversus pestem subvenisset: dehinc vim magnam colligit, eamque in grandem ollam conjicit, ignique admovet ut decoquatur: Hungaros bono animo esse jubet, atque in eos decoctum hoc partitur; ut jam cubitum iturū bene calens cum terra Lemnia electuarioque diascordii sumant; monerque ne somnum ante capiant, quam sudorem multum sudarint. qua re observata, illi postridie redeunt, sibi que melius esse narrant; eandem potionem denuo flagitant: qua hausta plane convalescunt. sic nos Dei benignitate tetræ illius luis metum effugimus. Sed ne sic quidem, quod erat itineris reliquum, sine incommodo conficere potuimus. Transmissis jam Thracibus & Bulgaris, qui in Nissam extenduntur; item servianis, quia Nissa Simandriam usque pertinent, ubi Ratziani incipiunt, perveneramus Belgradum, per æstum & calores intensissimos; Leone nimirum & Canicula furentibus. offertur nobis eo in loco, die quo nobis piscibus vesci statum erat, ingens optimorum piscium copia: inter quos erant magna proceritate plurimoque abdomine cyprini, in Danubio (quod genus maxime commendatur) capti: quibus dum mei avidius sese inferciunt, sive ea causa fuerit sive occasio, complures in febrem incidunt. ea omnis piscium copia quæ satiandis XL hominibus satis fuit, dimidiati toleri pretio constitit. sic reliquæ fere res parvo veneunt. scæni imprimis nullum pretium: sumere cuique licet è plenis campis, quantum velit; secandi modo labor & vectura imputantur. quo magis admirati sumus, eum Savum trajecimus, priscorum Hungarorum judicium, qui Pannoniam, felix omnium rerum copia domicilium, sibi delegerunt. Magnum spatium terrarum emensi eramus, cum trans mare tum cirra, quo tamen nihil præter torridum & exile & tantum non ariditate enectum gramen, ordeum, avenam tricitumque videramus. at Hungariam ingressis ea altitudine gramen fuit, ut præcedentem

currum

currum sæpe posterior non videret. quæ res magno erat argumento bonitatis soli. à Samandria (ut dixi) Ratziani incipiunt, pertinentque ad Dravum fluvium: genus hominum bibulum, nec, ut putant, satis fidum; qui aut unde nomen, aut originem traxerint, mihi incompertum; plenam certe studii voluntatem nobis ostendebant. per eorum aliquot ignobilia loca venimus Essek sæpe magna ex parte luxu inducta clausum, nobile clade Katzianensi & nostri exercitus internecione oppidulum, hic me corripuit febris tertiana, vim caloris ferre nequeuntem, quo per apertos & patentes Hungariæ campos torrebamur. ab Essek transmissio Dravo venimus in Lasquen: ubi cum fessus de via, æstuque & febre confectus quieti me dedissem, adveniunt interea ejus loci decutiones ut adventum gratulentur; afferuntque grandissimos pepones, pyraque & pruna varii generis; vinum præterea & panem; omnia sane exquisitissima, quibus nescio an quicquam melius ferat illa decantata & ab ubertate soli tantopere celebrata Campania; his oneratur longa mensa in cubiculo ubi quiesco. Hungaros ad cenam mei retinent, quod ad me non admitterentur, morbum excusantes, ubi expergiscor, conjicio oculos in illam mensam, incertus an vigilans an per insomnium mihi cornu copiarum videor videre; donec medicum unde illa sint, percunctor. narrat ille se eo loco exponenda curavisse, ut saltem adspectu recrearer, num gustare liceat, rogo. non prohibet, dum gustentur modo. sic scissis omnibus & leviter degustatis, non leviter recreatus sum, postridie adsunt Hungari: sua officia deferunt: seque Cæsari, conquesti de vicinorum nonnullorum injuriis, commendant. Hinc venimus in Mohacz, funestum clade Ludovici Regis Hungariæ locum. vidi non procul ab eo municipio rivulum valde depressum & profundum præruptis ripis, in quem cum equo delapsus, periit, infelix juvenis / qui nescio imprudentiore an inauspicatiore consilio, cum exigua

gua militum tumultuariorum & magna ex parte
 rusticorum inermium manu, contra ingentes eas-
 demque exercitatissimas Suleimanni copias stare
 non dubitarit. Mohacz veni Tulnám, ex Tuina
 Felduar. inde trajeci in insulam Danubii, bene
 magnam, quæ à Ratzianis incolitur, *Cosbin* vo-
 cant; unde rursus trajecto Danúbio veni Budam
 11. die postquam Belgrado profectus eram Augusti
 14. multis in eo itinere amissis equis, pastu recentis
 ordei & aquæ frigidioris potu suffocatis: multis
 item elapsus periculis propter latrocinia, quibus
 totus ille tractus infestatur, præsertim ab Heydo-
 nibus, qua de re postmodum constitit indicio quo-
 rundam, quos Bassa Budensis supplicio affecit;
 qui fassi sunt se in alveo lati torrentis, cui pons
 erat impositus pessime constructus, ut nos ex insi-
 diis adorirètur, delituisse. Nihil est minoris nego-
 tii, quam plures à paucioribus in hujusmodi pon-
 tibus circumveniri. cum enim propter vitiū ponti-
 um hiantesque rimas sive lacunas non possis sine
 magno equi lapsus periculo, quantumvis advertas,
 incedere; si sint à fronte qui occurrant, alii à ter-
 go insunt; latera vero infestentur ab iis, qui pu-
 gnant ex alveo, & in fruticibus ulvaq; abduntur;
 cum propter vitium pontis in equo vix te movere
 queas, non est dubium, quin pejus quàm illi quondà
 in furcis Caudinis capi vel occidi possis. Mihi tamē
 non constat, an multitudo nostra, an conspectus
 Hungarorum, quos habebā mecum, an quod longo
 agmine incederemus, neq; eodem tempore omnes
 in ponte consisteremus, an quid aliud eos terruerit.
 quicquid id vero fuerit, Dei gratia incolumes veni-
 mus Budā: quo in loco Bassā non offendimus. ten-
 debat è regione in campis prope Pæstum; ubi, more
 Hungarorum, comitia militaria habebat: *Ræcos* vo-
 cant, aderant cōplures vicini Singiaci: nonnulli
 expectabantur. ea causa, cum admitti ad eū postu-
 larē, in diē tertium sum rejectus: quo major esset
 Singiacorū & militū frequentia. arcessitus, traji-
 cio

zio in ejus castra. multa conquestus est de Hungarorum quorundam injuriis. Est hoc omnino utrique genti commune. non minus Turcis quam Hungaris, ut cum ipsi injuriam fecerint, ultro expostulent. addidit etiam vindictæ minas: & fortasse præsentis terrore exercitus se multum proficere arbitrabatur. respondi paucis, quâ ille culpam in Hungaros conferrer. justius Turcis assignari. me vel in itinere incidisse in ejus milites, qui fortunas miserorum Christianorum R. M. colonorum ferrent agerentque; quemadmodum acciderat. respondebat, se quosdam contumaces Christianos domino suo subditos puniendos diripiendosque militibus objecisse. Post hujusmodi altercationem, ego ab illo dimissus sum propemodum enectus, cum eo die me febris accessio premeret. altero iter Strigonium prosequimur, accepto aliquot equitum Turcicorum præsidio. Erat mihi animus transmissio Danubio, pernoctare in pago, qui est in adversa arci Strigonio ripa, quo postridie maturius Commaronium pervenirem, atque ita febrem eo die (ut purabam) redituram facilius tolerarem. ideo ducem nostrum, ut aliquis qui pontonem in hanc ripam traduceret, mitteretur rogabam, quo celerior esset trajetus. id tamen si fieri pluribus de causis vix poterat; tamen pariter quo mihi satisfaceret, partim quo Singiaccio adventum meum significaret, duos præmittit. Cum illi unius horæ spatio jam præcessissent, vident adstare equites iv. sub umbra arboris paulum extra viam. illi Turcas rati, quod erant eo habitu, deflectunt. accedunt propius, percontantur num iis locis satis pacata sint omnia. illi nihil respondent, sed strictis gladiis faciunt in eos impetum, unique vulnus in adversum os infligunt; quo nasum ita incidunt, ut major pars in mentum propenderet. quo facto, equum, quem loro ducebat, arripiunt; cui unus insiliens suum macilentum & nullius pretii pro illo relinquit. qua permutatione facta, cepissent fugam

fugam: at Turcæ magno eum ejulatu & fædo spectaculo ejus qui vulnus acceperat, ad nos se recipiunt: monemurque ut ad pugnam parati simus, quo detectas insidias perumpamus. ego quoque in equum, quo meis animum adderem, inferor. sed sero, jam depugnato prælio, venimus. illi de præda, quam erant nacti, conservanda magis quam de pugna solliciti, præcipiti fuga Glaurinum nostræ ditionis oppidum, cujus erant præsidarii, repetebant. Turcæ eos nobis procul ostendebant cursu colles vicinos, qua itur Glaurinum, transmittentes. Ita ventum est Strigonium, ubi postero die humaniter me Singiaccus convenit, monetque inter cætera, meminerim insolentia militum Hungaricorum, quos ne præsentia quidem meæ R. M. oratoris reverentia, quominus ingenio suo uterentur, retinisset: darem operam ut equus qui esset abductus, reduceretur. Stabat interim meus Turca, qui vulnus acceperat, in ejus atrii angulo, capite obvoluto, ob confutum nasum, raucum & miserabile quiddam sonans; postulansque, ut casum suum munere aliquo consolaretur. dixi daturum quod sanando vulneri esset satis. Dedi itaque duos aureos duceatos. ille petebat amplius. sed eum Singiaccus repressit, idque illi sanando satis superque esse confirmavit; fatale ejus infortunium non debere in me transferri. Ita dimissus venio eo die Commaronium. ubi cum diu stato suo tempore meam febrim expectassem, illa postremo me liberatum sensi, neque ausam fuisse Turcicam febrim in fines Christianorum transire. Itaque Deo egi gratias, qui me & morbi & longæ difficilisque peregrinationis molestiis eodem tempore liberavisset. Biduo post veni Viennam: ubi Romanorum Regem Ferdinandum dominum meum clementissimum non inveni. est Viennæ ejus loco Rex Bohemiarum Maximilianus, cujus humanitas præteritorum laborum memoriam magnā ex parte mihi abstulit. Cæterum ita etiamnum squalore & macie extenuatus sum, &

itineris

itineris & morbi incōmodis, ut multi suspicentur mihi infusum à Turcis venenum. Nuper cerre, cum hic esset Ferdinandus Archidux, eumque salutarem, ex quodam de suis quis essem rogavit: ille, quod quidem audire potui, me esse eum, qui recens ex iis locis venissem, è quibus ita affectos redire mos esset, respondit: boletum forrasse, qualem olim Claudius, me deglutivisse volens innuere. sed ego horum nihil esse scio: nec dubito, quin postquam aliquandiu conquievero, & colorem & vires & pristinum totius corporis habitum sim recuperaturus, quemadmodum senium fieri quotidie experior. Interea feci Regem Romanorum de meo reditu, semestribusque induciis, & summa rerum gestarum certior. ubi ex comitiis, in quibus nunc abest, domum redierit, singillatim omnia subtiliusque ei commemorabuntur. Multi qui una mecum ire Constantinopolim metu aut re alia deterrebantur, magno nunc una rediisse redemptum vellent. sed apposite Plautinus ille, *Qui nucleum esse vult, frangat nucem.* Injuria fructus partem desiderat, qui in laboris parte non fuit. Habes iter meum tam Amasianum, quam Constantinopolitanum, crasso filo deductum; quemadmodum, si præsens esses, coram narrarem. ad excusationem styli debebit valere, quod tibi præpropere petenti morem gessi: neque te à festinante & vehementer occupato elegantiam orationis, quam ne meditatus quidem & otiosus præstare possem, æquum est requirere. me quidem in hac mea infantia consolabitur nullius mendacii tibi conscius animus; quod est in hujusmodi narrationibus præcipue spectandum. Bene vale. Vienna Austria. Kalend. Septemb. c13 13 LIV.

AUGERTI GISLENI

BUSBÈQUII

Legationis TURCICÆ

Epistola secunda.

Accepi literas tuas, quibus scribis te audivisse de mea in Thraciam secunda perfectione; ceterum mirari, qui me huc impelli passus sim, ut veluti bis ad eundem, locos illos barbarie & feritate infames reviserem: scire vero cupere, quis fuerit istius itineris processus, quem hic rerum statum offenderim, quomodo acceptus sim, denique ut valeam, quam vivam ex sententia, ecqua sit spes propinqui reditus. De his ut tibi scribam, pro jure veteris amicitiae nostrae postulas. Ad quæ ego tibi respondeo. Primum non fuisse vanum, quod de meo in hanc oram reditu audieras, neque esse quod mireris. tenebar promisso; neque abnuere mihi integrum erat, quod semel recepissem. fueram à Domino meo clementissimo rege Romanorum Ferdinando destinatus aliquot annorum ad Suleimannum ordinarius orator. Id tamen sic accipiendum videbatur, si pax convenisset; cum tamen pacis spes nondum esset penitus deplorata, nihil erat quod me labori vel periculo subtraherem, donec hoc negotium certo loco constitisset; ut vel non dubia pax esset, vel certum & indictum bellum. Ea propter etsi me non fallebat animus, quantum adirem discriminis, maluissemque hanc provinciam alii tradere; tamen cum non reperirem vicarium, necessitati, hoc est, principis humanissimi voluntati, parendum fuit. Qui quidem statim ut se Viennam ex Imperii Comitibus recepit, eaque de

me

me coram intellexit, quæ erant cum Suleimanno
acta, paratum accinctumque ad iter iussit esse, ut
ad eum à quo veneram, sua mandata referrem.
Hiemabat annus; pluvixque & frigus, & venti,
cælum contristabant, cum iter Constantinopolim
repetere jubeor, nullum habiturus Evangelium
pro nuncio quem referebam. Hic tu mihi, *Bis
ad eundem*; pro quo ego tibi, *Bis qua pulchra*. Et
ita est profecto, quo consiliis honestis plus est ad-
iunctum laboris & periculi, eo majus decus &
pretium est. Ego mense Novemb. digredior Vi-
enna, longum iter ad inhospitalem Pontum
remensurus. Non faciam ut abutar patientia
tua, tequedenuo audiendis istius itineris tricis
fatigem: nam tibi quidem à prioris narratione
puto etiamnum dolere aures præsertim cum iis-
dem fere vestigiis, quibus illud iter feceramus, eo-
dem regressi simus. Constantinopolim veni
initio Januarii, itineris incommodis, unius de
comitibus meis iactura defunctus, quem febris
ardentis imperus consumpserat: collegas meos of-
fendi incolumes; exterum magnas in rebus Tur-
cicis factas mutationes; gravi liberatum pericu-
lo Bajazetem Suleimanni minorem filium, & pa-
tri reconciliatum; Achomati Bassæ primo Visirio
fractam laqueò gulam; Rustanum in pristinum
dignitatis locum restitutum. De quibus paulo
post: nunc dicam, quam adversa Principis &
Bassarum & reliquorum Turcarum voluntate ex-
ceptus sim. Nam cum Bassæ (ut est eorum mos
priusquam ad Regem suum introducant) audire
ex me vellent, quid referrem; ubi viderunt Cæ-
sarem nolle de suo jure decedere, sed censere
æquum servari pacta, quæ neque vi neque dolo
cum Joannis Veivodæ, sive præfecti Transilvaniæ
viduæ ejusque filio fecisset, graviter & indigne fe-
rebant. Tantos longinqui temporis felicitas
huic genti spiritus fecit, ut nihil iniquum puter
quod velit, nihil æquum quod nolit. Igitur nobis
graviter

graviter minari, & magnum denunciare periculum coeperunt, si cum hujusmodi mandatis in conspectum Regis sui venissemus. Ad quem cum nihilominus admitti postularem, illi negabant velle sic periculum nostrum secum communicari, quot enim sibi esse capita (sic ipsi loquuntur) ut nos cum tali responso coram principe suo sistere auderent? neque enim obscure haberi eum à nobis ludibrio: quod ipse non esset laturus humaniter. Adesse eum cum victore exercitu, rebus contra Persas prospere gestis præferocem & superbum, filio imperii æmulo (ex quo cognosci posset, quanta esset iracundia) è vivis sublato: quod ei posset esse optatius, quam ducere in Hungariam, exercitumque multis laboribus affectum spoliis & copiis Hungarorum reficere, & ad suum imperium adjungere quod reliquum esset ejus provinciarum, quod sane esset non multum. Proinde quiesceremus, si sciremus, neque quietum exciteremus, neque mala acceleraremus; satis illa ventura temporis. Hujusmodi Bassarum sermonibus reliquorum Turcarum sermones congruebant, nam quod fere lenissimum nobis denunciabant, erat, ut duo in tetrum carcerem compingerentur, tertius naso atque auribus truncatis (quæ mea pars fuisset) ad dominum remitteretur. Ad hæc præter hospitium nostrum commeantium vultus truces, infesti oculi, nihil nisi sævum & atrox portendentes notabantur. Ab eoque tempore nos multo asperius tractare coeperunt, arctius inclusos tenere, neminem ad nos pati introire, nulli de nostris prodeundi potestatem facere, ac reliquis rebus omnibus præne ut captivos non ut oratores habere. Quæ quidem jam sextum mensem perpetimur, ignari quid ultra futurum sit, sed erit quod volet Deus; certe quicquid futurum est, quicquid ferendum erit, in causæ decore & honestate magnum nobis erit repositum solatium. Nunc accipe, quæ expectas de Bajazete: de quo ut planius exponam,

exponam, paulo altius de Suleimanni liberis re-
perendum est. Suleimanno quinque fuerunt filii;
unus ex concubina Bosphorana natu maximus
Mustapha, de cujus infelici exitu alias scripsi: Ex
Roxolana vero, quam in iustæ conjugis locum
habere, quatuor; Mahometes, Selimus, Bajazetes
& Giangir. Mahometes uxore ducta (nam & con-
cubinas uxores Turcæ vocant) adolescens fato
functus est. Supersunt Selimus & Bajazetes; Gi-
angir natu minimus hunc vitæ sortitus est exitum.
cum esset allatum Constantinopolim Mustapham
extinctum, adolescens nec animo nec corpore sa-
tis validus (nam gibbo deformabatur) vehemen-
ter pertimuit, cum intelligeret sibi quoque hujus-
modi casum ex propinquo impendere. non enim
sibi longiorem incolumitatem dari, quam dum
pater viveret: quo composito, ei, quicunque in
imperium successisset, idem futurum regni initi-
um, quem sibi vitæ finem; nulli parsurum ex
fratribus, sed omnes ex æquo ut regni æmulos,
sublaturum è medio, de quibus se unum fore: qua
cogitatione, non secus, quam præsentem jam exi-
tio, ita exhorruit, ut in morbum incideret. ex quo
mors consequuta est. Supersunt (ut dixi) duo;
quorum alter, utpote Selimus natu major, volun-
tate patris ad imperium destinatur. Bajazetem
studium & pietas matris sublevar, sive ea commi-
seratio est inevitabilis exitii, sive obsequio seu
qua alia ratione matris animum ita sibi devinxit.
dubium certe nulli, quin si illius stetur arbitrio,
ipsa Selimo Bajazetem prælatura, atque in imperio
collocatura sit. Sed dandus est locus paternæ vo-
luntati, in eo fixæ & confirmatæ, ne post mortem
suam, si fata sinant, regnet alius quam Selimus.
Cujus rei non ignarus Bajazetes omnia circum-
spicit, si qua necessitatis vim declinare, & certam
cum imperio perniciem commutare possit. neque
vero matris Rustanique favor rebus suis penitus
eum diffidere patitur, & existimat prælatius

de imperio contendente, fortunamque periclitantem cadere, quam fratris carnificis manu, tanquam victimam inglorium jugulari. Cum esset ea mente Bajazetes, & jam à Selimo non obscura simultate dissideret, visa est non incommoda offerri occasio, ex invidia cædis Mustaphæ, faciundi initium eorum motuum, quos jamdiu volebat in animo. Tantum sui desiderium Mustapha reliquerat, ut multos post ejus mortem vivere tæderet, adeo omnem fortunarum suarum spem in eo collocaverant, quibus illud erat optatissimum, ut vel ejus injuriam ulciscerentur, vel eodem sortis eventu defungerentur; quosdam timor ex conscientia, quod ei studuerant, ita sollicitos habebat, ut nullam non conditionem præsentis statu potiore ducerent, itaque rerum novarum causas quærebant, omniaque turbare cupiebant. Dux modo desiderabatur: Mustapha quidem ad vitam revocari non poterat; vivus fingi poterat. id consilium Bajazeti, quem nihil horum fugiebat, ad ea quæ cogitabat visum est aptissimum. ergo per suos clientes hominem quendam obscurum, sed promptæ audaciæ excitat, qui se Mustapham profiteri, atque ejus personam sustinere audeat, cujus neque statura, neque facies, neque reliqui corporis habitus à Mustapha multum abhorrebat. hic primum tanquam fuga elapsus, in ea parte Thraciæ se ostendere cœpit, quæ supra Constantinopolim est, vergitque ad Danubium, nec procul abest à Moldavia & Valachia provinciis; & cum eo nomine ad res novas, magnas opportunitates habebat, tum quod multis equitibus abundabat, qui Mustapham præcipue coluerant. huc tanquam ex itinere se applicat, paucis comitatus, & veluti fallere cupiens. Rogati, ut sit, ejus comites, quis esset, timide innuunt magis, quam declarant. Mustapham esse: nec ipse diffitetur. eo magis accenduntur homines cupiditate cognoscendi. qui factò initio gratulatur sibi

de

de felici
Deo gra
non fui
se irato
quenda
pro se
eret ce
retur,
strangi
culum
fraus
merun
fufis r
ment
bus
dum,
leret.
rior
Pon
venit
fide
neve
ctun
esse
lum
quu
alie
anir
tate
nov
nat
du
im
qu
cis
pe
na
m
tu

de felici ad eos adventu, & pro incolumitate sua Deo gratias agit; narrat cum à patre arcesseretur, non fuisse aulum venire in ejus conspectum, nec se irato committere; sed de sententia amicorum quendam sibi similem multis promissis oneratum, pro se misisse, cujus periculo de patris animo fieret certior. hunc priusquam ad patrem admitteretur, indicta causa miserandum in modum fuisse strangulatum, projectumque ante ejus tabernaculum: quo tempore fuisse multos, quibus fraus suboleret; sed majorem eorum fuisse numerum, qui in errorem inducerentur, ut confusis mortis acerbitate miseri illius faciei lineamentis falsi opinarentur se interfectum. Quibus rebus cognitis, non fuisse sibi cunctandum, quin fugam capesseret, & saluti consuleret. profugisse vero cum paucis, quo obscurior fuga esset, ac proinde tutior. facto supra Pontum per populos Bosphoranos itinere eo pervenisse, ubi plurimum sibi præsidi in amicorum fide positum esse crederet: rogare ne sibi deessent, neve minoris facerent per noveræ scelus afflictum, quam rebus integris facere soliti essent. sibi esse in animo, ultum ire injurias, & suam incolumitatem armis tutari. nam quid aliud sibi reliquum? se quidem alia re nulla superstitem, quam alienæ cædis beneficio: satis periculi factum, quo animo esset in se pater; per ejus errorem non pietatem vivere. quarum rerum causa usus veneficiis noveræ sit, quæ miserum senem mente prope alienata & amore ejus insanientem, qua velit, circumducatur, & administro Rustano ad quodvis facinus impellat. Sed gratia superis, non deesse sibi amicos, quorum auxilio ex his malis emergat, & ab inimicis pœnas repetat: animos quidem sibi etiam suæ peresse: à se stare Gianizaros, & majorem paternæ familiæ partem; magnas ad nominis sui famam confluxuras copias; quicumque nunc mortuum lugeant, qui multi sint, ad opem vivo ferendam

rendam concursuros: hospitem modo benigne suscipient, dumque auxilia convenirent, inopem suo praesidio regerent. postremo hac jam non amplius in occulto, sed propalam ad quoscunque deverterat, veluti concionabundus agebat. concinebant eadem commemorantes, quos fugae suae comites credi volebat: eadem affirmabant haud parvae auctoritatis quidam à Bajazete ad eam rem opportune praeparati. Sic hominum Bajazeti ignotorum maxima pars in fraudam pellicebatur. Nam ea res tanto gerebatur artificio, ut nonnulli etiam, qui vivum Mustapham noverant, & jacentem ante patris tentorium recognoverant; tamen quod scirent, impense nollent credere, & hunc esse verum Mustapham persuaderi sibi paterentur. At Mustapha familiares & clientes, in quorum animis facies & memoria Mustaphae penitus infederat, nihil fallebat. tamen partim metu, partim dolore & iracundia cœci, quidvis subire quam sine Mustapha diutius vivere praecipitantes, in primis aderant, ut nomen falso Mustaphae darent. Atque etiam ceteros dubitare prohibebant, quin hic esset Mustapha, quem necatum falso proditum erat, ipse vero impostor alios pollicendo, alios liberaliter appellando, multos donis & pecunia, quam ex reliquiis veteris fortunae servatam memorabat (nam providerat Bajazetes, ne quid in hac parte desideraretur) aut retinebat, aut sibi adungebat. ita paucis diebus magna vis hominum convenerat, augebaturque quotidie, jamque pæne ad justum exercitus modum excreverat; cum subito vicinorum Singiaccorum trepidis nunciis & literis fit certior Suleimannus; quantumque discriminis ex concursu tantae multitudinis ab hoc Pseudomustapha imminere, docetur. Is (quod erat) suspicatus non sine conscientia alterius ex filiis hac moveri, nequaquam neglectu digna judicavit; ac per literas Singiaccos increpat, quod eo rem devenire passi essent;

essent; neque initio statim, ut fieri debuerat, obviamissent: graviterque minatur, ni sibi impio-
stem illum primo quoque tempore in vinculis
mittant, una cum cæteris tanti sceleris authori-
bus. id quo fiat facilius, se eis unum de Bassis Vi-
sriis subsidio mittere (is *Pertau* vocabatur, cum
quo nupta erat Mahometis, de quo supra dixi, vi-
dua) cum eo venire magnum prætorianorum
militum numerum. Sed si sibi purgati esse vel-
lent, ipsi per se negotium conficerent, antequam
eo venirent auxilia. Ducebat *Pertau* copias non
tam numero quam fide conspicuas; *Suleiman-*
nus enim fidissimum quemque tribunorum cen-
turiarumque & decurionum, seligendum cura-
verat: neque enim metus non erat, ne vel stu-
dio partium, vel largitionibus & pecunia corrupti,
ad eum signa transferrent, contra quem vene-
rant. Vulgus quidem *Gianizarorum* nominis
Mustaphæ, & rerum novarum expectatione sus-
pensum, favebat ei turbæ, omniaque misceri stu-
debat; neque res erat extra periculum. Singi-
acci postquam quæ imperabat *Suleimannus* acce-
perunt, haud segniter agendum rati, atque alius
alium cohortati, moliri, festinare, & ex omni
parte *Pseudomustaphæ* cæptis occurrere, seque
opponere cœperunt. Itaque advenientes manus
distinere, eas quæ jam convenerant dissipare con-
tendunt; terrore & denunciatione periculi omnia
complant. Interea procedebat agmen *Pertau* *Bas-*
sæ; neque jam procul ab iis locis aberat, cum (ut
in tali re solet) nondum satis confirmatis, & ce-
leritate præventis, postquam undique contra se
veniri vident, *Pseudomustaphæ* milites timor in-
cessit, ac primo pauci dilabuntur: postremo vero
omnes posito pudore & promissorum immemo-
res deserto duce (quo cui commodum fuit) diffu-
gere. conantem idem facere *Mustapham*, cum
præcipuis ejus administris & consiliariis, Singi-
acci occupant, vivumque excipiunt: ii omnes

Pertau Bassę traduntur, à quo cum lecto præsidio mittuntur Constantinopolim. ibi Suleimannus diligenti quæstione per tormenta habita, quæ vult exquiri; crimen Bajazetis, & testis ejus consilia cognoscit; cui fuerit in animo, postquam copias, quantas destinaverat, convenissent, ad eas se cum bona manu adjungere, & vel Constantinopolim restā, vel ad fratrem opprimendum (ut se dedisset opportunitas) ducere. Sed dum agit cunctantius, immatura consilia, celeritate oppressa. De quibus rebus postquam Suleimanno satis constitit, illos omnes intempesta nocte alto mergi imperat, minime ex usu suo judicans, horum quicquam efferri in vulgus, aut domestica sua vulnera finitimis principibus nudari. graviter inde iratus Bajazeti, qui tantum facinus ausus esset, quemadmodum de eo supplicium sumeret, animo agitabat. Quod uxorem ejus, ut est sagax, minime latuit. ea paucorum dierum intervallo, dum ira vis effervesceret, interposito, injecta hujus rei mentione apud Suleimannum, adolescentiæ imprudentiam, facti necessitatem, majorum exempla colligit: ita natura comparatum, æque sibi nec suis desit: mortem omnes ex æquo fugere: juvenum animos, minimo negotio, à vero rectoque consiliis improborum abduci. Primo delicto ignosci æquum esse: si resipiscat, magnum pretium patri, servasse filium: sin eodem relabatur, pro culpæ utriusque merito non defuturum supplicii tempus. quod si noller illi, sibi daret hanc veniam, pro eo quem peperisset, deprecanti: ne scæviret in communem sanguinem. Nam quem sibi animum fore, si è duobus filiis, quos Deus sibi reliquisset, patris severitas alterum sibi eripuisset? moderaretur iracundiæ, lenitatemque scæviræ quamvis justæ præferret. Nec Deum præpotentem illum & justissimum summam severitatem semper amplecti, magnam partem duci misericordia; alioquin non suffecturum in pœnas

genus

genus humanum. An vero quem locum clementiæ magis convenire quam in liberos? futurum deinceps in officio Bajazetem, & metum in quo nunc sit, à tanta indulgentia conversurum in cumulum obsequii & pietatis. generosos animos nulla re magis retineri, quam gratia & beneficio. veniæ memoriā impedimento fore ne peccaret iterum; pro eo spondere, atque in se recipere, eum posthac omnibus officii & pietatis numeris patri satisfacturum. Quibus verbis, ad hoc lachrymis & blanditiis remollitus Suleimannus, aliqui plus justo uxori deditus, flexit animum, & Bajazeti parcere constituit, veniret modo & sua jussa præsens acciperet. Non deest negotio mater; monet occulte per litteras Bajazetem, ne vereatur arcessitus venire; nihil illi fore periculi; patrem sua opera reductum in gratiam, amotamque ex animo ejus omnem offensionem. Quo nuncio in spem bonam erectus, statuit se patri credere, timide tamen, & ad fratrem Mustapham subinde respectans, cujus exemplum satis eum admonebat quantum adiret periculi. Venit ergo ad locum colloquio destinatum; id erat diversorium publicum paucis à Constantinopoli milliaribus, *Carestanum* vocant. Ita fert his temporibus Turcarum principum consuetudo, ne vivo patre, quisquam filiorum adulatorum intra Constantinopolis mœnia pedem inferat: hoc enim ad sollicitandos militum prætorianorum animos, & imperii mutationem pertinere. De equo descendenti præsto sunt patris famuli qui gladium & pugionem ponere jubeant: Id tamen non est inusitatum in reliquis qui ad Imperatorem istum admittuntur, tamen in filio, sibi male conscio, timorem augere poterat. Sed mater quæ eum timoris plenum accessurum animo providerat, propinquo, in aditu ejus domus, & qua Bajazeti prætereundum erat, cubiculo constiterat, ex quo per fenestellam linteo obductam transeuntē his verbis

compellat, *Corcoma oglau corcoma*; quod valet, Ne time, fili, ne time, qua voce matris non modiceriter confirmatur animus Bajazeti. Ut ingressus est, & pater cum assidere iussit, tum vero ejus temeritatem graviter accusare cepit, quod arma sumere ausus esset, quæ contra se sumpta videri poterant; & ut maxime contra fratrem sumpta essent, nihilominus pessimum id facinus videri; neque enim steterisse per eum, quominus religionis status convelleretur, Ottomannorum imperio (cui soli hodie inniteretur) per domesticas discordias in ruinæ discrimen adducto: quod quidem si de religione pie sentiat, ab eo longissime abesse debuerit: ut taceat se vivo attentatam regni possessionem, cum magna sua injuria & contemptione. quibus rebus scelus inexcipabile, & quo nullum satis dignum supplicium reperiri possit, contractum. Sed tamen statuisse ei parere; & magis benigni patris quam justî judicis partes agere cum eo, ut ipse deinde curam rerum futurarum relinqueret Deo: nihil istorum nostro geri arbitrio; Dei nutu regna transferri. Si ita factum esset, ut post suâ mortem ipse regni potiretur, id ratum fore, ultroq; venturum ei regnum, neq; futurum in manu cujusquâ remorari quod divinitus statutum esset: sin aliter Deo visum, insanum esse frustra laborare, obniti divinæ voluntati, & veluti cum Deo pugnare: proinde tumultuari desineret, neu fratrem quietum laceraret, neu senectutis suæ otium turbaret. quod si eodem revolveretur, & novam tempestatem excitaret, eam in ipsius caput casuram, nec fore secundo delicto veniam, nec se illum mitem patrem, sed acerbissimum vindicem experturum. quæ cum dixisset, & ad ea Bajazetes pauca pro tempore respondisset, ut magis culpam deprecaretur, quam purgaret, & se in potestate patris futurum polliceretur; potum, de more gentis, Suleimannus afferri iussit, filioque porrigi; ea erat ex saccharo & certis succis aqua, ex qua Bajazetes

zeres

zeres (K
luisset)
sibi sup
ducto m
Sic Baj
patre c
est. De
dicam
erga v
Pleudo
dendis
sum d
famer
tamen
taris i
remis
hoc u
cuis
Nam
viver
abla
no r
dem
ideo
nun
lies
eru
lata
nu
de
no
ter
bi
pe
p
ta
n
b
c

zetes (haudquaquam recusare ausus, tamen si maluisset) quod visum est bibere, anxius animi, ne id sibi supremum poculum foret: sed cum pater, ducto mox eodem ex poculo haustu, cura liberavit. Sic Bajazetes meliore quam Mustapha eventu cum patre congressus, ad suam praefecturam reversus est. De morte Achomatis Bassæ pauca habeo quæ dicam. sunt qui putent, ei datum crimini occultum erga verum Mustapham studium, aut certe in Pseudomustaphæ & Bajazeris pene sero deprehendis consiliis negligentiam. Alii in hunc casum diu reservatum, grassatorem & latrocinio infamem, dum privatus & sine honore militaret; cui tamen ob fortitudinis admirationem & rei militaris scientiam, poena dilata fuisset magis quam remissa; quam nunc repetere visum esset. Alii hoc unum morte Achomatis actum putant, ut vacuus pristinae dignitate Rustano pateret locus. Nam promississe Achomati Suleimannum, se dum viveret, signum suum sive sigillum ab eo non ablatum. cum vero res postularet, ut id Rustano restitueretur, ne quid fieret contra promissi fidem, morte ejus, mendacio occurrendum fuisse; ideoque jussu mori. Addunt dixisse Suleimannum, satius esse ut semel moreretur, quam ut milites: quod futurum esset, si vivus continenter cruciaretur ereptæ dignitatis, atque in alium translatus, dolore. Utcunque sit, cum mane in Divanum (is concilii, ut alias dixi, locus est) imprudens omnium venisset, mox affuit qui ei Regis nomine mortem indiceret: qui nuncius Achomatem haud multo magis commovit, ut erat incredibili magnitudine animi, quam si nihil ad ipsum pertineret, carnificem tantum munus suum exequi parantem à se repulit, haud convenire existimans, tanto honore modo usum, pollutis illius manibus attrectari. cumque oculos ad eos qui adstant circumtulisset, hominem honestum sibi amicis cum oravit, ut hoc sibi daret, ut ejus manibus ne-

caretur; futurum id sibi magni & postremi muneris loco: quod ille etiam atque etiam rogatus non recusavit. Verum Achomates eum monuit, ne statim atque una vice astricto nervo se suffocaret, sed eo remisso semel respirare pateretur; quo facto nervum adduceret, donec exanimaretur: in quo mos ei gestus est. Sic mihi pax videtur Achomates mortem antequam moreretur gustare, orcumque vivus salutare, nec semel mori voluisse. Ab ejus morte restituta Rustano pristini muneris insignia, primusque inter Visirios locus. De reditu quod scire vis, notum illud, *Facilis descensus Averni*. Qui mihi venienti dux fuit, reducem faciet cum ei visum erit. Interea solitudinem & reliquas molestias, consuetudine librorum, veterum amicorum, solabor; qui quidem hactenus nullo modo mihi defuerunt, fidemque & assiduitatem quam debent, diu noctuque præstant. Vale. Constantinopoli, pridie Idus Jul. c. 13 14.

AUG. GISLENIi BUSBEQUII

Legationis TURCICÆ

Epistola tertia.

Nimirum audisti recte; nihil te fefellit: domum jam pridem dimissi collegæ mei, ego remansi solus. Sed quæris, quod me vel fatum vel tam dira voluntas tenuerit, ne cum istis una redirem, barbarici mihi valedicerem, & optato patriæ fruerer conspectu. simul exigis reddam quidquid hic interea viderim, aut audierim commemoratione dignum; cujusmodi tibi sine ulla exceptione visum iri spondes, quicquid scripsero. studia item mea & occupationes, & solitudinis solatia quæ sint, requiris; prodeam nonnunquam, an semper domi sedeam. Non literas video, sed commentarios, seu mavis diaria à me flagitas, imprimis vero

de

de rebus Bajazetis, de quibus illis multa jactari dicis, scire desideras; promissum repetis, reque mihi dicam scripturum grandem minaris, & jam formulam meditaris, qua mecum ad judicem agas, nisi fidem exsolvero. Mitius suadeo: *leniter qui sapiunt* (inquit ille) *sapiunt magis*. Sed tamen accipe potius cum usura debitum, quam ego in jus ambulem, homo à licibus (si quisquam) alienus. Tamen si longo sane appellas intervallo, ut haud sciam an te exceptione summovere possem. Sed (ut ut sit) accipe potius quæ vis, quam ego litres sequar. Quum mei collegæ, tibi ex superioribus literis non incogniti, viderent nos jam hic triennium operam ludere, neque de pace neque de longioribus induciis quicquam confectum esse, neque in posterum magnam profectus spem ostendi, nisi seram & longinquam; in id omni studio incumbere cœperunt ut dimitterentur: cumque eo res magno labore perducta esset (neque enim si quis huc se demiserit, expeditum est cum velit revocare gradum) ut Suleimannus decessioni assentiret, tamen una dubitatio relinquebatur, ipse soli (ut qui priores venerant) an omnes dimitteremur. Nam Suleimannus ne videretur, si quem nostrum retineret, pacis cupidior, ejus rei optionem nobis relinquebat. Collegæ quidem ad rem Cæsaris magnopere interesse putabant, remanere unum, neque vero id erat obscurum, neque mihi secus videbatur, nisi quod dissimulandum & Turcas celandum arbitrabar. propterea quoties eis præsentibus fieret ejus rei mentio, à mansionem valde me abhorrire præ me ferebam: fateri quidem venisse, ut oratoris ordinarii munereungerer; sed id si de pace convenisset, incerta pace non videre qui manere possem, nisi aut contra aut certe præter domini mei voluntatem. Sic dimitti omnes verius esse, ita ego disputabam, quomeliore conditione rogatus manerem, quam si me obtulisset, ultroque intrusisset. Non me præteribat si dimitteremur omnes, non modo

magnam.

magnam ad bellum fenestram, sed p[er]ne totas Jani
 valvas aperiri : quod si manerem, manere omnia
 ad pacem integra. Dum nuntii ultro citroque
 commearent, longum decursurum tempus, quo
 multa accidere possent, quibus nostra causa fieret
 melior. denique quidvis p[re]stare, quam in belli
 atrocissimi necessitatem non necessario p[re]cipita-
 re. neque tamen eram nescius, quam mihi ipsi pa-
 rum consulerem, cui & labor prorogabatur, & tan-
 ti negotii moles soli sustinenda relinquebatur, va-
 riique & ancipites casus multi portendebantur,
 p[re]sertim si actionis istius exitus in bellum eva-
 sisset. Sed h[ec] qui talia onera subeunt, in minimis
 habere debent pro publicis utilitatibus, nec quic-
 quam nisi quod in commune profit, spectare. U-
 ti que quo h[ec] liberius agerem, magnam mihi fa-
 cultatem dabat Rustanus, qui se mansionis me[ae]
 valde cupidum ostendebat: intelligebat, nimi-
 rum, quantum fieret ad bellum compendium, si
 profectis omnibus, inchoata pacis actio destitue-
 retur. A bello autem cum aliis tum hac maxi-
 me de causa alienus erat, quod providebat vir
 multarum rerum peritus, si Suleimannus in Hun-
 gariam expeditionem intulisset, fieri non posse,
 quin per hanc occasionem filii ejus ad novos mo-
 tus excitarentur. quod si Selimus maxime quie-
 visset, non tamen quieturum Bajazetem, cui
 ipse & uxor & socrus p[re]cipue cupiebant; quos
 quidem motus ei exitiales futuros animo fortasse
 p[re]sagiebat. Cum ergo nos domi adhibuisset,
 prolixè collegas admonebat, quæ agi apud Cæsa-
 rem pacis causa vellet. Me vero horrabatur, ut ma-
 nerem, ne susceptum munus desererem, ne defa-
 tigarer, antequam ad exitum perduxissem. Non esse
 ambiguum, quin Cæsari, qui se nunquam a pace a-
 versum ostendisset, mansio mea probaretur. Ego
 contra, quoad commodè & tuto facere possû, gra-
 vor & t[ri]cuso. Eo magis sudare Rustanus, & mihi
 omnino persuasum velle ne sp[er]em omnem pacis ob-
 rumpam,

rumpam: nihil esse Imperatori suo longius, quam
ut in Hungariam exercitum duceret: quod jam diu
factum esset, nisi ipse auxilio atque opera mulierum
(uxorem & socrum significans) tanquam prehensa
vestis lacinia (nam ita loquebatur) eum retineret.
ne scivum hunc leonem quiescentem laceessere, &
in nos irritare pergeremus. Ego mollius abnuere,
& non negare mansurum, nisi ipsorum criminatio-
nes metuerem, si quid minus ex eorum voto pro-
venisset (quod tamen præstare meum non esset)
statim mihi imputaturos, eoque nomine succensu-
ros. Rustanus vereri prohibebat; utcumque res
cecidisset nihil meæ culpæ assignatum iri; manerem
modo, habiturum me in sua tutela (ut ipse dicebat)
in fratris loco. Dico me cogitaturum, ita discessum.
Postridie vocamur in Divanum (ea est sedes publi-
ci consilii) ubi eadem fere acta, nisi quod Rustanus
propter reliquorum Bassarum præsentiam aliquan-
to testior incessit, atque ego ad extremum reman-
sioni assensus sum, relicto Bassis libello, quo testa-
bar me voluntatis domini mei ignarum manere,
eaque de causa libera ei omnia atque integra reser-
vare. in me vero nihil recipere, neque præstaturum
polliceri, quemcumque tandem negotii exitum
Deus esse voluisset. Qui libellus postea temporibus
asperis magno mihi utilis fuit, cum quid accidisset,
quo nomine Bassæ mecum durius agendum cense-
rent. Habes rationem & causam mansionis meæ.
Fuit discessus collegarum meorum sub finem men-
sis Augusti anni supra millesimum quinquagesimo
septimo. Quæ secuta est hyeme Adrianopolim
migravit princeps. ita consuevit; cum ad inferen-
dam Hungariæ adventus sui terrorem, tum invita-
tus aucupii & hyemis intensioris quam Constan-
tinopoli opportunitate, quorum utrumque vale-
tudini suæ conducere arbitratus. Restagnant vicinis
locis propter fluviorum confluentes frequentes a-
quæ, apud quas ferarum anatum, anserum, ardea-
rum, pygargarum, gruum, buteonum, atque alia-
rum

rum avium magna copia est, quibus capiendis se-
re utitur minorum aquilarum ope atque mini-
sterio ita assuefactarum, ut prædam sub nubi-
bus petitam in terram detrahant, humiliter vo-
lantem rapiant, aut vesano imperu solo affligant.
Audio eum ita doctos habere (quos vocant) falco-
nes, ut gruem aggredi audeant, sic sub alam ubi
corpori jungitur, involantes, ut ab ictu rostri tuti
sint, atque ita præcipitem secum trahunt. Quæ ta-
men non semper felix temeritas est: nam si mini-
mum aberrarint, præsentarias luunt poenas, & ro-
stro gruis veluti telo transfixi exanimis ad terram
devolvuntur. Quibus dixi de causis fere anniver-
sarium est huic principi sub hyemem transire
Adrianopolim, neque ante redire Byzantium
quam ranæ coaxando molestæ esse incipiant. illo
sum etiam paulo post Rustani literis evocatus.
addidit mihi equites aliquot qui deducerent: item
Gianizaros numero sedecim: sive is honos fuit,
sive custodia. Facimus magna itinera, nam iussi
eramus properare. Sed vix tridui viam ingressos
Gianizaros tardere cœpit laboris. ibant pedibus,
& via erat lutulenta, ut id temporis anni quere-
bantur de itineris quotidiani magnitudine pæne
conduplicati. quod cum Imperatore ipso in expe-
ditionibus facere consuevissent, ferri non posse.
Mihi molestum, ut qui eis gravis esse nollem.
dum cum meis circumspicio, qua ratione huic
incommodo mederi queam, libentesque ad iter
reddam, injicit aliquis, se animadvertisse eos
valde delectari pulvis genere, quod coquus meus
ex vino & ovis, addito multo saccharo aromati-
busque concinnabat: & quis scit (aiebat) an si
apponatur illud quotidie pro jentaculo, æquiore
animo ferant laborem, & faciliores se præbeant?
ridiculum quidem videbatur, tamen placuit ex-
periri; neque defuit successus. illi enim hujus
pulvis dulcedine mitigati, multoque insuper vino
hilariores facti, ultro viam deposcebant. & si ira
acciper

acciperentur, vel Budam usque mecum ituros se offerebant. sic ventum est Adrianopolim, ubi mihi audiendæ fuerunt Rastani querelæ, ne dicam convitia, super Hungarorum excursionibus & rapinis. ad quæ promptam responsionem suppeditabant militum Turcicorum crebræ injuriæ plurimæque maleficia, quibus nostros quotidie incessabant. Quid mirum, si paria paribus nostri responderent? Nam commodum venerat cum litteris à Cæsare tabellarius, quibus edocebat quæ quotidie contra induciarum fidem; quas discedentibus collegis in certum tempus pepigeramus, in finibus nostris Turcæ designarent; ut miseros agrestes per continuas excursiones infestos haberent, eorum fortunas popularentur, ipsos liberosque & uxores captivos ducerent. Non videtur prætereundum, quo die is nuncius venerat Adrianopolim, graviter movisse terram: cujus rei occasione ille referebat, se terræ tremorem (quem eundem judicabat) & Nissæ & Sophiæ atque aliis deinceps pluribus locis, per quæ iter habuerat, sensitse; ut videretur terræ cavernis inclusus aer cum eo certasse, tantumque itineris pari fere temporis spatio fecisse, quantum ipse eques confecerat. cujus rei fidem utique affirmaverit, quod quatrIduo post terram similiter moverit Constantinopoli, ut idem esse motus, atque eo etiam penetrasse videretur. Tu ut voles interpretaberis. Est alioqui terræ motibus perquam obnoxia Constantinopolis. ac memini cum paulo post mediam noctem tanto motu diversorium nostrum quassari cœperit, ut ruinam facturum videretur. qua re ex somno profundiore excussus, cum pernox lumen habere, atque inde scyphum, hinc librum, illinc ruentem asserem, aut lapidem viderem, omniaque vacillarent & colliderentur; aliquandiu rei insolentia attonitus obstupui, donec in mentem venit terræ motus; tum in eam partem fugi, ubi à ruina me tutiorem fore sperabam. idem motus per aliquot dies tenuit.

sed

sed non eadem vehementia. Tota vero urbe, & imprimis in diversorio nostro, temploque sanctæ Sophiæ, videre est ingentibus rimis ex ejusmodi labefatiscentes densissimos parietes. Adrianopoli circiter trimestre commoratus, pactis septem mensium induciis mense Martio reductus sum Constantinopolim. Cum vero me tæderet inclusionis in eodem diversorio, ago cum meo Chiauso (genus id est, ut tibi scripsi alias, multiplicis apud Turcas officii, quod etiam ad oratorum custodiam extenditur) ut mihi liceat xre meo domum conducere, more reliquorum oratorum, ubi vel horti vel campi esset aliquid, quo liberiore frueret cælo. Nihil adversatus est Chiausus, quod in eo certum compendium videretur, si ipse ædes conduxissem, quas hætenus princeps suo impendio præbuisse, quarum annuæ mercedis nomine quadringenti aurei (quos ducatos vocant) ei quotannis expensi ferrentur. nam tanti illarum fructus recipiendis hospitibus æstimabatur: quo sumptu dominum suum relevari non moleste ferebat, ita demigro in domum vel insulam verius propria pecunia conductam, lato circumjacente campo, ubi hortum insituere, atque ejus cultura laboriosæ legationis curas lenire cogitabam. Sed postquam meus custos usu cognovit, in domo undique aperta & patente, magnoque campi spatio, non posse eandem custodiæ rationem haberi, atque in *Caravassarai* (quam vocem ex superioribus literis puto tibi adhuc notam) quod clatratis fenestris undique munitum esset, & unum tantum haberet aditum; mutat sententiam, & cum Bassis jam Adrianopoli reversis ita agit, ut parietibus veteris diversorii denuo includar. nec tamen mecum non præclare actum putem. siquidem Bassarum aliquot sententiæ eo inclinant, ut minore impensa angustius hospitium mihi jam soli conductoreretur. sed vicit humanior pars. sic intra consuetæ domus claustra reductus sum. quam domum volo etiam tibi magis cognitam.

ram. sita est in celeberrima Constantinopolis re-
 gione, edito loco, unde à postica parte in mare pa-
 ter amoenus quidem, sed longinquus despectus,
 ut tamen exultantes in eo & ludentes delphinos
 videre possis, ac longe oculis obiectum habeas O-
 lympum Asiæ montem perpetua nive candidum.
 omnibus perflatur ventis, eoque salubris ejus habi-
 ratio censetur. Turcæ tamen inquitinorum com-
 moditati invidentes, non contenti cancellis ferreis
 luminibus offecisse, pluteos adjecerunt, quibus &
 prospectus & aeris fruendi libertas impeditur. sic
 visum occultare subjectæ vicinitatis querimoniam,
 nihil se habere à conspectu Christianorū testi. Qua-
 drata ædificiæ quæ lateribus forma. in medio am-
 pla area, in qua & puteus. pars superior quæ sola
 habitat, in porticum, quæ tota ambitur, & in cu-
 bicula dividitur. pars interior quæ in arcam de-
 spicit, constat è porticu. exteriorem cubicula
 occupant, quæ omnia in porticum habent aditum;
 ea multa sunt sed angusta, inter se paria, quales
 monachorum cellæ. ejus frons in viam publicam
 obversa est, qua iter est ad regiam, & qua princeps
 fere singulis diebus Veneris (quæ eis, ut apud nos
 dies Solis, festi sunt) ad sua sacra proficiscitur, ut
 oratoribus videndi ejus de fenestra facultas nun-
 quam desit. nam familia è vestibulo cum Chianso
 & Gianizaris prætereuntem salutat, vel resalutat
 verius: quod ita ferat Turcarum institutum, ut
 qui major sit, minorem salutando præveniat. Ita-
 que princeps ipse stantem velut ad officium in
 compitis populum capitis nutu prior salutat, cui
 populus cum faustis acclamationibus omnibusque
 respondet. pars inferior equorum stabulationi de-
 stinata est. eam domum tutam ab incendio præ-
 stant intus fornices quibus tota structa est, foris
 plumbum quo integitur. sunt ejus quidem multe
 opportunitates, sed non pauciora incommoda. o-
 mnia ibi ad usum necessarium ædificata, nihil ad
 elegantiam aut delectationem: nihil est quod te
 sua

sua specie vel novitate retineat. Hortus nullas in quem ex eas, nulla arbor, nullus frutex, nulla virescens herba, quæ oculos reficiat: sed molestum multarum bestiarum contubernium. sunt in mustelarum greges, frequentes angues, stellioneque & scorpiones. ergo evenit interdum, ut quis mane pileum repetens ab eo loco ubi pridie posuerat, angue redimitum magno cum terrore inveniat. Quæ tamen bestia, ut hinc de præclaris solitudinis nostræ solaciis audire incipias, delectationem aliquam adferunt. ut, cum mustela magno prælio cum angue congressa non deterreretur, quo minus tota spectante domo, renitentem defensantemque se longe in suum cavum victrix trahat; vel, cum eadem mustela sedem mutat, & catulos alio transfert, ut nuper una, dum adhuc cum hospiribus à prandio accumberem, in mediam mensam, superne ubi cubile habebat, desiliit ore catulum gestans quem eo loco retenta reliquit, neque tamen à limine longius discedebat, operiens quis eum maneret casus, donec satiati informis animalculi conspectu humi deponeremus, quo mater advolans correptum transtulit, quo destinaverat. Fuit etiam nobis spectaculo sive anguis sive draco, certe serpens in stabulo pedibus equorum obtritibus admodum tumida alvo, qua meo jussu aperta, reperti sunt tres prægrandes mures. Mirabar qui tardus velox, repens currentes consequi, & faucibus (ut videbatur) tam arctis devorare integros potuisset. sed mirari desii, postquam in alium anguem incidi, qui correptum ore maximum bufonem sive ranam rubetam à clunibus orsus jam magna ex parte deglutiverat. vivebat nihilominus bufo, & quod poterat prioribus pedibus nitens eripere se hosti contendebat. Cum primum vidi, magna me cœpit admiratio, existimantem monstrum esse: animal videlicet bipes, cum tanta cauda, quantus erat serpens. re cognita cœpi bacillo tun-

dere,

EPISTOLA III.

91

dere, ut captivam dimitteret; quod aliquandiu frustra fuit, conabatur quidem se præda exonerare, quo expeditior fugeret, sed invito hærebat in faucibus rana, quam magna vi sugendo attraxerat. qua tamen ad extremum excussa, os vacuum claudere non poterat, rictu fœdum in modum diducto & hiantē; qui habitus ejus fuit, donec interficeretur. Bacillum illud, si Plinio fides habenda, utile futurum erat parturientibus. sed ego non contentus indigenis bestiis, domum implevi extrariis, quibus alendis familia occupatur & se oblectat, me vehementer approbante, quo levius ferat longum patriæ desiderium. Quid enim potius, quando humano arcemur commercio, quam ut ex bestiarum contubernio ærumnarum oblivionem quaeramus: alioqui solitudo, saxa & parietes quid delectationis adferant? In his primas tenent simiæ, quæ mirificos ludos edunt, & magnos risus faciunt. Itaque raro eas videas sine circumstantium corona, earum nequitiam & ridiculam improbitatem magna cum voluptate attendentium. Habeo præterea lupos, ursos, cervos platiceratas (quos non recte vulgus *damas* vocat) & cervos vulgares, item hinnulos, lynces, ichneumones, mustelas, ejus generis quas martas & zibellinas vocant; & si scire vis, etiam porcum, cujus contagium equis meis salutare, qui eos curant, mihi persuadent. Neque vero prætereundus fuit, cum reliquas animantes nominarem, quando, propter eum, mea domus ab Asiaticis hominibus frequentetur. accedunt ut videant animal illud immundum, à cujus esu libris suis ritualibus prohibentur, quod eorum finibus exulat, quod antea viderunt nunquam; ejus Turcæ omnes non minus quam nos hominis pestilentia infecti, contactum horrent. quo more cognito belle fit, ut qui mittere aliquid occultius ad me velit, porcello in saccum conjecto puerum oneret. intranti occurrit Chiausus, &
quid

quid intro ferat percunctatur. tum puer ei in aurem, se porculum mihi ab amico dono ferre. tentat ille scipione, statimque ut grunnitum audit, fugit retro quantum potest, &, Abi, inquit, intro in malam rem cum tuo isto tam illepedo munere. Tum dispuens, & conversus ad confessores, *Misa*, inquit, *res, quam delictis Christianos esus istius impurissimi animalis: prorsus ex carere non possunt.* Sic intro missus puer una infert quæ celatum Chiausum voluit. Sunt item mihi complura avium genera, a. quiliz, corvi, monedulæ, anates exoticæ, grues Balearicæ, perdicesque. His tot animantibus refertur domus speciem non male cepit, qui navem Noë similem dixit. Ex his præter eam quam dixi familiaris oblationem & longæ absentis levamentum, etiam hanc utilitatem capio, quod me multa cognoscere juvat, quibus lectis in scriptoribus minus fidem adhibebam. Pleni sunt libri amorum, quibus ferè in homines inflammata fuerunt, in quibus quidem ego semper assensum sustinui, veritus ne fabulosa temere crederem, donec vidi lynceem quem habui ab Assyria sic affectum erga unum de meis hominibus, paucis diebus cognitum, ut amare negari non posset. ubi præsens aderat, multæ & insignes blanditiæ, complexusque, & tantum non oscula. cum veller abire, injectis leniter in vestis laciniam unguibus retinebat: abeuntem vero oculis prosequatur, nec eos fere ab ea parte dimovebat, moestus interim, donec redeuntem aspiceret. hic mira rursus alacritas & gratulatio, nec tulit diutius absentis desiderium. illo mecum in castra Turcica trans mare profecto, lynx desiderii vim continua ægritudine testatus, post inediam aliquot dierum contabuit. Quod tuli sane moleste, quod eum cum ichneumone quem habui valde placidum, Cæsari dono destinaveram, propter terrore pulchritudinem; quæ tanta fuit, ut cum communibus lyncibus compositus, aliud ferme animal videretur. hos enim elegantissimos producit Assyria.

na, quorum hic tergora quindecim & sedecim au-
 reis coronatis veneunt. nec dubito, quin illæ fue-
 rint Babylonicae pelles, olim in pretio habitæ, qua-
 rum in l. interdum. titulo de publicanis, mentio
 fit. Accipe aliud de ave. Est mihi inter cæteras grus
 Balearica. id genus à vulgaris distat candido plu-
 marum cirao ab utriusque auris sede demisso; de-
 inde nigræ totius partis colli anterioris qua Tur-
 cæ tegumenta capitis ornant: nec magnitudine
 communibus gruibus par est. hæc quam dico grus
 Balearica apertissima dedit amoris signa erga mili-
 tem Hispanum, quem captivum redemeram; sic ei
 dedita, ut per plures horas eo inambulante ambu-
 larer una, illo insistente consisteret, assidenti vero
 adstaret, seque ab eo. (reliquorum contactum aver-
 sâ) tractari & demulceri pateretur. Ubi domo
 abeat, ibat ad ejus cubiculum, ostiumque veluti
 pulsatura rostris appetebat. si quis aperiebat, omnia
 oculis perlustrabat, si eum reperiret. ubi se frustra
 esse videbat, tum vero totam circuibat domum
 cum tantis & tam acutis clamoribus ut ferri non
 posset, & necesse esset aliquo concludi, quo minus
 ejus clamor aures offenderet. Sed ubi is redierat,
 passis alis ei obviam ferebatur cum absurdo & in-
 condito corporis motu, ut vel stericulos saltatio-
 nis alicujus transmarinæ, vel certe velitationem
 cum pygmeo meditari videretur. Quid plura fecit
 sibi postremo consuetudinem sub lecto ejus cuban-
 di, ubi & ovum ei peperit. Habes duorum bruto-
 rum animalium amoris erga homines indices af-
 fectus. nunc contra audi de animalis ingrati feri-
 tate & perfidia. Fuit mihi cervus mansuefactus, qui
 nobiscum multis mensibus comiter & amice vixit:
 sed idem, ubi venit tempus coitus, derepente ita
 efferatus est, ut juris hospitalis & beneficiorum
 immemor, omnes nos velut indicto bello pro ho-
 stibus haberet, in obvium quemque cornibus in-
 cursaret, parceret nemini, ut necesse haberemus
 ejus furorem parioribus & repagulis coercere. Qui-
 bus

bus tamen effractis cum noctu erupisset, magnum inter equos, qui in area sub cœlo consuetudine Turcica pernoctabant, tumultum concivit: cui sedando cum equis ones accurrerent, carcerisque effractorem eo redigere conarentur, unde proruperat; tantum abfuit, ut se cogi pateretur, ut plerosque vulneraret: quare illi concitati, in equile quod esse amplissimum dixi, perduellem compellunt, ibidemque meo permissu, hastis, venabulis, omniq[ue] genere telorum, quod cuique in manum venerat, membra omnia transfixum sternunt, primo quidem fortiter & magno animo se defendentem, ad extremum turbæ imparem. nam plusquam 40. homines contra unum armati stabant. sic ille fractæ tessera hospitalis pœnas dedit. Quo in frustra secto, oratores qui tum erant Constantinopoli nocturnæ venationis participes feci. Fuit cervus prægrandi & vasto corpore, quales fere ex Hungaria autumnî principio ad suos hymenxos in Austriam ascendunt. Nactus eram à mendicis ex eo quæstum facientibus. circuibant illi stipem colligentes, precatione prius facta, in qua cum Dei nomen sapius occurreret, ad quod ipsi caput inclinabant, consuefecerant cervum, ut idem faceret. quo miraculo captum vulgus, ac si bestię sensus divinitatis inesset, in eos certatim quadrantes congerebat, & hunc propter raram corporis proceritatem ad Cæsarem ducere cogitaveram. Quando de mendicis Turcicis incidit mentio, non erit abs re pauca de ratione eorum attingere. sunt illi quidem multo rariores quam apud nos, nec nisi fere erronei, qui per speciem religionis diversas sanctimoniarum vias professi vagantur. Nonnulli stuporem mentis mendicitati obtemperant: quod quidem genus valde gratiosum est, quod stolidi & amentes, ut cœlo haud dubie prædestinati, jam in hac vita pro divitiis habeantur. Sunt & Arabes, qui vexilla circumferunt, cum quibus majores suos propagandæ religioni

ligioni Musulmannæ militasse prædicant; qui non passim nec ab omnibus mendicant, sed vesperis prætereuntibus sebaceam candelam, malum citrium vel punicum obtrudunt, ut nummum qui duplo triplove pluris sit recipiant, & vendere porius quam turpiter rogare videantur. Ceteroqui qui apud nos mendicant, apud eos serviunt: captum usu membrorum servum nihilo minus herus alit: nec est ita debilitatus quisquam, quin operæ ejus aliquod sit pretium. Memini me redimere non ignobilem militem Hispanum, qui ordines apud suos duxerat: quem cum membris omnibus ex vulneribus debilitatum Turca emisset, rationem tamen iniit, quomodo fructum ex eo caperet. trajecit eum in Asiam, ubi anserum greges aluntur, quibus pascendis operas ejus locabat, ex quo non contemnendum lucellum faciebat. Ac nescio an optime rebus nostris consuluit, qui servitutem primus sustulit. Scio servitii varia esse incommoda, sed ea commodorum pondere sublevantur. Si iusta & clemens & qualem Romanæ leges præscribunt, servitus, præsertim publica, maneret, non tot fortasse crucibus, neque tot patibulis opus esset ad coercendos, quibus præter vitam & libertatem nihil est, quos egestas ad quodvis audendum scelus impellit. Libertas sine re non semper suadet honesta. non omnium ingenia inopem ferunt libertatem. nec omnes ita nati sunt, ut se regere & suo arbitrio recte uti sciant; melioris ductu atque imperio tanquam adminiculo opus habent, nullum alioqui peccandi finem facturi. ut sunt quædam bestię, quarum ferocitas semper metuenda sit, nisi vinculis aut robore coerceantur. Hic quidem mens imbecillior auctoritate herili gubernatur; herus, servi labore vivit. Turcæ maxima, qua publice qua privatim, è servitio emolumenta capiunt: rem familiarem servorum operis præclare tuentur. ideoque proverbio negant eum pau-

pauperem videri, cui vel unicus servus sit. Sed & publice si quid molendum, transferendum, erudendum aut minuendum sit, id servorum opera & assiduitate consequuntur. Nos operum antiquorum magnificentiam nusquam assequimur. quid enim? manibus destituimur, hoc est, serviss auxilio, ut taceam, quantum instrumentum servorum doctrina & literarum fuerint veteribus ad omnem scientiam adipiscendam. sed tu hæc animi causa dicis me puta. Turcicarum quidem militiarum fructus haud aliunde magis constar quam ex servis. Si miles Turca nihil aliud reporter è bello quam unum aut alterum mancipium, bene rem suam gessit, tulit laborum præmium. Nam vulgare mancipium quadraginta aut quinquaginta coronatis æstimatur, quod si ætatis aut formæ aut opificii accessione commendetur, duplicatur pretium. ex quo satis liquere arbitror, quantum compendium faciant cum undecunque quinque aut sex captivorum millia adducunt, quamque quæstuosæ sint illorum depredationes. Nec Romanos olim hoc lucrum sprevisse adverto, cum sectiones urbium universas viginti quinque aut triginta millium capitum distraherent & publicarent, ut eorum scripta restantur. Turcæ quidem ex tali sectione plus minus decies quinquies centena coronatorum millia redigerent. Quanquam illi quidem à suæ religionis hominibus jure belli abstinent, ab omni que capitis diminutione habent immunes. Sed regredior ex semita in viam. Cum supra de venatione mea tibi narraverim, proximum est, ut de aucupio quoque dicam. Turcæ cum onanibus bestiis indulgeant, tum potissimum avibus, & in his vel plurimum milviis, quorum opera mundiosam urbem haberi putant. itaque magna hinc ejus generis alitum, & quod nec laqueos nec tela metuant, pæne mansuetarum, copia est. sibilo invocatae adsunt, jactaque sursum cibaria unguibus rapiunt. jubeo mactari vervecem, convocatisque illis ad viscerationem intestinorum frustra

trusta in sublime jaci, adsunt mox decem, duo-
 decim, viginti; sed paulo post adeo frequentes ag-
 gregantur, ut pæne domum inumbrent. quorum-
 dam ea confidentia est, ut de manibus porrigen-
 tum abripere audeant. ego interim cum manuali
 salista post columnam sto; modo hujus modo il-
 lius caudæ vel alarum, ut casus tulerit, pinnas te-
 laceis globis verberans. donec mortifero istu u-
 nam aut alteram percussam decutio: quæ tamen
 non nisi foribus oclusis audeo, ne Turcas irri-
 tem. Nec de perdicibus, quando in hunc sermo-
 nem ventum est, prætermittendum, ne quam par-
 tem ignores mearum oblectationum, & te quo-
 que fortasse quæ me cepit, admiratio capiat. Ha-
 bui perdices Chio allatas ex eo genere, quod & ro-
 stro & pedibus rubris, tam cicures, ut eo ipso tæ-
 dio essent, assidue meis pedibus adhærebant, è cre-
 pidis holosericis rostro pulverem excitantes, quo
 se pulverarent. cum essent molestæ, & secludi in
 cameram jussissem, omnes præ nimia pinguedine
 paucis diebus extinctæ sunt. si modo famulis meis
 fidem habeo. nam Plinius quodam loco leporem
 & perdicem negat pinguescere. Nihil dum hic
 habes, quod mirere: sed audi reliqua. plena est
 Chios hujusmodi avibus, ubi cum hominibus
 sub iisdem tectis hospitantur. Agrestes pæne sin-
 guli plures paucioresve nutriunt, ut cujusque
 fert animus aut res. primo diluculo pastor publi-
 cus eas sibilo evocar, procurrunat catervatim, con-
 greganturque in vias; inde pastorem, ut apud nos
 oves, securæ procedunt in agrum, ubi totum
 diem apricantur pascunturque: sub vespertum eo-
 dem signo revocant, facto agmine domum &
 ad nota cubilia se recipiunt. hanc consuetudi-
 nem ita fieri memorant; statim ut ovis exclu-
 sæ sunt, eas rustici in sinum intra indusium trans-
 ferunt, itaque una die & altera circumferentes
 fovant, & ori subinde admotas saliva nutri-
 cant. quo beneficio devinctæ (ut sunt fere reli-
 quæ

quæ animantes hominibus magis memores & gratæ) nutricios non obliviscuntur. una tamen adhibenda cautio est, re in agro pernoctent: id enim si semel atque iterum fiat, facile ad naturam redeunt, vitæ libertatem humano contubernio præferentes. Do maxime operam, ut huiusmodi ministerii bene peritum hominem ad Cæsarem reducam, qui eandem alendarum perdicum rationem apud nos instituat. Hoc etsi non viderim, tot testibus tamen & tam gravibus constat, ut eandem fidem tribuam auribus, quam adhiberem oculis: quemadmodum & in eo quod sequitur, quod adeo hic pervulgatum est & in confesso, ut imprudens habeatur, si quis vocare audeat in dubium. Qui ex Aegypto hac veniunt (ut veniunt quotidie multi) constanter affirmant, non illie nostro more gallinis ova incubanda subjici, sed per certos homines, ad quos ea cura pertinet, verno tempore, multo stercore fimoque congesto ingentem veluti farnam construi, in qua tota vicinia longe lateque ova conferat, ubi solis & stercoreis putrescentis vapore animentur, suoque tempore pullos edunt; quos reperentibus qui ova contulerunt, qui ei muneri præsent, non numerant (id enim nimis longum esset) sed admeriuntur. Quod ut libentius tibi commemorarem, fecit quod est apud Vopiscum in Epistola qua Adrianus Aegyptiis iratus, in eos invehitur his verbis, *Nihil opto illis, nisi ut suis pullis alantur, quos quemadmodum fecundant, pudet dicere.* Non dubito quin hic mos vetus fuerit Aegyptiis. ea re suspicor Adrianum eis ut probum obijcere obscenitatem cibi in stercore & fimo nati fieri potest ut fallar; tu judicabis. nunc exsequar quod reliquum est nostrarum oblectationum. Habeo complures generosos equos, Syros, Cilices, Arabes, Cappadoces, camelos item portandis sarcinis, ut & reliquum itineris rediulque provisum instrumentum. volo enim ita Turcas credere, me omnibus exhaustis

ffis domini mei mandatis, unam expectare decedendi veniam, quam jam diu urgeo vel importunissime, è discordiis præsentibus & intestino fratrum bello de tolerabilibus pacis conditionibus non desperans. Ex equis cum alias magnam capio voluptatem, tum vel potissimum cum vesperi singuli è stabulo producuntur, collocanturque in area, ut aspiratione nocturnæ auræ mensibus æstivis fruantur, & suavius quiescant. sic læti & exultantes progrediuntur, celsa cervice jubam jactantes, ut se spectari sentire videantur. prioribus eorum pedibus aprantur compedes, alter posteriorum pedum de palo fune religatur. Nihil est omnino mansuetius equis Turcicis, neque quod magis dominum aut eum à quo curetur, cognoscat. Ita eos Turcæ adhibita omni lenitate educant. Vidi, cum per Pontum, seu per eam Bithyniæ partem, quam ex re Axilon vocant, haberem iter in Cappadociam, quemadmodum homines agrestes pullos equinos, etiamnum novos & tenellos curarent, ut eis blandirentur, ut in conclavia & rantum non ad mensam adhererent, pertractarent, demulcerent: diceres fere liberorum haberi numero. omnibus cervicem ambit veluti monile, fascia amuletis plena adversus fascinum, quod præcipue metuitur. nec pueri, quorum curæ committuntur, minore utuntur clementia, eos sibi frequenti palpo conciliantes; fuisse nunquam, nisi magna cogat necessitas, sævientes. ergo evadunt illi hominum amantiissimi: neque tamen eo magis calcitrosus aut mordacem, aut refractarium reperias. rara hic hujusmodi flagitia. At nostra ratio, dii boni! quam est ab hac; diversa! nostris moribus nihil putant actum agasones, nisi truci voce usque intonent, nisi fustis continenter in equi costis habiter: ita fit, ut ad eorum ingressum in stabulum equi toti cohorrescant, & eos perinde oderint ac metuant. Amant Turcæ assuefactos habere, ut jussi pro-

cumbant in genua , & scissorem ita recipiant. Bacillum , clavam aut ensen mordicus humo atrolant , insidentique domino porrigant. quæ ubi perdidicerunt , ut sit artis fides , apiant eorum naribus annulos argenteos , honorem & insigne disciplinæ. Vidi qui excusso ephippiis domino manerent in eodem vestigio. vidi qui procul astante equisone circumirent , & quoties juberet confisterent. vidi qui domino mecum in superiore cenaculo prandente , arrectis auribus vocem ejus captarent ; quam cum percepissent , adhinnirent. Sed est eorum equorum proprium , ut non nisi porrecta rigidaque cervice cursum conficiant , nec flecti nec flecti possint , nisi largiore gyro : quod freni (ut ita dicam) crimen arbitror. quod quidem per totam Turciam unius generis & formæ est ; neque ut apud nos pro oris equi ratione , asperius molliusve induitur. Calceant Turcæ equos soleis non adeo ut apud nos in medio apertis , sed pene continuis & solidis , quo minoribus offensaculis pedes obnoxii sint. lidem equi haud paulo longius quam nostri vitam extendunt. videre est 20. annorum eo animi vigore , ea corporis firmitate , qua sunt apud nos annorum octo : & perhibentur aliqui in equilibus Principis ob magna merita perpetuis alimentis dignati , durasse ad annum quinquagesimum , & eo amplius. Per noctes æstivas , quibus calor intensior est , Turcæ equos non habent in operto , sed exponunt (ut dixi) nocturnæ auræ , dorsualibus innectos , arido fimo substrato. in quem usum collecta toto anno equorum excrementa siccant in solem , comminuantque , & in pulverem redigunt : hoc stratum equis subjicitur , neque aliud norunt. straminis nullus usus , ne ad pabulum quidem. medica forni , non maxima hordei portione equos sustentant , magis quam saginant. gaudent macilentioribus ut ad cursum & omnem laborem aptioribus. dorsualibus , quos dixi , equos insternunt.

nunt, non minus tempore æstatis quam hyemis, sed tamen pro temporis ratione diversis. id cum ad nitorem pili conducere, tum adversum frigus necessarium esse ducunt aliossorum equis, neque ullam rem minus ferentibus quam frigoris inclementiam. Ex his (ut dixi) jucundum spectaculum capio, cum sole ad occasum vergente singuli suis quique locis in area collocantur. appellati à me vel Arabis vel Caramani vel quocunque nomine hinnitu respondent, oculosque in me contorquent. nam soleo interdum descendere, & cortices peponum mea manu inter eos dividere; hinc illa notitia. Ego vero quacunque ratione possum, molestiarum quæro obliviam. Habeo camelos feminas sex, per causam fascinarum ferendarum comparatas; sed re vera ut ad Principes meos ducam, si forte eorum opere opportunitate adducti huiusmodi animalis alendi studium eos capiat. Duosunt, ex quibus meo iudicio maximum Turæ usum fructumque percipiunt; oriza inter fruges, camelus inter jumenta. utrumque longinquis expeditionibus, quas obeunt, perquam accommodatum. Nam illa quidem non facile corrumpitur, & salubre hominibus præbet alimentum, & multis saturandis pauca sufficit. Camelli gravissima subeunt onera, facile esuriem & sitim ferunt, minimumque curæ requirunt. Camelarius unus sex curandis satis est. neque aliud fere animal regenti magis obtemperat: non pestine, non strigili opus habent; scopis mundantur, ut nobis vestimenta. in nudo solo accumbunt verius quam procumbunt. itaque onerandos se præbent. quod si onus fuerit iusto gravius, fremitu testantur, & recusant surgere. sub graviore pondere facile rumpuntur, præsertim via lustralenta & lubrica. Juvat videre; quemadmodum in orbem confidentes, collatis capitibus, ex eadem pelvi vel patina summa concordia pabulum & potum sumunt contentæ minimo.

Cum res exigit, in pabuli penuria, vepres & spinas rodunt, quibus quanto magis os cruentatur, eo impensius delectantur. camelorum nonnullos mittunt Scythæ, sed plures ferunt Syna Assyriaque, ubi maximis pascuntur armentis, tantusque eorum proventus est & vilitas, ut equa generosior interdum centum camelis permutetur; in quo tamen fortasse non tam camelorum vilitas, quam equarum caritas, & pretium, admirationem faciat: quod huiusmodi equæ tanti illic æstimentur, ut qui unam habeat, se divitias habere putet. Bonitatis periculum fit ex arduo monte per præceps inoffenso pede decursu. Proficiscens ad bellum Turcarum princeps multa camelorum millia secum ducit, supra quadraginta, nec multo pauciores sarcinarios mulos, quorum magnam partem, ubi in Persiam itur, onerant omne genus frugibus, sed præcipue oriza. Idem tam muli, quam cameli, tentoriis atque armis reliquoque bellico instrumento & apparatu portando deserviunt. Quæ regiones nomine Persiæ ei regnantur quem Turcæ *Chifilbas*, nos Sophi vocamus, non ea fertilitate sunt qua nostræ. Tum mos est ei genti, ubi hostis ingruit, omnia flamma & ferro corrumpere, & ita hostem fame summovere. Qui nisi annonæ vim secum ferat, magno conflictatur periculo. Nec tamen temere ubi ad hostem ventum est, comportato comæatui manus admovent; in reditum potissimum reservatur, ubi referre pedem tempus admonet, & per ea loca remeandum est, quæ vel vastavit hostis, vel tanta hominum jumentorumque multitudo in modum locustarum penitus (ut sic dicam) abrasit: tum Principis comæatus recluditur, expenditurque quotidie aliquid Gianzaris aliisque mancipiis regiis, quod satis sit ad vitam fugientem retinendam. reliquis male consultum est, nisi de suo provisum habeant, quo utantur. Nam plerique talium difficultatum frequenti bellorum usu experti, equites præsertim, equum loro

loro ducunt, in quo multa vehunt, quæ vitæ usus
exigit. Breve velum quo tentoriolo utantur, sub
quo sole vel imbre infesto latitare possint. vestium
item aliquid & stragulorum huc addunt: peculia-
rem penum scortum sacculum unum atque alte-
rum, purissimæ farinæ plenum. præterea exiguum
ollam butyri, aliquid aromatum & salis: quibus
ubi ad extremum famis veniunt, vitam tole-
rent. deprompta farinæ pauca cochlearia in a-
quam injiciunt; addunt butyri nonnihil; dein-
de sale & aromatibus condiunt: quæ admota
foco ubi ferbuerunt intumescunt, sic ut capacem
impleant patinam. eo vescuntur die semel aut
bis, pro copia, sine pane, nisi si quem igne indu-
ratum sive buccellatum secum attulerunt. eo mo-
do annonæ angustias per unum mensem, & si sic
opus amplius, eluctantur. Sunt qui folliculos
siccant, & in pollinem redactæ carnis bubulæ
complectunt, qua, ut firmioris nutrimenti, magno
cum fructu (ut dixi de farina) utuntur. Neque ve-
ro interim equorum carnibus abstinent, quorum
fieri non potest, quin in tanto exercitu magnus
numerus intereat. sed ut quisque paulo adhuc ha-
bitior perit, enectis fame hominibus laetum
præbet obsonium. At domini amissorum equo-
rum (ut hoc quoque dicam) movente castra Prin-
cipe, viz qua iturus est, longo ordine adstant,
receptis in caput ephippiis sive sellis; ita jactu-
ram equi significantes, emendoque novo auxi-
lium implorantes. quibus munere quo videret
subvenit princeps. Sic Turcæ cum extremis diffi-
cultatibus patientia, sobrietate victus & parsi-
monia, pugnant, & se rebus melioribus ser-
vant; longe aliter quam milites nostri, qui quo-
tidianos cibos in castris fastidiunt, molliculas
escas, turdos, ficedulas, & conviviorum appa-
ratus requirunt. Quæ si non suppetant, tumultu-
antur ac pereunt; & si etiam suppetant, pereunt
tamen. Nam sibi quisque certissimus hostis est,

neque capitaliorem habet inimicum quam suam intemperantiam : quæ si cunctetur hostis , eum jugulat. Quæ cogitantem horror corripit , quid postremo futurum sit , cum hanc nostram rationem cum eorum comparo , superare alteros , alteros interire necesse est ; ambo certe incolumes esse non possumus. ab illa parte stant immensæ imperii opes , vires integræ , armorum usus & exercitatio , miles veteranus , victoriarum assiduitas , laborum patientia , concordia , ordo , disciplina , frugalitas , vigilantia : ab hac nostra , publica egestas , privatus luxus , diminutæ vires , fracti animi , laboris & armorum insolentia , contumaces milites , duces avari , disciplinæ contemptus , licentia , temeritas , ebrietas , crapula ; quodque est pessimum , illis vincere , nobis vinci solitum. Et dubitamus etiam quid eventurum sit ? unus modo Persa intercedit : quem ad nos festinans hostis respicere cogitur ; sed is moram adfert , non salutem. hoc composito , cum totius orientis viribus in nostras cervices ingruet , quam paratos non audeo dicere. Redco nunc unde divertii. dixi jumentis portari in bellum arma & tentoria , ea sunt ferme Gianizatorum. Magnæ Turcis cura est , ut bene valentem tutumque ab injuria tempestatis militem habeant . à vi hostili ipse se defendat , valetudo stat præsidio publico. hinc melius videas vestitum Turcam quam armatum. Frigus imprimis timetur , quod e iam æstatis tempore tribus arcent vestimentis , quorum intimum (sive ea subucula est , seu quocunque nomine vocanda est) crasso filo contextum , plurimum adfert caloris. Eiusdem frigoris depellendi causa & adversus imbrem tentoria eis circumferuntur , in quibus tantum cuique tribuitur loci , quantum corpore occupat : ita unum tentorium 25. aut 30. capit Gianizaros. earum quoque vestium , de quibus attingi , pannus publice suppeditatur. Ne vero qua querela sit , & gratis quid datum

rem videatur, ita eum distribuunt. Manipulatum milites primis noctis tenebris ad locum ei rei destinatum evocant (sive id distributorium, sive quod aliud ei nomen est) tot jam paratis sepositisque portionibus, quot sunt ejus manipuli milites: ingressi sumunt quisque quod fors in tenebris offert, cui soli imputatur si quod fuerit panni melioris deteriorisve discrimen. Eadem de causa stipendium eis non numeratur, sed appenditur, ne quis leviores accisosve nummos sibi datos criminetur. nec stipendii dies expectatur; sed pridie repræsentatur. Arma vero potissimum comportantur in usum equitis prætoriani. Nam Gianizari fere pugnant expediti eminus & selopero. ergo ubi hostis in propinquo est, & speratur prællum, promitur armatura, sed fere genetis antiqui, variis collecta præliorum casibus, exuviæ & spolia veterum victoriarum. ea distribuitur in equites prætorianos, alioqui levi tantum clypeo testos. Jam vero cogitare potes, quemadmodum ea armatura unienique quadret, sic temere parita. huic thorax angustior, illi laxior galea, isti ponderosior lorica quam ut ferre possit, obtrigit; aliud alibi virium. ferunt tamen æquo animo. armaturam decusare ignavum putant, & sub quibuscunque armis egregie pugnaturos sibi pollicentur. tanta est frequentibus victoriis & multo belli usu confidentia. hinc est etiam, quod peditem veteratum, qui nunquam pugnavit ex equo, tamen ad equum rescribere non dubitant. Nam ita habent persuasum, in quo sit miliciæ usus & constantia, eum quocunque pugne genere fortem operam navaturum. Neque mihi aliter videntur sensisse Romani, & in his vel maxime Julius Cæsar, quem dicere solum scribunt, *miles suos etiam angustatos bene pugnare posse*. Nam quid spectasse eum judicemus, eum legionem decimam, venturus eum Atiovisito in colloquium, equis imposuit, ut ex equis opinor pugnaret. si foret opus, genere pugne cui minimum

assueverat. Nam scimus longe aliam peditis apud Romanos, aliam equitis fuisse disciplinam. Quod si defendas Cæsaris fuisse consilium, ut in equis quidem deportaret legionem, sed pedestris ejus opera uteretur; plenum periculosa alex videtur futurum fuisse negotium, si, cum Ariovisti exercitissimi equites tam essent in propinquo, ut Romanos lapidibus incessere possent, magno derepente impetu in eos incurrissent, dum legioni temporis momento ad pedes desiliendum, equi amoliendi, ordo aciei instituendus fuisset. Ac nescio an nostris moribus videri possit quicquam absurdius. Sed utrumcumque sit, armorum usu freti, institutis quanquam à nostris moribus alienis & Romani olim bella conficiebant, & hodie Turcæ prospero successu pugnant. Atque hæc quidem hætenus. nunc eo revertor, quod scripsi erga omne genus animantium Turcas se præbere indulgentes. Canis apud eos obscœnum & impurum animal habetur, ideoque domo arcent: in ejus locum succedit felis, multo castior, & (ut videtur) verecundia quadam & pudore præditus. quam consuetudinem firmant exemplo Mahumetis legislatoris sui, cui sic felis fuit in deliciis, ut cum lætante eo in mensa super manicam ejus obdormivisset, atque eum tempus ad rem sacram vocaret in templum, abscindere sibi manicam maluerit, quam feli somnum turbare. Nihilominus cum ita de canibus sentiant, atque illi communes sint, nec proprios habeant dominos, vicorum potius & regionum quam certæ domus custodes, visitentque de purgamentis quæ in publicum ejiciuntur; tamen si qua sit in vicinia fœta canis, accedunt, ossa, pultis & offarum reliquias congerunt, idque pietati consonum putant. In quo cum eos accuso, quod ea præstent brutæ animanti, quæ haud scio an præstarent rationis participi & sibi congeneri, certe minime darent homini Christiano, respondent concessam homini à Deo rationem, e-
gregium

gregium ad omnia instrumentum, qua tamen ille abutatur; sic ut nihil ei cadat incommodi, quod non sua culpa contraxerit; idcirco minore misericordia dignum. At brutis nihil à Deo tributum præter quosdam motus & appetitus naturales, quos non sequi non possint, ideoque humana ope & commiseratione sublevandos. Ea de causa ferunt graviter, si qua bestia per cruciatum interficiatur, aut voluptas ex ejus laniena quæzatur: cujus rei documento nuper fuit aurifex quidam Venetus. Is delectabatur aucupio: ceperat inter reliquas aves unam, coccygis magnitudine atque ejusdem fere coloris, non magno quidem rostro, sed faucibus ita vastis & patentibus, ut cum diducerentur, prodigiose hiarent, & quemvis magnum hominis pugnum caperent. cujus rei novitatem miratus homo alioqui ridiculus, avem janux suæ supero limini passis alis affigit, faucibus ita bacillo diductis ut immensum hiarent. qui ilaciter habebant frequentes Turcæ, consistebant suspiciebantque: sed ubi moveri avem & vivere animadvertunt, in miserationem versi clamant, indignum facinus, innocentem avem sic discrucari: aurifcem domo evocant, arreptumque obtorto collo trahunt ad judicem rerum capitalium. jamque in eo res erat, ut male verbis acciperetur, cum à Bailo Veneto (sic eum vocant qui illic inter cives Venetos jus dicit) quidam intervenit, qui hominem repeteret; quem à benevolo & favente judice, tamen frementibus reliquis Turcis, vix impetrat. Sic ille servatus est. Risi satis (nam ad me crebro ventitat) cum mihi totam rem, quantoque in metu versatus esset, commemoravit. quin etiam avem ad me attulit, ut inspicerem. ea est qua dixi figura; noctu volare & vaccarum mammas sugere aiunt. conjectura ducor ut veterum *caprimulgum* fuisse credam. Tales se erga omne brutorum animalium genus præstant Turcæ, sed maxime pin-nigerum. Est è regione diversorii nostri præcæta p-tanus,

ranus, amplitudine ramorum & opacitate frondium spectanda: sub ea interdum consistunt aucupes, cum magno avicularum numero: accedunt multi, & parvo ære captivas redimunt, quas singulatim deinceps manu emittunt. Illæ fere in plaranum subvolant, ubi se à carceris squallore & fordibus purgant, pinnaeque explicant, pipilantes interim. tum Turcæ qui redemerunt, *An-
dis*, inquit alter alteri, *ut sibi gratulatur, &
omni gratias agit?* Quid ergo? adeone Pythagorei Turcæ, ut omne animal apud eos sacrosanctum sit, nulloque vescantur? minime; imo fere à nullo abstinere, quod sit appositum, sive elixo sive assato. Ovem quidem lanienæ nasci dicunt, sed non ferunt ex earum cruciatu & tormento voluptatem quæri. Minores quidem aves, quarum cantu rura campique celebrantur, sunt qui nulla ratione adduci queant ut interficiant, imo ut caveis inclusas teneant, nimiam libertati earum injuriam sic fieri existimantes. Sed non est omnibus una sententia. Luscinias certe egregie canoras sunt qui domi nutriant: quarum operas ad canendum veris tempore locent. Vidi qui cardueles ita doctas circumferrent, ut cum eis de fenestra superne nummus ostenderetur, quamvis procul advolarent, nummumque peterent; quem si qui tenebat extorqueri sibi non pateretur, manum ejus insidentes in aliud atque aliud cubiculum transeuntem comitabantur, cum nummo interea luctantes: quem simulatque adepti essent, itineris quod fecissent memores, ad dominum stantem in via sonituque tintinnabuli revocantem revolabant, cui tradito nummo operæ præmium grana aliquot canabis accipiebant. Sed quiesco, ne me Plinium aut Ælianum imitari, & historiam animalium componere velle censeas. Transeo ad alia, ac volo tibi castimoniarum mulieris Turcicæ exemplum commemorare. Turbæ, si qua alia gens, uxorum pudicitia student; ideo conclusas servant domi
atque

atque abdunt, ut vix solem aspiciant. quod si in publicum necessitas evocet, ita testas, ita pannis obvolutas emittunt, ut meræ larvæ aut spectra occurrentibus videantur. ipsis quidem viros per lintheum aut seraceum videndi copia est. viris nulla earum corporis pars ad conspectum patet. est enim apud eos recepta opinio, non posse mulierem quam vel minimum forma aut ætas commendet, à viro sine potiundi libidine, ac proinde sine mentis labe conspici; ob id omnes habent absconditas. Fratribus quidem earum, videndi facultas permittitur; at maritorum fratribus non item. Qui sunt opulentiores aut in aliquo honoris gradu, ea lege ducunt, ne limine unquam pedem efferant, ne quis quæve ad eas visendi vel quacunque de causa admittatur, ne consanguineorum quidem proximi, excepto patre & matre, qui die Paschatis visere filiam non prohibentur. pro quo si mulieres eminenti dignitate patrem habeant, aut dotem attulerunt grandiore, repromittunt vicissim mariti, se nullas habituros pellices, sed eis solis contentos fore. alioquin Turcas, quot velint, ad iustas uxores pellices assumere nulla lex vetat. neque ullum inter harum & illarum liberos honoris discrimen, eodemque jure censentur. Pellices vero aut sibi emunt, aut bello acquirunt; quarum ubi tædet, nihil impedit quo minus in forum productas vendant. Liberis tamen susceptis libertatem consequuntur. quo instituto Suleimanni uxor Roxolana ad usum suum converso, cum ei adhuc serva filium peperisset, eoque libertatem consequuta & sui juris facta esset, Suleimanno amore flagranti amplius morigerari recusabat, nisi in iustæ uxoris locum duceretur, præter Ottomannorum principum consuetudinem. Uxor iusta à concubina sola dote dignoscitur. servarum nulla dos est. dote dicta veluti matres familias in reliquis mulieres totamque mariti domum imperium habent. sic tamen ut mariti optio sit, cum qua nocte cuber. quod cum uxori significavit,

illi

illa imperat ancillæ ut ad eum dormitum eat, ea-
que paret haud paulo fortassis alacrius quam do-
mina jubeat. Una nox singulis hebdomadibus
dici Veneris apud eos festi, uxori reservatur; qua
sine querela defraudare eam maritus non potest;
cæteræ noctes ejus arbitrii sunt. Divortia fiunt
inter eos pluribus de causis, quas viris comminisci
facile est. Dimissæ redditur dos, nisi probum ali-
quod dissidio causam dedit. Mulieres ægrius à vi-
ris divortunt. in causis quibus id eis permissum,
hæc continetur: si mariti debitis eas alimentis frau-
dent: item si præter naturæ præscriptum (quod ne-
fas Turcis familiare) eis abuti contentur. Tunc ad
judicem profectæ se non posse diutius apud mari-
tum manere testantur: judice causam querente,
nihil respondent, sed exutum pede calcem inverte-
runt. id judici abominandæ Veneris indicium est.
Qui potentiores sunt, & frequens habent gynæci-
um, ejus custodiæ eunuchos apponunt, non modo
testibus captos, sed toto cole. alioqui simplicibus
eunuchis se parum tuto mulieres suas putant com-
mittere, quod eis superet quo delectare possint,
quamvis ad generandum non sint pares. Iidem
potentiores balnea habent domi, quibus ipsi mu-
lieresque laventur; sed tenuiores balneis utuntur
publicis. Corporis sordes instar piaculi detestantur,
magis etiam quam animi impuritatem. crebræ ea
de causa lotiones. nec alvum excrementis onerant
quin aquam secum portent, qua partes obscenas
lavent. Cum vero vulgus mulierum promiscuis
sui sexus balneis utatur, eo plures cum servæ tum
liberæ aggregantur: in quibus puellæ multæ sunt
eximia forma, ex diversis orbis regionibus variis
casibus collectæ: quæ cum nudæ ut in balneis
reli quarum oculis exponantur, miros in quibus-
dam excitant amores, nihilo minores quam qui-
bus apud nos adolescentium animos virginei cō-
movent. Vide quid proficiat custodia; quamque
non omnia fugit, qui vitavit adulterum, mulieres
inter

inter se amant; conciliatrices vero nefariorum amorum sunt balneæ: à quibus propterea quidam mulieres suas quoad possunt arcent, penitus tamen abstinere non possunt, permittente lege. Sed hæc vulgi labes: ditiores (ut dixi) lavant domi. Evenit ut in tali cœtu mulier magna natu caperetur amore juvenculæ, filix cujusdam incolæ Constantinopolitani, hominis in tenui re. cumq; apud eam procando & blandiendo non tantum proficeret, quantum ejus insania postulabat, rem ausa est nostris moribus pæne incredibilem: murato cultu mentitur virum, conducit ædes in propinquo, ubi habitabat puellæ pater; nomen edit inter mancipia imperatoris de numero Chiaussorum; brevique ut sit inter vicinos insinuat se in ejus consuetudinem, nec multo post de filix nuptiis mentionem injicit. quid multa? visa est conditio patri non aspernanda; libenter annuit; dicitur dos pro facultatibus, & item dies nuptiis, qua ingressus in thalamum ad novam nuptam, bellus ille sponsus, ubi capitis tegmen deposuit, & colloqui cœpit, statim agnoscitur; exclamat virgo, & parentes revocat. illi cognoscunt non se viro, sed fœminæ collocasse filiam. postridie ducunt ad præfectum Gianizarorum, qui per absentiam principis urbi præerat. increpat mulieris tam grandis natu vesaniam, ecquid puderet propudium tam fœdæ libidinis, tamque vecordis incepti. tum illa, *Abi sis* (inquit) *nescis quid valeat amor. faxit Deus ne ejus vires unquam experiaris.* Ad vocem tam absurdam non tenuit risum Præfectus, statimque è conspectu amoveri illam & profundo mergi jussit. sic vetulæ male processerunt sui amores. Turcæ in occulta flagitia non valde inquirunt, ne locum aperiant calumnix: manifestaria & comperta graviter puniunt. Vereor ne tam nefarii exempli commemoratio gravior ad tuas aures acciderit; volo, si possum, commodiore narratione abstergere si quid rædii adhæserit. nam quod sequitur, sat scio.

sclo, non sine risu leges: Venerat nuper turbatis in Hungaria rebus à Cæsare tabellarius; Eum Bassæ non recta ad me, ut consuetum, sed prius in Divanum duci voluerunt. incessebat eos cupido cognoscendi quid Cæsaris literæ continerent, antequam mihi redderentur. suspicabantur me pleraq; suppressere, neque literarum sententiam fideliter eis aperire. sed tabellarius futuri providus literas Cæsaris abdiderat, solasque amicorum protulerat. Jam docti erant à suo interprete, Ebrahimio natione Polono, literas in quibus essent secretiora mandata, non usitatis characteribus, sed genere notarum novo (quas *zifras* vocatemus) scriptas. Dum literas omnes scrutantur, forte incidunt in epistolam hominis mihi amici Burgundici Secretarii; advertit Ebrahimus per tenuiorem chartam translucentibus literis, non usitato more conscriptam. exclamat se invenisse; vetat attingi reliquas, hanc esse quæ rem contineret. resignatam Bassæ jubent ut legat & interpretetur; intenti ipsi ora tenebant. At Ebrahimus negat se vel unam literam novisse. mirari Bassæ, & an literas Christianas nunquam didicisset aut dedidicisset, quærere: respondet Ebrahimus, hoc genus literarum iis tantummodo notum, qui essent Principibus à secretis: illi non satis intelligere; sed tamen si ita est, inquirunt, quid cessas? cur non ocyus confers te ad Secretarium vel Baili Veneti vel Florentini? Nihil cunctatus Ebrahimus eo transvolat. erant iis notis scriptæ literæ ut à puero decem annorum legi possent. sed uterque Secretarius, quod erant ad me scriptæ, vix inspectas rejecit, causatus hujusmodi literas à nemine legi, nisi cum quo communicatum esset earum exemplum. Cum hoc responso recurrat Ebrahimus. Bassæ deliberant quid facto sit opus. rum nescio quis, Est in hac urbe vir multarum literarum sciens Patriarcha; aut hunc, cum sit senex & Christianus, literas istas lecturum opinor, aut alium neminem. Itur in istius sententiam. Patriarcha ne-

gat se vel unum apicem novisse: non enim literas Græcas, non Latinas, non Hebræas, neque Chaldaicas esse. sic irritò labore referuntur. Hic Hally Bassa, tametsi alias vir minime insulsus, ad Rustanum conversus, *Cardassi*, inquit (id Turcis fratrem signat) recordor mihi fuisse servum natione Italum, omnium linguarum & literarum peritum; is si viveret, mihi haud dubium est quin literas istas legere & interpretari posset. sed jampridem diem suum oblit. Ignari quid præterea consilii caperent, optimum statuunt literas nulli sibi futuras usui, ad me mittere. Ego omni re per Ebrahimum cognita (neque enim celari poterat) graviter queror & succenseo, quod ita literas meas interceptissent, nulla juris publici, nulla Cæsaris, à quo venissent, reverentia: & simul jubeo illum expectare, ut translate quædam ex his literis die sequenti ad Bassas deferat. Qui ut postridie comparuit in Divano, quærent Bassæ, ecquid ego literas illas legere potuerim? tam facile inquit Ebrahimus, quam nomen suum: & simul quædam quæ cum Bassis nunciare volueram, exponit. hic Rustanus; Orator iste juvenis est, & ea intelligit quæ ne legere quidem potuit senex Patriarcha: haud dubie evadet in virum magnum, si pervenerit ad senectutem. qua re an alia haud scio adductus, idem Rustanus, cum interposito dierum aliquot spatio de communibus negotiis cum eo egissem, cœpit familiaris (quod ei rarum) sese mihi dare; atque eo postremo evasit, ut me interrogarer, cur non religioni eorum iniciarer, & veri Dei cultus fierem particeps; si faciam, ex eo mihi magnos honores & magna parata à Suleimanno præmia. Respondeo, mihi certum esse manere in ea religione, in qua natus essem, quamque dominus meus profiteretur. Pulchre, inquit Rustanus, sed tamen de anima quid fiet? Et de anima, inquam, bene spero. tum ille, cum paulisper interrogitasset, Ita est profecto, inquit: neque ego ab hac absument sententia, æternæ beatitudinis consortes forte, qui sancte

sancte innocenterque hanc vitam traduxerint, quamcunque illi religionem secuti sint. Ea est quorundam inter Turcas hæresis: neque vero Rustanus per omnia nimis catholicus habetur. Turcæ pietati & officio suo convenire existimant, ut homini Christiano, de quo bene sentiant, sacrorum & religionis suæ communionem semel deferant; ut servant, si possint, certo exitio destinatum. quare nullum majorem honorem haberi, neque majus beneficium à se dari posse arbitrantur. Accipe aliud cum Rustano colloquium, ut intelligas quanto intervallo Persas à Turcis religio disjungat. Interrogabat me aliquando, num bellum inter reges Hispanum & Gallum maneret. cum mædere respondissem, Quo jure, inquit, inter se bellum gerunt, cum religionis societate junguntur? eodem (inquam) quo vos cum Persis. Sunt civitates, provinciæ, regna, de quibus controversant & armis disceptant. Alia res est, inquit Rustanus. Nos enim, ne sis nescius, magis aversamur Persas, magis profanos habemus quam vos Christianos. Nunc de rebus Hungaricis aliquid. Ex quo huc redii, res in Hungaria vario eventu gestæ, de quibus singulatim perscribere longum esset, & à meo instituto alienum. Rediit in Transilvaniam Isabella, regis Joannis uxor, una cum filio, repudiata transactione pactisque infirmatis quæ cum Cæsare Ferdinando fecerat, & populis Transilvaniæ Turcicorum armorum terrore, sub vetus jugum cervicem denuo submittentibus. Quibus feliciter peractis, Turcæ non contenti, ne de tota quidem Hungaria desperare videbantur. Itaque cum alia sibi attentanda putarunt, tum imprimis Sigheri obsidionem, (ea vox Hungaris insulam sonat) loci natura valde muniti. Ad eam rem ducem deligunt, qui superioris temporis felicitate suis multum fiduciæ, hostibus contra plurimum adferret formidinis. is fuit Hally Bassa Epirota, cum reliquis rebus in Hungaria

cui

cui prae fuerat. feliciter gestis, tum maxime clade
Sfortia Palavicini & Episcopi quinque-Ecclesien-
sis famosi. Arcessitus ab ultimis contra Persam
Turcicæ ditionis finibus. ubi praeerat, venit cum
magna expectatione Constantinopolim. Erant
etiamnum hic mei collegæ, suum reditum urgen-
tes. Placitum est Bassis, ut eum videremus, quem
belli quoddam fulmen à nobis habitum iri judi-
cabant. excepit nos humaniter, multa locutus in
eam sententiam, ut paci consuleremus, ne ferro
flammaque vastari Hungariam vellemus; ad eas
potius condiciones accederemus, quas suus Im-
perator nobis ferebat. Respondimus, nobis nihil
pace antiquius, modo daretur iis conditionibus,
quæ Imperatori nostro tolerabiles essent; ea pace
prohiberi quæ esset contra rem & dignitatem Ma-
jestatis suæ. Ita discessimus, prius aquæ saccharo
dilutæ potione ab eo honestari. Erat eunuchus Hal-
ly; sed quod uni demptum erat corpori, hoc addi-
tum animo videbatur. Statura erant brevi, sufflato
corpore, colore buxo, tristi aspectu, torvis oculis,
latis & eminentibus humeris, inter quos depres-
sum latebat caput. Ex ore duo veluti aprugni pro-
minebant dentes. vox ei rauca; ut uno verbo
dicam, Furiarum quarta. Is postridie magno ap-
paratu in Hungariam pergere contendit: ubi sum-
pto ad comparationem belli spatio, postremo du-
cit ad Sigethum, restituentesque Babocham (ea
arx est Cæsaris) homines disturbar. Sed Cæsar de
consiliis ejus jam pridem factus certior, de tribus
filiis unum nomine Ferdinandum juvenem, cuilibet
veterum Imperatorum animi magnitudine pa-
rem destinaverat, quem ruenti Hally Bassæ oppo-
neret, cujusque virtute rebus Hungaricis opitula-
retur. Atque is non quidem maximis copiis, sed e-
quire selecto, contra Hally exercitum stetit. Nar-
rarunt mihi Turcæ qui interfuerant, fuisse operæ
pretium videre earum copiarum splendorem, ordi-
nem, constantiam. Furēbat pro insita animo
ferocita-

ferocitate Bassa, qui longe ampliores copias habebat, audere Christianos suum conspectum ferre. Nescio quid paludosi soli inter utrumque exercitum intercedebat, qua transiri sine discrimine non poterat. Ferdinando quidem, cui Sigheri subsidium, & ut hostem ab obsidione averteret, consilii scopus erat, transeundi necessitas nulla. Hally Bassæ contra summæ rei discrimen necessarium, nisi cedere turpiter, periculosique receptus aleam subire mallet, ut eventus decuir. Is ergo prospiciens in quam necessitatem adductus esset, rei summam in casum dare decreverat; jamque eo flexerat equum ut se in locum illum impeditum demitteret; cum ex circumstantibus Singiaceus quidam, cujus mihi nomen excidit, animadversa periculi magnitudine, equo desiluit, & fræno equi Bassæ manu injecta, Ecquid, inquit, vides *Sultane* (ita dignitate præcellentes Turcæ nominant) in quam apertum discrimen teque & nos omnes conjicias. Non cogitas quantum illa palus incommodi habeat. expectant Christiani armis animisque parati, ut nos partim vix emergos, partim etiamnum in ceno hærentes, dissipatos certe omnes perturbatosque ipsi conferti opprimant, imprudentiaque nostra ad exploratam victoriam abutantur. Quin moderare iracundiæ, redi ad te, tot viros fortes tecum una Imperatori nostro & melioribus temporibus serva. Dabit Deus locum his incommodis sanandis. Quibus dictis Hally, tanquam mente recepta, se contulit. Nemo tum fuit Turcarum, qui non ejus Singiacei consilio servatum exercitum confiteretur. Sed tamen cum esset res delata Constantino-
polim, etsi ne Bassæ quidem Visirii, hoc est primarii, idem inficiari poterant, nihilominus impunitatis tam audacis facti superesse memoriam noluerunt. Laudabant equidem mussantes & fidem & prudentiam; sed exemplum licentiæ, utut successerat, sine debita animadversione ad posteros transmitti alienum à disciplina judicabant. ea re loco

motum

notum revocant Constantinopolim, ubi inerab-
 iles versari cogunt; donec purgato quoad visum
 est flagitio, haud paulo meliore praefectura rursus
 ornant, ut facile appareret disciplinae magis con-
 servandae, quam delicti merito, eas poenas dedisse.
 Hally paulo post amissa in reditu insidiis atque
 incursu Hungarorum bona parte exercitus fractus
 & inglorius Budam se recepit, ubi dolore atque
 ignominia expeditionis inauspicatae vitam invi-
 tam cum morte commutavit. Contra Archidux
 Ferdinandus cum merita laurea ad patrem Ferdi-
 nandum se retulit, re non solum ad praesentem u-
 tilitatem, sed multo etiam magis ad posteritatis
 exemplum bene & feliciter gesta: dato Turcis do-
 cumento, si molesti esse pergerent, Caesari neque
 vires neque duces deesse, quibus eorum insolentiam
 castigaret. Nec ab eo tempore paulo mode-
 stius Turcae illis finibus se habuerunt. Dum esset
 adhuc in castris apud Sighetum Hally, nostri mili-
 tes Scalas in moenia egressi, urbem Strigonium, e-
 iusdem cum vicina arce nominis ceperant, unde
 praedae nonnihil egestum, abducti habitatores fere
 pueri mulieresque. Cujus rei cum trepidus ad
 Hally Bassam nuncius venisset, qui ipsa vultus
 consternatione magnum aliquod malum profite-
 retur, quaerit Bassa, Satin salva? & quae tantae
 consternationis causa? tum ille ingentem acceptam
 cladem, captum direptumque Strigonium memo-
 rat. Sic Bassa, quam tu mihi (malum) cladem
 ingentem, quod tantum incommodum narras?
 Ea demum fatue mihi clades animadvertenda con-
 tingit, cum hinc (genitalium sedem ostentans) ea
 mihi membra ablata sunt, quae me virum testaban-
 tur. ita non sine circumstantium risu, consterna-
 tioni nuncii illudens, & Strigonii amissionem,
 quod nullo negotio recuperari posset, elevans. In
 Croatia quoque finitimisque regionibus variz
 ultro citroque excursions factae, & utrinque supi-
 nae & nimis securitatis audacizque poenae exactae,

è quibus exemplum unum referam : quod ut mihi lætitiæ fuit, sic tibi quoque non injucundum auditu futurum confido. Quanquam istud aliquando prius fuit, quam ea quæ de Sighero modo recitavi; sed ego ut in epistola non magnopere temporum ordinem mihi attendendum puto. Ex iis locis allatū erat ad Rustanum, quendam quem ipse magnis ferebat laudibus, & nominabat suum consanguineum, Christianis, qui se cum locorum spatio, tum ignorance Turcarū, bene rutos arbitrabatur, magno conventu nuptias celebrantibus, de improvviso armatum supervenisse, haud commodum hospitem; disjecisse omnia, multos homines interfecisse, abduxisse complures, & inter eos cum sua sperata infelicem sponsum. Enimvero exultabat Rustanus, & præclarum illud necessarii sui stratagma glorians omnibus ingerebat. Nihil dum hic habes quod gratulatione dignum sit, sed summa potius commiseratione. hi sunt casus tragici fortunæ insolentis ludi. Verum non diu absuit Nemesis, quæ risum Rustani lacrymis & luctu mutaret. Venit non ita multo post ab iisdem regionibus magna celeritate eques Dalmata, ex eorum genere quos ab enormi stolidaque audacia *Dellios*. hoc est, amentes sive insanos Turcæ vocant, qui male rem gestam, adverso Marte pugnatum nuntiaret: plerosque Singiaccos aliosque præsidiorum præfectos conjunctis copiis in hosticum fecisse excursionem, multa millia pervagatos tulisse, egisse omnia, magnam prædam adeptos esse: ad extremum cum modum non facerent incidisse in exercitum Christianorum, equites sclopetarios, à quibus magna clade se fusos fugatosque multos desiderasse, in quibus & Achillem illū cecidisse Rustani propinquum, tantis modo laudibus celebratū. Tam tristi nuncio percussus Rustanus lachrymas non tenuit, inanemque superioris temporis lætitiā justo dolore propter amici interitum rependit. Audi reliqua, quæ non minus habent festivitatis. Cum e-

ques

ques ille Dalmata, cladis quam dixi nuncius, in Diano subinde à Bassis interrogaretur, quot tandem fuerunt vestrum ? atque ille supra duo mille & quingentos fuisse responderet, pergebant Bassæ ; Cedo, quantum jam fuit Christianorum ? arbitrari se aiebat non fuisse ultra quingentos, nisi si (quod suspicabatur) in insidiis delitissent. Bassæ prælio hercule non interfuisse plures, hic stomachari, ut nihil pene puderet justum Musulmannorum exercitum (sic sæpe religionis homines nuncupant) à tantilla Christianorum manu profligatum, & homines dignos quos alat Suleimannus, in quos panem suum partiatur, bellatores egregios. Tum is nihil commotus, Non recte accipitis, inquit, bar. annon auditis vi sclopetorum nos obrutos ; ignis nos profligavit, non virtus hostium. Alius longe mediusfidius pugne fuisset exitus, si vera virtute nobiscum congressi fuissent. illi sibi in auxilium ignem asciverunt. ignis violentia superati sumus, fatemur. Ignis unum est ex elementis, & quidem acerrimum. Et quæ sunt cujusquam mortalium vires tantæ, quæ elementorum violentiæ non cedant ? Hæc cum Dalmatica magniloquentia plenis faucibus pronuntiaret, vix (quanquam in re tristi) qui adstabant, erumpentes cachinnos reprimebant. Hæc res me non mediocriter exhilaravit, moestum etiamnum à memoria superioris casus. Ex quo discere potui, Turcis magno terrori esse minores sclopetos, quorum ex equis usus est. Idem usu venire audio Persis. ex quo fuit non nemo, qui suaderet Rustano ad bellum adversus Persas cum suo rege proficiscenti, ut turmam ducentorum equitum ex suis domesticis institutam sclopetis armaret, magno terrori futuram hostibus, & stragem magnam facturam. Nec consilium aspernatus Rustanus eam turmam instituit, sclopetis instruit, curat exercendam. Sed nondum dimidiam partem itineris confecerant, cum aliud ad sclopeti usum necessarium deficere cœpit.

coepit. amittebatur quotidie aliquid aut frangebatur, raris qui possent reficere. sic bona sclopetorum pars jam inutilis reddita erat : & cum eade causa pœnitebat ejus teli, tum quod mundioiei, cui valde student Turcæ, adversabatur, conspiciebantur manibus fuligine infectis, vestitu maculoso, informibus thecis & pyxidibus undique pendulis, ut risui essent commilitonibus. & ab eis per ludibrium medicamentarii vocitarentur. ita cum nec sibi nec aliis cum hoc habitu placerent, Rustanum circumstunt, mancos & inuiles sclopetos proferunt. quamnam ex his fructum speret, ubi ad hostes ventum sit : rogant ut se illis deoneret, arma reddat usitata. Re diligenter considerata, non putavit causam esse Rustanus ut refragaretur. sic cum bona ejus venia sagittas & arcus tuos resumpserunt. Facta paulo supra rerum in confiniis Hungariæ gestarum mentio, me admonet ut exponam, quid Turcæ sentiant de Monomachia, unico apud nos præclaræ fortitudinis testimonio. Fuit in regione Hungariæ, nobis contermina, magna virium fama Singiacus Arslambegus. Nemo eo validius intendebat arcum, nullius ferrum altius penetrabat, neque hostibus erat formidolosius. Huic se æmulum comparaverat Velibegus ejusdem laudis affectator, finitimorum locorum & ipse Singiacus : æmulatio aliis forte rebus aucta, ad summum odium, insidias & vulnera processit. hac an alia de causa arcessitus Constantinopolim Velibegus. mihi incompertum, venit certe; ex quo cum alia multa quæsiuissent in Divano Bassæ, postremo de dissidio ipsius cum Arslambego [*Arsla Leonem Turcis significat*] audire voluerunt. Tum prolixè recitavit totam illarum simultatum scenam, causas, progressum, & quo denique evasisent, & ut causam suam faceret meliorem, subjunxit se ex insidiis ab Arslambego vulneratum : quibus nihil fuisset opus, si se dignum suo nomine Arslambegus præstare voluisset. quandoquidem ipse pugnam cum

cum eo nunquam subterfugisset, ut quem ad singularem pugnam multoties provocasset. Hoc Basilei aversantes, Tunc commilitoni tuo singulare certamen denunciare ausus es? deerant quippe Christiani, in quos pugnares? vivit uterque vestrum pane nostri Imperatoris: nihilominus inter vos de vita decernere parabatis; quo jure, quoniam exemplo? an ignorabatis, utercunque vestrum cecidisset, Imperatoris damno calurum? Quo dicto duci cum in carcerem jusserunt; in quo multis mensibus maceratus, vix tandem liberatus est, existimatione valde diminuta. Apud nos multi hoste publico nunquam conspecto, quod incivem aut contubernalem sirinxerunt ferrum, clari & memorabiles habentur. Quid iis istoribus facias, ubi virtutis locum vitia occupant; & quod poenam meretur, gloriæ & honori vertitur? Restat, ut quoniam omnia scire vis, ne adventu quidem in hanc urbem Colchorum regis te fraudem. Regnat ad Phasim fluvium, in sinu maris Euxini, haud procul à monte Caucaso. Nomen ei Dadiano. vir est & dignitate oris & proceritate corporis conspicuus, sed moribus ut fertur incultior. venit cum magno comitatu, sed fere pannofo, vestitu vili & obsoleto. Colchos hodie Itali *Mingrello*: appellant. sunt ex iis populis qui intra portas Caspias, quas Turcæ *Dem t capi* hoc est, ferreas portas nominant, & maria Ponticum & Hyrcanum siti: an à genere Christianæ religionis quod sequuntur, an ab antiquo nomine (quod verius videtur) Georgiani hodie vocantur, an quibus censentur Albani & Iberi. Causa adventus incerta. Sunt qui suspicentur venisse evocatum à Turcis. Nam Colchi reliquique ejus tractus populi, belligerante cum Persis Turca, si ab eo steterint, magno adjumento esse possunt. In vulgus tamen credibilior causa præfertur, venisse peti- tum auxilium aliquot triremium, adversus vicinum Iberum; quod si obtineat, non recusaret ultro

se vestigalem huic principi facere. ejus patrem Iberi interfecerunt. Antiquis & inveteratis odiis ab Iberis Colchi dissident : sed quodam tempore cum de concordia & reconciliatione constitutum esset colloquium, magnoque numero hinc Colchi illinc Iberi convenissent, facerem illud commemoratur, magnis inter eos poculis ceptum pugnari, & de bibendi gloria certamen initum, in quo inferiores Colchi profundo somno sternuntur. At Iberi mala fide usi sopitum & stertentem bonum Dadianum in currum conjiciunt, & veluti justo praelio captum secum avehunt, & in editam turrim condunt. quam injuriam ut ultum irent Colchi, & ut regem suum recuperarent, ad xxx hominum millia cogunt, quorum dux regina captivi uxor, magni mulier animi, nec equitandi imperita, nec tractandorum armorum. In eo exercitu rerum capita potentioresque ponderosis & inhabilibus loriceis tegbantur, gladiosque habebant & præpilatas hastas. Erat item (quod mirere) certa sclopetariorum manus, reliqua multitudo nullis armis testâ, sagittis pugnabat aut præusta sude aut grandiligneâ clava, in equis sine ephippiis vesta. ceterum ordo ibi nullus nulla imperia. sic cum tumultuose ad eum locum appropinquarent, ubi rex custodiebatur, paucarum bombardarum fragore perterriti ad unum milliare trepida fuga retroferuntur. hinc collectis animis redeunt : sed eodem modo terrore bombardarum aliquoties proturban-
 tur. At Dadianus propinquum auxilium despicens, scissis in fascias, quibus lectus sternebatur, lintheis, noctu per fenestram se demittit, & ad suos profugit: quod stratagema ut mirificum hodieque multo populorum illorum sermone celebratur. Colchorum regio omnis generis frugum uberrima, tantum non sponte provenientium, præterquam frumenti & hordei. quanquam nec ea de futura putant, nisi parceretur operæ. juvat indulgere

gere desiderat. negligenti cultura panicum seritur. quod copiosissimum provenit, tantoque scenore redditur, ut semel satum in biennium suppetat. eo assueti saturantur, neque meliorem frugem desiderant. Vinum confitis ad pedem altissimarum arborum vitibus multum & non contemnendum legunt: atque hujusmodi vites per arboris maritæ ramos sparsæ in multas ætates sufficiunt. Cera & melle, feris apibus per silvas opus facientibus, abundant. unus illis investigandi labor. eadem silvæ venationis magnam copiam suggerunt: plena omnia phasianis & perdicibus. Terræ fertilitatis vel pepones argumento sunt, qui præterquam quod suavissimi sunt saporis, in longitudinem trium pedum sæpe excresecunt. Argenti signati minimum est. argenteum nummum norunt pauci, aureum pauciores. habent fere nulli. quare nescio an fortunatos illos nefas sit dicere, qui tanta careant peccandi illicebra: tamen si (ni fallor) nostratum pauci hanc eis felicitatem invideant, apud quos nemo dicescat. eatenus tamen argento honos est, ut si quod è peregrinorum commercio redactum est, ut fieri necesse est, id omne ad usum templorum transferatur, crucibus aut calicibus aut aliis templorum ornamentis conlandis, quæ Rex, ubi visum, perspicienti publicæ necessitatis omnia convasat, ad seque avercit. unum inter se norunt commercii genus, permutationem. ergo quo quisque abundat, in forum portat; ut permutet cum eo quo indiget. ita pecunia non desideratur: mutua merces pro pecunia est. quin & regi suorum vestigal terræ fructibus pendunt. large illi sumministrantur, quæ usus vitæ cultusque requirunt, quod edat, quod bibat, quod vestiat, quo famulitium & bene promerentes remuneret. Penu ei inexhaustâ, cum ex decimis, aliisque jurebus regis, tum ex muneribus quæ assidue congeruntur; in quibus prodigendis nihilo segnior est, quam in accipendis. Ejus regia tanquam horreum publicum est.

omni copia rerum refertum: inde victus omnibus suppediat. qui indigent, quos circumvenit inopia, quos malignior proventus & spes anni fefellit, regis cibariis aluntur. Mos est, ut qui mercatores illuc navem appulerunt, munere aliquo regem impertiant. id quaecunque rex non spernit: ipsos in terram egressos convivio adhibet. Est vastum quoddam ædificium, quod ab utroque capite regis stabulis clauditur, in quo regi mensa sternitur. ea est longissima. ipse accumbit in summo: mediocri spatio interposito accubant reliqui. mensa oneratur variis eduliis, sed potissimum venatione; nec parce ministrantur vina: quæ ut quisque largissime hauserit, eo hospes gratior habetur. in eodem cœnaculo cibum etiam sumit Regina, cum muliebri comitatu; seorsum tamen. nec magna ibi gravitatis aut decori ratio. eadem fere poculorum licentia, ineptæ gesticulationes, cachinni, nutus, nictus; ut si sint Jæsones, non defaturæ Medæ videantur. A prandio rex cum suis hospitibus it venatum. ibi passim in silvis, in umbraculis amplissimarum arborum, huc illuc projectam plebem videre est, inter vinum & choreas & cantus dies festos agentem. in longam periticam sive asserem fides intendunt, easque bacillo ad numerum percutiunt, ad quem strepitum cantant suas amicas, & laudes fortium virorum, inter quos (si vera sunt, quæ memorantur) frequens Rulandi nomen; unde eo translatum, non conjicio, nisi trans mare migravit una cum Gothofrido Bollionio. de quo Rulando multa narrant prodigiosa, magis etiam ridicula, quam nostri talium fabularum architecti. In tanto otio, tantaque victus affluentia non constant mores. rara ibi pudicitia. Maritus uxori vel sorori adventorem commendat, ut eum oblectet, ne tædium sit temporis, de reliquo parum sollicitus. quin place-re suas uxores gloriosum ducunt. nec puellarum astrictior

astrixiſtor cuſtodia eſt, aut melior diſciplina. paucas invenire eſt adultas, quæ ſunt virgines. oſtenduntur pleræque matres anno ætatis decimo. quod cum mirere, neque propter corporis parvitatem credas, juſſæ infantem proferunt grandi rana haud multo majorē, cū alioqui gens procera ſit & forma membrorum egregia. adeo vero omnis leporis & urbanitatis expertus eſt, ut inter cætera ſonitu quodam gutturis ruſtus haud abſimili, ſe tibi blandiri, & honorem habere arbitretur. una in revim ingenii oſtendunt, in faciendo furto: furandi ſolertia in magna laude ducitur. qui dextro Mercurio furatur, magnus cenſetur: qui neſcit, ut ſlipēs & truncus deſpicitur; imo vix communi luce dignus judicatur. adeo quidem ut hujusmodi vel frater vel etiam filius, ut degener & ſpei deploratæ, mercatoribus advenis donetur, aut parva merce permutetur, quocunque terrarum aſportandus. Narrabat mihi mercator Italus, qui in ea regione fuerat, ſacerdotem in templo cultrum ſibi ſentienti ſed diſſimulanti ſurripuiſſe; cui, ne ſe putaret ſefelliſſe, vaginam dono dederit, ut haberet videlicet quo cultrum reconderet. Templum ingreſſi, Deiparæ virginis, Petri, Pauli, aut aliorum divorum imaginum præſentia mediocriter afficiuntur: unam requirunt divi Georgii in equo ſedentis effigiem. ante hanc venerabundi ſe proſternunt: deinde omni ex parte deoſculantur, ne equi quidem ſoleis prætermiſſis. hunc demum virum fortem fuiſſe prædicant, bellatorem inſignem, qui ſæpe ſingulari certamine, paribus armis, cum malo dæmone congreſſus victoriam reportarit, aut certe non inferior diſceſſerit. Nunc dicam quod attonitus legas: regnorum orientalium principes non ſolent adiri ſine munere. Dadianus Suleimanno munus attulit tantæ claritatis ex gemina carbunculo cavatam patinam, ut ad ejus lumen ducendi homines noctu non minus

quam meridie iter facere possent. Non credo (inquis :) nec ego, neque ut credas postulo aliorum est assatim qui credant. Cordatiores brevem capedunculam dicunt è lapide carchedonio sive grana-
ta naufragio interceptam, cujusdam filii regis Persarum, quem Constantinopolim transfugere conantem tempestas in litus Colchicum eiecit. Attulit etiam falcones quos vocant albos (sive id genus aliud accipitrum fuit) viginti, quos in Colchide frequentes reperiri aiunt. Hæc sunt quæ de Colchis & eorum moribus audita, communia tecum esse volui. De studiis reliquaque vitæ meæ consuetudine quod quæris, & an domo prodeam nunquam: equidem non soleo prodire, nisi cum adferantur à Cæsare literæ, quas huic principi reddam; aut mandata, ut de Turcicorum præsidiorum rapinis & maleficiis expostulem: quod anno fit bis, terve, quod si velim interdum cum meo custode per urbem obequirare, jam fortasse non denegetur, sed nolo id gratiæ mihi apponi, malo existiment custodiæ acerbiter à me nihilipendi. & quæ mihi voluptas sit circumve-
ctari per ora Turcarum, aut obloquentium, aut etiam conviciantium? Me rus & agri delectant, non urbs, ea præsertim quæ pæne ruinam minatur, in qua nihil sit reliquum splendoris pristini præter solum; quæ quondam Romanæ urbis æmula incessit, nunc indignissima premitur servitute, quæ intuentem quem non subeat commiseratio, quem non moveat rerum humanarum inconstantia? Et quis scit an ex propinquo nos eadem fata urgeant? Domi me contineo, ubi cum libris veteribus amicis rationem habeo, cum his versor, his me oblecto. Ipse mihi valetudinis causa sphæristerium struxi, in quo me minore pile ante prandium exerceo. à prandio exerceor arcu Turcico; quo genere armorum dici non potest quam isti excellent. Ab octavo aut etiam septimo ætatis anno, arcum tendere incipiunt, idque conti-
nuis

annis 10. aut 12. annis usurpant: ex quo maximam
 brachio firmitatem acquirunt, & tantam scienti-
 am, ut nihil sit tam minutum quod sagitta non
 consequantur. Arcubus utuntur ut haud paulo
 quam nostri sunt validioribus. ita propter brevita-
 tem multo habilioribus, qui non ex simplici ligno,
 sed è nervo & cornu bubulo multaque glutine &
 lino componuntur. Horum etiam firmissimo-
 rum nervum exercitati Turcæ ad aurem usque fa-
 cile adducunt: quos tamen aliquis qui non as-
 sueverit, tametsi robustus, tantum intendere ne-
 queat, ut nummum erectum, inter arcum &
 nervum in angulo ubi crenæ inditur, loco move-
 at. ictu vero tam certo sagittas destinant, ut in
 prælio hominis oculum, aut si qua alia pars vul-
 neri pateat, configant. Videre est in ludo ubi
 discunt, tanta arte dirigentes ictum, ut in scopo
 album, quod fere minus est talero, quinque aut
 sex sagittis ita circumvallent, ut singulæ sagit-
 tæ albi oram contingant, non violent tamen
 neque comminuant. A scopo haud fere longius
 triginta pedibus abstant. annulis utuntur in
 pollice dextræ manus ossis, quibus incumben-
 tem nervum attrahunt; sinistræ manus pollicis
 eminentis juncturæ nodo sagitta coercetur, longe
 quam apud nos diversa ratione. Scopi aggerem à
 solo quatuor plus minus pedes excitant, è terra
 sabulosa tabulis circumseptæ. At Bassæ, & qui
 ampliorem habent familiam, ejus generis ludo
 suos servos exercent domi, quos inter quidam ex-
 teros præcellentes alios instituunt. ex his aliquot
 solemnî Paschatis (nam & ipsi suum habent Pa-
 scha) in magna supra Peram planicie conveni-
 unt, ubi æqua fronte humi consistentes cruribus
 ita compositis ut sartorum apud nos consuetudo
 est (ea est enim propria Turcarum sessio) à pre-
 catione orsi (ita sua omnia Turcæ auspicantur) inter
 se quis longius sagittam mittat contendunt. agi-
 tur ea res magna modestia & silentio, quamvis ad-

stante spectatorum multitudine. Arcus habent ad eam rem brevissimos, eoque rigidiores, nec ulli nisi exercitatissimo flexibiles : sed & peculiares in eum usum sagittas habent. victori lintheum acupictum, quo faciei sudorem solemus abstergere, præmium proponitur; sed multo maximum, gloria. Quantum vero spatium suis sagittis transmittant, creditu difficile. Locus quo adacta est ejus sagitta, qui eo anno longissime jaculatus est, lapide signatur. eorum lapidum jam à priscis temporibus plures extant, illis qui hodie ponuntur, multis passibus remotiores, quos majorum suorum metas fuisse persuasum habent; ad quorum robur & jaculandi scientiam ipsi se adspirare non posse fateantur. In diversis vero urbis Constantinopolis vicis & quadriviis hujusmodi ludi sunt, quo non modo pueri & adolescentes, sed & provectioris ætatis homines congregantur. Scopo præest aliquis, ad quem ejus tuendi cura pertinet, qui quotidie aggerem aqua rigat, exariturum alioqui sic ut sagittæ (quibus utuntur in ludo obtusis) figi in eo non possent. qui quidem scopi custos assidue astans terra extractas mundatasque sagittas jaculantibus rejectat. quo nomine à singulis certa donatur stipe, qui ei quæstus est. Scopi frons ostioli similitudinem refert: ex quo forte usurpatum est Græcis proverbium, ut cum toto scopo aberrare aliquem significare volunt, eum *jaculari contra januam* dicant. Nam & Græcos eodem scopi genere jam olim usos arbitror, & Turcas ab iis sumpsisse. non quod ignorem arcus usum Turcis antiquissimum. sed nihil vetat quin ubi in urbes Græcas victores successissent, hanc inventam scopi atque aggeris rationem retinuerint. Non enim facile gentem aliam minus piguit aliorum bene inventa ad se transferre. Testes majores minoresque bombardæ, multaque alia, quæ à nostris excogitata ipsi ad se avertunt. ut libros tamen typis excuderent, horologia in publico haberent,

rent, nondum adduci potuerunt: quod scripturam, hoc est, suas literas sacras, non amplius scripturam fore, si excuderecur. & si horologia publice haberentur, aliquid de ædituorum suorum & prisce ritus autoritate diminutum iri arbitrentur: alias plurimum tribuere soliti vetustis aliorum institutis, pæne vel cum aliqua religionis suæ injuria: de vulgo dico. Quis est qui nesciat, quam sint averse ab omni sensu Christianarum ceremoniarum? sed tamen cum Græcorum sacerdotibus mos sit, certo veris tempore aquas consecrando mare clausum veluti referare, ante quod tempus non facile se committunt fluctibus; ab ea ceremonia nec Turcæ absunt. Paratis ergo rebus ad navigandum, subinde Græcos accedunt, percunctanturque an nondum etiam sit aquis dictum bene. quod si negant, navigationem differunt: si factum respondeant, naves conscendunt ac navigant. Fuit item Græcorum institutum, ut non nisi sexto die Augusti festo transfigurationis Domini specus recluderetur, unde in Lemno terra quam *agos sphragida* vocabant, hauritur. idem institutum hodieque servant Turcæ: & ut olim sacerdos Græcus liturgiam ibi celebrabat, sic & hodie illam celebrari volunt; ipsi quidem sacrorum ex longinquo tantum spectatores. Quod si quis roget, cur tamen ita faciant, respondent, multa existare antiquitus instituta, quorum utilitatem diurnus usus comprobavit, causæ ignorantur; plus quam se scivisse & vidisse veteres; non esse convellenda eorum placita; malle ea servare, quam cum suo damno quicquam mutare. quæ opinio apud nonnullos adeo invaluit, ut sciam quosdam sacro baptismate voluisse suos filios in occulto lustrari, quod dicerent se suspicari eum ritum aliquid boni continere, & non temere institutum. Sed ut nec istud omitram de eorum exercitationibus, mos est antiquus gentis jam à Parthis usque deductus, ut in equo fugam simulantem

hostem temere subeuntem sagitta seriant : quod ut faciant expeditius, ita consequuntur, summam altissimæ perticæ, sive mali in plano erecti, partem æreo globo induunt, quem ad malum ubi celerimo cursu equum incitarunt, jamque nonnihil prætervesti sunt, repente conversi resupinatique equo cursum perficiente, sagittam in globum illum mittunt : cujus rei frequenti usu efficiunt, ut nullo negotio arcu in fuga verso hostem incautum figant. Tempus est ut me in diversorium recipiam, ne custos meus mihi succenseat. Quicquid his quas dixi exercitationibus temporis mihi superat, id omne libris impenditur, aut colloquutionibus cum amicis, vel Peræ civibus, origine Genuensibus, vel aliis ; non tamen sine venia Chiassorum. Neque vero illi eodem modo semper affecti sunt. habent dilucida intervalla, quibus se tractabiliore præbent. Cum ergo sunt in mari Halcyonia, frequentes ad me ventitant salutandi gratia, vel aliis de causis, Ragusæi, Florentini, Veneti; Græci etiam interdum, aliarumque nationum homines. Deferuntur etiam huc ex longinquioribus terris homines, quorum sermonibus vehementer capior, venit ante paucos menses succini mercator quidam Dantisco, qui universum ejus succi sive bituminis proventum redemptum habebat. cujus cum magnus in Turciam numerus exportetur, cupido cum incessebat cognoscendi, quis ejus hic usus esset, aut quo porro ferretur. Demum cognovit portari in Persiam, ubi in magno honore est; ornant eo sua conclavia, musæa & sacraia. Donavit is me vasculo ligneo ejus cerevisiæ quam *Luppenbier* vocant, sane præstantissimæ. sed risi satis convivas meos, Græcos & Italos ; qui hujusmodi potus insolentes, quo nomine vocarent, non reperibant. postremo quod valetudini conducere ex me audiebant, & medicamenti genus esse rebantur, syrupum nominarunt. quem dum sibi misceri subinde petunt, ut magis ac magis etiam gustent

pitissando, meum vas uno prandio absumpserunt. Enimvero utortanta aliquando Chiaussorum facilitate (nam subinde mutantur) ut non modo si prodire velim, non repugnent, verum ultro invitent. sed ego (ut dixi) recusare soleo, ne in sua manu positum putent, ut mihi gratificentur, vel molesti sint. excuso autem ita cavillans, ut dicam, tam diuturna in ea domo mansione, me in ejus ædificii partem coaluisse, ut non sine ruinæ periculo inde avelli queam; semel proditurum, cum daretur in patriam reditus. Familix meæ libertate gaudeo, quo æquiore animo ferat longum exilium. In quò rursus est illa molestia, quod occurrentibus temulentis Turcis crebræ rixæ oriantur, maxime si absunt Gianizari: sed nec si adsunt, semper prohibere possunt, ne plagæ inferantur aut accipiantur. Iraque magno cum tadio meos accusantium calumnias refutare cogor; sed me hoc onere majore ex parte levat Chiaussorum importunitas, sedulo fores clausas habentium: cujus nuperum exemplum volo tibi commemorare. Venerat ad me missus à Cæsare Philippus quidam Baldus Italus, & sexaginta natus annos, majore celeritate quam eas ætas tolerare posset, ex quo in morbum incidit. Imperaverat medicus clysterem: quem cum pharmacopœus attulisset, eum Chiaussus aditu prohibebat, neque medicinam ægroto inferre patiebatur, nimis inhumaniter. Habebam id temporis Chiaussum, qui diu comem & benignum erga nos se gesserat; sed tunc veluti derepente efferatus, adeo sævum se præbebat, ut ferri non posset. sustinem etiam & verbera ad me adire volentibus intentaret. postquam sacis me movit, demonstrandum ei statuo, quam sumat inanem operam cum his ineptis & puerilibus terriculis. appono de meis unum intra limen qui januam pessulo obductam habeat, referet nemini, nisi meo jussu, aderat Chiaussus mane, ut fores de more aperiret: sed ubi clavis nihil proficiebat, sensit intrus occlusas, inclamat hominem.

minem meum, qui per valvarum rimas ei perspicuus erat, ut se intromittat. meus recusat. irasci Chiaussus, conviciari & maledicere. Tum famulus, blatera tu quantum voles; huc quidem non introibis, neque tuorum quisquam. Nam cur ego tibi magis aperiā, quam tu nobis; tu nos inclusos, nos te exclusum tenebimus. Tu foris ostium oclude quantum voles; ego ut intus clausum sit, providebo. Tum Chiaussus, Itane iussit orator? Iussit. At equum saltem sine ut colloce in stabulo. Non patiar. Fœnum tamen & pabulum suppedita. Tantundem est in vicinia unde emas. Solebam eum Chiaussum assumere mihi convivam, aut de mensa ad eum mittere: tum mutata sorte ante fores jejunos excubabat, equo ad platanum quæ est è regione religato. hac iter habent Bassæ & plerique purpurati, cum è regia domum se recipiunt: videbant equum Chiaussi, quam exornatu satis norant, ad pedem platani fœnum rodentem, percunctabantur, cur illic haberet; ac non potius in stabulo, ut consueverat? ille rem ut se habebat commemorat; ut nos includat, sic seipsum à nobis excludi, ac non modo se, sed & equum: nec sibi cibum, nec equo pabulum suppeditari, hæc ad reliquos quoque Bassas perlata cum risu accipiebantur. atque ab eo tempore dubium esse desit, quam nihil proficerent, ocludendis foribus, quamque spernerentur hujusmodi frivolæ vexationes. Ac paulo post amoto illo Chiausso liberiore custodia haberi cœpti sumus. cuius rei paucis diebus animadvertendam mentionem fecit Rustanus. Nam cum ad eum venisset salutatum quidam grandis natu, qui pietatis & sanctimoniz opinione magnum habebat nomen, in reliquo sermone quæsiuit à Rustano, cur cum manifesta esset principis filiorum inter ipsos discordia, ex qua graves motus impenderent, jamque essent pro foribus; cur (inquam) cum Cæsare pacem non firmaret, ab eaque parte Suleimannum cura

cura liberaret? Tum Rustianus nihil sibi ait optatius, sed qui posset? quæ ego postularem mihi non posse ipsum concedere: quæ vero mihi offerret, me nolle accipere. nec ipse, inquiebat, cogi se patitur. quid non expertus sum, ut eum ad meas conditiones adducerem? habeo eum jam multos annos inclusum multis modis; molestus sum, & tracto aspere. Sed quid proficio? ad omnia occalluit. cum damus operam ut eum quam arctissima custodia contineamus, ultro se oppellularis foribus includit. sic mihi frustra labor sumitur. alius, ut molestiis defungeretur, credo jam ad nostram religionem descivisset: iste nihili pendit. hæc mihi retulerunt, qui sermoni interfuerunt. Propensum in suspensiones hominum genus sunt Turcæ: animis imbiberunt, habere Christianorum principum oratores varia mandata, quæ pro re nata & ingenio temporum deinceps proponant. ac primo quidem si possint, commodissimis legibus depaciscantur; quod si minus procedat, ad ea pederentim descendant quæ graviora sint. ob id perterrefaciendos, ostendendum bellum, veluti carcere conclusos habendos, omnibus modis vexandos, quo malis victi, quæ ad ultimum reservare iussi sint mandata, maturius edant. Quam ad rem multum olim juvisse oratorem quendam Venerum nonnulli arbitrantur: quo tempore de restituenda Turcarum regi Romanicæ sive Græcicæ urbe Neapoli inter Veneros & Turcas disceptabatur. Qui cum haberet in mandatis à suo senatu, ut omnia experiretur, si qua ratione cum Turcis salva Neapoli transigere posset: quæ ubi fecisset, potius quam ad bellum veniretur, demum in ejus urbis deditionem consentiret; contigit prodizione quorundam civium Venerorum; ut hæc Turcis enunciarentur. quorum ignarus orator, cum levioribus conditionibus proponendis actionem auspicari & animos Bassarum tentare cogitaret, atque illis ut mandata omnia expromeret instantibus, pernegaret aliud sibi

sibi mandatum : postremo Bassæ indignantes eo proruperunt, ut dicerent, videret quo progredere-
tur : non solere suum dominum haberi ludibrio.
scire eum cum quibus mandatis venisset ; quæ sin-
gulatim ei recitarunt , ad amussim cum iis quæ
habebat, congruentia. Quæ nisi statim omnia pro-
ferret, eum ei tanquam impostori & mendaci non
leve impendere periculum , tum certam Reipub.
ejus perniciem maturari, concitata ob ejus frau-
dem implacabili ira Suleimanni, & domino illo in
belli exitialis flammam coniecto. haud longum
esse consulendi tempus, si mandata omnia edidif-
set : sin frustrari pergeret , nullum fore ad pacis
spem regressum neque pœnitentiæ locum. Sulei-
mannum rogare neminem : habere, Dei benefi-
cio, vires quibus posset cogere. Quibus com-
motus orator, frustra celari existimans quæ essent
apertissima, nihil reticuit, sed ut quidque ha-
bebat ab illo senatu commissum, ingenue fassus
est. quæ tamen res ei magnæ invidiæ domi fuit.
Ab eo tempore Turcæ videntur impensius indul-
sisse suspicionibus, cum nullo oratore se bona
conditione transacturos rati, nisi quem diu mace-
ravissent. Hinc Velduvickium Caroli Imperato-
ris oratorem octodecim mensibus, meos collegas
triennio amplius distinuerunt, & nulla re con-
fecta dimiserunt. Me vero quamdiu jam exer-
ceant, nondum ullum animo finem providen-
tem, tibi non est ignotum. Cum vero venisset
hic, quem dico, Baldus homo idætatatis, suspi-
cabantur attulisse nova mandata, quibus nos in-
commodioribus pacis legibus illigari pateremur,
quæ ne ego inverterem verebantur, quippe cura-
rum eorum interiorum conscius. ea de causa im-
mitius agendum putabant, quo citius illa & cer-
tiore fide extorquerent. Ab eodem consilio Rusta-
no venit in mentem, mihi tanquam per jocum
belli metum incutere. quid ergo ? mittit ad me
prægrandem cucurbitam ex earum genere quas

nos angurias, Germani *Wasser plutz* er vocant. proveniunt mira suavitate Constantinopoli, seminibus intus rubris, quæ Rhodo ut originem, sic nomen ducunt: harum usus ad mitigandam in magnis caloribus sitim. ejus formæ unam Rustanus, cum esset calor intensior, ad me per interpretem meum mittit, cum hac præfatione, uteretur tempori accommodato fructu, nihil esse refrigerando calori aptius; sed scirem Budæ & Belgradi magnam ejus fructus & quidem grandioris aliquanto copiam esse; designans bombardarum globos. Renunciari jubeo, me pro munere habere gratiam, libenterque usurum. sed quod de Buda & Belgrado diceret, mihi non videri mirum; quando etiam hujus generis fructuum equidem nihilo minorum magna esset ubertas Viennæ. juvat Rustanum ex responso intelligere, non me latuisse cavilli sui argutiam. Nunc me tempus vocat ad res Bajazetis, de quibus tu inprimis scire desideras. Meministi haud dubie, quemadmodum fuerit ante annos aliquot Bajazetes à patre dimissus, ea lege, ne quid deinceps moveret adversus fratrem, ne novarum turbarum concitator esset; pacem & amicitiam, ut fraterna necessitudine dignum erat, coleret. Recordaretur quid sibi recepisset, neque suam senectutem ultra sollicitaret; alioquin non laturum impune. Quæ quidem apud animam Bajazetis pondus habuerunt, dum ei vixit mater, magis ut ejus voluntatem retineret, neque spem, quam unicam in ejus erga se indulgentia habebat, corrumpere, quam quod vel fraterno charitate, vel patris in se benevolentia consideret. utcunque sit, in gratiam matris quiescebat tamen. verum postquam ea biennio post fato concessit; tanquam nulla spe salutis reliqua, omnibusque pietatis vinculis exsolutis, priora consilia resumere & veteres cum fratre similitudines gravius exercere cœpit; ac modo insidias ex occulto vitæ ejus struere, modo aperte vim

vim intentare. sæpe provinciæ ejus fines per suos homines incurfare (nam provincias confines obtinebant) & si quos deprehendere poterat ejus domesticos, in domini contumeliam male multare: denique nihil reliqui facere, eorum quibus fraternam existimationem (quando vitæ nocere non poterat) minui violarique arbitrabatur. Ad dictos sibi quosdam habebat Constantinopoli, per quos militum prætorianorum animos quibus poterat artibus alliciebat, nec dubitabat, cum res ita ferret, eo ipse transire, atque apud conscios & suæ factionis homines latitare, quarum rerum præsertim ex Selimi literis nihil Suleimannus nesciebat: quibus identidem admonebatur, ut curam haberet suæ salutis. Errare eum, nisi istas Bajazetis nefariorum consiliorum prolusiones, ad extremum in caput suum versuras intelligeret. Nihil pensi habere Bajazetem; non homines, non Deum curare, modo regnaret. Non minus indomitæ cupiditati ejus, patris incolumitatem, quam fratris intercedere, per suum latus vitam ejus peti; cujus sceleris jamdiu captum sit consilium, modo occasionem quæri, videret ne prius insidiis circumventus teneretur, quam sciri posset aut subveniri. Sibi quidem facile esse Bajazetis injurias tolerare, sed magnitudine periculi paterni commoveri. Quibus rebus Suleimanni odium adversus Bajazetem magis ac magis accendebatur. Ergo per literas officii ipsum commonefacit, quanta in eum usus esset clementia, quid sibi promississet, vetera illa in memoriam revocat. Non fore semper veniæ locum. Fratrem injuriis laceßere, sibi molestiam creare desinat. Breve sibi vitæ tempus; quo exacto fore Deo curæ quæ sit amborum fortuna, interea debere eos quiescere, suæ & publicæ tranquillitati consulere. Sed hæc ad Bajazetem frustra erant, ut cujus animo penitus infedisset, quamvis experiri fortunam potius quam ignavum & torpentem mucroni fratris jugulum

gulum subicere: quam se sortem manere in regno Selimi tam clare providebat, quam ea quæ posita sunt ante oculos. Respondebat tamen ad paterna jussa non incommode. sed facta cum dictis non congruebant, neque de suscepto consilio quicquam mutabar. Quod ubi vidit Suleimannus, alia ratione agendum, filiosque à se longius amovendos, & inter se majore spatio disjungendos ratus, indicat sibi placere utrumque intra certam diem decedere de sua præfectura (Chiu-tajæ præerat Bajazetes, Magnesium regebat Selimus) ac Bajazetem ire Amasiam, Selimum migrare Iconium. Selimo nihil erat quod imputaretur, integra apud patrem gratia: ne tamen causa maturaretur Bajazeti descendendi ad extrema, si solus præfectura moveretur, ex quo habitus Suleimannus videri volebat. Mandatis additum, quo locorum spatio disjunctiores essent, eo animis conjunctioribus inter se fore. vicinitatem sæpe obesse concordia, dum ministrorum servorumque improbitate multa utrinque peccantur, quibus dominorum voluntates exulcerentur, dicto audientes sint. qui segnius paruerit, non vitaturum contumaciae suspicionem. Nihil cunctatur Selimus, ut qui sciret hæc magnam partem gratia suæ dari. Bajazetes tergiversabatur, ac paulum modo progressus substitit; querebatur vel recenti fratris exde damnatam infausti ominis Amasiae præfecturam sibi dari: quamvis potius provinciam boni consulturum, quam eam ubi propinquorum miserales exitus semper in oculos incurrant, & funesta memoria animum vulnerent. Hybernare saltem liceret in iis locis, aut certe unde frater decessisset. Suleimannus nihil audebat. Iam dierum aliquot iter præcesserat Selimus cum copiis, quas ei pater adjunxerat (nam Bajazetis insidia metuebantur) Bajazete etiamnum cunctabundo & resistente; cum derepente converso itinere regreditur, captoque circuitu fratri à tergo apparuit, Pru-

Prusiadem contra Constantinopolim in littore Asiatico Bithyniæ urbem petens, non infcio consilii patre, cui cunctatio Bajazetis non placebat. Quid enim si conciliatis prætorianorum animis Prusiadem aut ipsam Constantinopolim petere contendisset; quantum summæ rerum, quantum sibi & Selimo periculum? in communi metu ibi consistere Selimum visum tutissimum, unde plurimum mutui præsidii è propinquitate ostenderetur. Nondum tantas vires habebat Selimus, ut cum fratre quidvis ausuro sine metu manum conferreret. Bajazetes ubi Selimum à tergo respexit, & nihil aliud sua mora effectum, quam ut ille certus imperii hæres esset, si quid patri humanitus contigisset; ejus rei, pro continua ejus invalitudine, ac tum solito etiam graviore, metus non aberat: dat literas ad patrem, quibus fratrem criminatur, non potuisse eum apertius declarare, quam esset in eum animo impio & contumace; qui non alia de causa eo iter flexisset, quam ut imperio insidiaretur, & brevem haberet trajectum, si qualem de morte ejus speraret nuntium accepisset. Quod si votum ejus longior vita patris moraretur, ipse rem occulto facinore per suos scelerum ministros transigeret, parricidioque imperium interceperet. Nihilominus hunc talem, ut egregia pietate & patris valde reverentem, gestari in sinu: se contra recte sentientem, & cui nihil tale unquam venerit in mentem, qui patris nutus omnes observet, repudiari. cujus summa postulatorum sit, ut omen infelicis profecturæ vitet. inde vertit ad preces, & patri denuo supplicat, ut sibi de alia præfectura gratificatum velit, vel ea unde migrarit frater, vel alia quacunque, modo auspiciatior quam Amasia. Ad hæc se responsum expectaturum eo loco ubi jam constiterit, ne si voti compos fiat, longius sibi regrediendum sit. Quod si nihil impetraverit, iturum tunc quocunq; pater jusserit. De Amasia quod causabatur Bajazetes, non

non erat de nihilo; quod sic mos ferat Turcarum, ut è minimis rebus maximarum auguria capiant. sed aliter accipiebantur à Suleimanno, cui filii lachrymæ non erant ignotæ, quem sciebat affectare locum novandis rebus Amasia opportuniorem, longius à Constantinopoli distita. Sic Bajazetes alias ex aliis moræ causas nectens, patris quod poterat voluntatem eludebat. neque cessabat novo milite adlegendo suas copias augere, armare, pecunias facere, omniaque apparare, quæ ad sui defensionem & fratris oppugnationem pertinerent. Quæ Suleimannus ita accipiebat, tanquam sibi ipsi vis pararetur. nihilominus magnam partem silentio transibat. nolebat cautus senex incitatum Bajazetem, magis etiam præcipitem agere. Non fugiebat eum, omnium gentium oculos in hoc filiorum dissidium versos; studebatque, ut quam minimo strepitu, tempore interposito turbæ sedarentur. Respondit Bajazeti leniter de præfectura mutari non posse, immotam stare ejus rei sententiam; facturos recte, si ambo proficiscerentur, quo jussi erant. de reliquo bonam spem haberent sibi fore curæ, ut omnia sic administrarentur, ut neutri justæ querelæ locus relinqueretur. Qui hæc mandata ad eum perferret, deligitur Pertau Bassarum Visiriorum quartus: cum iisdem vero, ut res sine studio geri videretur, ad Selimum destinatur Mehemet Visiriorum Bassarum tertius. datur utrique negotium, ne ante ab eorum latere ad quos missi erant, digrediantur, quam illi suas provincias attingissent: haud absurdo Suleimanni consilio, ut tales viros apud filios assiduos officii monitores haberet. Quod quidem facile passus est Selimus: non item Bajazetes, qui cum ruere & miscere omnia haberet in animo, nihil alienius à suis inceptis ducebat, quam habere affixum sibi unum de paternis consiliariis, qui sua dicta factaque arbitraretur. Igitur humaniter appellatum, & donis pro copia cultum, frustra

frustra renitentem dimittit ; præfatus se velle eo defensore & patrono apud patrem uti : alioqui se habere neminem, qui suam causam tueretur, non futurum se ingratum, neq; indecorum clientem. Cæterum referret patri semper sibi primam futuram mandatorum ejus auctoritatem , si per Selimum liceat , ejus injurias & suæ salutis oppugnationem diutius tolerare non posset. Sic dimissus Pertau satis certum reddidit Suleimannum, quæ filii mens, quod consilium esset. Tametsi Bajazetes ne nihil actum ea legatione videretur, se Amasiam ire simulabat : nihilo secius adversus eum Suleimannus omnia comparabat. Bellerbegum Græciæ cum suo equitatu quamvis podagra cardum festinare, & Selimo subsidio ire imperat : & reversum è legatione Mehemet Bassam cum fidissimis prætorianorum eadem de causa in Asiam mittit : ipse quoque accinctus eodem properare videri volebat; sed milites prætoriani detrectantes & inviti ad signa conveniebant , fratrum bellum ut sceleris plenum abominantes. Nam in quem stringerent ferrum ? annon & ipsum imperii heredem ? posse supersederi hoc bello, ut minime necessario; nec cogendos sociali sanguine maculare manus , & piaculo se obstringere: Bajazeris conatus necessitate defendi. Quæ postquam ad Suleimannum perlata sunt, ad suum Musti (quem supremum Turcarum sacris antistitem haud dubie memineris) à quo in rebus dubiis tanquam à quereu Dodonea responsa petuntur, refert; Quomodo habendus sit , qui se vivo pecunias & manus cogat, oppida expugnet , imperii quietem turber. Quid item de iis censeat, qui castra ejus sequantur , & talia conanti auxilio sint : ac postremo de iis qui arma capere recusent, & nihil eum peccare defendant. Respondit Musti, eum hominem, & qui ejus sectam sequantur, videri quovis supplicio dignos : qui vero contra eum arma ferre detrectarent , tanquam profanos &

& religionis desertores pro intestabilibus habendos. Hoc responsum in vulgus effertur, atque opera præfecti Chiaufforum ad Bajazetem mittitur. Paucis post diebus rediit Constantinopolim quidam de corpore Chiaufforum, quem à Suleimanno ad Selimum ablegatum Bajazetes intercepterat; per quem patri nuntiabat, sibi cum eo cuncta pietatis officia constare; nulla contra eum arma mota; neque recusare, quin ei in rebus omnibus dicto audiens sit. cum fratre sibi negotium & de vita certamen: cujus ferro sibi necessario cadendum sit, aut illi suo. nefas superesse utrumque. hoc dissidium eo vivo finire sibi certum esse: proinde ipsum rectius facturum, si se certamini eorum non interponat, neque alterutri auxilio sit. Quod si (ut ferebatur) mare trajiciat, ut Selimo suppetias eat, ne speret se facile in potestatem redactum iri; exploratum habere periculum. sed eum non prius transiturum in Asiam, quam ipse incendiis, cædibus, ruinis totam deformasset, nihilo mitius, quam aut Tamerlanes, aut alius quivis hostis importunissimus. Hæc ita renunciata haud mediocrem Suleimanno curam attulerunt. Simul audiebatur Axuar oppidum, cui filius Selimi pro Singiaco præfuerat, à Bajazere captum, exactaque magna pecunia fœdum in modum direptum. At Selimus audito fratrem proficisci Amasiam, & jam venisse Ancyram. insidiarum suspicione deposita, quas in itinere metuerat, & ipse Iconium properaverat, quod ei imposito præsidio servabatur. nam in cæteris curis, quibusangebatur animus Suleimanni, non erat postrema, ne Bajazetes intercepto Iconio in Syriam se demitteret, inde in Ægyptum irrumperet, apertam nec satis firmam provinciam, neque dum oblitam veteris Cercassiorum sive Mamelucorum imperii, ac proinde novitatis cupidam: è qua Bajazetem ejicere magnæ molis negotium futurum erat, præsertim promptis ad omnem motum,

rum, unde spes prædæ esset, finitimis Arabibus. Ex qua etiam, si ad ultimæ necessitatis casum compelleretur, in quamcunque Christianæ ditionis oram trajectus pateret. Ea re summe laborabat Suleimannus, ut hoc iter, quod consiliorum Bajazetis ultimum videri poterat, intersepiretur. ea re dederat ad plerisque minoris Asiæ præfectos mandata, parati excubarent, ut cum innuisset Selimus, præsto essent. Cum iis in omnem Bajazetis motum intentus Selimus, pro mœnibus Iconii castra posuerat; certus eo loco patris auxilia manere, neque immaturo congressu salutem suam in discrimen ancipitis pugnæ committere. At Bajazetes ex altera parte non immemor, quantum operis suscepisset, nequaquam causæ suæ indormiebat. magna fortitudinis opinione equirem, quem hodie *Chiurum* vocant, nescio an olim Gordiæum, conduxerat: in cuius virtute magnam fortunæ melioris spem habebat. Illi quo die in castra ad eum venerunt, equestris pugnæ simulachrum ediderunt, tanta veri similitudine, ut multi caderent, plures vulnerarentur. castra habebat in patentibus & porrectis ad Aneyram campis; è cuius urbis opportunitatibus, quæ multæ sunt, magnum usum capiebat. in arce collocarat pellices una cum liberis. A mercatoribus quos opulentiores cognorat, pecuniam mutuabatur, ea lege, ut si quem optabat belli eventum Deus dedisset, cum scœnore restitueret. Inde etiam quæ erant ad instruendos armandosque suos opus desumebat. Præter familiam (quam numerosam alere solent Turcarum procures) & quos dixi Chiurtos, convenerant, qui matris, qui sororis, qui Rustani. beneficia habebant. item è reliquiis Mustaphæ & Achomatis clientum plerique, viri acres & armorum periti; quibus domino rum indignam necem vel cum suo exitio ultum ire propositum. Nec deerat præsentis status pertaxa & novi cupida colluvies. Nonnullos attraxerat

traxerat misericordia infortunati Bajazetis, cui nulla usquam nisi in armis spes reliqua. Favebant juveni paterni vultus imaginem referenti; cum in Selimo nulla oris ejus similitudo apparet. maternæ quidem faciei & habitus expressæ notæ, sed mulieris in vulgus dum viveret odiosæ: multo gravis abdomine incedebat, inflatis buccis, facie nimia rubedine indecora, ut militari facies *pollenta saginatus* diceretur. ea vita iners fere per vinum & somnum traducebatur. sed neque in appellando salutandoque comis erat: neque sibi quenquam beneficio demerebatur. nolebat (ut ipse aiebat) populari gratia colligenda patris animum offendere. sic uni patri carus, reliquis agebat invisus. Quanquam ab eo genere hominum maxime fastidiebatur, quorum spes omnes sitæ erant in imperatore munifico, & rerum gerendarum cupido. iidem milites Bajazerem *Sofsi* vocare soliti, hoc est, quieti & literarum studio deditum, postquam viderunt pro sua liberorumque salute, captis armis quæcunque aleam paratum subire, admirari tanquam virum fortem cœperunt. Cur pater hunc talem suum spirantem imaginem abdicaret? cur ventricosum illum & socordem nihil paternæ indolis præ se ferentem ei anteponeret? nullam in armis culpam, ad quæ necessitas impellat. An non idem fecisse Selimum horum avum? cujus rei haud alias authorem meliorem posse reperiri; quem non modo contra fratrem se armare, verum etiam patris farum accelerare vis necessitatis coegisset. quo tamen facinore regnum filio & nepotibus paravisset. Quod si regnum ita paratum non injuste possideret Suleimannus, cur filius eodē jure uti veraretur? cur in eotā graviter vindicaretur, quod a vo licuisset? quanquam longe aliam rationem esse illius Selimi, ac istius Bajazetis. Hujus in patrē innoxia esse arma. optare hunc ut diu supersit pater. ne fratri quidem nociturū, si sibi per eum vivere liceat, si finē injuriis faciat.

faciat. fas semper habitum vim armis repellere, & positum ante oculos exitium (si fata sinant) declinare. Ergo talibus studiis copiae Bajazetis augebantur. quae ubi pæne in iusti exercitus modum excreverunt, nullum Bajazetes paratis rebus interponendum spatium ratus, recta ducit adversus fratrem, de salute, de fortunis, de imperio, unius praelii eventu decreturus. vel irritae fortitudinis aliquam esse laudem. conandum, si posset, in Syriam transgredi; quod si procedat, de reliquo nihil fore difficultatis. venientem expectabat sub Iconii mœnibus Selimus paternis opibus munitus, & à rebus omnibus paratissimus. Copias habebat magnas, ductores gerendi belli gnaros bene multos, quos ei pater adjunxerat, dispositarum opportunis locis bombardarum praesidio tegebatur. Sed nihil his territus, ut venit in conspectum Bajazetes paucis suos adhortatur, ut fortiter rem gerant. venisse tempus quod optassent, dari virtutis ostendendae locum, praerent se sortes, se illos beatos praestitutum; omnem in manibus eorum fortunam. quem suae sortis pigeret, parere campum, ubi cum meliore permutaret, & in quo vitae superioris miseras deponeret. A se dignitates, opes, honores, & quaecunque virorum fortium praemia expectarent, si vicissent. Unius aciei victoria spes quantumvis largas expleri. Eam vero comparari virtute, qua ipsi abundant. fraternum tantum agmen, quod esset in oculis, ignavi ducis ignaviores copias. ferro prorumpendum. Nam qui patris ibi sint milites, corporibus illinc stare, animis secum facere. eundem Selimum ob stare suae incolumitati, & eorum foelicitati; ultum irent communem hostem. Ne multitudinem pertimerent. non numero, sed animi constantia victoriam quari. Caeli quoque & terrae potens numen non pluribus, sed melioribus adesse. si meminissent, quam immani cum hoste, & quam sitienti sanguinis ipsorum praeliarentur, non fore difficilem

cilem victoriam. ac postremo, Non mea, inquit, dicta, sed facta vos intueri volo. nec dubitabo, si ut me pro vestris commodis pugnatem videritis, vos quoque pro mea salute pugnaveritis, exploratam victoriam vobis polliceri. Quo dicto, magno animo signa in hostem ferri iussit; ubi diu inter primos versatus, omnique & strenui militis & boni ducis officio functus, non minorem ab hostibus, quam à suis egregiæ fortitudinis laudem reportavit. Certatur acriter: Multi utrinque cadunt. Sic cum aliquandiu magna pertinacia dubio Marte dimicatum esset, eo denique victoria inclinare cœpit, unde plus virium, causa iustior, & meliora stabant consilia. Hic machinam movent Turcæ: aiunt à vicino delubro veteris cujusdam sui herois magnam vim veluti exortam tantum in ora militum Bajazetis pulverem tulisse, ut pæne lucis usu privarentur, & veluti capti oculis pugnarent. Multis hostium cæsis, multis suorum desideratis, receptui signum dare cogitur Bajazetes. sed recipit se sensim, & sine trepitatione, pæne victoris quam victi similior. Nec se loco movit Selimus; pulso hoste latus, satis habuit abeuntium terga spectare. At Bajazetes postquam contempto patris imperio, animo suo morem gesserat, consilio depulsus, atque itinere quod affectaverat desperato, haud falso Amasiam petere instituit. Sub hoc tempus, & (ut affirmatur) de pugnae exitu citissimo nuncio certus jam Suleimannus transmisit in Asiam. Nam ut Bassis, antequam ei de victoria constitisset, non videbatur transfretandum; sic ea nunciata non videbatur cunctandum, ne res Bajazetis adversæ, eorum qui causæ ejus occulte favebant, pectora nudarent. ex quo majores motus orirentur. Famam ejus transitus, cum ad frangendos Bajazetis spiritus, tum ad perterrefaciendos ejus amicos plurimum valituram. Instandum visto, neque dandum tempus, ut se colligeret; exemplo

Selimi, Suleimanni patris, qui formidolosior fuisset victus quam integer; eaque re maxime vicisse videri poterat, quod prius male pugnasset. Neque ista temere differebantur: siquidem incredibile est, quantum admirationis & gratiae prælium illud, etsi adversum, Bajazeti conciliavit: ausum esse cum fratre multo paratiore & paternis opibus subnixo, cum parva manu configere: neque loci iniquitatem, neque vim bombardarum timuisse: neque in acie versatum ut tironem, sed ut ducem veteranum, fortuna quidem illum inferiore discessisse, sed virtute superiorem. jactaret se patri quantum veller victor Selimus, Bajazetem meruisse ut vinceret. Selimum cuius potius rei debere victoriam, quam suæ virtuti. Hæc ut gratiosum in vulgus reddebant Bajazetem, sic patris eûras ingeminabant, odiumque incitabant, quo magis perditum vellet: immotum ei non alium imperii hæredem relinquere, quam Selimum natu majorem, sibi semper fidum & obsequentem: hunc alterum ut contumacem & imperio se vivo inhiantem aversabatur; à quo sibi eo magis metuendum intelligebat, quo majore esset fortitudinis opinione, quantoque apertius ipse Selimi partes juvisset. His de causis mare trajecerat; eo tamen animo, ne longius à littore discederet, & tantum è longinquo Selimi rebus aspiraret. Quid enim admovendis propriis copiis periculum adiret, ne dubiæ fidei exercitus inopinata defectione perverteretur? Vidi Constantinopoli excedentem anno quinquagesimo nono, die quinta Iunii, vel invito meo Chiausso. sed quid vetat imitari milites gloriosos, & tibi duas pugnas meas narrare. Sum otiosus (nisi continua animi sollicitudo, instar negotii est) & quo pluribus ad te scribo, eo diutius à molestiis absum. Cum satis constaret in procinctu esse principem ut mare transiret, jamque & dies præfinitus esset, denuncio meo Chiausso, me velle videre discedentem: veniret

eo die bene mane, ut mihi fores recluderet. nam
claves vesperi secum asportabat. benigne pollice-
tur. do præterea negotium Gianizaris & inter-
pretibus meis, ut mihi cœnaculum conducant
viz imminens, qua princeps excessurus erat. illi
mandata exequuntur. Ubi dies venit, evigilo
tempore antelucano, Chiaussumque ad fores ex-
pecto ut aperiat: sed ille etiam atque etiam mora-
tur. mitto complures qui arcessant, modo Gianiz-
aros qui pro foribus cubare solent, modo inter-
pretes meos qui foris astabant, ut intromitteren-
tur. atque hæc omnia per valvarum rimas, quibus
illæ jam veteres fatiscent. Chiaussus alias ex aliis
moras fingere, & modo jam jamque se venturum
dicere, modo aliquid sibi prævertendum. dum
hæc aguntur, abeunt horæ, donec fragor auditur
sclopetorum, quo Gianizari ascendentem in e-
quum principem salutabant. hic meum jecur
urere bilis: video mihi illudi. movet dolor meus
& justa indignatio ipsos quoque Gianizaros. ad-
monent, si mei intus magna vi connitantur, se
foris adjutantibus luxuras vetustate valvas ita pos-
se impelli, ut excussis obicibus aperiantur. placet
consilium. illæ dant exitum validius impulsæ. ef-
fundimur ad domum, ubi cœnaculum conduci
jusseram. Animus fuerat Chiausso me frustrari, ho-
mini tamen non malo. nam cum mea desideria ad
Bassas detulisset, non placuerat suū principē con-
tra filium exiguas copias ducentem spectaculo esse
homini Christiano. ei suaserant ut me benignæ
pollicendo differret, donec Imperator navem con-
scendisset; tum comminisceretur aliquid, quo se
mihi purgaret. sed dolus recidit in authorem. Ubi
ventum est ad illam domum, reperimus oclusam,
ut in eam non magis nobis liberum esset introire,
quam paulo ante fuerat exire de nostra. Cum pul-
santibus nemo responderet, denuo adsunt Gianiza-
ri, & si sim auctor, vel fores effracturos, vel per fene-
stram se intro demissuros, & mihi aperturos polli-

centur. effingi quicquam vero. quominus per fenestram intrent, non prohibeo. Illi dicto citius ut se obrulerant, ingressi, fores referant. ut ascendi. inuenio plenam ludorum domum, iustam synagogam. at illis portentum videri me per occlusas fores potuisse intrare. re cognita sistit se mihi matrona quxdam magno natu, cum satis decore vestitu, & de vi deque injuria illi domui facta, sermone Hispanico, mecum exposulat. ego non servaram pactorum fidem, & factam mihi eo nomine injuriam, nec me sic ludibrio haberi debuisse, regero. illa satisfactionem non accipiebat; nec tempus longiorem sermonem patiebatur. Ceditur mihi una fenestra. ea à postica parte despiciebat in plateam, qua princeps urbe migrabat; hinc cum magna voluptate specto abeuntium luculentum agmen. Geminos cum Garipigos tum Ulufagos; Singulares vero Selictaros, Spahiosque. ea sunt equitum pratorianorum nomina suis locis turmisque distinctorum. conficere creduntur plus minus sex capitum millia. præterea ipsius principis, Bassarum & reliquorum purpuratorum, domesticorum mancipiorum multitudinem. Neque vero non elegans præbet spectaculum eques Turcicus, Cappadoce vel Syro, vel alio quovis generoso equo phaleris & ephippiis argenteis, auro & gemmis interlucentibus vehens. ipse vestitu nitet auro argentoque intertexto, aut serico aut holoserico, vel certe è nobilissimo panno confecto, coccineo vel hyantino ferrugineove. geminz latora honestant thecz, quarum altera arcum capit, altera est depictis plena sagittis; utraque visendo opere, nimirum Babylonico, quo etiam elaboratus clypeus brachio sinistro aptatur. sagittis & ictibus modo, qui vel clava vel gladio inferuntur, resistere aptus. Manum dextram, nisi vacuum habere præoptet, impedit levis hasta, viridi colore ut plurimum depicta. Acinace cingitur gemmis distincto. è calybe ab ephippiis sive equestri sella clava pendet.

det. Tantum, inquires, armorum? imo, ut sis sciens, horum omnium tractandorum usu exercitatus est. cedo qui potest aliquis arcu uti & hasta? an ubi hastam conjecerit, aut fregerit, tunc demum arcum arripiet? ne id quidem. hastam enim penes se servat, quoad potest: verum ubi arcus vicissitudinem res polcit, levem eoque habilem hastam recipit inter sellam & femora, sic ut cuspis alte retro emineat, atque ita genu pressam tenet, quandiu visum est. Arcum vero, ubi hasta pugnari res monet, in corytum recondit, aut sinistro brachio trans clypeum induit. Sed non est mihi propositum, eorum in armis solertiam longa belli consuetudine multaque exercitatione quæsitam pluribus verbis explicare. Capitibus tegmina induunt ex candidissimo eodemque levissimo xelino linteo, & quibus mediis holosericus apex purpureus surgit, per strias divisus. hoc capitis tegumentum plerique pinnulis atris decorant. Equitatu jam prætervesto excipiebat longum Gianizarorum agmen, raro aliis armis quam suis sclopetis instructorum. omnibus ferme eadem vestitus forma & color, ut ejusdem domini servitium & veluti familiam agnosceres. Nullum ibi enormis vestitus prodigium, nihil concisum aut perforatum. satis sibi cito vestes atteri dicunt, etiamsi non scindant. in pinnis modo & cristis similique ornatu militari luxuriant vel insaniunt verius, præsertim in novissimo agmine veterani. pinnarum, quas frontalibus insertas habent, sylvam credas ambulare. Subsequuntur in equis illorum centuriones & tribuni, propriis insignibus distincti. ultimo loco solus incedit supremus eorum præfectus. Succedunt purpuratorum principes, inter quos & Bassæ: deinde pedites, custodia corporis regii, peculiari cultu atque habitu, tentos arcus (nam sagittarii sunt omnes) manu gestantes. mox complures ipsius principis equi, forma & phaleris insignes, manu ducebantur. Ipse sedebat in exi-

mio equo, fronte severa & contracta, ut iratum scires. pone eum tres pueri: quorum unus aquæ lagenam gerebat, alter penulam, arcam tertius. hos sequebantur aliquot eunuchi cubicularii. universum agmen claudebat turma ducentorum fere equitum. Quæ cum omnia latus despexissem, una mihi cura relinquebatur placandæ hospitæ. Nam mulierem illam, quæ me ingredientem lingua Hispanica compellaverat, audiebam uxori Rustani perfamiliarem. verebar, ne quid per eam in illam domum deferretur, quod à me minus committer factum argui posset. lubeo venire hospitam: dico debuisse eam recordari conventorum, neque mihi januam ocludere, quam pacta mercede apertam fore promississet; tamen ut ut merita esset, mihi esse in animo fidem, quam ipsa neglexisset, præstare, eique addito etiam corollario satis facere; promississe aureos septem, accepturam decem, ne pœniteret suas xdes mihi paruisse. Illa ut sibi præter spem auro manum impleri vidit, tum derepente mutato animo in blandimenta & agendas gratias deflexa, quicquid erat ibi synagogæ convertit. Accedit & illa, quam dixi Rustani conjugis familiarem: partes agit secundas, concinit cum hospita, & mihi ejus nomine ingentes gratias agit. vinum Cretense & bellaria proferuntur, si velim gustare. ego rejicio, & quod possum, me domum abripio, cum faustis totius gentis ludæorum precationibus, novum certamen cum Chiausso meditantis, ob reſeratas eo absente fores; quem reperio mœstum assidentem vestibulo, ubi mihi longam oritur querimoniam, non debuisse me sine suo consensu prodire, neque fores effringere; videri in eo jus publicum violatum, aliaque ejusdem generis multa. Respondeo paucis, si mature, quemadmodum mihi receperat, adesse voluisset, nihil istorum opus futurum fuisse: verum cum ipse promissum non servasset, dedisse causam cur illa fierent, qui mihi illudere

illudere voluisset. Quæro denique utram me pro oratore habeant, an pro captivo? Respondet pro oratore. Si pro captivo, inquam, frustra conficiendæ paci adhibeor, quando hominis captivi nullum est arbitrium. Sin pro oratore, ut dicis, cur liber non sum, si orator sum? cur domo egredi cum volo prohibeor? Solent, inquam, captivi includi, non oratores. libertas apud omnes gentes servatur oratoribus. hoc magis jus est publicum. Sciret se mihi additum, non ut carceris custodem aut lictorem, sed qui me (ut ipsemet dictitare consueverat) suis officiis sublevaret, caveretque ne qua mihi aut meis injuria fieret. Is deinde ad Gianizaros conversus, rixari cum iis quod id mihi consilii dedissent, quodque in aperiendis foribus, meis hominibus auxilio fuissent. Illi negabant me ipsorum consilio indiguisset. jubenti aperire, paruisse. in quo haud magno molimine fuisse opus, leviter impulsos cecidisse obices (ut acciderat) nihil usquam fractum aut deminutum. Ita placato nolente volente Chiausso, hujus rei post id silentium fuit. Paucis ab eo tempore diebus vocor & ipse trans mare. Isti non alienum à rebus suis judicabant, me versari in suis castris & tractari liberaliter, ut amici principis oratorem. ea de causa assignatum mihi in conjuncto castris pago hospitium, ubi eram sane commodissime. Turcz in proximis campis tendebant. cum vero eo loco tribus mensibus vixerim, fuit mihi facultas videndorum ipsorum castrorum, & cognoscendæ aliqua ex parte disciplinæ. qua de re nisi pauca attingam, habeas fortasse quod me accuses. Sumpto habitu Christianis hominibus in illis locis usitato, cum uno aut altero comite quacunq; vagabar ignotus. primū videbam summo ordine cujusque corporis milites suis locis distributos, & (quod vix credat, qui nostratis militiæ cōsuetudinem novit) summū erat ubiq; silentium, summa quies, rixa nulla, nullū cujusquā insolens factum,

sed ne vox quidem aut vitulatio per lasciviam aut ebrietatem emissa. Ad hæc summa mundities, nulla sterquilinia, nulla purgamenta, nihil quod oculos aut nares offenderet. Quicquid est hujusmodi, aut defodiunt Turcæ, aut procul à conspectu submovent. Ipsi quotiescunque alvi exonerandæ necessitas urget, scrobem sibi ligone cavant, in qua excrementa multa obruunt. sic tota castra sordibus vacant. Sed nec ullas compotationes aut convivia, nullum alex genus, magnum nostratis militis flagitium, videre erat. nulla Isoriarum chartarum neque tesserarum damna norunt Turcæ. occurrebat modo horridus aliquis, à finibus Hungaricis cum suis gregalibus, miles, qui flebili in chelyde mœstum quiddam tristis ipse ululabat verius quam cantabat. Ea erant suprema verba commilitonis in herbido prato ad Danubii ripam è vulneribus morientis; quibus Danubium obtestabatur, ut quoniam cursum teneret versus eorum regionem, unde ipse ortus esset, meminisset referre amicis & popularibus, se pro religionis incremento & pro gloria gentis non indecoram neque inultam mortem oppetere. Ad quæ ingemiscentes socii, o ter felicem, beatum, & cum quo suam sortem permutatam vellent, vocibus ingeminabant. Habent hoc in opinione Turcæ, ut nullorum animas majore compendio in cælum evolare credant, quam virorum fortium, qui in bello ceciderunt; pro quorum etiam incolumitate virgines quotidie ad Deum preces & vota faciunt. Volui per lanienam quoque, ubi pecudes mastabantur, duci, ut viderem quid carnis venale extaret. vidi quatuor aut quinque ad summum verveces pendere excoriatos: atque ea erat laniena Gianizarorum, quos arbitror in illis castris haud pauciores fuisse quatuor millibus. mirabar tot hominibus tantillum carnis sufficere. ea uti paucos respondebatur. Nam magnam eorum partem suum obsonium habere

Con-

Constantinopoli transportatum. Quærenti quod esset, ostendebatur mihi aliquis accumbens Giani-
 zarus, qui è fictili aut ligneo catino rapum, cæpe,
 allium, pastinacæ, cucumerem trucidabat, omnia
 sale & aceto condita: quanquam ea verius con-
 diebat fames, ut nec perdicibus nec phasianis sua-
 vius saturari posse videretur. Potus erat animan-
 tium omnium communis, aqua: cujusmodi fruga-
 litate corpori simul & peculio consulitur. Et quo-
 me magis horum caperet admiratio, tempus fa-
 ciebat, quod eorum suberat jejunium, siue (ut no-
 stro more loquar) Quadragesima. quo tempore
 apud nos etiam in bene moratis civitatibus, nedû
 in castris, omnia perstreperunt ludo, choreis, cantu,
 clamoribus, comestationibus, ebrietate, furore de-
 nique & insania, ut non frustra creditum sit homi-
 nem Turcam, qui eo tempore ad nos publici ne-
 gotii causa legatus venisset, reversum domum retu-
 lisse, Christianos certis diebus bacchari & furere,
 donec genere quodam cineris in templo respersi
 redirent ad se & convalescerent. Esse operæ pretium
 videre, quantum ejus remedii beneficio mutaren-
 tur, prorsus non videri eosdem: diem cineralium
 & ejus profectum signans. Quod magis stupebant,
 quibus hæc narrabantur, quod Turcis medicamen-
 ta multa sunt, quibus sanitatem mentis amittant,
 pauca vero quibus confestim recuperent. Ipsi die-
 bus illis, qui inedia tempus proxime antecedunt,
 nihil mutant in pejus de pristino vitæ instituto, nec
 ventri nec genio nec licentiæ largius indulgent.
 Quin potius contra demendo aliquid de suo (ut
 ita dicam) dimenso, sese abstinentiæ præparant, ne
 subitam mutationem non tolerent. Jejunii eorum
 tempus ita statum est, ut ramen singulis anni
 diebus fere quindecim citius recurrat, quod duo-
 decim lunæ annum spatium non impleant. Hinc
 fit ut jejunium quod fuit initio veris, post sex
 annos habeant incunte æstate. Nam Turcis de-
 cursu lunæ unius æstivales feriæ terminantur,

nec ullæ sunt graviores quam quæ in æstatem incidunt ob longitudinem dierum. Cum ita servant, ut nihil gustent, ne aquam quidem; imo nec os eluere fas habeant, antequam vesperi stellæ appareant: fieri necesse est, ut longissimi quique dies, quique plurimum habeant caloris & pulveris, molestissimi accidant, præsertim eis qui opus faciunt & suo labore victum quærant. Liberum tamen est eis ante exortum solis (nam Sol vespertem toto jejunii tempore videre neminem debet) antequam stellæ ejus sideris luce hebetentur, vesci si lubeat, quo etiam hibernum jejunium facilius toleratur. Cæterum ne die nubilo errori locus sit, sacerdotes templorum æditui, ex altis turribus (unde, ut apud nos æris sono, sic ipsi alta voce ad rem sacram populum convocant) candelas proponunt in earum turrium pinnaulis, genere quodam laternæ chartaceo conditas, quarum luminis indicio evidens sit venisse cibi sumendi tempus. Illi tum demum templum ingressi, ac Deum suo ritu venerati, ad cœnam redeunt. Sed æstivis diebus memini videre cum à templo tabernam è regione diversorii nostri frequentes peterent (in ea venalis habebatur nix, quæ ex Asiæ monte Olympo nunquam deficit) aquamque nive rigentem poscerent, quam cessim subsidentes biberent. Turcis enim bibere aut vesci aut urinam facere stantibus, nisi quid cogat, religio est: sed hæc faciunt ira demissis coxis, ut apud nos reddituræ lotium mulieres. Cum vero per incertam crepusculi lucem satis discernere non possem, quid sibi eo habitu vellent; docebar ab hominibus moris eorum non ignaris, singulos aquæ gelidæ magnam haustum educere, ut escæ viam aperirent, alioqui æstu & inedia siccis faucibus inhæsurum, etiam humoris frigiditate appetentiam cibi excitari. Eduliorum nullum habent delectum; nec eos ab ullo cibo jejunii religio arcer, quo aliis temporibus vesci nefas non sit. Quod si quid morbi

morbi incidat, qui locum inedia non relinquat, jejunium negligunt; cum eo tamen, ut quot dies abstinentiæ morbi vis exemerat, totidem postea valentes reponant. At cum versantur in hostico, & instantis pugnæ metus urget, ne fame confecti cum hoste configant, monentur jejunium in aliud tempus proferre. quod si cunctentur, tum Imperator ipse palam de medio die inspectante exercitu cibum sumit, ut exemplo ejus provocati omnes idem faciant. Cum vero cætero tempore anni religio eos à vini potu abstineat, nec sine scelere eo uti possint; tum vero id comprimis servant cunctis jejunii diebus, ut nemo tam profanus aut dissolutus reperiatur, qui non vel odorem ipsum vini fugiat, nedum bibere non vereatur. At cur tantopere Mahumetes suis sectatoribus vini potu interdixerit, sæpius mihi causam sciscitanti memini quandoque hanc narrari fabulam. Incidisse Mahumeti iter ad amicum. in eo itinere sub meridiem divertisse ad hospitem, apud quem nuptiale convivium frequentabatur; à quo invitatum cum reliquis accubuisse: inprimis vero admiratum fuisse summam convivarum hilaritatem, plurima non fictæ benevolentia signa, dextrarum conjunctiones, complexus, oscula: tum quæsitæ ex hospite causa didicisse, vinum hos habitus animorum facere: atque illum abeuntem, propterea benedixisse ei liquori, quo tanta charitate homines jungerentur. cæterum redeunti postridie, idem suggesto testum, longe aliam rerum faciem occurrisse, atrocis ubiq; pugnæ vestigia, sanguine tetro solum infectū, disjecta membra, hic brachium, ibi pedem, aliosq; alibi jacentes truncos artus: percunctantem vero unde tantū mali? audivisse, convivas quos pridie viderat, postquā se vino ingurgitavissent, actos in rabie in mutuam perniciem sevisse & magnam patrasse cædem. Qua de causa mutata sententia Mahumetem vini usum execratum, eoq; suis in perpetuum in-

reddidisse. Ergo illis in castris tranquilla omnia, & summo silentio composita, cum alias tum maxime trigesimæ (ut sic dicam) tempore. tantum castrensis disciplina & summa severitas per manus à majoribus tradita possunt. Nullum scelus neque flagitium inultum relinquunt Turcæ. Supplicia sunt muneris dignitatisque privatio, bonorum publicatio, fustuarium, mors, frequentissimum tamen fustuarium, à quo non sunt immunes ne Gianizari quidem, tamen à summo supplicio vindicentur. leviora admissa fustis castigat, graviora exauctoratio, militiæve mutatio; quod genus gravius morte ducunt, quæ fere sequi solet. Nam exuti Gianizarorum insignibus, relegantur ad longinqua extremorum finium præsidia, ubi contempti & inglorii vitam ducunt: aut si rei atrocitas gravius exemplum postulat, quæ sita causa morte illic afficiuntur. Nec tamen ut Gianizari moriuntur, sed ut gregarii milites. Est vero compressis admirabilis Turcarum in accipienda castigatione patientia. in suris, in soleis, in natibus, sæpe ultra centum plagas excipiunt, ut plures cornei fustes nonnunquam confringantur, & illo identidem sit opus, *cedo alterum*. ac tamen in promptu sunt remedia, sit tamen aliquando ut plures libræ vitiatæ carnis è locis illis contusis ferro circumcidendæ sint. Nihilominus adire eum cujus iussu exsi sunt, & manum deosculari, & gratias agere coguntur, & lictori pro singulis verberibus ceræ mercedem solvere. Nam fustem quidem illi quo castigantur sacrum habent, nec dubitant primum cælo delapsum credere, non minus quam Romani sua ancilia. huc addunt, ne tantæ acerbitatis nullum solatium sit, partes eas quas fustis contigerit, post hanc vitam immunes fore ab expiaticis flammæ sævitia. Cum dico ea castra rixa & turbis vacua fuisse, unæ mihi excipienda sunt, quas mei homines excitarunt. processerant pauci exspatiatum extra castra, secundum littus,

lictus, sine Gianizaris, assumptis tantum secum aliquot Italici religionem Turcicam professis: quorum hominum cum in aliis rebus variz sunt opportunitates, tum pręcipue in redimendis captivis, siquidem accedunt ad eos in quorum potestate sunt, fingunt, sibi vel consanguineos vel affines certe populares, propterea calamitate eorum commotos rogare ut accepto pretio eos manumittant, vel sibi abdicent: domini non gravatim assentiuntur. Quod si Christianus id postulet, recusent, aut multo pluris vendant. Cum ergo mei (ita ut dixi) prodiissent, incidunt in Gianizaros, qui se in mari natando abluerant, sine capitis insignibus, linteis tantum tegminibus temere injectis. Gianizari in meos ut in Christianos probra jaciunt. Nam Turcę non modo licere putant contumeliosius appellare Christianos, & convitiis incessere, verum etiam pietatis loco ducunt, ut ignominiz pudore adducti religionem, propter quam ita audiunt, cum meliore scilicet mutent. Mei laceffiti respondent, & convitia regerunt: denique à verbis venit ad manus, adjuvantibus meos quos dixi Italici. cujus certaminis exitus fuit, ut desideraret unus ex Gianizaris linteum capitis involucrium nescio quo abjectum. Gianizari abeunt ad suum pręfectum. & damni injuria dati meos (nam quos se recepissent observant) deferunt. Edicit pręfectus, ut meum interpreterem, qui velitationi interfuerat, arcessant. illi sedentem prę foribus corripunt, me superne ex porticu despectante. Mihi vero videri indignum hominem meum sine meo consensu eo abripi, unde nisi verberibus oneratum (nam causam jam intellexeram) spes non esset redditurum. etenim ditioni Turcicę subiectus erat. Descendo, injectaque manu jubeo ut dimittant: dimittunt quidem, sed multo gravius apud pręfectum suum conqueruntur. is interloquitur, ut plures eant, hominesque illos ex Christianis factos Turcas, eos Italos quos dixi, ad se trahant, sic ra-

men

men ut mihi neque domui in qua divertebam, vim faciant. adsunt denuo magno cum strepitu, consistunt in via, hominesque illos magnis clamoribus & minis deposcunt. Sed illi jam quod futurum erag providentes, trajecerant Constantinopolim. Diu res acta est magno hinc inde jurgio. Demum Chiaussus, quo tum utebar sene capulari, metu trepidus me incio aliquot aureos eis obtrusit, veluti pretium amissi linteï. sic rixæ facta est pausa. Quod eo libentius commemoro, quod per hanc occasionem ex ore ipsius Rustani cognovi, quæ esset principis de Gianizaris sententia. Siquidem accepto hujus tumultus nuncio hominem ad me misit, qui suis verbis moneret, ut causam omnem contentionis cum illis pessimis hominibus præciderem. An ignorarem bellum esse, quo tempore ipsi regnarent, sic ut ne Suleimannus quidem eorum potens esset, & sibi ab eis male metueret? Quod non temere Rustano exciderat, ægritudinis domini sui probe gnaro. Nihil enim magis formidabat princeps, quam ne quod perfidie ulcus in Gianizaris lateret, quod erumperet, cum remedio locus non esset. Sic est profecto, sunt proprii & continui exercitus magnæ utilitates: sed sunt etiam, nisi bonis rationibus obviam itum sit, non levia incommoda; illud inprimis quod assidue defectionis metus sollicitos habeat Imperatores; & sit in potestate militum, ut regna transferant quo velint. quarum rerum magna extant exempla: sed tamen vix sunt multæ quibus occurrere potest. Venit ad me in ea castra Albertus de Ubiis, vir honestus & bonis literis non leviter imbutus, patria ni fallor Amersfordiensis. attulit à Cæsare ad hunc principem dona, scyphos aliquot inauratos, cum horologio affabre elaborato, quod elephantis dorso turris instar vehebatur; item pecuniarum aliquid, quod inter Bassas divideretur. Quæ Suleimannus in castris in conspectu exercitus à me sibi offerri voluit, quo contestatior esset amicitia, quam

quam sibi cum Cæsare intercedere, & nihil à Christianis armorum impendere credi volebat. Redeo unde diverti ad Bajazetem, qui à pugna Iconiensi se receperat Amasiam ad suam præfecturam, tanquam ibi jam quieturus si pater permitteret. Dolori suo juvenilique cupiditati fuerat obsequutus: ita deinceps se comparaturus videbatur, ut paternæ voluntati satisfaceret. neque cessabat per literas & idoneos homines animum patris explorare: neque se Suleimannus alienum à reconciliatione præferebat. haud gravatim initio nuncios admittebat. legebat literas, neque respondebat inclementer: ut tota castra rumor pervaderet, patri cum filio conventurum; veniam datum iri ætatis infirmitati, modo reliqui temporis officia constarent. Sed hæc Bassarum consilio à prudente sene simulabantur, dum veluti clausum indagine Bajazetem vivum in suam potestatem redigeret. Nam metus erat, ne salute desperata, tanto impetu in Persarum regis fines (quod unicuique ei perfugium) rueret, ut præfectorum custodiam & diligentiam anteverteret: quos quidem continuis nunciis Suleimannus admonebat, ira exitus omnes in Persiam servarent, ne qua Bajazeti ad fugam rima pateret. Interea qui in manus ejus inciderant studii & favoris in Bajazetem suspecti, per tormenta interrogati clam tollebantur e medio; in his etiam quidam, quos Bajazetes miserat ut se purgarent. Regnum hoc tempore obtinet in Persia, sub quo nomine continetur quicquid gentium inter mare Caspium & sinum Persicum (cum parte aliqua majoris Armeniæ) incolit (tamen si Suleimannus multa bello abstraxerit, Babyloniam ipsam, Mesopotamiam & partem Mediæ) regnum inquam hodie in Persia obtinet Sagthamas, dominaturque, cum eo quo dixi spatio. tum etiam ulterioribus regionibus usque ad ditionem principis quem *Hemajum Patifach* Turci vocant. Hujus patrem in campis Chalderoniis vicit

vicit olim magno praelio Selimus. Res Persica ab eo tempore inclinare coepit, insultante acerrimo Imperatore Suleimanno, segniter & leniter defendente Thama, patre magnitudine animi longe inferiore. Qui quidem nunc otio & inerti vita de-
ditus, regis parietibus inclusus inter pellicum greges consensescere dicitur, variis earum delinimentis se oblectans, & plerumque fortibus in res futuras inquirens, exigua iustitiae iurisque administrandi cura; qui neglectus magnum ad maleficia & latrocinia atque omne licentiae genus per ejus Imperii gentes campum aperit. Itaque qui minus opibus valent, passim à potentioribus omni genere injuriarum opprimuntur; nec ullam in ejus aequitate, innocentiae praesidium viger. nihilominus apud eos populos ejus auctoritas sanctitatisque opinio in tantum, ut beatos credant qui regis ejus postes osculo contigerunt, & aqua qua manus abluerit ad varia morborum genera abutantur. Sunt ei complures liberi, in quibus unus, cui Hismaeli nomen, non minus avitam indolem quam nomen refert, insigni pulchritudine, Ottomannicæ gentis capitalis hostis. hic cum in lucem ederetur, pugnum crure planum utero matris extulisse dicunt, ex quo fama per eas gentes percrebuit, hominem fore bellicosum, quam ipse admodum adolescens multa cum Turcarum exade insignique victoria confirmavit. Sed cum pater facta cum Suleimanno pace, ne concordiae obesset, ex pacto, in intimam ditionis suæ regionem custodia clausum seposui; qui tamen post obitum patris communi voto heres Imperii destinatur. Veritus ergo Suleimannus ne Sagthamas (qui nobis sub nomine *Sophinior* est) magis veterum simultatum quam recentis & coactæ pacis memor, filium si in Persiam se ejecisset, non sine magna molitione extorqueri sibi pateretur, ex eoque fortasse longius & difficile bellum oriretur; omnem operam dabat, ut priusquam eo perveniret, opprimeretur. Meminerat paucis ante annis
Helcam

Melcam Thamar fratrem ad se profugum, suis opibus sustentatum, longum fratri facessivisse negotium, ut non immerito Thamar parem relaturum gratiam suspicaretur; & fortasse quæ ei bello eripuerat, per hanc occasionem repetiturum. Quæ Suleimanni consilia tamen magnopere secreta haberentur, tamen Bajazetis amicos non fallabant; à quibus subinde monebatur, ne patri crederet, caveret insidias, & quacunque ratione posset salutem mature consuleret. Quod ut faceret Bajazetes, ut sæpe ad magnas res parvæ momentum adferunt, causam dedisse ferebatur deprehensus in castris quidam ejus miles explorator, moxque jussu Suleimanni palam in crucem actus, eo obtentu quod esset à Bajazete conductus, postquam ei interminatus esset, ne quem præterea militem scriberet. Ea veluti tessera Bajazeti fuit, ne quod consilium fugæ celeritati anteponeret. At Suleimannus qui jam se consequutum arbitrabatur ne posset elabi, & fortassis ut magis falleret, exercitui suo reditum Constantinopolim indixit postridie paschatis. Bajazetes ipso paschatis die Amasie statim à peractis iocemnis sacris vase conclamari jussit. iterque in auspiciatum in Persiam auspicatur, gnarus quidem se ad veterem Ottomannicæ domus hostem proficisci; sed animo confirmato cujusvis potius misericordiam experiri, quam in patris manus devenire. Excessere omnes præter imbellem turbam, sexum muliebrem & pueros ferendis longinquæ vix laboribus impares; inter quos unus cum matre relinquitur Bajazetis filius recens editus, quem infontem avi clementiæ relinquere pater maluit, quam ærumnosæ & miserabilis fugæ comitem assumere. quem quidem Suleimannus incertus adhuc, quæ patris futura sors esset, educari Prusie jussit. Reversurus fueram Constantinopolim pridie paschatis, nisi me videndi ejus diel ritus cupido retinisset. in aperto & plano campo ante Suleimanni tentoria Turcæ paschales ceremonias celebraturi erant:

erant: ambigebam an videndi unquam talis se offerret occasio. Do negotium meis, uti in tumultu tentoria Suleimanni ex adverso despectante, promissis aliquot nummis, in tabernaculo militis Turcæ mihi locum quærant, unde videre illa possem; eoque solis exortu transeo. Video in ea planitie magnam conglobatam turbinatorum capitum multitudinem, summo silentio verba præeuntis sacerdotis excipientium. Singuli suis quique locis ordines constiterant; & cum in loco aperto & patente versarentur, ipsi corporum suorum serie, tanquam septa sive parietes, sibi construere videbantur: honoratiore quoque ordine, ei loco, ubi princeps constiterat, propinquiore. omnium erat vestitus eximius nitor. capitum tegmina, de candore cum nivibus certabant. grata diversorum colorum varietas multa cum voluptate in oculos incurrebat. sic vero stabant immobiles, ut in illo solo defixi aut ibidem succrevisse viderentur. nulla tussis, nullus screatus, nulla vox, nullus circumacti capitis aut respicientis motus. Sacerdote Mahumetis nomen pronuntiante, pariter una omnes capita ad genua usque summittebant: cum nomen Dei profaretur, in faciem venerabundi procidebant, & terram deosculabantur. Magna cum ceremonia, & attentione, suis sacris intersunt Turcæ. nam si vel digito scalpant caput, periisse sibi precationis fructum arbitrantur. Quid enim, inquit, si cum Bassis tibi sermo habendus sit, non aliter facias quam toto corpore ad reverentiam composito? quanto æquius est idem servari erga Deum omne humanum fastigium tantopere excedentem? Sic illi ratiocinantur. Peractis precationibus omnis compages illa soluta est, miscerique & per campum fluctuari & totam planiciem inundare cœpit. Mox Imperatori suum prandium inferebant, quibus ferre mos est, cum ecce Gianizari manus fereolis injiciunt, omnia diripiunt, atque ipsi multa cum festivitate & joci vescantur.

tur. Datur illud, ex vetere instituto, diei illius hilaritati. Principi aliunde provisum. Quo spectaculo lætus refero me Constantinopolim. Restant de Bajazete pauca; quæ ubi narravero, te absolvam, non minus fortasse legendo fessum quam ego sum scribendo. Bajazetes, ita ut audisti, Amalia cum expedito comitatu profectus tanta celeritate usus est, ut advenrus sui famam pœne locis omnibus præverteret, ac plerisque quibus transitum ejus observare propositum erat, inopinantibus imparatisque incideret. Bassæ Sebastonopolitano sic illufit, ut cum essent dux viæ, quarum una intersepta magno ejus itineri impedimento futura esset, eamque Bassa ille infedisset, misit quosdā specie transfugarum, qui indicarent, jam altera via eum prætergressum. quod dum Bassæ probabile fit, ac locis viæ quam occuparat relictis, ut vestigiis ejus insisteret, propere copiam traducit, qua Bajazetem ire credebatur, liberum ei transitum reliquit. Sed & Bassæ Erzeromeni non multum ab simili astu imposuit; à quo cum non procul abesset, sciretque in transitu ejus præfecturæ multum sibi paratum periculi, arte eum aggressus est, missis qui ei salutem nunciarent; deinde suis calamitatibus quam maxime miserandum in modum exponendis ejus misericordiā caperent. postremo soleas equis comparandi potestatem sibi fieri peterent. se venire omnium rerum inopia confectum, cogitare in iis locis ubi pabuli copia sit, quiete unius atque alterius diei equos reficere, & novis soleis calceare. Commode respondit Bassa, se non vetare quominus ea sumeret, quorum indigebat: sive commiseratio ea fuerit fortunæ Bajazetis, sive non alienus à partibus ejus sensus, quod nonnulli judicarunt: sive certe consiliū, quo facilius incogitantē opprimeret, & forte adhuc temporis opus habebat ad conducendum in unū locū militē, celeritate Bajazetis deceptum. Mittit etiā honoris causa ad eum munuscula, & de incolumitate deque adventu gratulatur Bajazeti: nihilominus pro-

progredebatur, nulla diei, exigua noctis parte ad quietem suis permitta. Bassa Erzerumensis ubi continuare iter Bajazetem cognovit, accelerat, & se reliquis Bassis conjungit, qui vestigia ejus legabant. Nam plures Singiaci & Bassæ, ubi migrasse Amasia Bajazetem auditum est, mandato Suleimanni cum persequerentur, pœna capitis indicta, nisi vivum aut extinctum stitissent. Verum nequidquam, propter præproperum Bajazetis discesum, & quod major esset hujus in fugiendo quam ipsorum in sequendo celeritas. Quanquam nulli pluris stetit Bajazetis fuga, quam Bassæ de quo modo dixi Erzerumensi, quem hac de causa præfutura à Suleimanno motum Selimus interfecit, una cum duobus adolescentibus filiis detestandum in modum prius consupratis. Sed & Selimus & Mehemet Bassa & Bellerbegus Græcix, quanquam longiore intervallo, Bajazetem insequerentur. Gravissimus Suleimanno acciderat ejus decessus, certum habenti quod erat, Persiam peti: & vix sibi temperabat, quin cum universo tam milite quam equite prætorio accurreret, Persæ belli timorem ex propinquo inferret. Sed moderabantur vesanos impetus consiliarii, demonstrantes, quantum esset ab infido milite discriminis. Quid item si temerarius & præceps Bajazetes supra Pontum & Paludem Mæotidem devio itinere Constantinopolim se retulisset, & servitia & tyrones quos *Agiamoglanus* vocant, proposita libertate ad arma vocasset, itaque in vacuum imperii sedem se insinuasset? hæc monita Suleimannum retinebant. Cæterum Bajazetes quacunque inceserat, ædium postibus inscriptum relinquebat, se duplex stipendium daturum militibus, qui ad se transissent, quæ res suspectos ducibus milites faciebat: & quod identidem voces audiebantur magnæ in Bajazetem benevolentix indices. Tandem ad Araxem fluvium, qui Turcarum regionem à Persia dividit, Bajazetes evasit, quo trajecto ne sic quidem securus, quo transitu

subse-

subsequentes Singiaccos prohiberet, custodias è suis in ejus fluminis ripa disposuit, qui sibi eam provinciam deposcebant. sed eos Singiacci facile dejecerunt, & se bene penitus in Persici imperii fines intulerunt, donec obvios habuerunt Satrapas cum magno equitatu: quibus percunctantibus, quid sibi vellent, quid in aliena ditione quærerent? Turcz responderunt, se Regis sui transfugam filium repetere. Contra Persæ, non æquum facere, quod extra suos limites armati vagarentur contra fœderis leges. Sagthamæ cum domino eorum pacem & amicitiam esse, quam servari par esset. de Bajazete cogitaturum quod se deceret, neque defuturum officio: interea facturos recte si è regione, in qua nihil haberent juris, excessissent. His moti Turcz iter retro vertunt. Ad sunt mox à Persa homines allegati ad Bajazerem, qui saluent, & sciscitentur quid veniat, copias item quantas secum ducat, explorent. Exponit Bajazetes, se fraternis injuriis & patris iniquitate patria ejectum, ad Persarum principis fidem tanquam ad unicam salutis aram confugere; sperare humanæ sortis memorem non repudiaturum supplicis preces, cæteroqui omni ope destituti. Ad hæc à Persa refertur fecisse eum parum considerare, quod ad se venerit, cui cum patre ejus pacem & amicitiam esse sciret, iis legibus sancitam, ut eosdem hostes & amicos haberent: quas leges violare sibi nefas duceret. tamen, quando res ita tulisset, accederet, bonis avibus dextram jungeret, hospitale tectum subiret; se nihil reliqui facturum, quo cum patre reducat in gratiam. Sic cum Persa congreditur Bajazetes, quanquam principio plena gratulationis omnia, amici vultus, hospitalia utrinque dona, crebra colloquia, epulæ mensæque communes, per quæ optime animorum occulta reguntur. fit etiam affinitatis mentio, promissa Orchani Bajazetis filio una de Persæ filiabus, spesque confirmatur Bajazeti non quieru-
rum

rum Persam, donec Suleimannus vel Mesopotamiz vel Babyloniz vel Arzerumi satrapiam ei dedisset. Extolluntur verbis earum præfecturarum commoda: posse sibi sine ullo fratris metu artem agere longe ab eo, longe à patre semotum. quod si quid durius ingruat, habiturum à tergo asylum soceri fidem, cujus præsidio ab omni casu tutus sit. Qui sermones vulgabantur, quo Bajazetis animus ab imminenti periculi sensu magis averteretur. An vero de restituendo ingratiæ patris Bajazete Persa per oratores, quos multos misit, sincere egerit, in dubium vocari potest. neque enim interea, quæ ad ejus perniciem pertinebant, segniter infiruebantur. Magno timore Sagthamas afficiebatur, ne serpentem nutriret in sinu, tametsi non desint, qui Persam eo compulsam quorundam scelere, qui beneficiorum parùm memores Bajazeti suadebant, ut regno Persam spoliaret: cujus rei non ambigua extitisse indicia. quin etiam vocem unius de præcipuis Bajazetis ducibus sceleris plenam ad ipsum Persam delatam; Quid agimus? cur istum hæreticum interficere, & regnum ejus occupare moramur? Nam cui dubium, quin per ejus fraudem nobis omnibus exitium instet? Qua re adductum Sagthamam, ad consilium magis necessarium, quam speciosum descendisse. Habebat Bajazetes non quidem magnas copias, pugnaces tamen, in quibus erant viri fortes, ad quidvis audendum prompti, quos non injuria metuebat Persa. erat sibi conscius nec veteris & per simulationem religionis quæsitæ regni. Quis præstaret quin in tot populis, quos subditos habebat, plerosque præsentis status pœniteret, ac proinde res novas malleret? Quibus nihil opportunius fieri poterat adventu Bajazetis. adhuc quidem se magis in ejus potestate videri, quàm ipsum in sua. utendâ vicissitudine, nec ut hospitem diutius habendum, sed ut bestiâ vinculis circumdandum. Quâ ad rem via esset facillima, si dissipatis copiis nudatus suorum præsidio opprimeretur.

meretur. Non enim sine multa exde aperto Marte posse expugnari. desidem longo otio Persam nec conductum in unum. contra Bajazeris militem presentem, promptum & exercitatum. Ita cōmunicato cum eo consilio de disjungendis ejus copiis & commoditatibus collectis, quas ea res adferret, non licuit refragari Bajazeti: tamen si viros cordatos & longius prospicientes gravis suspicio perculit. Sed quid recusari poterat, ubi tanta incubebat necessitas? ubi alia nulla spes reliqua? ubi alieno quidē nutu de lucro tamen vivebatur? ubi de fide hospitis dubitare sūmz perfidiz imputari poterat? Ergo haud alias inter se visuri in diversos pagos diducuntur, collocanturq; ubi Persis visū. ac paucis interpositis diebus, capto tempore, pauci a multis circumventi caduntur. Equi, arma, vestes & quæcunq; supellex in prædā interfectorū cedunt. eodē tempore indita Bajazeti vincula; & quo sit indignius, ut nōnulli volunt, inter mensæ sacra atq; epulas hospitales. liberi quoq; ejus custodia inclusi. Habes quod scire voluisti, quid ad hunc usque diem sit actum de Bajazete. Quid porro futurum sit, neminem esse arbitror, cui promptum sit conjectura augurari. Variz sunt sententiæ: sunt qui Babyloniam aut similem provinciam in extremis utriusque principis finibus sortitutum cui pro Singiacco præsit. alii mihi nec in Thama nec in Sulcimanno spem reponunt, pro conclamato haberes Bajazetem, quem huc ad supplicium remissum iri arbitrantur, aut in carcere fœde periturum. Neque vero non multa circumspectasse Persam cum Bajazeti vim adferret: nimirum ne si in regno patri successisset juvenis impiger & magni animi, fratre bello non paulo melior, ex eo sibi & suo regno multa mala crearentur. Suis rebus multo aptius, si regnaret Selimus ventri & somno natus, ex quo pacis spes & longa securitas ostenderetur. propterea Persam de manibus vivum Bajazetem nunquam dimissurum, in carcere potius nece-

necaturum, fide non difficili, juvenis tædio & impatientia carceris morte absumpti. certe non est quod speret sibi unquam amicum fore, quem tanta injuria læserit. Aliis aliud; mihi sic videtur, spissum (ut res cadat) fore negotium, quod opto. neque enim fortuna Bajazeris leviter causam nostram contingit. non facile isti in nos arma vertent, donec eis de exitu hujus negotii constiterit. Quin jam mihi literas, & pacis leges nescio quas obtrudere conantur, quas ad domini mei voluntatem proxime accedere mihi persuasum volunt; sed nullum, ut fieri solet, dant exemplum: ex quo mihi fraus suspecta est. itaque pernego me literas ad Cæsarem missurum, de quarum sententia non mihi prius liqueat. Quod si me exemplo communicato tamen fallant, tum in eorum manifesta impostura nihil erit quod mihi imputetur: in quo perseverare certum est, & dominum meum ad literas captiosas difficultate responsionis exonerare. Nam is quidem nisi æquas, nullas pacis condiciones accipiet. At in rejicienda qualicunque pace gradus ad bellum strui videtur. libera omnia posteri temporis eventis servare consultius arbitror. Interea non missarum literarum penes me culpa erit; qua me facile liberabo, si eventus operatis eorum de Bajazete non responderit. Sin contra evenerit, plusculum quidem erit negotii, sed nihil quod explicari non possit, & commoda purgatione mitigari. Non solent isti implacabiliter irasci iis, quos laborare vident, ut rem domini quam optime gerant. præterea me ætas principis ingravescens juvabit. quæ Bassarum judicio oculi & quietis magis indiget, quam non necessariorum militiæ laborum: onus quidem & molestiæ mihi prorogabuntur; sed hæc æqui bonique faciendæ, modo bene collocentur. Habes librum non epistolam, in quo si qua mea culpa est, tua est non minor: tu exegisti, tuo desiderio datum est, quicquid hoc fuit operis. sola facilitas
mea

mea reprehendi potest, quæ tamen in amicitia sæpe laudi datur. Et si non despero quin tibi non gravia lectu futura sint, quæ mihi scripta jucunda fuerunt. me quidem juvat ut semel ad scribendum ingressus sum, quam diutissime custodiam meam fallere, animo peregrinari, & tecum tanquam præsentem versari. quæ erunt (ut erunt multa) casta & frivola, sic accipere debebis, ut quæ in familiaribus colloquiis inter amicos temere excidunt. Eadem semper epistolæ licentia fuit, quæ sermonis. ut nemo in quotidiano sermone judicii severitatem, aut anxietatem linguæ requisivit; sic ab epistolis censuræ morositas abesse debet. In communi consuetudine licet quicquid in buccam. idem permittitur in epistolis familiaribus: quæ si circumspectius loquantur, non jam jus suum retinere videntur. Quæ monumenta in oculis omnium locari debent, quæ templis & porticibus destinantur, summam perfectionem requirunt; non item quæ domesticis tantum usibus & privatis parietibus comparantur. nihil hic publico conspectu dignum. Hæc tibi & paucis amicis, cum quibus communicare voles, scripta sunt, nulla vel eruditionis vel ingenii quæ sita laude. quæ si tibi probabuntur, hoc est, si libenter leges, jam finem suum consecuta fuerint. Poterant magis Latine & elegantius scribi; quis negat? sed quid si ego non potui? ingenii ista culpa est, non voluntatis. Quanquam quid hodie è Græcia bene Latinum, aut è Turcia penitissimaque barbarie elegantius expectes? Hanc denique tibi fero legem, ut si ista non aspernere, accipias reliqua, donec Viennam rediero, si tamen unquam rediero: sin minus, hic finem faciam, ne tibi ultra molestus sim. Vale. Constantinopoli, Calendis Junii, 1560.

AUG. GISLENIi BUSBEQUIi
Legationis TURCICÆ

Epistola 4. & ultima.

QUOD mihi de reditu gratularis, agnosco humanitatem & veterem benevolentiam tuam. Quod reliqua exigis legationis meæ & quæ à postremis quas ad te dedi, illustrissime, usu venerint, aut quæ scitu jucunda observaverim, non mones immemorem. probe recordor quid tibi receperim: neque mihi est animus frustrati promissum, aut tam commodum fraudare creditorem. Accipe ergo quæ ab eo tempore sequuta sunt. nugas, joca, seria, quicquid in memoriam, ut alias: quanquam auspicabor ab initio minime læto. Vix dum requieverat animus ab infortunio & carcere Bajazetis, cum nuncio nihilo meliore percellimur. Erat in expectatione evenus classis Turcicæ, quæ fama rerum ab Hispanis in Meninge insula (nunc *Gerbas* vocant) prospere gestarum excita, eo cursum tenuerat. Factus certior Suleimannus eam insulam à Christianis expugnatam, additis ad veterem arcem novis propugnaculis, præsidioque imposito muniri, sibi id in tanto imperio, & tam florentibus rebus, minime ferendum arbitrabatur. Ea re missis cum classe auxiliis, nationi ejusdem religionis sensu secum conjunctæ subvenire in animum induxerat, ac Pihelio Bassæ maris præfecto, ut eam expeditione obiret, negotium dederat. Is classem multo quidem & selecto milite adornaverat, anxio tamen, & longinquam navigationem & hostem famosum reformidante. Infederat animis Turcarum magna virtutis Hispanicæ opinio, quod cognoverant, multa bella vetera & recentia, felicibus auspiciis, magna cum ejus gentis gloria confecta, meminerant Imperatorē Carolū: de filio, rege Philippo, paternæ virtutis & regnorum herede, quotidie audiebant. Quæ

res tantam curam adferebant, ut plerique veluti supremū adituri periculum tabulis quoque supremæ voluntatis testes conderent, & ut nunquam redituri Constantinopoli proficiscerentur. Sic tota urbs in vario metu; nec erat quisquam, siue conscenderet, siue maneret, quē non expectatio exitus hujus belli vehementer sollicitū haberet. Sed classis secundis ventis in prudentibus nostris intervenit, tantūque terroris inopinato adventu intulit, ut nec ad pugnā nec ad fugā animus aut consilium satis suppeteret: triremes aliquot expeditæ fuga salutē peterent: reliquæ hærent, & aut vadis fœde illiderentur, aut ab hostibus circumventæ opprimerentur. In arcem Medinæ idemque belli Dux una cum Joanne Andrea Doria, classis præfecto, se receperat. hi primis noctis tenebris ignorati, foelici ausu inter stationes hostiū scapha in Siciliā transfretarunt. Ejus victoriæ triremem nunciam huc misit Pihalius; quæ ut apertius profiteretur quid ferrer, ingens vexillū, in quo Christi salvatoris cruci affixi imaginem depictam Turcæ aiebant, à puppi per fluctus trahebat. Ea ut portum subiit, tota urbe Christianæ cladis rumor percerebuit, gratulantibus inter se tantam victoriam Turcis. Idem catervatim ad meas fores conveniebant, meosque homines, ecquem fratrem, propinquum, aut necessarium in classe Hispana habuissent, per ludibrium rogabant; ejus (inquiabant) videndi brevi vobis potestas erit. Ad hæc multis verbis suā virtutem insolenter efferebant, ac nostram deprimebant ignaviam: quæ arma superesse, quæ sibi resisterent? jam etiam domitum Hispanum. Quæ mei magno cum dolore audire cogeantur: sed ferendum erat, quod Deo ita placitum, & mutari non poterat. Una nos spes sustentabat arcis, quam Hispani magno præsidio tenebant, si tutari eam possent, donec hostem aut hyems, aut quis casus ab obsidione avertisset. Prævalebat tamen metus, victoribus omnia fore procliviora quam victis, ut accidit. siquidem rerum omnium, sed

præsertim aquæ penuriâ confictati obsessi, arcem postremo seque dediderunt. Fecerat hoc Don Alvarus de Sande, qui militibus illis præerat, ingentis vir animi, vetere militia clarus; ut cum videret ultra sustineri non posse, arce cum paucis excederet, naviculamque arriperet, veluti trajecturus in Siciliam: ne parva multa virtute belli decora, quamvis necessaria deditione contaminaret, atque ut ejus loci amissio cuivis rei potius imputaretur quam sibi. Sic venit in hostium potestatem arx. Milites enim portas, quæ diutius frustra claudebantur Turcis, quo mitiores experirentur, patefecerunt. Don Joannes de Castellâ propugnaculo suæ fidei commissio excedere noluit; sed ibidem cum fratre hosti repugnans vulneratus, & ipse ad extremum capitur. Magna constantia arx eâ trimestri spatio amplius ab Hispanis defensa fuit, pœne rerum omnium necessarium usu, atque etiam auxilii spe (quod est miserrimum) defectis. Sed nihil fuit in illius cœli caloribus quo premerentur gravius, quam sitis. Una modo erat cisterna, magna illa quidem, & aquæ abundans, sed quæ tantæ multitudinî non sufficeret. Inde singulis certa aquæ portio quotidie dividebatur, quantum vitæ sustinendæ satis esset. Hæc augebatur à ple-
risque aquæ marinæ mixtione, vi ignis à falsiore parte stillatim repurgatæ. hoc opportune dōcuerat quidam alchimix peritus, quanquam non omnibus ea facultas suppetebat. Itaque videre erat multos humi stratos, mortî propinquos, rictu hiantæ unius aquæ nomen assidue frequentantes; quibus si misertus quisquam paulum quid aquæ in os infudisset, levati erigebantur, assidebantque, donec ejus aquæ auxilio consumpto eodem relabebantur, ac demum torridi animam efflarent. Sic multi quotidie peribant, præter eos quos belli casus, moribique, in illa solitudine, omni medicamentorum subsidio destitutos absorbant. Mense Septembri victrix classis Constantinopolim refertur, captivos,

captivos, spoliaque & triremes nostras secum trahens, tam lætum Turcarum oculis spectaculum, quam luctuosum & flebile Christiani; stetit ea nocte ad saxa è regione Byzantii, quo splendidior pompa & maiore celebritate in portum invehetur. Descenderat Suleimannus in porticum portus faucibus vicinam, hortorum suorum appendicem; ut propius intrantem, monstratosque Christianos duces spectaret. Ostentui erant in puppi prætoriz triremis Don Alvarus de Sande, Don Sanchius de Leyva, & Don Bellingerus de Requenes; hic Sicularum triremium, ille Neapolitanarum præfectus. Remulco trahebantur captæ triremes, remigio & acrostoliis despoliatæ, nuda corpora, ut sic præ Turcicis parvæ, deformes contemptibilesque haberentur. Qui tum Suleimanni vultum viderunt, negant in eo ulla insolentis lætitiæ signa deprehendisse. Ego certe altero post die ad sua sacra proficiscentem vidi, eodem quo semper vultus habitus; eadem erat frontis severitas & tristitia, pœne ac si nihil ad eum hæc victoria pertineret, nihil novum aut inexpectatum contigisset. Tam capax in illo sene quantævis fortunæ pectus, tam confidens animus, ut tantam gratulationem veluti immotus acciperet. Ductus paucis post diebus in Regiam captivus miles, prius fame cruciatus, & tantum non enectus. Vix pedibus plerique insistebant: multi præ imbecillitate concidebant, animoque linquebantur: quidam utique moriebantur. per ludibrium agebantur, armis ridiculum in modum ac fere præpostere injectis. Circumcirca Turcarum voces audiebantur, insultantium, & sibi totius orbis imperium despondentium. Nam quem ultra, victo Hispano, superesse hostem qui timeri posset? Fuerat in ea expeditione primorum ordinum ductor Turca quidam mihi non ignotus, in cuius manus inciderat signum primum sive regium triremium Neapolitanarum, in quo

erant in complexu imperialis aquilæ regum Hispaniæ provinciarum omnium insignia. Quod cum cum Suleimanno velle offerre intelligerem, dandam mihi operam putavi ut anteverterem, & ab eo auferrem. Quod non difficulter obtinui, misso duarum vestium sericarum munere. Sic cavi ne clarissima Caroli Quinti insignia ad æternam ejus cladis memoriam apud hostem remanerent. Erant in numero captivorum, præter eos quos dixi, clari natalibus, Don Ioannes de Cardona, Don Bellingeri gener, & Don Gasto ducis Medinæ filius, pæne quidem puer, honorato tamen in patris exercitu militiæ munere defunctus. Don Ioannes haud insipienter id egerat, magnæ pecuniæ pactione, ut in Chio (ea tenetur à veteribus incolis Genuensibus) relinqueretur. Gastonem Pihalius occultarat, allectus spe ingentis pro redemptione pretii. Sed hoc consilium fere in perniciem ei vertit. Id enim quibusdam vestigiis odoratus Suleimanus, sane quam ægre ferebat; neque quicquam enixius studebat, instigante Rustano, quam ut Gastonem è latebris erueret, ut in manifesto facinore justiore causam haberet in Pihaliu animadvertendi. Verum incassum is labor sumebatur, sublato è vivorum numero Gastone, an peste, ut quidam credunt; an (quod est verisimilius) ne quid emanaret, ipsius Pihalii opera. Certe magna cura à patris ministris requisitus, investigari non potuit. Credibile est Pihaliu, quo propriæ salutis consuleret, Gastonis vitæ non pepercisse. Nihilominus in magno metu diu vixit, vitato Constantinopolis accessu, perq; varias causas circum maris Ægæi insulas cum paucis triremibus vagatus. Irati domini conspectum, ut sibi exitiosum, ac ne causam è vinculis dicere cogeretur, fugiebat: donec Suleimannus eunuchi Cubiculariorum decurionis, & filii Selimi precibus mitigatus, delicti gratiam fecit sub iis verbis, quæ me referre non pigebit; *Habeat is quidem à*

*me tanti delictis veniam & impunitatem : ceterum debitas pœnas post hanc vitam de eo sumat iustissimus scelerum vindex Deus. Adeo ei insedit, nullum malum facinus inulcum relinqui debere. Dun loanni Cardonæ res cessit feliciter : qui quidem cura atque auxilio viri illustris, Adami à Dittrich-Rein, Baronis Austriaci, qui ejus sororem lectissimam fœminam habet in matrimonio, meaque fidejussione sublevatus, incolumis in Hispaniam rediit. Introductus in Divanum sive confessum Bassarum Sandæus, interrogatusque à Rustiano, Quid domino ejus venisset in mentem, ut, cum sua tueri non posset, aliena oppugnatum iret ? respondit, ad suum judicium hoc non pertinuisse ; suum munus fuisse, ut quod haberet à domino mandatum, qua fide par erat exequeretur ; in quo sortem habuisset adversam. Deinde genu dux Bassas precatus est, ut salutem suam Suleimanno commendarent ; sibi domi uxorem esse, & paucos liberos ; orare, ut se his servatum vellent. Respondit Rustianus, suum Imperatorem ingenio esse miti, sperare de ejus salute impetrari posse. Sic Sandæus in arcem, quam *Caradenis*, hoc est, maris rubri, vocant, duci jubetur. Verum non longe abierat, cum revocaretur. Non viderat eum Cubiculariorum decurio, ejus supra memini, magnæ apud dominum authoritatis. Ea de causa redire jubebatur. Commemorant qui revertentem viderunt, virum alias intrepidum, aliquanto commotio rem rediisse, verentem ne mutata sententia ad necem retraheretur. Reliqui captivi qui erant præcipui nominis in turrim Perensem, sive Galatensem, condantur. in iis Don sanchius de Leyva, cum duobus filiis nothis, atque item Don Belingerus. Postquam sum factus istorum certior, & quanta penuria omnes laborarent, putavi meorum esse partium, non deesse eorum miseriis. Mihi itaque qui eos viserent, & meis verbis consolarentur, omniaque quæ in mea essent potestate de-*

deferrent. Atque ab eo tempore toti captivorum nationi mea domus semper patuit. neque in ullo, quoad ejus fieri posset, adversus eos officio cessatum. Turcæ suis captivis, modo panis & aqua superaret, abunde provisum arbitrantur. Quid cujusque ætas, quid consuetudo, quid valetudo, & tempus anni postulet, impense secuti, sanos, ægros, convalescentes, robustos, valetudinarios, juvenes, senes eodem modo accipiunt omnes. ex quo magnus opitulandi campus mihi patebat, variis vitæ necessitatibus diversa subsidia postulanti-
 bus. Magna ægrotorum multitudo decumbebat in templo quodam Peræ, quod oppidi nomen est, statim trans fretum situm è regione Byzantii. Ibi eos Turcæ veluti depositos & abjectos habebant. Plurimos aut in ipso morbo, aut jam convalescentes idonei victus inopia perdebat, quod iusculum, aut ossam non haberent, quo languentem ventriculum foverent, & vires amissas sensim recuperarent. De eo admonitus, do negotium civi Perensi, mihi amico, ut verveces aliquot quotidie emat, quos domi elixos inter captivos illos dividat, his jus, illis carnes, ut cujusque morbi vel valetudinis ratio exigeret; quæ res non paucis profuit. Atque hæc quidem cum infirmis; aliam opem poscebant, qui recte valebant. Plenæ erant ædes meæ à summo mane ad vespertinam turba eorum, qui adversus varia incommoda auxilium petebant. Alii lautioribus mensis assueti, ad arxi panis ejusdemque siccæ quotidianum esum nauseabant, opus habebant qui compararent aliquid obsonii: aliorum stomachus continuum aquæ usum non ferebat, pauxillo vino opus erat: erant quos offende-
 bat in nudo solo cubantes nocturnum frigus, quibus veste stragula subveniendum erat: huic amiculum, illi calcei desiderabantur. Pars multo maxima adversus heri vel custodis sævitiam subsidium orabat; quo commodioribus iis uteretur. Ad medendum istis omnibus incommodis
 una

una remedio erat pecunia; ea flagrabatur. hic nullus abibat dies, quin plures aurei insumerentur. Sed hoc malum tolerabile, neque exitiosum; perniciosius aliud ab iis impendebat, qui grandiores summas sibi credi postulabant, aut me vadem pro redemptionis precio cupiebant. horum nulli deerat, quo se venditaret, ac suam causam præcipuam videri vellet. hic afferebat nobilitatem & consanguineos aut affines illustres aut primarios: ille ductos in exercitum ordines, multorumque annorum stipendia: tertius divitias domi magnas, & in promptu satisfaciendi facultatem. Nec deerant qui suam virtutem, & clara in bello facinora prædicarent. Omnes denique quæcunque de causa sibi succurrere æquum censébant. De fide cum quæreretur, & an solvendi memores futuri essent, verabant dubitare. Nam quid injustius, quam non molestia & damno liberare eum, à quo tantum beneficium acceperant, cui libertatem, cui vitam deberent, qui eos tanquam ex Orci faucibus eripuisset? Ac sane mihi gravissimum erat audire, Nisi mihi jam in numerato sint ducenti aurei, actum est de me; traducor in Asiam, aut conjicior in triremes ad remum, arrehendus nescio quo, sine ulla spe recuperandæ unquam libertatis, aut revivendæ patriæ. Est mercator, qui tantum mercium suppeditare, unde ea summa confici possit, non recuset, modo tu fidejubeas. Hæc fere erat omnium cautio: qua non moveri non poteram, cum veniret in mentem vera esse quæ dicebantur. Fieri non posse, nisi esset subventum, quin magnam partem variis casibus perirent: esse autem eo loco neminem, qui majorem opitulandi facultatem haberet, aut à quo justius id expectaretur quam à me. Sed tu, *nusquam tuta fides*, mihi ingeris scio, sed cadit in cujusquam animum fore tam immaniter ingratum aliquem, ut ex tanto periculo ereptus solvere nolit, quod sit pro ejus capite expensum? Fac uni atque alteri non voluntatem.

sed facultatem deesse; id susque deque habendum. Non perit, quod bonis bene fit. major certe pars in officio manebit. His rationibus adductus, meam fidem pro multis aureorum millibus obstrinxi, meque in tam alram voraginem demisi, ut nesciam quo modo sim emerurus: ac verear, ne compedes quas iis ademi, ego meis pedibus aptarim. Qua de re pluribus ad te scribo, ut me purgem, quod à quibusdam insipientiæ accusari me scio, ob nimiam credendi facilitatem; tum quod nonnullorum in solvendo negligentia me in suspicionem adducit, fore ut non sine gravi damno ex hoc negotio exeam. Quinimo jam fuit necesse, me quod pro quibusdam sponendi, dependere: ac memini cum ad me nonnullorum voces referebantur, qui cum essent meo beneficio servati, tamen deridiculo habebant tantam facilitatem, ut hominis inepti & parum considerati. Ex quo possim colligere, quæ mens quorundam futura sit. Sed erit quod volet Deus. ut ut ceciderit, non video cur me pœniteat multis benigne fecisse. Ipsa sibi virtus semper pulcherrima merces. præcipuum mihi nullum pretium expecto, nullos honores, nullam statuam decerni mihi volo; opto tantum ut eatenus grati sint, ut quod pro eorum incolumitate expensum sit, fideliter restituant. Quod de cordata natione, cujusmodi hæc habetur, non despero. Ego vero lætor non modo me reposuisse, verum etiam exemplo fuisse, quo provocati plerique & ipsi bonam operam navarunt. Sunt Peræ cum cives, tum peregrini, generis Italici, multi mercatores, quorum extitit in captivis sublevandis insigne studium: sed unius non possum oblivisci, prorsus à reliquis diversi, propter sententiæ absurditatem. is erat Italogræcus, hoc est, mixta origine & moribus Græcis atque Italis. hic cum certatim omnes in tam pium opus incumberent, adduci nunquam potuit, ut teruncium in ullum impenderet. Quo nomine cum

cum accusaretur, ita se defendebat absono & incomposito sermone Italico (nam familiarior ei Græcus) Ego istos quales sint non novi: sed facile possum conjicere, non nisi justo Dei judicio in hanc miseriam coniectos. Nolo venire contra voluntatem divinam: maneant per me quo loco eos Deus esse voluit. Vos, qui iis quæ divinitus decreta sunt, tam audacter interceditis, mirandum non erit si pœnitebit. nemo mihi persuaserit, ut vel unum obolum horum causa erogem. Sic ille. Sed vanum istud & ineptum vatem omittamus. Hæc Christianorum maritima clades cum Bajazetis calamitate conjuncta, magnam mihi curam adferebat, ne Turcæ redderentur insolentiores, ac proinde in ferendis conditionibus intolerabiliore. Ad mala publica accedebat privatum, pestis, quæ domum meam invaserat, jamque unum de fidissimis meis famulis rapuerat; ceteros contagii metu vehementer turbabat. de quo dicam paulo post, si prius de alia solitudine nobis injecta, minore quidem illa, sed tamen non contemnenda, attigero. Fit indies hic Princeps suæ religionis observantior, hoc est, supersticiosior. Solitus erat oblectare se puerorum fidibus, & voce canentium musica. Sed hoc omne sublatum Sibyllæ cujusdam interven-
tu, hoc est, anus sanctimonix professione celebris, quæ magnas, nisi finem faceret, paratas ei pœnas post mortem denunciarat. Eo commotus, quicquid erat instrumentorum symphonicorum, quanquam auro gemmisque egregio opere distinctorum, comminuit, & in ignem injecit. Cibus sumebat ex argentea suppellectile: hoc quoque nescio quis tam graviter apud eum increpuit, ut postea nullis quam fictilibus vasis sit usus. Postremo inventus est, qui tantam usus vini licentiam in urbe non ferrer, eoque nomine religionem ei injiceret, ac si præceptorum prophetæ sui parum retinens esset. sit ergo edictum i. e. vinum
dein-

deinceps Constantinopolim importaretur, ac ne Christianis quidem, neque Judæis. hoc edictum ad me mosque non parum pertinebat, aquæ potioni minime assuetos. unde enim nobis vinum, si à mœnibus urbis arceretur? longum patriæ desiderium; & incertum adhuc quo nostra actio evaderet, satis nos materabat; nisi hæc etiam mutandi victus necessitas adjungeretur, cui sine multorum in valetudine locus esse non posset. Do negotium meis interpretibus, ut nostram causam apud Bassas in Divano diligenter agant, & veterem possessionem defendant. variatum ibi sententiis. Erant qui censerent, nos quoque aquæ potu debere contentos esse. quid enim dicturam viciniam, si vinum ad nos inferri videant, ejus usu sibi severe interdicti? At Christianos in media Constantinopoli eo se quantum liberet ingurgitare, foetorem vini circumcirca late differri, atque omnia profanare. Sed & Musulmannos, qui ad me venirent, vinum eructantes prodire. Ex quo nihil propius factum est, quam ut causa caderemus. Vicit tamen eorum sententia, quorum auctoritate nostri ratio habebatur, qui nobis tantam mutationem intolerandam fore, morborumque & mortis causam plerisque allaturam contendebant. Permittitur nobis huius noctis optio, qua vini quantum vellemus ad portam maritimam, quæ nobis opportunissima videretur, appulsam haberemus; qua nocte item currus & equi ad manum nobis essent, quibus vinum, quanto minime cum strepitu fieri posset, in domum inferremus. Sic nos jus nostrum retinuimus. Non defuerunt Græci, qui Principis animum eo quo dicam stratagemate periclitarentur. Cum exploratum haberent, eum per loca frequentibus vineis confita iter facturum, magno numero conveniunt, vitesque radicebus convellunt. quarum congestis acervis alii viam complent, alii currus onerant. Ubi ad eum locum venit Princeps, rei novitatem miratus, constitit; vocat

vocat ad se proximos, quærit quid moliantur. Illi respondent, quando sibi ejus edicto vini potu interdictum sit, se vites, quarum deinceps nulla futura sit utilitas, extirpare, ut lignis ad focum utantur. Tum Suleimannus. Non recte facitis, neque mentem meam, ut debuistis, assecuti estis. Ego si vini abstinentiam indixi, non propterea vesci uvâ quenquam prohibeo. Inter præstantissimos fructus, quibus genus hominum donavit Deus, annumerari debent uvæ; harum recentium succo nihil vetat quo minus fruamini, dum ne in dollis conditum pernicioso invento depravetis, atque in alium vertatis usum. An vos pomiferas arbores, quod vinum non ferunt, eradicandas censebitis? Quiescite, fatui, & vitibus, egregios vobis fructus laturis, parcite. Ita Græcis sine effectu suum commentum fuit. Revertor nunc ad pestem, quam sub eodem testo nobiscum versantem reliqui. Cujus vitandæ gratia mitto ad Rustanum rogitum, ut mihi ejus permissu aliquo migrare liceat, ubi sim extra metum aeris contagione infecti. Quod quidem faciebam diffidenter, quod erat mihi cognitum ejus ingenium: faciebam tamen, ne viderer in mea meorumque valetudine tuenda fuisse negligentior. Respondit Rustanus, se relaturum ad Principem: postridie renunciat, eum sic respondisse, Quid mihi vellem, aut quo cogitarem? an nescirem pestilentiam sagittas esse Dei, quæ à proposito scopo non aberrarent? ubi delitescerem, ut ab ejus reli jactu tutus essem? Si me percussum vellent, nihil fugam, nihil latebras profuturas. Frustra vitari quod evitari non posset. Suas ædes ne nunc quidem peste vacuas, in quibus nihilominus maneret, me quoque facturum rectius, si me loco non movissem. Sic mihi in domo funesta & peste contaminata manendum fuit. Sed accidit haud multo post ut Rustanus ad plures migraret, aqua extinctus intereunte. Cui successus est Hally Visiriorum Bassarum tum secundus.

vir

vir (si Turcarum quisquam) humanus, & prudens. Ad quem cum novæ dignitatis initio gratulatum misissem, adjunxissemque amplum sericæ vestis munus, liberale responsum acceperam, me in quibuscunque rebus usurum se amico: ne vererer, ubi usus esset, compellare. Neque id re parcius præstitit quam verbis promiserat. quod primum sum expertus, cum ex intervallo rediviva pestis in domo mea denuo turbaret, eumque nobis eripuisset, ejus ope & præsidio in conservanda valetudine secundum Deum potissimum niti solebamus, atque alios plures (ut sic loquar) afflasset. Mitto ad Hally Bassam eandem petitem veniam quam antea petieram à Rustano. Respondet se quidem mihi posse permittere, ut irem quo vellem, sed futurum consultius si id postularetur à Principe; ne, si forte in homines meos incidisset liberius vagantes, ægre ferret me sine suo scitu versari extra hospitium. Multum referre, quomodo quidque Principi proponeretur. Se ita ad eum relaturum, ut non esset quod de assensu dubitarem. Pauloque post me facit certior, non prohiberi me quocunque visum sit proficisci. Secessui visa est aptissima insula quam vocant *Principo*, quatuor horarum navigatione ab urbe distans. ea fere amœnissima est complurium minutarum insularum, quæ Constantinopoli proxime subsunt. Nam alix singulos, aut nullos habent pagos, hæc duobus habitatur. Quod dixi, eum ejus fiducia maxime niti solebamus, morte nobis ereptum, fuit is medicus Guilielmus, optimus mihi & fidissimus longinquæ peregrinationis comes. Corruptum quandam peste, quemadmodum eventus palam fecit, imprudens redemeram. Eidem Guilielmus medicinam facere conatur, neque satis sibi cavet, venenum pestiferum hausit. Erat in ea hæresi, ut grassante pestilentia plus esse metus quam periculi diceret: oriri eodem tempore, ut semper, varia morborum genera; quorum

rum majorem partem timori assignaret pestilentiz: sic fieri ut quodlibet ulcus, aut tuberculum pro pestilenti anthrace curaretur. Itaque etsi jam ex peste langueret, longe tamen à pestis suspitione aberat, donec malum dissimulatione auctum cum tam sævis accessionibus erupit, ut fere inter manus opem ferentium extingueretur. Nec dum ramen adduci potuit, ut se peste laborare crederet. Cum pridie quam è vita discessit, misissem qui percunctaretur, qui se haberet, respondit sibi factum esse melius; rogare, si commodum esset, ut ad se venirem. Diu ei assedi, quum mihi narraret quam graviter æger fuisset. Nam sibi cum ceteros, tum videndi sensum ita debilitatum fuisse, ut neminem discerneret. quo affectu se nunc liberatum, atque omnibus sensibus vigere: unam superesse destillationem, quæ spiritum impediret; qua si levetur, continuo valentem fore. Ab eo discedens, dico me audisse, habere eum nescio quid abscessus in pectore; fatetur, rejectoque lecti stragulo mihi monstrat, sed nihil esse incommodi; contractum id è nodulis angustioris thoracis, quem novum induisset. Ad vesperam, cum ex familiarum disciplina duo è reliquo comitatu meo ei noctu ministraturi accessissent, jamque munda interula induere eum pararent, advertit ipse in nudato corpore maculam purpuream, quam ipsi morsum pulicis esse dicebant. Et vero plures & grandiores vidit. Non sunt, inquit, isti morsus pulicum, sed mortis appropinquantis nuntii. Hoc ergo agamus: hinc totam noctem Deo precibus placando, piis colloquiis, & sacræ lectionis auditioni vacavit, donec mane summa cum misericordiarum divinæ fiducia vita excessit. Sic sum orbatus homine mihi charissimo, & rebus meis opportunissimo. Nec minus damni fecit in ejus morte respublicæ literaria. Multa viderat, didicerat, annotaverat, quæ in communem usum aliquando edere cogitabat: mors præclaros conatus in-

interruptit. Ejus quidem fidelitas & rerum usus tanti à me fiebat, ut si fuissent passa tempora & mihi reditus permissus fuisset, dubitaturus non fuerim eum loco meo Constantinopoli relinqueré. Ab eo tempore mihi visi labores mei conduplicati: neque sane eo relicto totus mihi rediisse videor. Pax sit piis boni viri manibus. Posui ei monumentum, quo debitum virtuti ejus testimonium dedi. Sed redeo ad meas insulas: in quibus trimestri spatio summa cum voluptate vixi. Mira ibi solitudo: nihil turbae, neque strepitus: pauci Graeci, apud quos divertebam. Turca nullus, cujus praesentiae oblectationes meae obnoxiae essent. Nam Turcae domestici, quibus assueveram, nihil interpellabant: licebat qua vellem libere discurrere, & circum illas insulas, quae plures sunt, pro arbitrio vectari. Omnia ibi plena diversimodi generis plantis, stoechade, myrto aculeata, stoebe, aliisque pluribus. Mare vero omnis generis piscium copia refertum, quibus nunc hamo, nunc reti insidias faciebam. Erant ad manum cymbae cum piscatoribus Graecis, quibus utebar adjutoribus. Ubi plus amoenitatis, aut major captae spes ostendebatur, eo traieciēbam. Interdum aperto Marte juvabat rem gerere, in vadoque pellucidi maris trepidantem cancrum aut locustam fuscina confixum in navim rapere. Sed omnium non modo jucundissima, verumetiam fructuosissima erat venatio, quae sagena, sive verriculo fiebat. Quae in parte piscatores judicaverant plus esse piscium, ea circumjiciendum verriculum curabam: sic ut magnum spatium complecteretur primum ipso reti, deinde praelongis funibus, quibus expansae in diversum alae ad litus trahebantur. Ad illos funes nautae crebros virides ramos implicuerant, quo terrore pisces coercebantur, ne evadere atque in altum refugere tentarent. Ita cum utrinque verriculi alae ad terram adductae essent, redacti in angustum pisces trepidare, neque

samen

tamen se deferere. Ad eas quisque artes, quibus erat à natura doctus, confugiebat. Alii audaci super rete saltu periculum effugiebant. Alii contra arena obruti, ne reti involverentur cavebant. Erant qui quamvis crassiore lino confectas maculas dentibus scindere niterentur, imprimis synodontes, armatum firmis dentibus genus, quibus ea industria, ut, ubi tantum lini morsu contriverunt ut uni fugæ via pateat, quæ primus erupit, totum agmen consequatur, ut è magno numero nullus piscatori relinquatur. Id metuens (nam eram præmonitus) stabam in prora contrum tenens, quo rictum corrodentium retundebam, non sine meorum risu. nec tamen obtinebam, quin paucis exceptis reliqui (qui multi erant) fuga sibi consulerent. Adeo ne piscibus quidem in extremo discrimine solertia deest. Nobis tamen præter hos diversorum piscium multitudo remanebat, melanurorum, scorpionum, draconum, scarorum, julidum, & chanum, quos ibi vocant. quorum varietas cum aspectu delectabat oculos, tum nominum & naturarum cognitione valde mibi jucunda erat. Ergo sub noctem me recipiebam in castra cum puppi laureata, præda & captivis onusta. Postridie faciebam participes spoliis Hally Bassam, atque ejus magistrum curiæ; qui valde sibi munus acceptum præ se ferebant. Iuvabat interdum pertica, ferroque, in eum usum parato, pinnae, quarum in illo mari tanta copia est, ut ibidem data opera confixæ videantur, fundo avulsas capere; in quibus Ciceroni, Plinio, & Athenæo celebratos pinnotheres, sive pinnophylaces, deprehendebam. fere binos, marem, & feminam, quandoque plures. Sed vereor ne cætera quæ de iis præfati scriptores memorant, non utique aliqua fide consent, & speciosa magis sint quam satis explorata. Narrant illi, pinnam patulis hiuleam conchis insidias facere minutis piscibus, quos tamen illa, utpote cæcum & brutum corpus, in tra sua

sua præsidia versari nesciret, nisi pinnophylacis morſu commoneſceret; tum illam conchas contrahere, piſciculoſque incluſos communem prædam cum pinnophylace partiri. Pinna qua figura ſit, notum ex Bellonio. Quaparte acutior eſt, ſic ſolo maris inſigitur, cirroque capillamentorum, ſive fibrarum, ita adhæret, ut plantata videri poſſit. Quibus quidem fibris alimentum ſugit. Quæ res hinc ſatis liquet, quod ſua ſede convulſa inopia nutrimenti computreſcit, quemadmodum olera & plantæ. Eam vero ſibi ſedem deligere pinnophylacem credibile eſt, ut firmum propugnaculum adverſus rapacium piſcium vim habeat, quietumque in concitatorum fluctuum agitatione portum, unde excurrat cum velit, & quo ſe tuto recipiat. Quæ tamen nolim ſic à mediſta accipi, ac ſi de tantorum virorum auctoritate quicquid detractum velim, ſed ut iſta relinquam aliis curioſius investiganda. Cymbam nos quidem pinnis facile complebamus, eſca vili & cujus re cito faſtidium capiât, carne perquam ſimili muſculorum. Sed piſcatores ſeponere pinnophylacis monabant, ex quibus cum palato gratum obſoniam, tum ventriculo non inutile parabatur. Eſt inter reliquas parva inſula ab humano cultu deſtituta, ad quam mera rerum monſtra & portenta, ſtellas, ſerras, uvas, hippocampos, prodigioſas cochleas, & ſphæruſas quaſdam luteas pomis ſimiles, quæ nos aurantia vocamus, piſcium nihil, præter unam rajam, & paſtinacam, ſævo aculeo metuentiam, quo dum nos appeteret, ſeipſam ſubinde tranſigebat, capi à nobis memini. Cum tempeſtas à mari arcebat, in terra me oblectabam quærendis rarioribus nobiſque inuſitatis plantis. Interdum exercitationis cauſa totam inſulam pedibus circuibam, Franciſcani ordinis monachum, bonum virum, juvenem quidem, ſed obefum, & laboris inſolentem, mecum trahens. Is à cæ nobis Perenſi comes mihi præiierat. cæterum incendentem

tem me pleno gradu quo magis incalescerem, ægre conſequebatur, anhelans fremenſque, & quid tanta feſtinatione eſſet opus, quem fugeremus aut perſequeremur? An literas magnis de rebus ferendas ſuſcepiſſemus, & pro tabellariis aut cursoribus operam locaſſemus? Nec ſinis, donec ei ſudor in modum argolici clypei in tergo per veſtimenta erumperet. Ubi in hoſpitiū reditum erat, tum vero gemitibus & lamentis omnia complebat, abjiciebat ſe in lectum, actum de ſe clamitans; cur de nobis non malè meritum ſic perdere properaremus? vixque adduci poterat, quamvis crebro invitatus, ut veniret ad prandium. Inviſebant nonnunquam à Conſtantinopoli Peraque amici, & ex Hally familia Germani quidam, de quibus cum quaſſerem an nondum etiam peſtis remitteret? & quidem inſigniter, reſpondebat unus. quot ergo quotidie jam decedunt? fere quingenti (aiebat.) Tum ego, Bone Deus! hoc ſine eſt peſtem remittere? Quot moriebantur cum ſæviret maxime? ad mille, aut mille & ducentos. Turcas à peſte ſecuros, ſed non tutos præſtat opinio, qua mortis tempus & genus uniufcujuſque fronti à Deo inſcriptum perſuaſum habent. Si mori fatum ſit, fruſtra declinari; ſi contra, ſtultemetur. Itaque veſtes & lintea in quibus peſte ægri animam exhalarunt, etiamnum à mortifero ſudore madentes contrectant, imo iis perfricant faciem. Si Deo, inquiunt, viſum ut ſic moriar, fieri neceſſe eſt; ſi minus, obeſſe non poterit. Sic contagioni latus pateſcit aditus, totæque interdum familiæ ad unum emoriuntur. Fuit mihi dum in illis inſulis vixi, notitia cum Metrophane Metropolitæ, qui cœnobio in Chalci, una iſtarum inſularum, præeſt, viro humano & non indocto, concordia inter Latinam & Græcam Eccleſias percupido, præter conſuetudinem reliquæ gentis, quæ fere noſtræ religionis homines ut impuros & profanos averſatur. Adeo ſuus cuique mos placet.

placet. Cum jam ferme duobus mensibus in illa insula versatus essem, Bassarum quibusdam mea mora suspecta esse coepit; cum Hally colloquuntur, & sibi commodius videri aiunt, si in urbem revocer. Quid enim si profugiam? esse mihi paratas (fugæ instrumenta) naves, nec reliqua, si velim, defutura. Hally jubet eos sine cura esse, de mea fide nihil se dubitare. Chiaussum nihilominus summittit, qui hæc nunciet. Is dissimulanter circumspexit omnibus, nulloque indicio comperto quod fugæ suspicionem faceret, revertitur, accepto à me manusculo, jussus renunciare Hally Bassæ, ne quid vereretur, non commissurum me ut fides, quam mihi habuisset, ei noceret. Ita in tertium mensem mea rusticatio extenditur; ac tum demum cum est visum, nullo revocante in urbem me refero. A quo tempore magna mihi intercessit cum eo Bassæ familiaritas, perpetuaque de pace actio. Est natione Dalmata, quem quidem solum vidi in illa barbarie meo iudicio minime barbarum, natura miti & sedata, comem, acriter intelligentem, ingenio quantumvis magnarum rerum capaci, multi usus cum domi, tum militiæ. Nam est ætate provectior, & maximis muneribus semper præfuit. Statura ei procera, plena, amabilis cujusdam gravitatis facies. Summa erga dominum pierate, ut cui nihil sit optatius quam ut & otium & quietem conficiat, quo tolerabilius ætatem annis morbisque gravem ferat. Quæ Rustanus sævitia, terrore & minis perficere studebat, hic operam dat ut comitate & æquitate, ac veluti per amicitia speciem consequatur. Rustanus semper tristis, semper atrox, sua dicta pro edictis haberi volebat. Non erat nescius ille quidem, quid tempora, quid principis senectus postularet: sed metuebat, ne si quid indulgentius faceret, aut loqueretur, id avaritiæ causa (cujus nomine vehementer domino suspectus erat) fecisse videretur. Ideo nihil de consueta importunitate mutabat, tamen si

tametsi conglutinandæ pacis cupiens esset. Ergo ubi non respondebantur volentia, nihil audiebat, jubeat facessere; nec unquam aliter quam velut ab irato discedebatur. Ac memini cum de rebus ad pacem pertinentibus cum eo egissem, quæ is tanquam indigna rejecisset, dixissetque, si nihil haberem aliud, abirem; confestim me surgere & redire domum, præfatum mihi liberum non esse quicquam, quam quod à domino mandatum non haberem, proponere. quod cum visus essem præter consuetudinem fecisse commotior, revocat meum interpretem, percunctatur eequid iratus essem? quum negaret, Quid puras, inquit, si ab Imperatore meo obtinuissem, de quo aliquando ipse mecum egit, putasne (inquam) ipsum servaturum fidem, & donum quod mihi pollicitus est repræsentaturum? Cû interpretes se nihil addubitare diceret, quin quicquid promississem, optima fide præstiturus essem, tum Rustanus, Abi domum & quære ex eo. Erant mihi in numero quinque millia ducatorum quos vocant, ea sex millia coronatorum conficiunt; quæ habebam in omnem eventum provisâ, si quid incidisset, ut opus essent: illis onero meum interpretem, ac jubeo Rustano ita dicere, haberet hoc mex fidei specimen & solutionis initium; reliqua sequutura ubi negotium ad exitum perductum esset (nam majorem etiam summam promiseram) non esse meum fidem fallere. Vidit lætus eam pecuniam Rustanus, & atrectavit, deinde reddidit interpreti; Ego, inquiens, de ejus fide non dubito; sed illud negotium plenum est magnæ difficultatis, & de quo nihil certi polliceri possum, neque adhuc scire quæ mens domini mei futura sit. I, refer argentum oratori, ut mihi servet, donec certum sit quo se negotium det. Interea ejus arca sit arca mea. Sic argentum illud tanquam postliminio ad me rediit. ipsum Rustanum aliquot post mensibus mors e medio sustulit. Cognosce nunc
be-

benignitatem optimi Imperatoris. Cum frustra diutius ea pecunia servari videretur, ipso prius certiore facto, converto eam in unius anni expensas (tantum enim in singulorum annorum sumptus mihi expensum ferebatur) cuius me postea pœnuit, cum cœpisssem mecum cogitare, quot jam annos & quantis in laboribus periculisque in ea legatione versarer: visus sum mihi defuisse, qui cum recte factis præmia deberi scirem, & haberem optimum & liberalissimum dominum, meritorum cujusque æquissimum æstimatorem, uti occasione, & eam pecuniam præter spem salvam veluti agnam è lupi faucibus ereptam, mihi petere non meminisssem. Esse in aula multos, qui nequaquam paribus meritis majora præmia consequuti essent. Visum est hæc in mentem redigere Imperatori, erratum meum confiteri, & postulare ut restitueret integrum, & quod ego per imprudentiam neglexisssem, ipse pro sua benignitate corrigeret. Facile fuit obtinere causam apud tam æquum judicem: de suo ærario totidem aureorum millia mihi reponi iussit: cuius si beneficii tanta cum animi propensione dati memoriam apud me unquam intermori patiar, tum ego me indignum judicabo qui lucem diutius aspiciam. Sed redeo unde digressus sum. Diversi Bassarum Hally & Rustani mores, dispar ingenium. Vita illi sine sordium suspitione; non merus, ne ejus comitas aut facilitas apud principem reprehensionem haberet. At contra Rustanus, semper avarus, semper sordidus, & qui primam utilitatis & pecuniæ rationem duceret. Quæ Rustanus colloquia mecum brevissima habere solitus erat, Hally dabat operam, ut in plures horas extenderet, & multa humanitate condiret. Fremebant interea Turcæ, qui vel officii vel negotii causa convenerant, quod propter meam præsentiam tamdiu à Bassæ aditu prohiberentur. Me vero cruciabat fames, quod post

post meridiem ad eum arcessebar, nec fere nisi jejunus accedebam, quo solutiore ingenio hominis acuti colloquio vacarem. In his sermonibus erat in eo multus, ut quod uterque in rem domini sui maxime judicaret, id ei suaderet. se quidem non ignorare, nulla re magis indigere dominum suum quam quiete, decursa jam ætate victoriis & gloria satiatum. Nec à domini mei rationibus (quod ipse scire possem) pacem & otium aliena. Si salutis & tranquillitati populorum suorum consultum vellet, non esse quiescentem leonem denuo in arenam revocandum. Animos principum habere se ad modum speculorum: ea esse natura vacua, sed in illa migrare quarumcunque rerum imagines, quemadmodum objectæ essent. Sic animos principum per se puros, earum rerum simulachris velut imprimi quæ objectæ essent. proinde debere nos animis dominorum nostrorum ea exhibere, quæ ipsorum rationibus maxime conducerent. Debere item imitari bonos coquos, qui non ad hujus vel illius palatum cibos condirent, sed consulerent in commune: sic nos in conditionibus constituendis ita debere moderari, ut ea sequeremur, quæ utrique parti convenirent & tolerari possent. Hæc atque hujus generis plura non nimis insulse congeriebat. Ubicunque vero res patiebatur, non alienam à me voluntatem præ se ferebat: ac si quid vicissim à me officiosius in eum profectum esset, id quam illustri gratia excipiebat. Evenerat per eos dies, ut cum ipse à Divano domum rediret, ventumque esset ad viz flexum, ubi salutatō collegas dimittere consueverat, ut dum equum celerius circumagit, salutationique intentus toto corpore inequi cervicem propendet, magnitudinem ponderis equus haud dum firmiter fixis pedibus non ferret, sed una cum domino in terram præceps iret. quod cum est à me auditum, de negotium hominibus meis.

ut

ut eum invisant, & percunctentur, num hic casus aliquid offensæ attulisset? lætatus hoc officio, cum mihi gratias egisset, respondit se nulla parte læsum, neque esse mirandum, si miles ætate confectus ad lapsum proclivis esset. Tum conversus ad eos qui astabant, Vici, inquit, non potest, quanta benevolentia me prosequatur iste Christianus. Commemorabat mihi aliquando sibi opum, honoris ac dignitatis abunde contigisse: nihil aliud nunc studere, quam ut de multis bene merendo præclaram ad posteros nominis sui memoriam transmitteret. Cum jam aliquandiu nos pacis negotium tenuisset, ac magna essem in expectatione desiderati eventus; casus intervenit, qui labefactare & pervertere totum posset. Græcus quidam ratione, quem Despotæ nomine honestabant, præsidio Cæsariani militis, qui fines Hungariæ tutabatur, in Moldaviam irruerat, eamque, Veyvoda exacto, à quo possidebatur, infederat. Quæ res Turcas graviter commovit, verentes ne tale principium longius procederet, tamen sanè illud per se haud exiguum videri poterat: sed prudentiæ suæ esse arbitrabantur curam tegere, neque malum indecora trepidatione majus facere. At Hally sibi non prætereundum existimavit, quin mecum communicaret, & quid sentirem cognosceret. fit mihi notum indicio cujusdam ex ejus domesticis, paucis post horis ea de re me ad eum accersitum iri. Nonnihil (ut fatear) is nuncius animum meum momordit. Erat pœne ad catastrophæ perducta actio nostræ fabulæ, & tantum ultimus actus restare videbatur. eram in magno timore, ne hæc novitas omnia turbaret, nosque è conspectu portus in altum denuo referret. Vocor, ut eram præmonitus, ad Hally Bassam. Excipit me solita comitate; sermonem confert de variis rebus, præsertim ad pacis clausulam spectantibus: nullum in vultu neque in verbis novitatis signum, donec jam abire pararem, & surrexissem ei valedi-
cturus:

Aturus: tum ac si demum Moldavia in memoriam venisset, jubet me residere, ac Mehercule, inquit, pœne fui oblitus, quod tibi dictum volui (prorsus quemadmodum solemus, quum quid levius in memoriam redit) Audistine tuos Germanos venisse in Moldaviam? In Moldaviam, inquam? ego vero, minime, neque mihi sit verisimile. nam quid Germanis cum Moldavia, tanto terrarum spatio disjunctis? Atqui hoc verum est, inquit, & ita esse comperies. tum idem pluribus affirmare, & venisse certos nuncios, asserere cœpit. Denique quo minus dubites, inquit, curabimus, ut Germanum aliquem capiamus, quem ad te mittam, ut ex eo cognoscas. Hic in eum sermonem deflexi, ut dicerem, quicquid hujus esset, unum scire me, nihil factum jussu neque mandato Imperatoris. Germanos gentem esse liberam, peregrinis stipendiis assuetam: ex iis forte dimissos aliquos, qui ducibus Cæsareis militassent, cui conducto milite esset opus, dedisse nomen. Ac meo judicio nihil erratum iri, si hujus motus causa ad optimates ejus vicinæ Hungaros referretur, qui periculi quotidianarum injuriarum, quibus à Turcis onerarentur, de referenda gratia cogitassent. Ac si mihi licet dicere quod sentio, non video, inquam, quo nomine accusari possint, si toties lacessiti & veluti stimulis fodicati, se viros meminerunt, & ultum iri injurias voluerunt. Quid jam multis annis vestri milites sibi licere in Hungaria non putant? quod genus maleficii aut hostilitatis à nostris abstinerunt? Hic quidem pacis spes præfertur, sed illic nullum atrocissimi belli exemplum prætermittitur. Ego ut captivus multos jam annos detineor; nec est qui apud nos certum sciat, etiamnum vivam, an in vivis esse desierim. Qui vestras contumelias rulerunt tam diu, laude non reprehensione dignos judico, si cum oblatum est vindictæ tempus, eo utantur. Esto, inquit Hally, utantur,

ut valent, modo intra ipsius Hungariz fines aut locos finitimos: sed ut in ipsam Moldaviam invadant, paucorum dierum itinere Adrianopoli distantem, id vero tolerandum non est. Tum ego, Non debet à viris bello attueris, & tractandorum armorum quam juris peritioribus, delectus aut discrimen requiri. quæ prima opportunitas oblata est, eam arripuerunt: nec sibi cogitandum putarunt, ubi aut quatenus liceret. Sic ab eo discessi (ut mihi videbatur) minime irato: neque sane puncto difficiliorum sequentibus diebus in negotio pacis se præbuit. Dum hæc maxime agebamus, non levi affectus sum (sic enim interpretor) Christianissimi regis oratoris beneficio. Erant in principis ergastulis Constantinopoli homines tredecim, plerique juvenes, in quibus & nobiles aliquot, partim Germani, partim Belgæ, quos animadvertendus casus eo redegerat. Navim conscenderant Venetiis, qua quotannis interposita fide publica, qui sacram urbem Hierosolymorum visere cupiunt, in Syriam deportantur. Quosdam piecas, alios peregrinandi, & longinquas regiones visendi studium eo adduxerat: sed sinistro auspicio, quo tempore terram attigerunt, milites Malteneses facta exscensione illam oræ Phœniciz partem populati fuerant, captosque complures homines abstraxerant. At Syri, quibus parentes, liberi, propinqui abducti fuerant, cum neque ultionis neque recuperandi suos alia via pateret, manus injiciunt in istos Venetorum hospites, criminantur eos esse de numero piratarum; aut reddendos sibi curarent suos, aut eandem servitutis conditionem ne recusarent. Nec profuit monstrasse diplomata dominii Veneri, fidem publicam, leges fœderum protulisse, quin vis plus quam jus valeret, & Constantinopolim constricti vinculis aveherentur. Multum obeurat florens annis juvenus, quæ ne Bassis quidem probabile videri patiebat, eos sanctimo-

niz

nix causa Hierosolymam petere voluisse. quod Turcæ non nisi jam natu grandiores religionis ergo peregrinari solent. Quæ postquam ad me delata sunt, equidem movi omnem lapidem, quo eos ex illa miseria eriperem : sed nihil est a me profectum. Appellatus Bailus Venetus, quod per fidem ejus Reipub. in eam calamitatem devenissent, non negabat æquum esse eis subveniri. sed quam facultatem dari in tanta immanitate insolentissimæ gentis ? sublevabam interea illorum infortunium, quibus poteram solatiis. Quam omnes quadam die præter spem ad me ingrediuntur, aiunt se mihi dono missos ab oratore Christianissimi regis; ejus opera se libertatem consequutos. Sane sum lætatus nec opinato eventu, magnasque oratori gratias agendas curavi. Fecerat hæc præfatus orator Lavinius (sic enim vocabo quem *Lavigne* vocant) ut eum discessurus valediceret Suleimanno, manumq; de more oscularetur, schedulam ei obtruderet, in qua homines illos, quibus religio calamitatis causa fuisset, in gratiam regis sui libertate donari postulabat. Assensit Suleimannus, ac sine mora missos fieri jussit. Ego viatico adjutos, & in navim impositos Venetias, atque inde in patriam remisit. Fuerat hic Lavinius initio multis modis mihi molestus: ubi cunque poterat meis actionibus intercedebar, nihilque omittebat quo me immerentem apud Bassas in invidiam vocaret. Narrabat me regi Hispaniæ subjectum, ortum in Belgio, non minus ei regi servire quam ipsi Imperatori. Eum per me de rebus omnibus, quæ Constantinopoli gererentur, certiores fieri: habere homines ad eam rem pretio redemptos, qui mihi etiam arcanissima quæque enuntiarent, in quibus præcipuas partes teneret Ebrahimus, primarius Turcæ interpret, de quo dicam postea. Atque hæc quidem omnia antequam pax inter reges Hispanum & Gallum convenis-

set : pace facta , videbatur quæsiuisse tempus , ubi illa corrigeret. Erat Lavinius asperæ cujusdam & horridæ libertatis , qui nihil sibi tacendum aut dissimulandum putaret , quodcumque venisset in mentem , tametsi parum a quis auribus accipere-
tur. Ex quo fiebat , ut ab ejus congressu ipsemet Rustanus refugeret , cum cæteri propter sermo-
nis acerbiterem à Rustani colloquio absterrentur. Mittebat Lavinius suos interpretes , ut sibi aditum peterent : tergiversabatur Rustanus , & jubebat per ipsos potius indicaret quid veller , par-
ceret operæ ; nihilominus , ut ipse abesset , posse perfici : sed nequicquam , nam mox aderat , ea-
que expromebat , quæ raro sine offensione a Ru-
stano audiebantur : ut accidit , cum aliquando non tam haberi domini sui rationem , quæ debe-
bat , expostularet. Nam quid vos , inquiebat , ar-
bitramini ? Sudam , Strigonium , Albam Regiam ,
ac reliqua Hungariz oppida fortasse vestro Marte
capta existimatis ? sed fallimini : vos ea per nos
habetis. nam niû fuissent discordiæ & continua
bella , quæ inter nostros & Hispaniæ reges inter-
cesserunt , tantum abfuisset ut illis potiri potue-
ritis , ut per Carolum Quintum vix Constanti-
nopoly tui futuri fueritis. Non tulit diutius Ru-
stanus , sed graviter exandescens , Quid mihi
tuos , quid Hispaniæ reges narras ? ea Domini mei
potentia est , ut si omnes vestri Christiani prin-
cipes arma conjungant , & simul ei bellum infe-
rant , non flocci faciat , ac facilem victoriam de
cunctis reportet. Quo dicto in cubiculum iratus
se recepit , facessere jussit oratore. Non possum
hoc loco præterire , quæ de gente accepi , quæ et-
iamnum incolit Tauricam Chersonesum , quam
sepe audiveram sermone , moribus , ore denique
ipso & corporis habitu , originem Germanicam
referre. Itaque me diu cupiditas tenuit videndi
ab ea gente aliquem , & si fieri posset inde eruendi
aliquid quod ea lingua scriptum esset : sed hoc con-

consequi non potui. Casus tamen utcunque desiderio meo satisfecit. Cum essent duo huc illinc delegati, qui nescio quas querelas nomine ejus gentis ad principem deferrent, meique interpretes in eos incidissent; memores quid eis mandasset, si id usu veniret, ad prandium illos ad me adduxerunt. Alter erat procerior, toto ore ingenuam quandam simplicitatem præ se ferens, ut Flander videretur aut Batavus: alter erat brevior, compatiore corpore, colore fusco, ortu & sermone Græcus, sed qui frequenti commercio non contemnendum ejus linguae usum haberet. nam superior vicinitate, & frequenti Græcorum consuetudine sic eorum sermonem imbiberat, ut popularis sui esset oblitus. interrogatus de natura & moribus illorum populorum, congruentia responderebat. Aiebat gentem esse bellicosam, quæ complures pagos hodieque incolet, ex quibus Tartarorum regulus, cum expediret, octingentos pedites sclopetarios scriberet, præcipuum suarum copiarum firmamentum: primarias eorum urbes, alteram *Manesp* vocari, alteram *Scinarin*. Adhuc multa de Tartaris eorumque barbarie: in quibus tamen singulari sapientia non paucos reperiri memorabat. Nam de rebus gravissimis interrogatos, breviter atque apposite respondere. Ea de causa non temere distitare Turcas, reliquas quidem nationes scriptam in libris habere sapientiam; Tartaros libros suos devorasse, ideo in pectoribus eam habere reconditam; quam promant cum opus sit, & veluti divina fundant oracula. Eosdem esse perquam immundis moribus: si jurulentum aliquid apponatur in mēsa, nulla requirere cochlearia, sed jus vola manus haurire. Enectorum equorum carnem devorare, nullo foco admotam; ossas tantum sub equestri sella explicare, quibus equino calore tepefactis tanquam opipare conditis vesci. Gentis regulum è mensa argentea cibum capere. primum inferri ferculum caput equi, ut

& postremum , quemadmodum apud nos primo novissimoque loco honos habetur butyro. Nunc adscribam pauca vocabula de multis, quæ Germanica reddebat. nam haud minus multorum plane diversa à nostris erat forma: sive quod ejus linguae natura id ferat , sive quod eum fugiebat memoria , & peregrina cum vernaculis mutabat : omnibus vero dictionibus proponebat articulum *the* aut *the*. nostratia aut parum differentia hæc erant :

Broe. Panis.

Plut. Sanguis.

Stul. Sedes.

Hus. Domus.

Wingart. Vitis.

Reghen. Pluvia.

Bruder. Frater.

Schwester. Soror.

Alt. Senex.

Winch. Ventus.

Silvir. Argentum.

Goltz. Aurum.

Kor. Triticum.

Salt. Sal.

Fisch. Piscis.

Hoef. Caput.

Thurn. Forta.

Stern. Stella.

Sune. Sol.

Mine. Luna.

Tag. Dies.

Oeghene. Oculi.

Bars. Barba.

Hanta. Manus.

Boga. Arcus.

Miera. Formica.

Rinck, sive

Ringo. Annulus.

Brunna. Fons.

Waghen. Currus.

Apel. Pomum.

Schieten. Mittere sagittam.

Schlipen. Dormire.

Kommen. Venire.

Singhen. Canere.

Lachen. Ridere.

Criten. Flere.

Geen. Ire.

Breen. Affare.

Schwalch. Mors.

Knaven tag erat illi Bonus dies : *Knaven* bonum dicebat, & pleraque alia cum nostra lingua non satis congruentia usurpabat: ut

Iel. Vita sive sanitas.

Ielisch. Vivus sive sanus.

Iel uburt. Sit sanum.

Marzus. Nuptiæ.

Schuos. Sponsa.

Baar. Puer.

Ad. Lapis.

Menus.

*Menus. Cato.**Rintsch. Mons.**Zars. Vir.**Satz. Terra.**Ala. Ovum.**Am. Gallina.**Telich. Stultus.**Stap. Capra.**Gadelina Pulchrum.**Atochia. Malum.**Wichtgata. Album.**Mycha. Ensis.**Listra. Parum.**Schedit. Lux.**Borrotsch. Voluntas.**Cadarion. Miles.**Kilemschhop. ebibe calicem.**Tzo Warthata. ut fecisti.**Ies Warthata. Ille fecit.**Ich malithata. Ego dico.*

Iussus ita numerabat. *Ita, tva, tria, fyder, fyuf, seis, seven*, prorsus ut nos Flandri. Nam vos Brabantii, qui vos Germanice loqui facitis, hic magnifice vos efferre, & nos soletis habere derisui, ac si istam vocem pronunciemus rancidius, quam vos *Seven* effertis. Prosequebatur deinde, *Athe, nyme, thine, thiinuta, thiineta, thiinertia*, &c. Viginti dicebat *stega*, triginta *treithyen*, quadraginta *furdeithien*, centum *sada*, *bazer* mille. Quinetiam cantilenam ejus linguae recitabat, cujus initium erat hujusmodi;

*Wara wara ingdolon :**Sen te gira Galiza.**Hæmifilep dorbiza ea.*

Hi Gothi an Saxones sint, non possum dijudicare : Si Saxones, arbitror eo deductos tempore Caroli Magni, qui eam gentem per varias orbis terrarum regiones dissipavit. Cui rei testimonio sunt urbes Transilvaniz hodieque Saxonibus incolis habitatz. Atque ex iis ferocissimos fortasse longius etiam summoventi placuit in Tauricam usque Chessonesum, ubi quidem inter hostes religionem adhuc retinent Christianam. Quod si Gothi sunt, arbitror jam olim eas sibi sedes tenuisse Getis proximas. Nec erraturum fortasse, qui sentiat majorem partem ejus intervalli, quod est inter Gothiam insulam & Procopiam, quam hodie

vocant, à Gothis aliquando inessam. Hinc diversa Gothorum, Westgothorum & Ostrogothorum nomina: hinc peragratus orbis victoriis & seminarum ingens barbaricę multitudinis. Habes quę de Taurica Chersoneso ex his Procopiensibus didici. Audi nunc quę ex quodam errone Turca de urbe, & regione Cathaia. Erat is ę sextę genere, cui pietas est per longinquas regiones vagari, & in altissimis montibus in locis desertis & vastis Deum venerari. percurrerat pęne totum orientem, ubi sibi cognitos Lusitanos commemorabat; incensus deinde cupiditate visendę urbis & regni Cathaini, adjunxit se proficiscentibus eo mercatoribus. Nam solent illi magno numero convenire, atque ita catervatim regni illius fines petere. Paucis iter illud pervium est, aut certe parum tutum. Infidę multę peregrinantibus gentes sunt in mediõ, quarum aggressurę singulis momenti timendę sunt. Ubi est à Persarum finibus aliquanto longius discessum, occurrunt civitates Sammercanda, Borchara, Taschan, ceteraque loca à Demerlanis successoribus habitata. Hinc magnę solitudines aut regiones sequuntur, modo feris & inhospitalibus, modo à mansuetioribus populis cultę: sed passim victus & annonę penuria infesta est. idcirco unumquemque provisa sibi habere cibaria, & quę vitę usus requirat, quibus rebus magno numero cameli onerantur. talem numerosę multitudinis comitatum *CARAVANAM* vocant. Postquam multorum mensum labore ad angustias ac veluti claustra regni Cathaini perventum est (nam bona pars ditionis regis Cathay mediterranea est, asperis montibus præruptisque saxis circumdata, nec potest intrari nisi per certas fauces, quę regis illius præsidiis tenentur) ibi mercatores interogantur, Quid ferant, unde veniant, & quot sint numero? Quę regii præsidarii cognita interdum fumo, noctu per ignes proximę speculę tradunt, illa vicissim sequenti,

sequenti, ac sic deinceps, donec aliquot horarum, quod plurium dierum spatio fieri non posset, nuncius Cathajum ad regem de mercatorum adventu transferatur. qui quidem pari celeritate eademque ratione quid sibi placeat responderet, admitti omnes, an partim excludi aut differri velit. Admissi per dispositas justis spatiis mansiones sub certis ducibus incedunt; ubi quæ sunt ad victum & cultum necessaria justo pretio subministrantur, donec ipsum Cathajum attingant. hic inprimis quid singuli portent profitentur, deia regem honoris causa, quo visum est, munere impertiunt. Cui nihilominus fas est æqua æstimacione facta, merces quas velit emere. Reliquas pro arbitrio vendunt, aut permutant, die ad reditum præstituta, intra quam negotii gerendi contrahendique potestas fit. Nam Cathaïnis peregrinorum hominum diuturnius contubernium non placet. ne quid labis peregrinitatis contagione patrii mores contrahant. Sic illi per eadem hospitia, quemadmodum venerant, comiter dimittuntur. Gentem illam magnæ esse solertiz, idem peregrinator memorabat, humaniterque & politice vivere, religionem habere propriam, à Christiana, à Iudaica, à Mahumetana discretam, Iudaicæ tamen exceptis ceremoniis propiore. Iam à multis retro seculis artem typographicam fuisse apud eos in usu. Quod satis testarentur ibidem typis excusi libelli. Quam ad rem uterentur charta ex involucris exuvizque bombycum confecta, adeo tenui, ut in altera tantum parte typorum impressionem sustineat, pars altera vacua relinqueretur. Frequentes in ea urbe esse tabernas odori illius aromatis, quod *mascent* vocant; eam esse sanie bestiolæ cujusdam hædi magnitudine. nulli merci majus apud eos pretium, quam leoni: hanc feram regionibus illis inusitatam summæ esse admirationi, neque quicquam plaris rependi. Atque hæc de regno Cathaïno ex illius erro-

nis ore, quorum penes auctorem fides sit. nam sane fieri potuit, ut cum ego de Cathajo quærerem, mihi de alia aliqua vicina regione retulerit; & juxta proverbium, cum falcem postularem, mihi de ligone responderit. Quæ cum ex eo accepissem, visum est percunctari, nunquid alicunde retulisset vel radicis vel fructus vel lapilli rarioris? Nihil admodum, inquit; nisi quod radiculam hanc in usum meum circumfero, cujus minima particula mansa & devorata, cum me languor aut frigus occupavit, excitior & incaleasco; & cum dicto prægustatam mihi donat, subinde admonens ea parcissime utendum. gustavit eam meus medicus Guilielmus, tum etiam vivus, qui ex fervore, quo illi os inflammatum est, verum napellum esse judicavit. Sequitur hoc loco, ut alterius peregrinatoris & monachi Turcici tibi miraculum narrem. Is incedebat cum tunica, & pallio albo, ad pedes usque demisso, exsarie promissa, quales fere nostri pictores depingunt Apostolos. Sub facie liberali latebat impostor animus, sed Turcæ ut miraculis insignem venerabantur, eidem interpretes meos impulerunt, ut ad me adducerent, ut viderem. Sumpsit una mecum prandium sobrie & modeste. Inde descendit in aream domus, pauloque post revertit, sublato vasti ponderis saxo, quo sibi in nudatum pectus aliquot ictus inflixit, quibus pæne bos percelli potuisset. hinc manum injecit ferro, quod in foculo ad eum usum accenso candens factum erat. Id ori insertum omnem in partem aliquandiu versat, non sine salivæ stridore. Erat ferrum illud oblongum, sed altero capite crassius, & quadrangulum, quod ore recepit, vi ignis sic fervefactum ut à candente carbone nihil differret. Quo facto ferramentum in ignem recondit, meque salutato & accepto munere discedit. Admirabantur qui circumstabant mei domestici, præter unum, qui se plus reliquis intelligere arbitrabatur: Et quid vos, inquit, fatui

fatui ista miramini? An fieri hæc revera creditis? præstigiæ sunt istæ & mera oculorum ludibria. ac simul ferrum, qua parte alte è foculo extrabat, arripit probaturus sine noxa contrectari. Sed non citius manum comprehenderat, quam rejecit, vola & digitis sic adustis; ut pluribus diebus persanari ægre potuerit: quem casum magnus sociorum risus consequutus est, rogitantium, Iamne illud calere, an nondum etiam crederet? invitantiumque ut denuo contingeret. Idem Turca inter prandium commemorabat, suum cœnobiarcham, vitæ sanctimonia & miraculis clarum, consuevisse in lacum qui esset cœnobio propinquus, extendere pallium, in eoque sedentem, qua visum esset suaviter circumvestari. Eundem excoxiato exenteratoque verveci nudum alligari solitum, ut priores pedes brachiis, posteriores cruribus ejus aptarentur: ita conjectum in ferventem furnum manere, donec percocto vervece ut jucunde edi posset, illæsus ipse promi se juberet. Non credo, inquires: nec ego. audira modo refero. sed deferamento candente quod vidi testor. Nec tamen ea res tantam habet admirationem: haud dubie dum in area saxum se quærere simulabat, aliquo medicamento sibi os adversus ignis violentiam præmunierat, qualia reperiri non ignoras. Nā memini me in foro Veneto videre circulatorem, plumbum igne liquefactum contrectare, eoque sine offensa tanquam manus lavare. Iam à paucis ante mortem Rustani diebus me solutiore custodia habitum supra attrigi. Erat id mihi valde gratum propter libertatem accessus externorum longinquorumque hominum, ex quibus multa cognoscebam quæ me delectarent: sed ea voluptas non minore incommodo rependebatur, quod data liberioris egressus facultate mei abuterentur, & sæpe sine custodia Gianizarorum per urbem vagarentur; unde rixæ cum Turcis & turbez mihi perquam molestæ, è quarum multis, ut
nihil

nihil ignores, volo tibi unam referre, ut de reliquis conjecturam facias. Duo mei famuli trajecerant in Peram sine Gianizaris; vel quod illi domo aberant, vel quod isti non esse opus judicabant. Alter mihi pro Pharmacopœo dabat operam, alter celix vinarix præerat. Confectis in Pera rebus quarum gratia eo ierant, cymbam, qua Constantinopolim remearent, conduxerant: sed vix confederant, cum puer adest ab ejus loci judice, quem illi *Caddy* vocant, qui eos exire juberet, & domino suo cymba cedere. mei recusant, & circumeirca satis esse navicularum ostendunt, quibus *Caddy* trajiciat; hanc sibi jam conductam. pergit nihilominus, & vi conatur expellere. mei renituntur, nec parant operæ. res pugnis geritur. quæ cum jam fierent in oculis adventantis judicis, temperare sibi non potuit quin accurreret, ut puero dilecto (quo ad nefandos usus abuti dicebatur) opitularetur. sed dum per gradus, per quos ad mare descenditur, glacie lubricos (nam hyems erat) incautus ruit, lapsantibus vestigiis, in mare præceps ibat (jamque pedes aqua summa tingebantur) nisi comites ei subvenissent. fit clamor, & Turcarum tota Pera concursus; homines Christianos vim & manus intulisse judici, parumque abfuisse quin mari obruerent. comprehendunt meos, magnoque tumultu ad prætorem sive judicem rerum capitalium trahunt. Expediunt fustes, pedes asseribus inseruntur, quibus sublatis in soleis (ut mos est) verberentur. Interim meorum alter, qui Italus erat, ira peroitus clamare non desinebat, *Vour chiopacklar vous*, verberate canes, verberate. Fit nobis injuria. nihil commeriti sumus. Servi sumus oratoris Cæsaris. vos pœnas pendetis Imperatori vestro, ubi rescierit. Atque hæc quidem non perfecte sermone Turcico, sed tamen ut satis intelligi posset. Fuit tum in illo tumultu Turcarum non nemo, qui istius confidentiam admiratus exclamaret. Hunc cene vos hominem existimatis,

sic

sic deformatum altero oculo? (nam luseus erat) non est, credite mihi, sed est de genere coclitum cascodæmonum. unus Weyvoda (hic est eorum lingua prætor) & ipse tanta animi præsentia commotus, ne plus minusve faceret quam par esset, optimum statuit intactos ad Rustanum mittere. itureo magna comitante caterva falsorum testimonium, ita comparatorum, ut suis testimoniis insonites opprimerent. Turcæ magnæ pietatis loco ducunt dicere falsum testimonium adversus hominem Christianum; non expectant ut rogentur, injussi adsunt, seque ultro ingerunt, ut tum accidit. Ergo uno ore clamare omnes, latrones illos pessimum ausos esse fasinus, judicem pugnis concidisse: quod nisi obviam itum esset, etiam mari merfuros fuisse. Mei negare, & se immerito accusari dicere, tum se famulos meos profiteri. Mox suboluit Rustano, genus esse calumniæ: ut tamen iram concitatae multitudinis declinaret, vultu ad severitatem composito interloquitur, sibi eos pœnas daturos, moxque in carcerem duci jubet. Carcer eis adversus vim furentis turbæ pro arce erat. audit eorum testimonia, quibus fidem habendam putabat: comperit meos esse extra noxam, judicem esse in culpa. Ego per interpretes famulos meos repeto. Rustanus rem dignam existimabat, de qua referretur ad concilium. veteri ne si Princeps rescisceret, suspicaretur nummorum, interventu judicis injuriam neglectam. Erat mihi jam tum nonnullus usus cum Hally Bassa: ad eum per eosdem interpretes graviter exoptulo, finem injuriarum fieri peto. suscipit causam Hally, & me securi animi esse jubet, hanc molestiam cito finem habituram. Rustanus se non expediebat: metuebat semper ne pecuniarum causa mihi æquior fuisset videretur: ob id ita componi negotium maluisset, ut ne qua judici querela relinqueretur. nunciat mihi videri sibi consultissimum, ut judicem illum placem objecto aureorum aliquot bolo, viginti-

ginti quinque ducatos ad eam rem suffecturos. Ego me gratiam ei habere de consilio, respondeo. Si jubeat me quinquaginta ducatos sua gratia in mare abjicere, nihil cunctaturum: sed non hic pecuniam agi, sed exemplum. nam si ita instituatur, ut quicumque meos homines offendisset, argentum ultro acciperet, nullam pecuniam suffecturam. ut cuique vestis atteri aut lacerari cœpisset, de inferenda meis injuria cogitaturum, ut qui sciret eo nomine sibi paratum pretium, habiturumque à me quo novam compararet: quo nihil indignius, neque à rationibus meis alienius esse posset. Sic illi, maxime procurante Hally Bassa, mihi remiguntur. At Bailus Venerus ubi audivit, interpretem unum de meis arcessit, obsecrat ut sibi dicat quantum huic turbæ sedandæ impendissem. iste, Nullum obulum, respondit. tum Bailus, Si nostrum, inquit, negotium fuisset, tibi adjuro vix ducentis ducatis defuncti fuissetem. Nulli pluris constitit quam bono judici, qui propterea fuit officio motus, quod sic ipsorum mores ferunt, ut turpè & flagitiosum habeatur, vapulare à Christiano, quemadmodum de se factus erat. Quod scire vis de primariis Hispanorum ducibus, quos à me carcere liberatos, fama istic percrebuisse dicis; hi fuerunt. Sandæus militaribus copiis præfectus, & duarum classium, Neapolitanæ & Siculæ, præfecti, Leyva & Requenzus. Quod quemadmodum actum sit, paucis expediam. Angebat nonnihil Turcas facta inter Hispaniæ & Galliæ Reges pax, rebus eorum parum opportuna, præsertim cum non invenirent quod initio crediderant. Et persuasum eis fuerat, se adscriptos inter primos, ut ejusdem pacis commodis fruerentur. Itaque præteriti, tanquam mala relata gratia, dissimulabant quidem, sed locum quærebant ubi alienioris animi significationem aliquam darent. Suleimanus ad Regem Galliæ scripserat, eam sibi pacem probari; veruntamen recordaretur, neque veteres

amicos

amicos facile hostes fieri, neque veteres hostes amicos. Ea Turcarum offensio non parum actioni meæ suffragata est. Huc accessit benevolus Hally Bassæ erga me animus, tum magnum in Ebrahimō gratiæ referendæ studium. Meministi me supra adscribere, cum me Lavinius criminaretur, eodem tempore solitum & Ebrahimum accusare, tanquam mihi ejus indicio quæcunque Turcarum consilia paterent. Erat hic Ebrahimus primarius Turcarum Principis *Dragomanus* (sic illi interpretem vocant) natione Polonus, propterea Lavinio invidior, quod in odio capitali, quod cum Codognato superiore ejusdem regis oratore exercuerat. Codognato impensius fuisse videbatur. Longum esset illa per censere, neque valde ad rem faciunt. Memor hujus Lavinius, infestissimo semper fuit in Ebrahimum animo. quodcunque tempus dabatur, cum tertio quoque verbo apud Bassas exagitabat: neque ante destitit, quam dignitatis gradu dejectum ad privatum statum redigit. Parum ea res me tangebat: nam mihi nulla cum Ebrahimō gratia, sed potius simultas quædam, quod eum sæpe rebus nostris adversarium expertus fueram. Dolebam tamen ita in vulgus efferri, cum mea causa officio motum. Cum sic viveret Ebrahimus dignitatis expertus, non expertus ægritudinis, ut solent qui, quod fuerunt, esse desierunt; quod poteram, meis officiis casus ejus sustentabam, &, cum de pace actio mea, tum ut cum maxime caleret, frequenter eum ad meos interpretes adjuungebam, eoque utebar ad Bassas internuncio. Quod Hally pro sua in me benevolentia, & quod Ebrahimum per injuriam pulsum non ignorabat, facile patiebatur. Denique perficio ut in pristinum honoris locum restitueretur. quæ res mihi ejus animum valde adjunxit, sic ut nihil ei esset antiquius, quam ut se memorem & gratum probaret. summa cum fide causam meam ubique agebat, neque quicquam prætermittebat, quod ad gratiam omnium mihi

mihi conciliandum pertineret. Quod ei proclivius erat in illa novæ pacis offensione, propter quam subitati (ut dixi) Gallis Turcæ, cum venisset Constantinopolim vir nobilis Salviatus, ut regis Christianissimi nomine Sandæo libertatem conficeret, nihil obtinuit, neque ullus ejus incepti fructus fuit. Magna in expectatione istius legationis Sandæus vixerat, omni undecunque (si ea falleret) spe præcisa magnos sumptus fecerat comparandis muneribus, quibus Bassis Principique ipsi ex consuetudine honos haberetur, quæ omnia (ne sim longus) digresso jam Salviato ad nihilum redierant. Quare territi, quos illic famulos procuratores suos Sandæus habebat, ad me veniunt: fatentur se non audere tam inexpectati eventus eum certiore facere: totum ab hujus legationis spe pependisse, qua nunc deceptus vereri ne ferre posset, atque ei desperatio morbum, morbus mortem adferret: rogare ut meam operam interponerem, atque ipse ei scriberem. Ego recusabam, quod mihi non ratio, non oratio suppetebat, qua hominem tam graviter afflictum consolarer. Erat Sandæus ingentis spiritus vir, spei abundans, timoris inscius. Sed qui sunt hujusmodi, ut omnia quæ optent sperent, postquam cuncta retro ferri & contra animi sententiam evenire experiuntur, ita plerumque animis concidunt, ut non sit facile ad æquitatem eos erigere. Dum nobis negotium ad hunc felicem heret, commodum offert se interpres Ebrahîmus; qui cum in vario sermone injecta esset mentio captivorum illorū Hispanorū, eo evasit ut aperte demonstraret, si eos petivissem non mihi negatum iri. Scire se quid diceret, habere ex bono auctore. Solitus quidem erat antea quædam in medium obscurius jacere, quibus mihi spem faceret illorum si adniterer liberandorum, sed parum me movebat. quid enim pacis etiamnum incertus tentare ea aude-rem: etiam illud me retinebat, ne dum importune instarem,

instarem, cum ipse nihil proficerem, tum Salviati actionem forte impedirem. Sed cum post ejus discessum sic affirmantem viderem Ebrahimum, hominem mihi obstrictum; non visum est esse de nihilo, & coepi aliquantum verbis ejus aures præbere, identidem tamen admonens, videret quo impelleret, ne hominem amicum præberet deridendum; quod mihi haud dubie eventurum esset, si rem frustra suscepissem communi opinione factu incredibilem, & præjudicio jam damnatam. perseverabat nihilominus, & me verabat dubitare. Experiret suo periculo, se rem certam adferre. Hujus auctoritate adductus scribo ad Sandzum, quo evasisset Salviati actio; tamen desperare prohibeo. Nam aut nihil unquam credendum homini Turcz, aut multum spei superesse. Deinde quæ ex Ebrahimo cognorim, memoro. His jactis iniriis, consulo tamen amicos, quos magnum rerum Turcicarum usum habere sciebam: illi respondent, velle se mihi quæ agerem prospere evenire; Sed non videre, quâ ratione impetrare possem, quod modo regis amici veteris oratori denegatum fuisset, præsertim ambiguo etiamnum pacificationis nostræ exitu: omnibus omnis memoriæ exemplis satis constare, quam essent magnis captivis reaseratu difficiles carceris apud Turcas fores. Scribo nihilominus ad Cæsarem, & quæ mihi spes facta sit ostendo; ut eos captivos à Suleimanno petat, oro atque exoro. Ut rem conferam in pauca, magnis muneribus Bassis promissis, si se lubentes & propitios illorum liberationi præbuisent. Prædie diei Laurentii exempti carcere omnes in hospitium meum traducuntur. odio plus quam fraterno dissidebant Sandzus & Leyva, cui ob eam causam necesse fuit mensam separatim sterni, quo cum cœnavit Requesenzus. Sandzus eidem mensæ mecum accubuit. Cœnantibus intervenit ab eo, qui Regis Galliarum oratoris vicem exhibebat, dispensator, nescio quid literularum quæ in ejus manus

manus inciderant, ad me ferens. Quærit ex eo Sandxus, num se nosset? Arbitror, inquit, te esse Don Alvarum. Sum vero, inquit; nunciabis domino tuo multam salutem, eique dices, quemadmodum hic me videris hujus oratoris opera liberum. Tum ille, Video sane, ita tamen, ut vix credam oculis meis. Hoc ideo à Sandxo fiebat, quod is oratoris vicarius, vir alioqui bonus, unus fuerat ex iis quibus persuaderi non poterat, eos captivos in gratiam Imperatoris Ferdinandi Suleimannum dimissurum. Cæterum antequam è carcere promerentur, fuerat in hanc sententiam consultus Musti Turcicorum sacrorum antistes, num fas esset cum paucis Christianis plures captivos Turcas permutare? nam haud pauciores quam quadraginta Turcas captivos, sed communes & proletarios, contra redditum iri promiseram. Musti respondit, duorum auctorum super ea re diversas extare sententias: uni permutationem probari, alteri non placere sed itum est in sententiam commodiorem. Restat ut de supremo Bajazetis casu tibi narrem, nam id quoque te expectare scio. Quemadmodum à Sagthama in custodiam datus fuerit, opinor te meminisse. Ex eo plures ultro citroque nuncii commearunt, etiam oratoris titulo quidam à Persa ad Turcam cum muneribus, cujusmodi solent esse exquisito opere elaborata tentoria, tapetes Assyrii & Persici, & sacra eorum mysteria comprehendens liber Alcoranus, & in his aliquando inusitati generis animantes, qualem memini dictum fuisse allatam formicam Indicam mediocris canis magnitudine, mordacem admodum & feram. Adventus! causa obtendebatur Bajazetis cum patre reconciliatio; iisque magnus habebatur honos, & à Bassis magnificis epulis accipiebantur, quarum Halme quandoque participem esse, voluit, missis ingentibus octo dulciorum myrrhinis patinis. Romanis usitatum fuit de mensa ad amicos mittere, quem morem etiamnum hodie re-

retinent Hispani. Turcæ è mensis opiparis sibi potius auferunt, sed tamen non fere nisi familiares, & quibus uxores & liberi sunt domi. plena sudaria frustorum esculentorum è mensa mea domum plerumque asportabant, nec verebantur vestem sericeam guttis jurulentis oblinere, quamvis apud eos primo loco commendetur mundities. Hujus rei mentio mihi reducit in memoriam casum jocularum, quem non me pigebit tibi referre. Ridebis, sat scio, quemadmodum & ego assatim risi: nec risum contempseris homini maxime proprium, & quo nulla re melius humanæ miseriæ condiuntur. Tum Catones non sumus. Hic mos est Bassis, ut paucis ante jejunia sua, quæ nos quadragesimam vocamus, diebus, prandium omnibus qui venire volunt præbeant, excluditur nemo. Sed tamen fere accedunt vicini, clientes noti, & amici. stratum est humi super tapetem oblongum scortum mantile, quod densatis ferculis oneratur. Ea mensa multorum hominum capax est. Bassa ipse in summo assidet, circumque eum qui sunt honoratiores, longa dein serie minorum gentium convivæ, donec nulli amplius supersit locus; plures adstant, non enim mensa simul omnes capit: sed ubi qui consederunt, famem depulerunt, quod sit raptim, magna modestia & silentio, ac potione mellis aut sacchari aqua diluti prandium finiverunt, salutato convivii patre discedunt. in quorum locum succedunt ex circumstantibus alii, ac deinceps alii, donec brevi spatio multi ex eadem mensa saturentur, famulis interea haud segnis novos discos & patinas deterfis prioribus succenturiare. Cum hujusmodi convivium haberet domi suæ Bassa, adventorem forte Singiacum invitarat ut sibi accumberet. secundum ab isto locum tenebat quidam senex ex eo genere quos *Hoggias* Turcæ vocant, hoc est, literatos: hic cum ante se magnam diversorum ciborum congeriem videret, velletque jam satur portare aliquid.

quid ad uxorem, cœpit quærere sudarium quo reponeret: sed illud domi reliquerat, non tamen sibi deest: capit ut bonus gladiator consilium in arena, dependentem à tergo manicam arripit non suam (ut putabat) sed Singiaci. hanc infercit quantum potest, eamque postremo bono panis fructo, ne quid elabatur, veluti obsignat, nam remitteret paulisper. vale dicturus hospiti necesse erat, quod eorum ita ferat consuetudo, ut manibus ad pectus vel ad femora applicatis suos optimates saluter. quo functus officio denuo manicam sed suam colligit, quam ubi est triclinio egressus, sedulo pertentans inanem offendit: obstupescit. Sed quid faceret? tristis domum redit. Surgit haud multo post & ipse Singiacus, Bassamque veneratus abibat, ignarus oneris quod pendebat à tergo. sed mox ad singulos egressus manica quod continebat parere cœpit. longam ducebat à tergo Singiacus reliquiarum lineam. ridere omnes, respicit ac videt non sine rubore offas vomentem manicam. Tum Bassa (conjectura assequutus id quod erat) eum revocat, ipsum residere & Hoggiam illum acceffiri jubet: ad quem conversus, Cum (inquit) sis & mihi vicinus & vetus amicus, & domi habeas uxorem & liberos, nec tibi defuerit quod à mensa mea ad eos portares, miror cur id facere neglexeris. Tum Hoggia, Nulla, domine, mea culpa id factum, sed genio irato meo, nam cum imprudens sudarium domi reliquisset, in manicam meam recondideram prandii reliquias, quam tamen triclinio egressus nescio quo casu vacuam offendi. Sic abstersus Singiaco pudor, literatorisque presbyteri frustratio & casus novitas majorem etiam risus materiam circumstantibus dedit. Sed redeo in viam. erant in angusto Bajazeri spes, inclemente patre vivum ad supplicium poscente, dedere tergiversante & veluti patrocinate Persa, sed parum certa fide. Suleimannus tamen modo blandius agebat cum

cum Persa foederis admonens, quo convenerat eosdem utrique hostes & amicos haberent; modo minis & belli denunciatione territabat, nisi Bajazeres sibi traderetur: loca omnia suæ ditionis finibus Persæ proxima, firmis præsiidiis munierat, Mesopotamiam totamque Euphratis ripam frequente milite compleverat, præsertim prætorio, & quo usus fuerat adversus Bajazetem, quibus copiis Mahemet Bassa Visiriorum tertius & Græciæ Bellerbegus præerant. Nam Selimus mature domum redierat. Sed & ii populi quos Georgianos vocant, qui inter mare Hircanum & Pontum incolunt, vicinique sunt Mediæ, ut in Persam arma caperent, assiduis nunciis sollicitabantur. Illi non insulse respondebant, Sibi non esse tantam suarum virium fiduciam, ut per se Saghatham laceßere auderent: veniret modo cum exercitu Suleimannus; ubi præsentem vidissent, scituros quid se facere oportet; neque tunc consilium neque animum sibi defuturum. Hircani ex alia parte quinque supersunt ex Demerlanis posteris: invitabantur ut socia arma contra communem hostem jungerent. Ipse Suleimannus iturum se Haleppum, (ea est Syriæ urbs ad ripam Euphratis sita) atque inde Persæ bellum facturum credi volebat. Nec erat extra metum Persæ, quid bello Suleimannus valeret sæpius expertus. Sed Turcam sævientem aversa militum voluntas alienusque ab eo bello animus facile continebant. Detrectabant impiam miliciam, à signisque dilabebantur. Quorum magnus numerus, præsertim equitum, ducum injussu Constantinopolim reversus; confestimque in castra redire jussus, paruerant illi quidem, sed ita ut testatum relinquerent, quomodo animati futuri essent, si quis casus aut si qua mutatio incidisset. Ea de causa postquam Suleimanno satis perspicuum fuit, à Persa vivum Bajazetem non obtineri (ultionem tam graviter offensus hominis si qua elaboretur excusante)

sante) sequendum sibi quod erat proximum, ut illic necaretur, judicavit: quod sperabat impetrari posse; eo magis quod ita ei postremo Persa scripserat, se ejus rationem valde mirari, quod tantam rem tam negligenter ageret: oratores se ad eum aliquoties, illum sibi contra nihil præter literas & nuntios missirasse. Non arbitrari id negotium ei esse cordi. Quin viros optimates præcipue auctoritatis ac nominis legaret, cum quibus agi & transigi pro negotii magnitudine posset. Non sibi nihil eum debere; magno sibi detrimento fuisse Bajazetis adventum, magnos sumptus factos antequam in potestatem redigeretur; horum rationem haberi æquum esse. Sensit Suleimannus pecuniam quæri. Itaque potius quam non necessario bello aliena ætate se involveret, statuit Bassarum sequi consilium, & cum Persa pecunia citius quam armis pugnare. Primum deligitur in Persiam orator Hassan Aga unus è cubiculariorum principibus. Cui comes ire jubetur ætatis honore conspicuus Bassa Marassiensis. Discedunt illi cum amplissimis mandatis media fere hyeme, summa celeritate: itinere difficilimo profisciscuntur, pluribus suorum desideratis: demum Casbinum ad Persam perveniunt. Imprimis postulant videndi Bajazetis sibi fieri potestatem. inveniunt situ & prædore carceris deformatum, & barba capilloque adeo promissis, ut nisi raderetur satis agnosci non posset. Tum demum genuina ejus vultus signa Hassan recognovit. fuerat is à primis annis pueritæ cum eo educatus; eaque de causa potissimum id munus Suleimannus ei delegaverat. Convenit, ut quod Persa detrimenti se fecisse diceret, ei resciceretur, & munus præterea acciperet tanto negotio dignum; tum demum Suleimanno facultas esset interficiendi Bajazetis. Recurrit Hassan, & legationem domino suo renunciat. Munus simul cum impensis quæ postulabantur adornatur, quod præsidio Turcico ad ditionis Persicæ initium deducitur.

ducitur. Adest iterum Hassan infortunati Bajazetis designatus carnifex : siquidem ita mandarat Suleimannus, ut cum suis manibus extingueret. Sic injecta fidicula Bajazetes strangulatur; qui quidem unum ante mortem rogasse dicitur, ut videntorum liberorum dividendorumque inter eos novissimi officii osculorum copia sibi fieret; sed incassum, jussus agere quod instaret. Hic finis inauspicatorum Bajazetis consiliorum, eo citius in exitium precipitati, quo magis vitarum cupiit. Quod patris fatum, idem quatuor filiorum fuit. Unum dixi relictum Amasix cum profugeret, recens natum, quem avus transtulerat Prusam, ubi educabatur: sed cum cognovit de Bajazete actum, Eunuchum cui fidebat, Prusam misit, ut eum interficeret. Sed cum Eunuchus esset teneriore animo, sibi de numero janitorum quendam asciverat obfirmati ad quodvis facinus animi, cujus opera puerum extingueret. Is cubile ingressus, cum collo puerili laqueum aptaret, infans ei arridens seque quod poterat attollens, apertis ulnis complecti & ferre osculum conabatur: quæ res ferum alioqui hominem sic commovit, ut ferre non posset, animaque defectus concideret. Moram admiratus Eunuchus, qui foris astabat, eodem se infert, janitorem in solo stratum offendit: tum ne suscepto muneri deesset, suis manibus infantis pueri animulam elisit. Ex quo satis constat, non avi misericordia eo usque nepoti parsitum, sed ex opinione quæ Turcis insedit, ut res quocunque consilio institutas, si bene cadant, ad Deum auctorem referant. Propterea quandiu incertum fuit, quem exitum Bajazetis conata sortirentur, abstinendas ab infantis injuria manus, Suleimannus statuit: ne si postmodum res melius verisset, obniti voluntari Dei voluisse videretur. Sed nunc illo extincto, ac veluti divina sententia damnato, causam esse non putabat, cur filio diutius parceretur: ne malum ovum ex malo corvo relinqueretur.

Fuit

Fuit mihi aliquando longa super eo cum meo Chiausso disputatio, cum essem in insulis (de quibus supra) & mihi visum esset longius evagari. Contigit ut revertens littoris partem paulo altius in mare porrectam reflante vento superare non possem. Quo in loco postquam aliquandiu frustra luctati sumus, exscensionem facere, & prandium sumere nobis necesse fuit. Nam in eum eventum semper cibariorum aliquid coctum in navi circumferebam. Fecere idem complures Turcz, quos par casus eo detulerat. Mensa mihi posita est in virenti prato. Mecum una Chiaussus & interpres discumbebant. Injecta forte Bajazetis mentione, coepit Chiaussus in eum inclementius invehi, quod arma sumpsisset contra fratrem. Ego contra dicebam videri mihi miseratione dignum, cui inevitabilis necessitas imposita esset, aut capiendorum armorum, aut certæ pestis subeundæ. Sed cum Chiaussus nihilominus execrari pergeret, Vos, inquam, immanis facinoris reum facitis Bajazetem; at Selimum, hujus Imperatoris patrem, qui non modo contra patris voluntatem, verum etiam salutem arma tulit, nullius criminis arguitis. Recte, inquit Chiaussus: nam rerum exitus satis docuit illum, quod fecit, divino fecisse instinctu, & coelitus fuisse prædestinatum. Tum ego, Si hoc more ageretur, quidquid quamvis pessimo consilio susceptum, si bene cedat, recte factum interpretabimini, & Dei voluntati adscribetis, Deum facietis auctorem mali; neque quicquam bene aut segnius factum, nisi ex eventu pendetis. Sumus aliquandiu in hoc sermone commorati, cum uterque non sine animorum & vocis contentione, quod proposuisset, defenderet. Collecta utrinque plura sacra scriptura loca, *Nunquid potest vas dicere figulo, cur me ita finxisti? Indurabo cor Pharaonis. Iacob dilexi: Esau odio habui.* atque alia, ut veniebant in mentem. Admirantibus quid altercaremur, qui prope aderant Turcis, postquam sublata men-
sa

sa consurreximus, Chiaussus recta abit ad suos. illi recipiunt in medium. Video dein pœne in modum concionantis multa dicere cum magna illorum attentione. demum cum instaret meridies, facto silentio, suo ritu, in frontem consistentes Deum venerantur & adorant. Mihi longum videbatur, dum rediret ad me Chiaussus, ut scirem, quem tam serium sermonem cum suis habuisset. Subverebar, ne quid eorum, quæ dixissem, in pejus retulisset, quanquam esset mihi satis perspecta ejus probitas. Tandem cum posuisset ventus & tempestas, ad conscendendum vocaret, referimus nos in navem, & cœptum prosequimur iter. Hic mihi nihil prius fuit, quam ut ex Chiausso quærerem, qua de re apud suos populares tam accurate sermocinatus esset; atque is subridens, Fatebor, inquit, tibi ingenuè, quid fuerit. Voluerunt ex me scire, qua de re fuerit inter nos tanta contentione disputatum. Ego dixi, de prædestinatione, & quæ tu pro tua parte loca collegisses, & quæ à me adducta agnovisses, eis recitavi: ex quibus te libros nostros legisse, & sacra scripturae scientissimum esse constaret: nec tibi ad omnem sclicitatem quicquam deesse quam ut sacris nostris iniciareretur: quam tibi mentem dari à Deo cohortati inter nos sumus, ut eum in precibus, quas nos habere vidisti, roga-remus. Nuntio de Bajazetis interitu Constanti-nopolim allato, magnus me metus incessit de nostri negotii exitu. Itabamus quidam pulchre, finemque qualem optabamus, prospicere videbamur: sed casus Bajazetis curam revocabat, ne Turcæ insolentiores facti, quæ acta essent retexerent, & nos ad conditiones graviores revocarent. fueramus scliciter præterveſti complures scopulos, in quibus eladem Gerbensem, vincula Bajazetis, & pulsi è Moldavia Veyvodæ fortunam: resstabant duo nihilominus formidolosi, mors (de qua dixi) Bajazetis, & item alter, de quo mox dicam. Me primus per servum domesticum ejus nuncii

participem his verbis fecerat Hally. Certo scirem sublatum è vivis Bajazetem, non esse, quod ejus fiducia luderem diutius: meminissem facilius inter duos principes eorundem sacrorum consortes veterem gratiam integrari, quam inter duos diversæ religionis novam conciliari. Crederem hoc sibi non esse tutum tergiversari ulterius: neque nodum in scirpo quærere. Hæc meum animum non leviter pupugerunt. Sed quod autor suspectus haberi posset, mitto circum amicos sciscitatum, nunquid certe de Bajazetis nece sit allatum? respondent ad unum omnes, de eo nullam dubitationem relinqui. Intelligo mihi contrahenda vela. Non esse quod deinceps ad meliora aspirarem: mihi satis esse debere, si locum quem ceperam, tueri possem, si nihil in conditionibus mutaretur. Jam diu eas Turca viderat, neque erat averfatus, paucis additis aut circumcisis, in quibus tamen erat nonnihil quod desiderarem. Erant quædam posita obscurius, & quæ controversiam facere possent, si quis malignius interpretaretur. Adnitebar ut aut tollerentur aut corrigerentur: ut nostræ parti commodius esset. Jam semel atque iterum eas condiciones ad se missas Imperator meus viderat, clementerque approbarat: sed ipse mihi non satisfaciebam, adjungique semper aliquid, quod magis etiam esset in rem nostram, cupiebam. Cum me hæc agentem is de quo dixi, nuncius oppressit: sed & antea grave impedimentum inciderat ex quorundam optimatum Hungarorum à Veyvoda Transilvanix ad Cæsarem defectione, vel (si verum dicendum est) ex errore in viam & ad officium reversione, cum arcibus atque oppidis quæ ab iis tenebantur. quæ novitas quicquid erat de pace inchoatum, turbare & pervertere potuit. Siquidem Turcis speciosa oratio non deerat: Non debuit, dum de conditionibus agitur, quicquam novari. Si pax cordi est, quæ perverse acta sunt, in integrum restituere:

restituere: de se statuunt defectores ut volent: quæ possederunt penes Veyvodam remaneant, clientem & beneficiarum nostrum. Verum non modo nihil istiusmodi ab Hally propositum fuit, verum etiam cum in conditionibus pacis nominatim adscripsissem ut illa manerent rata, libenter comprobabat. Sed qui tum supervenerant à Veyvoda recentes oratores, eam cicatricem acerrime refricabant, aulam clamoribus implebant, prædi miserum juvenem, profanari jus amicitiae, veteribus amicis hostes anteferri. quibus quidem reliqui Bassæ præter unum, Hally movebantur. Sic denique in pacis legibus, de quibus jam convenerat, mansum. Ego vero, tamen si nulla dubitatio esse posset de mente domini mei, memor tamen nunquam deesse in comitatu Principum, qui aliorum benefacta, etsi præclara denigrarent, præsertim hominum externorum, omnia quatenus fieri posset ei quam liberrima reservanda statuo. Sic ergo cum Hally ago, ut ostendam, tamen si conditiones, propositæ ex toto expectationi Principis mei non responderent, tamen confidere illis acquieturum, modo una mecum mitteretur aliquis qui ea quæ essent obscuriora, aut alioqui in controversiam vocari possent, declararet. Ad id videri optimum Ebrahimum, per quem ipsi vicissim de Cæsaris voluntate erga pacem cognoscerent. facile est in hanc sententiam. Ita longinquo huc pacis negotio suprema manus imposita. Mos est, ut discedentem cum gratia oratorem Bassæ in Divano mensæ suæ adhibeant. Sed quando omnia suspensa & incerta donec à domino meo responsum referretur, manere videri volebam, is mihi honos non est habitus, quo me carere animo æquissimo tuli. Erat mihi in votis aliquot præstantes equos mecum educere. Idcirco negotium dederam meis famulis, ut crebro versarentur in foro, si quos ejusmodi reperire possent, cujus rei factus certior Hally, ipse generosum atque optimum

equum ex suis tanquam venalem producendum curat. Concurrent mei, licentur, indicatur centum viginti ducatis; ipsi offerunt octoginta, ignari cujus esset, recusant dare tanti, quibus commissus erat. Post unum atque alterum diem idem equus cum duobus aliis nihilo deterioribus mihi ab Hally Bassa dono mittitur, quorum unus erat Arabs gradarius insigni forma. Cum agerem gratias pro munere, quaesivit idem Bassa, an equum illum quem homines mei 80 ducatis in foro emptum voluissent, non pluris aestimarem? respondi, longe pluris. Sed eos à me mandatum habuisse ne pretium illud excederent, ne mihi nimis fraudi esset, si viriis latentibus affectum (ut fieri solet) per imprudentiam mercati essent. Admonuit me deinde de ratione alendorum initio itineris equorum Turcicorum; nimirum minima pabuli portione, utque minima facerem itinera, donec equi itineri assuevissent: & quod iter Adrianopolim quinque diebus confici soleret, ut partirer in dies novem aut decem. Idem donavit me veste sane quam eleganti auro inexta, & plena pyxide præstantissime theriacæ Alexandrinæ: postremo adjecit vasculum vitreum plenum balsami, sed non sine verborum honore. Cætera quæ mihi donasset, non se magni ducere, quod pecunia comparari possent; hoc esse munus rarum, quo dominus suus nullum majus amico aut confederato Principi donare posset. Se aliquot annos Ægypto præfuisse, ex quo sibi datam ejus habendi facultatem, duplex ejus fruticis succi genus: unum quod ex oleo decoctorum foliorum cogitur, quod nigrum est & vile; alterum flavum, quod ex vulnere incisi corticis stillat, quod est genuinum, quo sum ab eo donatus. Ipse vicissim quædam sibi miti voluit, lorica ad modum sui corporis sane ampli & proceri. Equum robustum, cui se securum à lapsu committet. Nam propter membrorum molem equas qui ei ferendo par sit, non facile

facile reperitur. postremo materix genus vermicularx, sive ea aceris est, seu cujuscunque alius arboris, cujus laminis nostri mensas incrustant. A Suleimanno nulla mihi munera data quam communia, cujuscumque quibuslibet oratoribus discedentibus dari solita, qualia fere superioribus annis, cum ei valedicerem. Paucis in Heydonum & præsidiariorum Sigheti insolentiam investus est. Quid, inquit, attinuit nos hic pacem facere, si eam disturbabunt, qui Sighetum præsidio tenent, & bellum continuabunt? Dixi me relaturum ad Cæsarem, sperare ei rei provisum iri. Sic bonis avibus sub finem mensis Augusti optatum iter ingressus sum, mecum referens annorum octo fructum octennales inducias; quas tamen nisi aliqua mutatio insignis inciderit, facile erit quandiu libebit prorogare. Cum esset ventum Sophiam, qua non minus Rhagusium iter est quam Belgradum, atque inde Venetias paucorum dierum trajetus est, petierunt à me Leyva & Requesenxus, sibi darem veniam itineris habendi Rhagusio, quo majore compendio in Italiam pervenire, & fidem quam Bassis de muneribus dederant, maturius liberare, & xs quod Constantinopoli in varios usus contraxerant, dissolvere possent. Datuos mihi literas ad Cæsarem, quibus ei gratias agerent de recuperata libertate: libentius se id coram facturum fuisse, nisi impedirentur eo quo dixi officio; in quo eis à me non gravatim mos gestus: cujus quo me minus pœniteret, fecit propinqua mors Requesenxi, qui cum antequam Rhagusium attingeret, ætatis ultimæ senex decessisset. Id quoque cum à me munus habere facile passus sum, quod recusatio aliquid forte ad causam morbi attulisse videri potuisset. Sandxus & ego prorsus jucunde reliquum quod fuit itineris, sine gravore incommodoque confecimus. Est Sandxus multi joci multarumque facetiarum, & qui ubi opus est pressa animi ægritudine magnam hilaritatem

ostendat. Multa se quotidie offerebant, quæ à nobis in ludum jocumque vertebantur. juvabat interdum relictis curribus experiri, uter diutius itineris pedestris laborem ferret. In quo ego facile superabam macilentus, nec ulla ventris saburra gravis, hominem obesum & pondere corporis tardiozem, ad hæc etiamnum ex carceris desidia torpentem. Ut quisque pagus occurrebat, festivum erat videre accurrentem Ebrahimum, qui multa cum gravitate cum suis Turcis in equo sequebatur, obtestantem per ea quæ nobis essent charissima, referremus nos in currus, ne tantam turpitudinem admitteremus, ut talis loci hominibus iter pedibus facientes conspiciendos nos præberemus. id enim magno dedecori esse apud Turcas. Quibus vocibus nos aliquando in currus compellebat, aliquando eas cum risu trans mittebamus. Unum de multis Sandæi facere dictis accipe. Cum discederemus Constantinopoli, erat non modo adhuc molestus æstus, verum ex præteritis caloribus etiamnum languebam, sic ut pœne cibum fastidirem, minimo certe contentus essem. At Sandæus homo robustus; & multo cibo assuetus, quem secum una semper sumebat, non tam vescebatur, quam vorabat, me subinde commonefaciens, ut suo exemplo virum me præberem, & fortiter essem. In quo nihil proficiebat, donec sub initium Octobris finibus Austriæ appropinquaremus. ibi partim regionis, partim temporis ratione altiori cœlo recreatus, cum valitudine fieri melior, tum liberalius quam ex superiorum dierum consuetudine esitare cœpi. Quod à Sandæo animadversum, exclamat sibi magnum operæ pretium factum, non fuisse inanem laborem, neque disciplinam quam mihi impendisset, ut qui se præceptore & magistro esse didicissem, rei tam necessariæ tot annos natum nondum neque scientiam, neque usum habuisse. deberet mihi, quantum vellem, quod eum carcere Turcico exemissem: me sibi nihilo levius devinctum,

stum, à quo comedere didicissem. Sic ludibundi
Tulnam pervenimus, ubi nonnihil molestiæ ob-
jectum est. Solebat Sandrus sub eodem tecto mecum
manere, ubi plura erant cubicula: sed ubi unum
tantum erat, divertebat in proximo, ne mihi mo-
lestus esset. Id cum Tulnæ facere vellet, mandat
Gianizaro, qui mihi apparebat, quem Constanti-
nopoli Budam mecum ducebam, ut sibi prospiciat
de hospitio. cum Gianizaro eunt simul unus de me-
is famulis, & doctor quidam medicus Hispanus,
ære Sandri Constantinopoli redemptus. forte in-
grediuntur in viciniam nobis domum Gianizari,
qui fuerat illi oppido præpositus tutelæ causa. nam
ita Turcis usitatum, ut singulis lautioribus pagis
aut oppidulis unus alterve Gianizarus attribueretur,
qui Christianos à comitantium injuriis prohibe-
ant. ex quo Gianizaris illis multæ multarum op-
portunitatum utilitatumque accessiones. Hic nō-
scio quo commisso delicto commertus erat, ut ab
officio removeretur, ideoque animo agebat anxio
& exacerbato. Hujus xdes nostri libere inspiciunt,
perlustrant omnia. quum non placerent, recipere
se incipiunt. Præcedebat Gianizarus meus, se-
quebatur famulus, tertio loco incedebat medicus.
Fit interim certior Gianizarus loci incola, qui ver-
sabatur in horto, Christianos sibi hospitium quæ-
rere domi ejus. Appropinquat insaniens cum fuisse,
Herculis clavæ non absimili, eumque tacitus quan-
ta vi maximo potest in humeros medici impingit:
qua accepta plaga ne geminaret, medicus se do-
mo ejicit. Respicit meus famulus, & sibi videt
imminentem, ut eodem modo se accipiat Giani-
zarus. Jamque erat in ictum sublatus sustis: sed
hic meus securiculam manu gerebat, ut fere il-
lic mos est, ejus aciem una manu, altera ma-
nubrii partem extremam apprehendit, atque ita
transversam supra caput attollens, plures ictus
tutus excipiebat, cum tamen alter ferendi finem
non faceret, cœptū est infringi securis manubriū,

Qua necessitate meus famulus adductus intra idum Gianizaro subit, ut ei caput cominus dedoleret: sed Gianizaro non placuit mutata pugnae conditio, & se protinus in pedes coniecit; quem cum meus assequi non posset, in fugientis tergum securiculam jactu dirigit. Quo ictu Gianizarus saucius, concidit: sic nostri se expediunt. Interim medicus vicinam clamoribus ciebat, de se actum, nullam vitae ulterioris spem superesse, omnia sibi ossa comminuta. quæ Sandzus audiens & ringebatur & ridebat. Non movebatur medici vocibus, quod in eo plus esse timoris quam periculi existimabat. Sed eum cura atrox coquebat fore, ut Constantinopolim revocaretur; nec poterat sibi persuadere hoc negotium sincere agi; quæsitum à Bassis locum, ubi falso mihi gratificarentur, eosdem mox animum detesturos, & causam inventuros, cur ipsum Constantinopolim retraherent, ubi esset in perpetuo carceris situ putrescendum. idcirco graviter ferebat famuli mei rationem, qui cum tam graviter saucium Gianizarum reliquisset, juraret tamen sibi gravissimum esse, quod adhuc spirantem audiret. Ergo sic eum compellabat, Amicissime Henrice (nam id ei nomen) quæso moderare iracundiæ. Non est hic ostentandæ fortitudinis, neque vindicandæ injuriæ locus: hic fas est sine ignavix nota contumeliam accipere. velimus, nolimus, sumus in istorum potestate. Etiam atque etiam considera, quantum ista importuna iracundia nobis importare mali possit, nimirum, ut omnes reducamur Constantinopolim, & quæcunque acta sunt, pro irritis habeantur, aut certe in dubium revocentur: ex quo novæ molestiæ, & longus labor renascatur. rogo te, sis alias vel mea causa temperantior. Sed hæc surdo caneantur. Erat Henricus pervicacioris ingenii, nec satis ipse rationis capax, utique cum ira efferveret. Quid mea (respondebat) referret, etiam si occidissem? an non ei propositum fuit me trucidare? si vel unus ictus,

ictus, quibus tot me petivit, non fefellisset, nonne me ut pecudem mactavisset? Deberem credo quicquam illi qui me interfectum voluit, si illum prævenissem? Dolet mihi ex intimis animi sensibus, si non sit vulnere mortifero affectus. deinde dejerabat, se Turcæ nemini parsurum, qui sibi vulnus inferre voluisset, sed quocunque proposito periculo vitam si posset erepturum. Hæc Sandæo non placebant. Gianizarus eo quo dixi accepto vulnere rem etiam majorem faciebat. Veniunt ad me duo Iudæi linguæ Hispanicæ non ignari. Aiunt periculose laborare Gianizarum; videndum mihi ut ei satisfaciam, alioqui rem non ita abituram: multas mihi magnas eo nomine paratas molestias. Respondeo quæ visum est. Sed cum Turcarum calumnias & morem novissem, mature occurrendum judicabam. Per puerum confestim ab Ebrahimo postulo, ut mihi accommodet de comitibus suis aliquem, quo duce unus de hominibus meis Constantinopolim eat: sic facto opus esse. Miratur quid causæ sit Ebrahimus: nec mora, adest ut cognoscat. Dico ab Hally Bassa petendum, ut de itineris securitate certiore fide mihi caveatur: alloqui non confidere posse me incolumem fines patrios attingere. Nihil propius factum, quam ut duo de comitatu meo interficerentur; & quemadmodum res acta sit, ei commemoro. Intelligebat Ebrahimus, quantopere ea res ad se pertineret. Rogat ut feram patienter non longissimi temporis moram: atque è vestigio transit ad illum Gianizarum, quem cubantem offendit. Accipit illum vehementi jurgio, quod se talem adversum meos præbuisset: redire nos confecta pace, cum magna Suleimanni Bassarumque omnium gratia, mihi nihil negarum eorum quæ petivissem, multa ultro concessa: se adjunctum itineris comitem, ut mihi honorem ubique habendum curaret. Illum primum inventum, qui nos injuria læderet; qua de re velle me questum mittere. Con-

stantinopolim. quod si fiat, ipsum intelligere quid de se futurum sit. Quo sermone decussæ Gianizaro cristæ, terrorque ultro injectus. Sequenti die iter nostrum Budam versus prosequuti sumus, medico ex tantæ plagæ contusione nullo momento ad iter tardiore. Cum jam esset in conspectu Buda, veniunt nobis obviam jussu Bassæ ex ejus familia aliquot cum plerisque Chiaussis; sed inprimis visenda juvenum in equis multitudo propter novitatem ornatus, qui erat hujusmodi. In aperto capite, quod eis plerumque rasum est, cutem longa linea inciderant, cui vulnere plures pinnas cujusque generis inseruerant: ipsi stillantes cruentis guttis, dissimulato dolore veluti sensus expertes læti & hilares ferebantur. ante me proxime pedites aliquot ambulabant, horum unus veluti ansatus subnixis nudis brachiis ingrediebatur, quorum utrumque supra cubitum cultello (quod genus nos Prægenses vocamus) transfixum habebat. alius à superiore parte umbilico tenus nudus incedebat. sic scissa duobus locis infra supraque lumborum cute, ut illac trajectam clavam tanquā è cingulo pendentem haberet. alius in vertice capitis equi soleam pluribus clavis fixerat. Sed id vetus erat, clavis ita cum carne coalitis, ut nihil moverentur. Hac pompa Budam sumus ingressi, & ad Bassam introducti: cum quo mihi de fide induciarum adstante Sandæo sermo prolixior. Constitit intra limen atrii egregia illa contemptrix doloris juvenus, in quam cum oculos forte conjecissem, quærit ex me Bassa quid mihi videatur? recte inquam, nisi quod illi de sua cute faciunt, quod ego de mea veste nollem. nam malim mihi servari integram. Risit Bassa, nosque dimisit. Postridie retendimus Strigonium: inde processimus Commaronium, primam Cæsar. Majestatis arcem, ad flumen Wagæ sitam. In cujus ulteriore citioreque ripa loci præsidium cum sociis navalibus, quos ibi *Nassadifas* vocant, præstolabatur. Antequam

tequam trajicerem, accedit ad me Sandrus, eorum
diu dissimulatam aperit, me complexus denuo agit
gratias pro recuperata libertate. Nam fateri se si-
dem hactenus sibi fieri, non potuisse hoc negotium
bona fide à Turcis geri, ac proinde in perpetuo
metu fuisse, ne sibi Constantinopolim redeundum
esset, & in vinculis senescendum. Nunc demum
se agnoscere, quæ à me beneficia haberet, rata
& firma esse, quo nomine mihi ad extremum vitæ
spiritum devinctum fore. Paucis inde diebus at-
tigimus Viennam. Erat tum temporis in comitiis
imperialibus Casar Ferdinandus cum filio Maxi-
miliano, de cujus in Regem Romanorum inau-
guratione agebatur, facio Imperatorem certior
de meo reditu, deque adventu Ebrahimi, & quid
de eo fieri placeat, consulo. Nam is quidem ve-
hementer urgebat, ut Francofordiam duceretur.
Respondit primo Imperator, sibi videri consul-
tius ut Viennæ ad reditum suum Turcæ subsiste-
rent: fore abs re alienum, si gens tam infestâ per
tantum tractum, quantus est à Vienna Francofor-
diam, per ipsius Imperii penetralia duceretur. Sed
expectare longum erat, & multas suspicionum an-
sas Turcis dare poterat. Nec erat ullus metus, si
Ebrahimus cum suo comitatu iter per florentissi-
mam imperii partem fecisset, imo optabile ut per
ea vires & magnitudinem imperii æstimaret. Tum
autem maxime ut videret Francofordiæ, quanto
consensu summorum Imperii principum Impe-
ratori patri successor Maximilianus designa-
tur. Quæ cum essent à me Imperatori rescripta,
assensus est, ut Ebrahimus cum suis Francoforde-
am duceretur. Sic nobis iter Praga, Bambergæ,
Wirtzburgo illuc institutum. Nolebat Ebrahi-
mus, cum iter per Bohemiam haberet, transire
insalutato Archiduci Ferdinando, sed ei se offerre,
sic ut nosceretur, non visum Archiduci. Quam
paucorum modo dierum itinere abessem à Fran-
cofordia, visum est mihi ut de quibusdam rebus

ad meam legationem pertinentibus Cæsarem præmonerem, unius atque alterius diei itinere Turcas præcurrere. Itaque eo dilatus sum per equos dispositos, ac veni Francofordiam pridie ejus diei, quo ante annos septem alterum iter Vienna Constantinopolim auspicatus fueram. Ea humanitate atque indulgentia clementissimi Imperatoris exceptus sum, non qua me dignum erat, sed quam ejus consuetudo & innata bonitas ferebat. Tu cogita quid mihi lætitiæ fuerit post tot annos frui conspectu non modo incolumis, verum etiam omnibus rebus florentis domini, qui me amplissimis bene atque ex sententia sua confectæ legationis testimoniis ornaret, diuturnos labores meos, & quæcunque à me acta essent grata & accepta sibi esse ostenderet, nihilque prætermitteret quod ad propensam voluntatem significandam pertineret. Pridie inaugurationis venit Francofordiam multo jam vespere, clausis ejus urbis portis, quas toto sequenti die vetus ceremonia referari non patitur. Sed diserto Cæsare Majestatis mandato factum est, ut Turcis portæ postridie aperirentur. Assignatus eis locus, unde possent prætereuntem electum Cæsarem cum omni pompa atque apparatu spectare. Visum est eis hoc amplum (ut erat) & magnificum spectaculum monstrabantur inter reliquos, qui Cæsarem honoris causa comitabantur, tres Duces, quorum singuli suis opibus justum exercitum conficere possent; Saxo, Bavarus, Juliacensis: multaque alia de viribus, dignitate & amplitudine Imperii eis referebantur. Ad Cæsarem paucos post dies introdi. Atus Ebrehimus, causam adventus sui exposuit, obtulitque munera quæ Turcis honestissima habentur: quem Imperator pace confirmata amplissimis auctum donis ad Sulcimum remissit. Evolare me ex aula, & domum redire gestientem, retinent etiamnum privata negotia. Nam mihi quidem vita aulica usquequaque cordi non est, notæ mihi ejus ærumnæ. Fallo splendore multæ
ejus.

ejus miserix obtenduntur. Fuci in ea multum, candoris parum est nulla est aula quæ vacat invidia, in qua non desideretur amicitix fides, ubi voluntatum mutatio & subita ruina metuenda non sit. Nam principes & ipsi homines sunt. Vidi qui centum amicis stipatus regiam adierat, irato rege, vix cum uno comite domum redire. Aula vera bona non novit nisi sero. umbris, fama, specie, fallaciis, errore populari ducitur. Ut eos fortunatos dicere non dubitem, quibus illa cito & cum parvo incommodo defungi datum sit. Oprabile est sibi posse vivere, & Musis; & cum paucis, & non fallacibus amicis, in agelli angulo consenescere. Aut nulla est in hoc terrestri exilio, aut ea demum vera vita est. Nimum quantum sæpe pluris fiat in aula nobilis scurra quam vir bonus, ut non absurde boni viri inter aulicos speciem oculis subiecisse videantur, qui asinum pinxerunt inter simias. De communibus aulis loquor. Nam me non fugit, multas, atque hanc præcipue, viris in omni laudis genere præstantibus, tanquam rarissimis luminibus illustrari. Ut ut sit, mihi solitudo & studiorum nutrix quies, turba & strepitu aulico potior. Sed discedere cupientem vereor ne Princeps optimus retineat, aut certe domo jam abditum retrahat. Annuit is quidem meo discessui, sed ea lege ut revocatus redeam. Quod si sit (nam quis ei qui nutu quidvis imperare possit, & cui tantum debeat comiter petenti quicquam denegare?) tum vero unum relinquetur solatium, in quo conquiescam, quod mihi sanctissimi Imperatoris faciem, vel (ut melius dicam) spirantem veræ virtutis imaginem assidue spectare & contemplari dabitur. Nam cave putes, Solem hoc Principe quicquam illuxisse melius, neque cui iustius rerum arbitrium delatum sit. Suspicienda quædam res est imperii majestas: sed meteri imperium, eoque se dignum præstare, mihi majus quiddam videtur. Nihil dico de natalibus, nihil de claritate majorum. Non habet

habet opus adjumentis procul arcessitis, propriis adminiculis nititur. ex se atque adeo ex suis virtutibus magnus est. Multi Imperatores fuerunt non boni, indigni qui ad tantam dignitatem producerentur. hoc uno ex omnibus suæ virtuti magis debitum honorem nemo cepit. Rursus potiti sunt rerum non pauci, satis illi quidem inter initia casti & innocentes, sed qui mox nimia licentia & corruptelis aula in omne vitium præcipientes abierunt. Se mortales oblici, spiritus humanis altiores sumpserunt: locari cœlo & decorum contubernio inferi voluerunt, cum essent indigni qui in hominum numero censerentur. Non omnium cervices ferunt magnæ fortunæ pondus: succumbunt plerique & seipso in tam alto gradu positi requirunt. Arduum est posse omnia quæ velis, nolle tamen nisi quæ honesta sunt. Nullius laminibus fortunæ altitudo minus offecit. Nemo constantius virtutem retinuit, neque diligentius cavet, ne purus animus fortunæ vitio contaminaretur. Hanc semper duxit rationem, quorum purpuræ nitor in oculos hominum incurreret, debere multo magis morum sanctitate animos eorum convertere. Summum ei pietatis studium, Deum sancte colit ac veneratur, atque ita semper ut eo præsentem & in ejus conspectu vivit. Ad ejus præscriptum tanquam ad amissum omnes actiones suas exigit totiusque vitæ cursum moderatur. Quicquid sibi contingit vel prosperi vel adversi, ad eum refert auctorem, & ut de manu ejus profectum, accipit animo pio & grato. Sic eum cœlestem in terris vitam meditari vere dixeris. Non fallit eum quam personam sustineat: ideo dicta ejus & facta omnia eo spectant, ut in commune consulat, & quampluris prosit, suas utilitates præ publicis ducat in minimis, non aliter se bono publico natum existimaturus. In quo à nonnullis ei vitio vertitur, quod Reipub. nimium deditus, privatis rationibus, familiarque

& liberorum commodis parum serviat. Nullum humanæ societatis officium in eo desideres. omnes ita tractat, ac si ad ejus curam omnes pertinerent, & ingentis familiæ ipse sit pater. Quis opis indigus fidem ejus frustra imploravit? Quis ejus liberalitatem in se non est expertus? Diem perire existimat, quo non alicui benefecerit: & cum summa charitate omnes complectatur, tum vero singulari est in domesticos indulgentia: quorum nemo est qui se ab eo neglectum aut præteritum queri possit; vitam, consuetudinem, merita, etiam nomen uniuscujusque memoriter novit, etiam infimorum. Nec piget tantum Principem indiligentius & præter decorum agentes, captato tempore officii commonefacere, & dictis castigare: eosdem vero ad bonam frugem se recipientes laude & præmiis afficere. Itaque sic ab eo discedunt, ut non dominum, sed parentem se Cæsarem habere prædicent. Id ei quoque penitus insitum, ut quorum errata aliquot dierum ita correxerit; postquam ignoverit, eodem prorsus loco eos habeat quo ante, deleta ex animo omnis culpæ memoria. Jus magna æquitate dicit, sed non aliis magis quam sibi. Neque enim fas putat, negligi à se leges, quas aliis præscribat; aut sibi permittere, quod in aliis vindicer. Domitas habet cupiditates, & intra rationis cancellos constrictas. Vivit odii expertus, non novit irasci, neque convitium facere. haud dum natus est, qui obtestantem alteri audierit; ne iis quidem quos sibi minus æquos novit. nullum in quenquam dictum inclementius, nec de absentibus unquam nisi honorificus sermo. Tuta est sub ejus præsidio probitas: malitia, vis, fraus, improbitas, pravi mores exterminantur: scelera & flagitia debitis poenis afficiuntur. Romani suos censores moribus præfectos habuerunt, qui populum in officio & vetere disciplina retinerent. Hic nullo censore opus; vita principis pro-

cens

censura est. Is omnibus præducet, exemploque est, quid fugiant, quid sequantur. Viros bonos & eruditos iisque artibus exultos, quibus bona opera Reipub. navari potest, præcipua benevolentia complectitur. His se dat, positaque majestate veluti cum paribus mutua amicitiz officia exercet, ac tanquam virtutibus æmulatur; nullo delectu an illi veteres & credita majorum, an sua & præsentī laude elati sint. Cum his tempus (quod tamen exiguum est) quod negotiis superest, libenter ponit. hi sunt apud eum in pretio; ut qui publice multum interesse judicet, suum virtuti locum & honorem restitui. Ipse natura curiosior, atque aliquid homine dignum cognoscendi cupidus, nunquam non habet, de quo ex doctioribus audire cupiat; de suo argutius aliquid & non invenustum cum magna audientium admiratione subinde interponens. Sic sibi multarum bonarum rerum non contemnendam penum comparavit, ut de nulla re quæri possit, cujus non aliquam cognitionem habeat. Complurium linguarum habet usum. Primum locum tenet Hispanica, utpote materna: succedunt Gallica, Germanica, Latina & Italica. Latine etsi omnia sensa animi exprimere potest, non tamen ita ad unguem doctus est, quin aliquando in Priscianum impingat; vitium in literatore reprehendendum, sed in Imperatore (ni fallor) tolerandum. Hæc ita esse quæ hætenus dixi, nemo negaverit: sed non deerit fortasse, qui majus rei bellicæ studium atque aliquid laurea dignum in eo requirat. Turcæ (inquit) multos annos in Hungaria debacchantur, vastant omnia, neque succurrimus, quemadmodum nostro nomine dignum erat. Jampridem contra irum oportuit, & conferta acie collatisque signis decretum, utros regnare velleret heri. Fortiter isti quidem, sed haud scio quam prudenter. Rem paulo altius putemus. Ego sic opinor, de ducum aut imperatorum animis, magis ex eorum consiliis, quam ex fortuna.

fortuna aut eventū judicandum. Confiliis autem moderari debere tempora, vires proprias, genus & potentiam hostium. Si communis hostis, si nobis satis cognitus, si nullis victoriis clarus, nostros fines infestet; non ire obviam, si nobis sint pares copiz, atque eum conferta manu reprimere, vereor ne ignaviz imputari possit. At si is sit hostis, qui velut ira Dei immissus (qualis olim Artila, avorum vero nostrorum memoria Demirlanes, nostra ætate Principes Ottomanni) cui nihil possit obistere, qui quacunque incedat, omnia prosterнат, huic se temere cum exiguis & tumultuariis copiis objicere, vereor ne modo temeritatis, verum etiam dementiz reprehensione non careat. Adest Suleimannus suis & majorum rebus gestis formidolosus, solum Hungaricum ducentis equitum millibus insultat, imminet Austriæ, minatur reliquæ Germaniz, trahit secum quidquid est gentium à finibus Persarum. Multorum regnorum opibus instructum ducit exercitum. trium orarum, in quas orbis partitur, nulla est quæ non suam partem ad nostrum exitium conferat. Quicquid obviam datur, instar fulminis affligit, dissipat, delet. copias veteranas, militem exercitatissimum suoque imperio assuetum ducit, terrore nominis sui omnia complet. Nostros fines usque circum rugit, modo hac, modo illac tentans irrumpere. Haud paulo levioꝛe periculi causa multæ gentes à valentioribus impulsæ, natali terra relicta, alias sedes periverunt. In mediocribus periculis non commoveri parva laus est. at non terreri in ejusdem hostis adventu, in tanta circumruentiū regnorum fragore, nihil Herculeæ cujusdam constantiz videtur. perstat nihilominus in eodem vestigio invictus animi heros Ferdinandus; non deserit stationem; non loco, non gradu movetur. Optaret sibi eas vires esse, quibus posset sine insaniz crimine ac suo tantum periculo rem in prælii campum dare: sed generosos ejus impetus prudentia temperat. Videt quanta

quanta cum fidelissimorum popularium suorum, imo totius Reipub. Christianæ perniciæ futurum sit, si quid in re tanta sit offensum: cogitat male privato studio designari, quod publica calamitate luatur. Considerat quam iniquum certamen futurum sit, si x xv aut x x x millia peditum, adjuncto exiguo equitatu, cum ducentis equitum millibus veterano pedite fultis, committantur. Quid ex eo sperandum sit, satis cum docent superiorum temporum exempla, acceptæ ad Nicopolim & ad Varnam clades, albentesque adhuc ossibus caesorum Christianorum ad Mohacium campi. Insipientis belli ducis est, non suis, non hostium viribus, ut par est, æstimatis, in proelium ruere: ex quo serum illud sequitur, tum graviter notatum, *non putâram*. Multum omnino refert, cum quo hoste nobis res sit. In quo mihi parum fidei esse velim, nisi gravissimis auctoribus idem visum sit. Caesar quidem, idoneus (si quis) rei militaris magister, quantum in eo situm esset abunde docuit, qui Luculli Pompeique felicitati tribuit, quod tam ignavus hostis eis obvenisset, ex quo sine pulvere & sudore partas victorias reportassent. Qualis cum ei una de Pharnaco contigisset, quasi per ludibrium, ut de re nullius laudis neque negotii victoriæ facilitatem titulo testatus est, *Veni, vidi, vici*: non idem dicturus si hodie cum illis populis bellum haberet, olim quidem luxu remollitis & effœminatis: at nunc in rerum omnium penuria, frugalitate, fame, frigore, æstu, continuo labore & disciplinæ severitate ad omnem patientiam & audaciam exercitis. Nec sine causa ratiocinatur T. Livius, nequaquam pari eventu bellaturum fuisse Alexandrum Macedonem, si hostem Romanum potius quam Persam aut imbellem Indum nactus esset. aliter cum bellicosiss, aliter cum luxu perditis aut armorum insoletibus populis bellum geritur. Multitudo in Persæ admirationem faciebat, in quibus

bus maſtandis plus laboris erat quam vincendis. Mihi quidem tres victoriæ Annibalis , ad Trebeiam, ad Thraſimenum , ad Cannas , omnibus rebus geſtis Alexandri longe proponendæ videntur. Quid enim? has iſte de egregiis bellatoribus tulit: illi cum inertibus Aſiæ populis negotium fuit. Non erat in Fabio Maximo minus animi quam in T. Sempronio , quam in C. Flaminio , quam in Varrone, ſed plus erat conſilii. Cognovit ſummi iudicii Imperator , cum hoſte in caſtris educato, verſato ſemper in armis , magnorum ducum diſciplina erudito , tot claro tropæis , ſingulari quodam ſeu fato ſeu foelicitate , non eſſe temere rei ſummam in diſcrimen dandam , ſpatio & opportunitate opus eſſe , ut vinci poſſet. Eam ſolam tanto hoſte propoſito ſpem relinqui , ſi ejus impetum trahendo evaderet , produceretque in id tempus quo remedio locus eſſet. Interea ſuſtinendum, coercendum, carpendum. In quo tam fuit foelix ut fortasſe non minorem devicti Annibalis partem Fabius ferat, quam ipſe Scipio belli conſector. Nam quis ſcit , an victoriæ Scipionis locus fuiſſet , niſi Annibalis victoriarum curſum Fabius remoratus eſſet. Nec vero minoris aſſimari debet conſilio vincere quam manu. Hoc nihil cum belluis habet commune, vis habet. Quod fuit Fabii Maximi , idem fuit Cæſaris Ferdinandi conſilium, ut penſitatis ſuis Suleimannique viribus nihil minus bono duci convenire judicaret, quam ſor unam tentare , & juſto prælio tanti hoſtis impetum excipere. Quod proximum fuit , ut tanquam concitati fluminis impetum aggeribus, ſoſſis, reliquisq; munitionibus tardaret & reprimeret , in eo ſibi omni ope enitendum putavit. Anni ſunt plus minus quadraginta , cum initio regni Suleimannus capta Belgrado , aſſicta Regis Ludovici exde Hungaria , non modo ejus provinciæ , ſed & ulteriores poſſeſſionem ſibi deſpondit : qua ſpe Viennam obſedit, repetito bello

bello Ghnirzium in potestatem redegit. Viennæ denuo, sed procul, minatus est. Sed quid tanto armorum apparatu? quid infinitis opibus? quid innumerabilibus copiis perfectum, quam ut præne in ea hæreret Hungariæ parte, quam jam ceperat? Qui maxima regna solitus erat una expeditione conficere, parum munitas arces, aut minuta oppidula, pretium suarum expeditionum tulit, magnoque mercatus est quicquid de vasto Hungariæ corpore paulatim decerpfit. Viennam certe vidit, post illa nunquam. Tria dicuntur Suleimanno fuisse in optatis; Ut templi sui structuram (opus sane sumptuosum & luculentum) absolutam videret: Ut restitutis veteribus aquæductibus per eos aquæ vim Constantinopolim induceret: Ut Viennam expugnaret. in duobus voti compos factus est, in tertio hæsit, & hæsurum spero. Viennam quidem alio nomine quam *dedecus & ignominiam suam* designare non solet. Sed redeo unde diverti, & non dubium Ferdinando inter præstantissimos belli duces locum asserere; qui longe inferioribus quam tanta tempestas requirebat auxiliis adjutus, tamen non se deseruit, sed præcipuo animi robore jam tot annos inusitati hostis impressionem sustinuit. Cui major læus ob conservatam melioribus temporibus bonam Hungariæ partem debetur, quam multis ob partos in summa opportunitatum omnium affluentia de devictis regibus aut populis celebres triumphos. Quo magis ei tempore tam necessario omnia defuerunt, eo clarius animi ejus virtus enituit. Nisi forte in uno eventu & magnitudine felicitatis omnia ponere, nec quid hostis valeat, quid tempus, quid natura ferat, pensi quicquam habere, placet. prodigii mehercule simile videri potest, apertum & porrectum Hungariæ regnum longa discordia distractum tandiu potuisse defendi. neque dum totum sub hostis potentissimi jugum venisse. Cujus nihil nisi singulari Dei beneficio, nihil sine infinito Principis sapientissimi labore,

bore, gravissimisque curis perfectum. Quæ non illi, dum in eo defudat, antecedente gravior insequens difficultas? Hostis ante oculos, amici procul; longinqua & sera Caroli fratris auxilia; fessa, tametsi incendio proxima, suppeditandis auxiliis Germania; provinciarum hereditariarum contribuendo exhaustæ; surdæ ad vocem poscentis opem multorum Principum Christianorum aures, quidvis potius agentium, quam illud quod ad eos maxime pertinebat. Ita modo suo Marte, & quibus potuit Hungarorum, Austriacorum, Bohemorumque copiis, modo imperii viribus, modo arcessito Italo, aut Hispano milite sustinuit, immensoque sumptu. quindecim dierum itinere patentia in longum Hungaricæ confinia continuis præfidiis tutatus est, neque enim unquam non opus ei sub signis milite, ne induciarum quidem tempore: Nam & his interdum locus. Nec piget, cum Tyranni adventus in metu est, nec temporum status aliud auxilium relinquit, missis legationibus ac muneribus eum mitigare, quo tantæ tempestatis calamitas à miseræ Hungaricæ cervicibus avertatur. Quæ molientem si quis totam dormire noctem credit, nunc is egregie fallitur. pro Reipublicæ commodis excubat. perpetuas vigilias, magnam sollicitudinem tanta res requirit. putas me laudare; ad historiarum fidem epistolam scribo. Ad hæc administranda pauci illi adjutores, sed boni. In quibus veluti antesignani, tibi fortasse non inauditi, Ioannes à Trantzen, & Rudolphus ab Harrach, uterque fide & prudentia singulari. Dimitto te, si pauca de vitæ ejus interioris consuetudine addidero. Surgit è lecto etiam asperriimæ hyemis mensibus hora quinta: hinc precibus Deum veneratus, peractoque sacro, abdit se in concilium. ubi de rebus quæ ad publicam utilitatem spectant consultandis, usque ad horam prandii magna attentione vacat. Idem sit horis pomeridianis, donec cœnæ tempus sit; cœnæ dico, non suæ, sed consiliariorum.

rum nam ipse perpetuo cœna abstinet, neque amplius quam semel die cibum sumit, & quidem parce: nec potui liberalius indulget, geminata vini potione prandium clausisse contentus. Nox illi castra, thoruscque (quod satis constat) ab amissa conjugè Veneris expers. Nugarum atque earum oblectationum, quibus multi capiuntur, nihil. procul absistunt moriones, plani, scurræ, parafiti, communium aularum delicia, sed & pestes tamen. fugit ocium, tempus ei nullum iners. Quod si quod negotii superest, quod rarum est, id bonorum & doctorum virorum (ut supra dixi) colloctionibus, quibus plurimum gaudet, traducit. qui cum maxime assistunt prandenti, deque variis rebus sermonem confertunt. Cum hac vita tam frugi, tam severa, non dubito quin è populo multi suam commutatam nollent. Quotus enim quisque non aliquam vitæ particulam genio suo seponat? Quis se cunctis oblectationibus privari æquo animo sustineat? quem denique non tædeat in perpetuis curis & negotiis consenescere? Quod quidem servitutis cuidam generi quam dominationi propius videtur. Sed aliter hic Princeps judicat, neque id in familiaribus colloquiis dissimulat, non se sua causa tanto muneri à Deo præpositum: non sibi, ut in voluptatibus & deliciis volutetur, Imperii gubernacula tradita: alia conditione privati juris hereditates cerni, alia regnis & imperiis succedi, prohiberi neminem, quin patrimonii sui commoditatibus utatur, fruat. At suæ fidei tot gentes à Deo commendatas, ut earum curam gerat, ad se redeat labor, ad eas ex sua dispensatione fructus, suo sudore eis quietem & otium conficiat. Una est venatio, cui interdum operæ aliquid tribuitur, non tam delectationis causa quam valetudinis. Nam cum dierum complurium continenci sessione marcere sibi corpus & animum sentit, diem eligit quo se liberioris aeris haustu & campestri exerci.

exercitatione reficiat. Ergo summo mane, æstate quidem primo diluculo, hyeme aliquot horis ante exortum solis, quocunque cœli habitu ventum egreditur: quandoque pomeridianam tantum tempus ei rei datur. Ac memini cum astarem prandenti, audire cum diceret; Meo sum functus officio, negotia omnia, totum charyophylacium exhausti, nihil superest in cancellaria quod me retineat: quod reliquum est diei, impendam curæ corporis. Sic multa jam nocte domum revertitur. apri vel cervi vel etiam ursi eade latus, ac fessa vario labore membra (nullo assumpto cibo neque potu) somno sternit. Eat nunc qui volet, & nostro sæcula Trajanos, Veros, Theodosios, veterum miracula, desideret. Sacramento contendere ausim, in hoc uno Imperatore plus esse veræ virtutis, quam fuerit in illis omnibus. Sed me tanti viri admiratio longius abripit. Non mihi consilium, ut quæ digna sunt ejus meritis dicam: voluminis ista sunt, non epistolæ: tum aliud ingenium, aliam facultatem requirunt. quum reliqua tibi narraſsem, ne hoc quidem re ignorare volui, sub cujusmodi Imperatore militarem. Finem facio, si prius cum voto publico concludero, ut Serus in cœlum redeat, cujus virtutis & sanctimonix præsentis nostri sæculi mala levantur. De libris Græcis quod quæris, & quod scribis te audisse, me res multas rariores, & bestias quasdam inusitati generis retulisse, nihil est istorum valde commemoratu dignum. Ichneumonem unum perquam mansuetum retuli, odio, & internatum, cum crocodilo, & aspide pugna notum. Habebam & mustelam ex eo genere quas *Martas Zebellinas* vocant, in signi pulchritudine, sed eam in itinere amisi. equos quidem complures generosos & formi præstantes, quos ante me nemo, & camelos fœminas sex adduxi. Nihil præne stirpium neque herbarum retuli, nisi depictarum, quas Mathiolo servo mandaram.

& alia pleraque. multi sunt anni, cum ad eum missi. tapetes, & more babylonico acu picta lintea, enses, arcus, phaleras: multa ex corio præsertim equino non ineleganter elaborata, reculasque alias, operis & solertiæ Turcicæ habeo, vel (ut minus errem) habui, debeo dicere. Nam in tanto hoc principum virorum & mulierum Francofordiensi conventu, dum multa multis honoris causa ultro dono, multa petentibus denegare verecundor, exiguum est, quod mihi relictum est. Sed reliqua bene locata arbitror: unum est, cujus me tam prodigum fuisse poenitet, nimirum Balsami, quod ejus veritatem in dubium vocarint medici, quia non ex toto notis, quas requirit Plinius, respondere visum sit: an quod vetustissimarum illarum plantarum unde promanat, vis aliquantum ætate imminuta sit, an qua alia de causa, hoc quidem certo certius scio, è fruticibus illis qui in hortis Materzensibus Cayro propinquis coluntur, profuisse. Antequam Constantinopoli discessi, medicum Hispanum nomine Albacarum misi in Lemnum ut illic sexta die Augusti effodiendę nobili illi terrę interesset, ut omnia certa de ejus sede & scaturigine, & extrahendi curandique ratione ad nos perscriberet: quod facturum non dubito, nisi quæ vis major obstitit. Me quidem diu cupiditas tenuit eo trajiciendi, ut ipsemet testis ocularus essem. id quando per Turcas licitum non est, operam dedi, ut saltem idoneus testis auritus fierem. Reporto item magnam farraginem veterum numismatum, quorum præcipuis donabo dominum meum. Adhuc librorum Græcorum manuscriptorum tota plaustra, totas naves. sunt credo libri haud multo infra 240. quos mari transmissi Venerias, ut inde Viennam deportentur. Nam Cæsareæ bibliothecæ eos destinavi. sunt aliquot non contemnendi, communes multi. Converri omnes angulos, et quidquid restabat hujusmodi mercis, tanquam novissimo spicilegio cogerem.

rem. Unum reliqui Constantinopoli decrepitæ
vetustatis, totum descriptum litera majuscula.
Dioscoridem cum depictis plantarum figuris, in
quo sunt paucula quædam, ni fallor, Cratevæ, &
libellus de avibus. Is est penes Iudæum Hamonis,
dum viveret. Suleimanni medici filium, quem
ego emptum cupivissem, sed me deterruit pre-
tium. Nam centum ducatis indicabatur, summa
Cæsarei, non mei marsupii. Ego instare non desi-
nam, donec Cæsarem impulero, ut tam præclarum
auctorem ex illa servitute redimat. est vetustatis
injuriam pessime habitus, ita extrinsecus à vermibus
corrosus, ut in via repertum vix aliquis euret tol-
lere. Sed literarum abunde est, ipsum me prope-
diem expecta: in nostrum congressum, si quid re-
stat, reservabitur. Tu modo viros bonos & erudi-
tos para, quorum sermonis & convictus suavi-
tate quicquid in animo reliquum est tædii & mi-
seriæ, ex illo tam diuturno Turcarum contuber-
nio, abstergam. Vale, Francofordiæ, die 16. De-
cembris, 1562.



AUGERII BUSBEQUII

EXCLAMATIO:

SIVE,

*De re militari contra Turcam insitnenda
consilium.*



Aptis à Cyro Persarum Rege Sardi-
bus, cum ea urbs diriperetur, mul-
taque passim caedes fieret, memo-
ria proditum est, unum de Cyri
militibus in ipsius Lydorum Re-
gis Cræsi cubiculum penetrasse;
ignarumque quis esset, stricto gladio, mortem ei
afferre voluisse: qua re commotum Cræsi filium,
qui aderat, ad id tempus mutum & elinguem, so-
luto derepente linguae impedimento clamorem
sustulisse, eaque verba protulisse, quibus militem
ab occidendo Rege deterreret: Ita pietatem in
patrem & periculi magnitudinem sermonis po-
tentem fecisse eum, cui usum ejus ad id tempus
natura negavisset. Atque haud scio an mihi, quan-
quam in re dissimili, simile quiddam usu veniat:
ut quem pietas dicendi rudem & imperitum, &
qui publice verbum nullum unquam fecerim, diu-
tius mutum esse non patiatur; sed in gravissimo
patriæ discrimine vociferari & exclamare cogat,
non ut hostem ejus jugulo ferrum intentantem
deterream (neque enim id ejus immanitas pati-
tur) sed ut eam moneam, ut sibi caveat; & simul
cives meos commonesciam, ut dum tempus est
opem ferant, & saluti consulant. Nam (Dii ve-
stram fidem!) quid hoc, malum, infelicitatis?
quæ hæc miseria est? sævissimus hostis Turca in-
numeris pœne gentibus devictis per tot regum re-
gnorumque stragem atque cadavera ad nos iter si-
bi patefecit, patriæ nostræ jugulo mucronem ad-
moveri;

movet; neque tamen commovemur, neque suppetias imus. in urbe si quod ortum est incendium, nemo est, qui non relictis rebus ad restinguendum currat, qui non pro viribus opem ferre conetur: ac nos qui patriæ cives amantes haberi volumus, in tanto ejus periculo, otiosos duntaxat & inertes spectatores nos præbemus; nec ejus aspectus turpissime deformandus, non sacra, non religio mox abjuranda, non conjugum & liberorum tacitæ voces, nesci in foedissimam servitutem abripi patiamur, deprecantium movent. Ignavissimum quodque animal, ubi prolem periclitari sentit, nulla vi retinetur, per ferrum & flammam optulatum ruit. contra, nos viri fortes, posteritatem nostram, nefariis hostibus, ad omnem injuriam & turpitudinem, ope nostra destitutam, prodemus? nam quæ reliqua nobis spes, quod columen, quod præsidium? num in ejus hostis bonitate atque clementia spei aliquid reponemus, qui postquam ex suis latebris erupit, humani sanguinis rivus fluere nunquam destitit? an in ejus æquitate & moderatione, qui pacem, qui foedera, nunquam pili fecit? apud quem nullæ valent communes reliquarum gentium leges; quem nullus pudor, nulla honesti ratio continet; qui fidem, qui jusjurandum, homini Christiano datum, violare, ubi rationibus suis conduceit, non modo nullum nefas, verum etiam pium & sanctum putat; quem in nos profana stimulat religio, armat majorum æmulatio, regni que propagandi cupiditas, rapit denique sacra & inexplebilis bonorum nostrorum sitis. nam tota quidem nos erramus via, si aut patientiam nostram, aut injuriarum oblivionem, vel tantillum ad securitatem nostram profuturam speramus. quo nos modestiores, quo pacis atque pastorum, quoque æqui & boni observantiores ostēderimus, eo magis in nos ejus hostis insolentiam provocabimus, qui hæc omnia non virtuti nec bonitati nostræ refert accepta, sed ti-

miditati, sed ignavia, sed desperationi rerum nostrarum. in hoste non est, quod spem ullam collocemus. in nobis si nulla est: neque sine restat aliud quam uti solent homines iudicam sententia morti addicti, ut placide ad supremum casum nos componamus, & tanquam clausis oculis ferrum jugulo recipimus; nisi forte vires, aut fortunam ei de futuram pareamus, quem ex ignotissime, tot victoriarum tam terra, quam mari, brevissimo tempore spatio partem tantopere nobilitarunt. Quo velut igne, à parvis incitis orto, omnes jam fere totius orbis terrarum partes conflagnarunt. quem bellis fracti reformidant. Orientis populi, Assyrii, Persæ, atque Armenii: cujus vim atque aima, ipsi quoque Scythæ sæpe jam senserunt, & qui suis ex altera parte caloribus tuti esse poterant, Æthiopes. nam de nostra Europa quid dicam? captum vidimus Belgradam, obsessam Viennam, & prædas Linzio usque abactas. tantos progressus ad nostram perniciem. præter alias victorias, unus Suleimannus facere potuit. Nostrorum regum est, pro terræ cespite, ab stirpe ultima ad seros usque nepotes inter se bella continuare: Othomannorum singuli (utinam ne tam vere quam dolenter dicam) suis victoriis regna regnis semper accumularunt: ita ut quantum olim florentissima nationes imperiis suis complexæ sunt. Assyrii, Persæ, Macedones, Romani, soli sua ditione tenere videantur. Et nescimus adhuc, quo versetur in periculo? quod mare, qui montes, quæ solitudines, aut qui populi in medio relictæ, quorum præsidio nos ab horum injuria tutos fore speremus? amissa, prostrata omnia, hærent in cervicibus nostris, quos procul perhorrescere debebamus. patriæ sanguine atque ultimo spiritu litandum est hosti cruentissimo. nam ne id quidem solatium superest, quod fere solet in gravissimis mortaliū cladibus, ut cum bona spe finis. hæc mala non fore diuturna. sæpe barbaræ nationes, multis

multis provinciis, tanquam subita aliqua pro-
 cella, gravem calamitatem intulerunt: sic Got-
 thi, Vandali, Alani, Hunni, Tartari multas re-
 giones inundarunt, magnisque cladibus affe-
 runt: quæ tamen eo tolerabiliores videri potue-
 runt, quod certa spes perpetua non fore relin-
 queretur. itaque postquam illa veluti tempestas
 præterierat, quæ afflicta imo pene deleta videban-
 tur, mox recreata revirescebant. sed hic hostis ea
 est vigilantia, eam servat disciplinam, ea utitur in
 conservandis his quæ sibi adjunxit ratione, ita
 regnat, ac dominatur, ut ubi semel vestigium
 fixerit, inde se moveri non patiatur; nunquam se
 attollat seges, quam semel illa ea amaras depres-
 serit: adeoque difficile dictu videtur, siue in ac-
 quirendo felicius, an in tuendo, quæ acquisierit,
 firmior. Tanto igitur in periculo positi, cur non
 consulimus in medium, cur non molimur, non
 omnia tentamus? cur stupet in nobis ingeniosa
 illa necessitas, admirabilium effectrix operum? Fe-
 ras equidem videmus extremo casu deprehensas,
 quam multa pro sua libertate fortiter conentur,
 nihil non audeant, omnia periclitentur; si quam
 forte evadendi viam invenire possint; denique
 vitam citius quam libertatem amittant. Sed hic
 forassey dicit aliquis, Quid est ergo tui consilii?
 nam præsentem rerum statum deplorare, de peri-
 culo atque imminentibus malis declamare, cuius
 facile est: remedio est opus, id exquiratur, de eo
 dic, si quid habes. dicam & quidem paucis. Armis
 opus est: opus est armis contra vim atque arma.
 sine armis fieri nihil recte potest. horum præsidio
 salus patriæ munienda, aut nobis omnibus ad u-
 num pereundum, nullum hoc verius oraculum.
 Sed Dii meliora! arma capeffamus potius; quæ
 quidem non intimis terræ visceribus abdita la-
 tent, & si laterent, magna quavis molitione e-
 ruenda essent; neque aliunde procul ex ultimis
 terris arcessenda: sed sunt parata, sunt in promptu;

sunt, si velimus, in manibus; nascuntur etiamnum apud nos viri; est copiosa juvenus, bello apta, propria, pro aris & focis sanguinem fundere parata. non equi, non ferrum, non aurum, non opes, non machinæ tormentaque. non reliqui ad bellum apparatus desunt. omnia quæcunque ad res magnas & suscipiendas & conficiendas requiruntur, nobis larga manu suppeditavit divina benignitas, modo ne sumere recusemus. voluntas (inquam) nostra & manus tantum desiderantur. quas mature admoveamus, dum justæ adhuc vires supersunt, antequam debilitata ruant omnia; alioqui sero & nequicquam consilia prætermittenda respiciamus, nobisque idem eveniet, quod ægrotis, qui dum tempus est, & vires sunt integræ. ad medicinæ mentionem nauscant, neque possunt ulla ratione adduci, ut salutaribus in tempore portionibus utantur: sed ubi oppertunitas præterit, morbusque adeo invaluit, ut debilitatis viribus medicamento non sit locus, frustra medici fidem neglectaque remedia requirunt. Quorum exemplo nobis cavere debemus; & antequam pluribus illatis vulneribus nos hostis plane conficiat, dum plaga nulla lethalis est, dum nondum omnis profluxit sanguis, remedium in tempore adhibere, hoc est, arma expedire, totosque nos ad defensionem comparare. Quæ meditantes atque agentes, Deo rite supplicabimus; eumque preces nostras haud averaturum merito sperare poterimus. Quod si per simulationem pietatis, inertis nostræ velificari volumus, & male quæsito compendio à Deo sine opera, sine studio, sine labore nostro, impendentibus malis opem solis precibus impetrare, nã ille injustæ petitioni nostræ se haud facile æquum præbebit. ipsi inprimis nostro fungamur officio: & partes diligentis, constantis, virtutis & fortitudinis, in hunc potissimum usum ab eo nobis datas, impleamus. nisi aret, serat, ac merat agricola, frustra à Deo copiosam messem postulet.

cerrum

certum in istis rebus inferioribus ordinem statuit
 Deus. quem haud temere neglectum vult: labori,
 diligentia, assiduitati, solertia, virtuti multa prae-
 mia proposuit, quae negavit inertiae. Vis scire
 literas, Musicam, Astronomiam, Mathematica?
 discite, labora, nervos contende. haec otioso tibi
 nullum inspirabit numen: per eam vitam eosque
 gradus quos Deus posuit, tibi persequenda sunt.
 instrumenta ad ea consequenda, modo tibi ne desis,
 largitus est; ea adhibe, iis utere, dabit ille benedi-
 ctionem & incrementum. Vis tueri patriam, ho-
 stem profligare, potiri victoria? non hoc conse-
 queris sedens, non iners, non otiosus: insurgen-
 dum est; arma capienda, tractanda; adhibenda
 exercitatio: assuescendum est labori, soli, pulveri,
 siti atque inedia. his armatus atque instructus,
 divinam opem implora. atque ita bonae spei ple-
 nus, procede in aciem: munere tuo functus es, iis
 instrumentis quae tibi Deus dedit rite usus es, ser-
 vasti ejus ordinem, neque positas ab eo leges con-
 tempsisti. rei exitum piis precibus, viisque inte-
 gritate ejus clementiae & bonitati commenda.
 Non est nostri arbitrii neque facultatis victoria;
 sed Dei solius beneficio contingit. cujus tamen
 non legitime neque ordine petentem haud saepe
 compotem fieri videmus; & si secus quandoque
 fiat (quod sane fit rarissime) id tribuendum est mi-
 raculo. At nos DEUM tentare non debemus, neque
 temere quicquam conari. Nec male, meo quidem
 judicio, Cato apud Sallustium, Senatum adhortatus
 ut contra Catilinam arma capiat, his verbis utitur;
*Scilicet res aspera est: sed vos non timetis eam. imo vero ma-
 xime, sed inertia & mollitia animi, alius alium expectantes,
 cunctamini, videlicet Diis immortalibus confisi, qui hanc
 Rempublicam saepe in maximis periculis servaverunt. Non votis
 neque supplicibus muliebribus auxilia Deorum parantur. Vigi-
 lando, agendo, bene consulendo, prospere omnia cedunt: ubi
 socordia te atque ignavia tradideris, nequicquam Deos im-
 plores irati, infestisque sunt.* Nos ergo, quod est partium

nostrarum, exequamur, eodemque tempore non iniustis precibus divinam opem atque misericordiam imploremus, armati, in castris, in opere, atque negotio. Sed occurritur mihi à bonis atque prudentibus viris, Iſtam publicæ calamitati medendi rationem, aliquoties tentatam minus feliciter eveniſſe, noſque quoties ad arma & manus cum Turcis ventum ſit, inferiores diſceſſiſſe. Audio: neque nihil eſt quod dicitur, atque eo ut veniremus, hæc fere mihi erat inſtituta oratio. Armis (inquis) contra Turcam hætenus parum proficimus: eſto; ſed quibus tandem armis? hoc nos expendere, & in eo aliquantum morari eſt operæ pretium. Quum Turca fines noſtros infeſtare aut cum numeroſo exercitu ad nos aſcendere nunciaretur, dedimus operam, ut nos quoque copias cogeremus; ſed quas copias, quem militem coegimus? num veteranum? num eum cujus virtutem multis jam ante documentis cognitam habebamus? quo vincere conſueveramus? non opinor, ſed potius huic diſſimillimum. Pulſata longe lateque tympana: ad eorum ſtrepitum convenere, luſcelli ſpe, quibus viſum eſt. tertius fortaiſſe quiſque qui loriceam aut thoracem nunquam induerat, nec hoſtem vel à belli limine ſalutarat. reliqui quales? homines luxu perſiti, decoctores, ganeones, aleatores, obarati, exules, atque hiſ ſimiles (paucis exceptis) fere reliqui, quos eo perduxit non patriæ charitas, non æquitas cauſæ, non religionis ſtudio, non amor exercendæ virtutis, ſed ebrietatis, alex, rapinarum, ſacrilegiorum, ſtuprorum, & (ut uno verbo dicam) ſcelerum & flagitiorum omnium impunitas atque licentia. Cum huiusmodi turba, nullo deſectu collecta, vel potius cum fece perditorum hominum, Deo pariter atque hominibus inviſorum, contra tantum hoſtem, ſacrum videlicet auſpicamur bellum. itaque non tam militum conventus quam Bacchanalia, noſtra caſtra videri poſſunt:

possunt: ubi luxuria, corruptelis, libidine, impietate, crapula, tumultu, rixis atque cadibus, strepunt & permiscantur omnia. hic tamen tam bellus miles, magnis impendiis, procul est à suis sedibus excitandus, magnaue cum iactura temporis, ubi etiam res summam celeritatem exigit, perducendus. Fortem & assuetum laboribus Hannibalis militem. Campaniæ luxus & deliciae fregerunt, nobis nulla opus est Campania; imbelles, enervati, periti, in castra venimus. Itaque si hostis desit, mora paucorum mensium aut Caniculae fervor, aut primorum frigorum morsus, quantavis magnis copias nostras mactant & jugulant. & nos miramur, cum hoc tali milite, nihil nobis contra exercitatissimum hostem procedere? Si quas privatim paulo periculosiores similitudines gerimus, aut per loca patrociniis infesta nobis faciendum sit iter; non temere, nisi spectatissimis comitibus, corporis nostri custodiam committimus: sed nec si gravioris quicquam negotii incidit, id nisi hominibus experientibus & peritis mandare solemus. Hic ubi tanta res, communisque omnium salus agitur, tam sumus negligentes, ut copias non modo non idoneas, sed jam pene profligatas antequam in aciem producantur, homini tot victoris cæci obicere non vereamur. Revertor itaque eo, quod initio dixi, aut idoneorum armorum præsidio publicam incolumitatem tuendam, aut nullam relinqui quæ nos ab universo exitio vindicare possit. Quem igitur militem requiro? Nostrum imprimis; in nostris sedibus natus; de nostris popularibus delectum. nam cum in rebus bellicis plurimum valeat celeritas, eique vel maxime contra Turcam hostem expeditissimum, necessaria sit; milite opus est eo, qui non procul arcessendus, diuque expectandus sit, sed sit in promptu & tanquam ad manum, semperque nostræ potestatis. Atque hunc non temere, neque casu oblatum, sed

percenſitis omnibus, qui arma ferre poſſunt, magno iudicio delectum. in quo maxime cavendum, ne is eligatur, qui molliori cultui atque victui aſſueverit, aut quem prava educatio vitiis infece-rit, aut fregerit orium; ne vecors, ne inſanus, ne contumax, ne turbulentus, ne ſeditioſus, ſed ſit adhuc à deliciis integer, aptus tolerando labori & cum bono corporis habitu, qui ſimplicitatem, probitatem, animique magnitudinem quandam, toto vultu atque omnibus oris lineamentis præ ſe ferat ac ſpiret. qua de cauſa, arti alicui laborioſæ, quam ſedentariæ aſſuetum; ruſticum, quam urbanum; in monte, quam in planitie; in re tenui, quam in mediis divitiis natum malim. Hunc ita electum, militaribus præceptis armorumque ſcientia erudiri velim. Armatus haſtam vibrare & verſare, gladio item & minore bomba ſcienter uti, ſervare ordinem, & ſub armis ad multum ſpatium decurrere conſueſcat, veram laudem appetere, flagitium pejus letho odiſſe, pietatem colere, & ab omni in Deum verborum contumelia ſibi temperare diſcat; idem dicto audiens ſit ſuo duci, ejuſque animadverſionem patienter admittat: in hoſtem ferox, in commilitonem lenis & tractabilis. victus parſimonia, neque crapulæ neque ebrietatis ſuſpicioni locum relinquat. poſtremo ſuo ſtipendio ſit contentus, atque ab omni præda, præterquam conceſſa, ſe abſtineat. huiuſmodi diſciplina informari militem oportere dico, qui contra tantum hoſtem poſſit conſiſtere. neque tamen eum ſtatim in aciem duci, aut de ſumma rerum, tyronem cum veterano, velim decernere; ſed in ſtativis præſidiisve eum collocari, & excuſſionibus, levioribuſque præliis, paulatim in belli conſuetudinem venire. Qua ratione vulnus pati, hoſtis conſpectum ferre, & timorem (quem omnis novitas afferre ſolet) ſenſim deponere conſueſcat. hoc ita inſtituto & confirmato, non contemnendum

dum gradum ad spem melioris fortunæ factum affirmare audebo. Quare in eo vel potissima laboris & curæ pars ponenda, ut homines armorum & rei militaris peritissimi conquirantur; à quibus illi, quos dico, tyrones, veris & germanis disciplinæ militaris præceptis formentur. Hos summa virtute, continentia, & sobrietate præditos, nullis avaritiæ sordibus contaminatos requiro; ut non modo hanc sobolem, in communis salutis spem succrescentem, arte militari imbuant; verum etiam viæ & integritatis exemplo, ad omnem virtutem erudiant: utque eorum fidei, hic noster exercitus, cum eum in hostem tempus evocabit, recte committi possit, quibus sane ducibus periculum non erit, ne falsum militum numerum referentibus, publicum fraudetur ærarium; ex quo communium præfectorum scelere hodie fieri videmus, ut, quantumvis amplæ, Regum opes alendo paulo diutius exercitui non sufficiant: & sæpenumero ubi acie confligendum sit, magnum adeatur periculum, dum imperatores ea ducum relatione decepti, se copias numerosiores habere quam res sit, credunt. Sed antequam longius progrediar, hic locus postulare videtur, ut quorundam bonorum virorum sententiæ respondam; quorum cum omnis intelligentia ejus seculi atque regionis, in qua nati sunt, finibus circumscribatur, neque longius sit evagata, hæc dici vehementer admirantur, eaque ut nova & inusitata, quæque ad effectum perducere nequeant, rejiciunt. Nostri, inquit, majores, eo milite, eaque, qua nos utimur, rei militaris ratione contenti, præclare multa gesserunt. fateor; sed gesserunt adversus eos qui in eadem pravitate, iisdemque vitiis versabantur. fuit ex hac parte exercitus inexercitatus, collectivus, externus, imbecillus, disciplinæ expertus: fuit & ex altera. itaque inter pares neque viria valde eminebant, & parvo sæpe cum discrimine disce-

discedebatur. ut si duo mutili, duo cæci, duo claudi concurrant, haud magnopere in altero membrorum integritatem requiras. at si cum manco integrum, cum cæco videntem, cum claudio restum committas, mox conditionis inæqualitas apparebit. Nobis inter nos, cum vicinis & pæne popularibus nostris, errare licuit: paria enim viria non magnum inter utrosque discrimen constituebant. Sed nunc alia res est. etenim negotium est nobis cum Turca hoste vigilanti, industrio, sobrio, exercitato, labori assueto, rei militaris scientissimo disciplinæ observantissimo. Quæris quid ista valeant? a sinibus Persæ ad Viennæ usque mœnia omnia devicit. Quid nostra arma cum hoc collata possunt, utinam ignorare nobis liceat, neque quotidianæ clades tanto nobis documento sint. & dubitamus adhuc, utrum viria nostra emendemus potius, quam defendamus? At sunt nova, sunt inusitata, quæ proponimus. Nimirum quia novus & peregrinus hostis, cujus vis & usus armorum, nihil vulgare, nihil commune, nihil remissum patitur. Fuerunt quondam sudor Anglicus, & lues Gallica, morbi peregrini & incogniti; quos cum medici longe lateque vagantes usitatis & communibus medicamentis reprimere conati essent, neque quicquam proficerent; tandem multorum perniciæ edocti, novis remediis, adversus novas ægritudines, sibi pugnam intellexerunt. quod quidem adeo feliciter cadebat, ut uterque morbus, qui antea invictum se præstiterat, mox cederet, & in ordinem redigeretur. Quod medicorum institutum proponere nobis ad imitandum debemus; & cum ad reprimendum Turcarum impetum, frustra his temporibus usitata adhibuerimus arma, ad aliam armorum rationem transire, & novis malis nova remedia applicare. Quanquam minime sunt ista nova, sed antiquissima potius, quibus populus Romanus tanta cum laude, totum terrarum orbem

orbem ditionis suæ fecerit: tantumque abest, ut hac nostra ætate inusitata sint, ut hostis, de quo nunc maxime est sermo, nulla alia ratione, cum nostram salutem in dubium quotidie vocet, tum ditionis suæ terminos cum imperio Romano pœne jam nunc adæquarit. Quibus de rebus paulo copiosius dicam infra, ubi istis iisdem ad eam, quam sibi animis fingunt, difficultatem respondero. Et enim ita fere hujus mollissimi seculi moribus receptum est ut res quæcunque quantumvis præclara, quantumvis utilis, modo in exequendo aliquid difficultatis præferat, pro ea habeatur, ac si perfici nullo modo possit. qua animi imbecillitate illi (quos dico) adducti cum inusitatis armis nihil esse præsidii satis sint experti, ab ea vero, quam probamus, belligerandi ratione, difficultate absterreantur; eo subinde relabuntur, ut imminentem caputibus nostris pestem, non aliter depelli posse credant, quam pace aut induciis quacunque ratione cum hoste pactis. à qua sententia, tanquam à Jovis ara, aut statua Imperatoris, avelli se non patientur. itaque facienda putant omnia, quo in aliqua parte pacis cum Turcis, seu prece seu pretio, seu quacunque indigentia hæreamus. neque animadvertunt in rebus difficilibus, hanc unam esse vel difficilissimam, quæ omnium minime sperari possit. Quid enim tam capitalis hostis tantum terrarum emensus, tot exhaustis laboribus ut ad nos pervaderet. ubi se jam voti compotem factum videat, in tanta materia laudis, tanta prædæ opportunitate, tanta imperii, tanta religionis propagandæ occasione, subito velut attonitus consistat, neque longius progredi curet? Quod si qua pacis spes sit, quis adeo demens sit, ut bello cum hoste tam potenti contendere malit? aut adeo excus. ut certæ paci dubios incerti Martis eventus postponendos non videat? Sed non ea res agitur. neque enim alterutrum nobis liberum relinquitur. Ad bellum omni spe pacis sublata cogimur. nullæ hic consi-

consilii, nullæ arbitrii nostri partes. vis necessitatis omnia occupavit. Ad bellum violenter rapimur: bellum nobis vel invitissimis subeundum, gerendum, exantlandum. Quid frustra obnitimur? quid circumspectamus? quid vanis pacificationibus somniandis nos decipimus? in media nimirum flamma, otium nobis falsa cogitatione fingimus; malumque cuius (si advigilaremus) remedia aliqua esse poterant, differendo nutrimus; & parum providendo, reddimus insanabile. At præclarum est belli mala distulisse. præclarum, nisi id eo valeat, ut paulo post gravius erumpant; nosque certius pereamus. ut si medicus dum blanditur ægroto necessaria remedia differat, atque ex eo morbus ita ingravescat, ut brevi mors consequatur. nam nostras quidem res haud exiguis momentis quotidie deteriores fieri videmus, hostis vero è contra indies magis invalescit; & præterquam quod de nostro semper aliquid decerpit quod adjungat suo, non desinit interea viam ad nos munire & complanare, omniaque comparare quæ ad exitium nostrum maturandum pertineant; ut cum amotis omnibus, quæ moram aut impedimentum adferebant, visum ei fuerit, alienissimo nostro tempore, classicum canere; nos alta quiete sepultos, ac proinde à rebus omnibus imparatos, ipse paratissimus, intoleranda belli mole de repente obruat. huc ejus omnia spectant consilia; hoc unum assidue molitur & agit. quo demum tempore, & tamen sero, nos in eum locum deductos intelligemus, ut nulla spe auxilii reliqua inevitabili exitio nobis perereundum sit. & hic erit morarum nostrarum & intempestivæ cessationis fructus. Quare etiam atque etiam dum tempus est, & res patitur, providendum moneo; ne falsæ spei præstigiis obcecati, nos inextitæ & desidiæ tradamus. qua ex re quantas jam clades subierimus, cum meminisse possumus, tum ultimam reipub. ruinam appropinquantem prospicere. Ergo & judicio

dicio utendum est nobis acri, ne in re tanta halucinantes, falsa pro veris remedia, periculosissimis malis admoveamus: & cum rationibus omnibus subductis, quæ spei summa residua sit, deprehenderimus; hanc unam omiſſis reliquis complecti, ad eamque omni studio incumbere debemus. In quo non labor, non difficultas, non novitas, nec quicquam eorum, quæ segnes & infirmos animos morari solent, nos merito retardaverit: ingentibus animis, pro rei magnitudine, est opus. nihil humile, nihil abjectum res tanta requirit: supra seculi nostri captum hic nos efferamus necesse est; & eorum heroum virtutem paulisper referamus, qui fortitudinis & constantiæ magnitudine, quosvis labores superarunt, qui nihil turpius, nihil se indignius duxerunt, quam ullius difficultatis aut impedimenti magnitudine deterri, quo minus id quod cum Reipub. dignitate & commodo conjunctum esse statuissent, ad exitum perducerent. Quorum è numero unum silentio præterire Lycurgum Lacedæmoniorum legislatorem non possum; qui cum inter reliqua instituta (quibus optime constitutam & fundatam Spartanorum rempub. relinquare in animo habebat) bonorum æqualitatem in eam civitatem introducere, eaque de causâ rem possessionesque omnium ex æquo partiri vellet; ut quantum divitibus detraheretur, tantum accederet tenuioribus; nullumque, nisi quod virtus faceret, inter cives discrimen esset: in eo multos habuit adversarios, præsertim illos, qui facultatibus, pecunia & divitiis præstabant: etenim indigne ferebant rem à majoribus traditam, aut suo labore quæsitam, sibi eripi. & ad alienos possessores transferri. cumque ea res & injusta & absurda haberetur, fiebat ut ejus legis perferendæ magna difficultas Lycurgo objiceretur. sed illo nihilominus in sententia perseverante, & quod rectum & reipub. esse salutare in animum induxisset, perficere contendente, variæ quotidie

rixz

rixæ periculosaque concertationes miscebantur ;
 in quibus denique Lycurgo alter oculus effoditur.
 poterat ea res bonum virum satis admonere, quan-
 tam rem quamque arduam suscepisset, ac proinde
 detererrere, ne persisteret in incæpto ; sed potius
 rei infelicitè tentatæ, tanto accepto malo, consi-
 lium deponeret. Quod sane longe secus accidit.
 tantum enim abfuit ut ille heros ob eam calamita-
 rem desisteret, ut ei potius animum addidisse vi-
 deretur, multoque ardentius in causam incumbere-
 ret. Itaque non conquievit ante, quam legem,
 quam rogarat, de bonorum æqualitate, omnium
 consensu perferret. Quo veluti fundamento reli-
 quorum præclarissimorum ejus institutorum, ta-
 lem rempub. constituit, ut Græcia nullam habue-
 rit parem, nomenque ejus etiamnum hodie sum-
 ma cum admiratione virtutis celebratur. fecit hoc
 ille, nullo imminente Turca, nullo vastitatem in-
 teritumque rerum omnium intente. & nos hoc
 rerum statu, gravius aliquid aut difficilius, quam
 ut subire velimus, videri nobis patimur, in quo
 salutis nostræ summa posita sit ? Pellenda est no-
 bis ex animo ista segnities prorsus nobis, nomine
 nostro prorsus indigna ; & reliquis cogitationi-
 bus, vanis & fallacibus, omissis, sub unius (secun-
 dum Deum) rei militaris præsidium confugien-
 dum. Romani cum gravior casus inciderat, unde
 mali aliquid timeretur, ibant ad saga, servabant
 justitium. Consulibus denunciabat Senatus, *Vide-
 rent ne quid Resp. detrimenti caperet.* Nobis multo
 magis idem faciendum, quibus non tantum non
 à communi Reipub. detrimento, verum ab uni-
 versa ejus ruina periculum impendet. eundem est,
 inquam, nobis ad saga ; arma capienda, tractanda,
 meditanda. Disciplina militaris depravatissima
 corrigenda, revocanda verus & integranda. hoc
 unum justitio veluti indicto, hoc est, clausis pœne
 tabernis & reliquis rebus posthabitis, ardentissimo
 studio nobis agendum perficiendumque, si modo
 rempub.

tempub. si nos, si liberos, si conjuges, si denique aras arque focos salvos & incolumes velimus. Quid enim, si Turcarum arma prævaluerint, nobis reliqui futurum est? certe non pudor, non honestas, non dignitas, non libertas, non religio nulla unquam gens non vilis periclitata est. Extremum, crede mihi, malorum est, vinci à Turca. nihil erit quod illo victore (quod utinam ne tam sit in propinquo) rapi, agi, ferri, dissipari, incendi, conculari, & profanari non videamus. Quod ut ne videamus ac ferre cogamur, ad saga porius, & ad arma eamus, & (ut Probus inquit) *militemus*; qui cum esset renunciatus Imperator, multaue damna, quæ iis temporibus Rom. resp. acceperat, rei disciplinæque militaris corruptelæ referret accepta, cui emendandæ inprimis studendum ducebat, in hujus rei argumentum hanc primam tesseram militibus suis dedit. Nec vero minus ille re præstitit quam verbo ostenderat. si quidem exiguo tempore adeo profecit, remque militarem pæne totam prolapsam ita restituit, ut nomen Rom. quod plerisque gentibus contemptui esse cœperat, amplitudini & majestati suæ denuo redderetur. Cujus exemplo, militemus & nos. armaque, quæ vetustate & vitio temporum, obrusa & ærugine corrupta habemus, multo studio ad pristinum nitorem bonitatemque revocemus. A quo (ut dixi) cum labor & difficultas nos avertere non debent; tum vero minime omnium sumptus rei que familiaris diminutio, ubi, enim sumptum ponemus rectius quam ubi vitam ipsam impendere, grave nobis videri non debet? aut qua in re bonorum nostrorum partem melius consumemus, quam ut caput & summa collocentur in tuto? Boni certe patres familias nulli sumptui neque impensæ parcunt; nullum claudendi, sepiendi, muniendive finem faciunt, dùm res & possessiones suas in tuto constituent: quas se instabiles & caducas habere arbitrantur, quandiu eas fortuitis casibus, incursionibus

sionibus latronum, aut furum insidiis expositas
 habent. nautæ quoque sæviente tempestate poti-
 us quam navem frangant, & de vita in dubium
 veniant, quamvis pretiosarum mercium jacturam
 facere malunt. Sed nec medici aliquot humani
 corporis partium jactura, reliquorum membrorum
 & totius corporis incolumitatem redimere dubi-
 tant. Enimvero quid est quod quisquam, tali ho-
 ste vicino, ullam cujusquam rei possessionem sta-
 bilem, aut diuturnam promittere sibi posset? cum
 singulis momentis expectanda sit dies, qua vicini
 improbitas cuncta eripiat, contraque omnium edi-
 cta prætorum ad se transferat. Quid seris? quid
 metis? quid colligis ac recondis? cum non mi-
 nus tua omnia hostis sua numeret, quam quæ A-
 siaticis, quæ Græcis, quæ Thracibus, quæ Bulgaris,
 quæ Illyricis, quæ Hungaris (ut alios populos ta-
 ceam) jamdiu erepra possidet? Neque enim oper,
 facultatesque nostræ sine justo milium (quos dico)
 præsidio, illius avaritiæ minus parent, quam pare-
 at furibus, nullo custode, nullis clavibus, in pub-
 lico projecta vis auri, aut pretiosa supellex. Quod si
 inopiam dementiæ prætexere & paupertatē emen-
 tiri juvat, videamus ne nostro interitu, nostrisque
 spoliis dives factus hostis, magna cum nostra infam-
 ia, mendacii nos redarguat. sed tamen eos sum-
 ptus non requiro, quos magnopere pertimesca-
 mus. quos quidem extra belli tempus, minimos
 esse velim; belli vero tempore mediocres: certe
 longe tolerabiliores, quam quibus vulgaris & tu-
 multuarius miles conducitur. Quæ ex re duo etiam
 consequamur commoda: unum, ne pecunia ex-
 tra ditionis nostræ fines eliminetur; alterum, ne
 tribunorum & præfectorum nefario quæstui locus
 sit. quibus hodie per scædissimum peculatum, cum
 summo Reipub. damno locupletari, præclarum
 stratagemata habetur. Sed hæc alterius sunt loci:
 neque enim in præsens, particulatim de singulis,
 sed summatim tantum, quid hac de re universa
 sentirem,

sentirem, significandum mihi esse statui. Ergo imitemur in Reipub. communique salute munien-
da Pop. Rom. prudentiam, qui semper præsidio
militum ex suis hominibus delectorum imperium
suum, Remquepub. & privatam tutatus est. neque
enim ille aut irrumpentium Gallorum ferocitati
par, aut bella subinde renovantium Italicorum
pertinacia superior esse potuisset, aut tam fortiter
adversus vim Annibalis integrum imperium con-
servasset, aut de Philippo, deque Antiocho trium-
phasset, nisi suum & proprium militem habuisset;
eamque, quam dico, in eo instituendo rationem se-
cutus fuisset. Qua de re tota tempus est ut copi-
osius exponam: quo magis perspicuum sit, nihil
me novi introducere; utque nobis exemplum pro-
positum sit, quod sequamur. In quo quidē omnes,
qui de rebus Romanis scripserunt, consentiunt,
passimque apud eos videre est, quantum curæ Ro-
mani posuerint in tyronē diligendo, instituendo, &
exercendo. Sed ego ne sim prolixus multis aucto-
ritatibus colligendis, utar compendio; uniusque
antiqui moris & disciplinæ militaris gravissimi au-
toris Vegetii testimonio ero contentus; quæ
quæ sequuntur diversis in locis, in libris De mil.
Rom. institutis ad Cæsar. Valentinianum scripta re-
liquit. *In omni pralio non tam multitudo, & virtus indo-
cta, quam ars & exercitium solent præstare victoriam.* Nul-
la enim alia re videmus Pop. Rom. sibi orbem sub-
jecisse terrarum, nisi armorum exercitio disciplina
castrorum, usuq; militiæ. quid enim adversus Gal-
lorum multitudinem, paucitas Rom. voluisset. quid
adversus Germanorum proceritatem, brevis po-
tuisset audere? Hispanos quidem non tantum nu-
mero, sed etiam viribus corporum, nostris præsti-
tisse, manifestum est. Afrorum dolis atque divitiis
semper impares fuimus. Græcorum artibus pru-
dentiaque nos vinci, nemo unquam dubitavit. Sed
adversus omnia profuit tyronem solertem eligere;
Jus (ut ita dixerim) armorum docere; disciplinam
quotidiano

quotidiano exercitio roborare; quæcunque evenire in acie atque in præliis solent, omnia in campestri meditatione pernoscere, severe in desides vindicare. Scientia enim rei bellicæ dimicandi nutru audaciam, nemo facere metuit quod se bene didicisse confidit. Etenim in certamine bellorum, exercitata paucitas ad victoriam promptior est; rudis & indocta multitudo, & posita semper ad eadem. Si quis igitur pugna publica superat: barbaros cupit, ut divinitatis nutu, dispositione Imperatoris invicti, reparentur ex tyronibus legiones, votis omnibus petat. Intra breve autem temporis spatium, juniores diligenter electi, & exercitati, quotidie non solum mane, sed etiam post meridiem omni armorum disciplina, vel arte bellandi, veteres illos milites, qui orbem terrarum integrum subegerunt, facile corquabunt. Nec moveatur Cæl. tua Majestas, quod olim consuetudo est mutata, quæ viguit. Sed hujus provisionis ac felicitatis est perennitas tua: ut pro salute Reipub. & nova excogitet, & antiqua restituat. omne opus difficile videtur antequam tentes. Cæterum si exercitati & prudentes viri delectui præponantur, celeriter manus bellis apta poterit aggregari, & diligenter institui, quidvis enim efficit solertia. neque longitudo ætatis aut armorum numerus artem bellicam tradit, sed continua exercitationis meditatio. *Post quanta volueris stipendia in exercitatus miles semper est tyro, &c.* Nunquam credo potuisse dubitari, aptiorem armis rusticam plebem, quæ sub dio & calore nutritur, solis patiens, umbræ negligens, balnearum nescia, deliciarum ignara, simplicis animi, parvo contenta, duratis ad omnem laborum tolerantiam membris. cui gestare ferrum, fossam ducere, onus ferre consuetudo de rure est. *Et nescio etiam quomodo minus timet mortem, qui minus deliciarum novit in vita.*

Nunc qua ætate milites legi conveniat, exploremus. Equidem si antiqua consuetudo servanda

da est, incipientem pubertatem ad delectum cogendam nullus ignorat. *Non enim tantum celerius sed etiam perfectius imbibuntur qua discuntur à pueris.* Deinde militaris alacritatis saltus & cursus antequam tentandus est, quam corpus ætate pigrescat. Velocitas enim est quæ percepto exercitio, strenuum efficit bellatorem. Adolescentes legendi sunt; sicut ait Sallustius. Nam primum juvenus simul ac belli patiens erat, in castris per laboris usum militiam discibat. melius enim est ut exercitatus juvenis causetur ætatem nondum advenisse pugnandi, quam doleat præterivisse. Habeat etiam spatium universa discendi. *Neque enim parva auxilium ars videtur armorum,* sive equitem, sive peditem, sagittarum arte velis imbueri. sive scutatam armaturam numeros omnesque gestus docere, ne locum deserat. ne ordines turbet, ut missile, & destinato ictu, & magnis viribus jaciat; ut fossam ducere, fudes scienter figere norit, tractare scutum & obliquis ictibus venientia tela deflectere, plagam prudenter vitare, audacter inferre. Huic taliter instituto tyroni, pugnare adversum quoslibet hostes in acie, formido non erit sed voluptas. Sed qui delectum acturus est vehementer intendat, ut ex vultu, ex oculis, ex omni conformatione membrorum eos eligat. qui implere valeant officium bellatoris. Namque non tantum in hominibus, sed etiam in equis & canibus virtus multis declaratur indiciis, &c. Sit ergo adolescens Martio operi deputandus, vigilantibus oculis, erecta cervice, lato pectore, humeris musculosis, valentibus digitis, longioribus brachiis, ventre modicus, exilior cruribus, suris & pedibus non superflua carne distentis, sed nervorum duritia collectis. Cum hæc signa in tyrone deprehenderis, proceritatem non magnopere desideres. Utilius est enim fortes milites esse quam grandes. Sequitur, ut ejus artis tyrones vel eligendi vel penitus respuendi sint indagemus. Piscatores, aucupes, dulciarios, linteones,

lintheones, omnesque qui aliquid tractasse videntur ad gynæcea pertinens, longe arbitror pellen-
dos à castris. fabros ferrarios, carpentarios, macel-
larios, & cervorum aprorumque venatores conve-
niunt societate militiæ; & hoc est in quo totius rei
publicæ salus vertitur, ut tyrones non tantum cor-
poribus, sed etiam animis præstantissimi deligantur.
Vires regni & Romani nominis fundamentum in
prima delectorum examinatione consistunt. Nec
leve putetur hoc officium, aut passim quibuscunq;
mandatum, quod apud veteres inter tam varia ge-
nera virtutū in Sertorio præcipue constat esse lau-
datum. Juventus enim, cui defensio provinciarum,
cui committenda bellorum fortuna, & ge-
nere, si copia suppetat, & moribus debet excellere.
honestas enim idoneum militem reddit. Vere-
cundia dum prohibet fugere, facit esse victorem.
quid enim prodest si exerceatur ignavus? si pluri-
bus stipendiis moretur in castris? Nunquam ex-
ercitus profecit tempore belli, cuius in probandis
tyronibus claudicavit elector. Et quantum usu
experimentisque cognovimus, hinc tot ubique
ab hostibus illatz sunt clades, dum longa pax mili-
tem negligentius incuriosiusque legit; dum ho-
nestiores quique civilia sectantur officia: dum
possessoribus addicti tyrones, per gratiam aut dissi-
mulationem probantur, talesque sociantur ar-
mis, quales domini habere fastidiunt. A ma-
gnis ergo viris magna diligentia idoneos eligi
convenit juniores. Sed hujus rei usum, dissimu-
latio longæ securitatis abolevit. Quem invenias
qui docere possit quod ipse non didicit? Pri-
mi Lacedæmonii, experimenta pugnarum de
eventibus colligentes, rem militarem quæ vir-
tute sola vel certe felicitate creditur contineri, ad
disciplinæ peritiæque studia revocarunt, ac ma-
gistri armorum juventutem suam, usum varie-
ratemque pugnandi præceperunt. O viros sum-
ma admiratione laudandos, qui eam præcipue
artem

artem ediscere voluerunt, sine qua alix artes esse non possunt. horum sequentes instituta Romani Marrii operis præcepta & usu retinuerunt & literis prodiderunt, &c.

Quantum in præliis Lacedæmoniorum disciplina protuerit (ut omittam cæteros) Xantippi declaratur exemplo: qui Attilium Regulum Romanumque exercitum sæpe victorem cum Carthaginiensibus non virtute. sed artis fere solo auxilio prostratis exercitibus cepit, ac domuit, unoque congressu triumphans bellum omne confecit. Nec minus Hannibal petiturus Italiam, Lacedæmonium doctorem quæsiuit armorum, cujus monitis tot consules, tantasque legiones, inferior numero ac viribus interemit. Ergo qui desideras pacem, præpares bellum: qui victoriam cupis, militem imbuas diligenter: qui secundos optat eventus, dimittet arte, non casu, nemo provocare, nemo audeat offendere, quem intelligit superiorem fore si pugnes, &c.

Tempore hyemis de regulis & scandulis, quæ si deessent, certe de cannis, ulva, & culmo, & porticus tegebantur ad equites; & quædam veluti basilicæ ad pedites: in quibus tempestate, vel ventis aere turbato sub tecto armis erudiebatur exercitus. Cæteris autem hybernis diebus, si nives pluvixque cessarent, exerceri cgebantur in campo, ne intermissa consuetudine, animi militum debilitarentur & corpora. Silvam cædere, portare onera, transilire fossas, natâre in mare sive flumine, gradu pleno ambulare vel currere, etiam armatos cum sarcinis suis frequentissime convenit, ut quotidiani laboris usus in pace, difficilis non videatur in bello. Si ergo legio fuerit sive auxilia, exerceantur assidue. Nam quemadmodum bene exercitatus miles prælium cupit, ita formidat indoctus. postremo sciendum est in pugna usum amplius prodesse quam vires, nam si doctrina esset armorum, nihil paganus distat à milite.

Omitto hic brevitatis causa multa, quæ variis in

in locis ad eandem rem pertinentia, ab eodem Vegetio præclare dicuntur; & quemadmodum tyrones ad gradum militare, & cursum, & ad palum, & usum natandi exerceri velit. præterea ut potius punctum quam casum ferire, ut missilia deinato ictu, lapidem item jacere, arcu scienter uti, pondus grave portare, decurrere, servare in acie ordinem, castra solenter munire discant. quæ qui velit, apud eum videat: mihi hoc unum quod sequitur caput, epilogi cujusdam instar, adjecisse saterit.

In delectu atque exercitatione tyronum si quis diligens velit existere, ad antiquam virtutis imitationem facile corroborare poterit exercitum. neque enim degeneravit in hominibus Martius calor: nec effictæ sunt terræ, quæ Lacedæmonios, quæ Athenienses, quæ Marfos, &c. progeniunt. Sed longa securitas pacis, homines partim ad delectationem otii, partim ad civilia traduxit officia, ita cura exercitii militaris, primo negligentius agi, postea dissimulari, ad postremum olim in oblivionem perducta cognoscitur. nec aliquis hoc superiore ætate accidisse mireretur, cum post primum Punicum bellum, viginti quatuor circulis & quod excurrit annorum pax ita Romanos illos, ubique victores, otio & armorum dissuetudine enervaverit, ut secundo bello Punico Hannibali pares esse non possent: tot itaque Consulibus, tot ducibus, tot exercitibus amissis, tunc demum victoriam pervenerunt, cum usum exercitiumque militare condiscere potuerint.

Semper ergo legendi & exercendi sunt juniores: vilius enim constat erudire armis suos, quam alienos mercede conducere.

Ex his unius Vegetii scriptis, quibus omnium historicorum consensus accedit, satis constare arbitror, quæ fuerit olim apud Romanos rei militaris disciplina, atque institutio. Neque ea solum Romanis fuit, sed & Persarum ante fuerat, & nonnulla etiam ex parte Macedonum, & omnium denique

denique populorum, qui claram nominis sui memoriam ad posteros transmiserunt. Qua de re videat qui velit Xenophontem, hominem rei bellicæ peritissimum, quæ scribat de Cyri majoris in militibus legendis exercendisque ratione, ab ea quam modo dixi Romanorum consuetudine, haud longe diversa. Quo quidem ille ita parato exercitu brevi tempore pæne totius Orientis imperium sibi adjunxit. Arrianus etiâ, haud ignobilis scriptor, concionantem in Macedonæ Alexandrum, eosque ut beneficiorum immemores accusantem, his verbis inducit; Philippus pater vos errantes ac vagos, rerum omnium inopes, plerosque etiam pellibus amictos pastores, pro quibus cum Illyricis, Triballicis, Thracibusque finitimis, continue pugnabatis, in tutelam ac fidem suam recepit; ex montibus asperis in plana & culta deduxit; pro pellibus chlamydes ornatas ferre dedit, armis instruxit, rem militarem docuit; ut non magis locorum munitentis, ac situ, contra finitimos, quam armis & virtute vestra tuti essetis, &c. Quibus ex verbis satis apparet, quibus primordiis jacta sint illius celebris rei militaris Macedonicæ fundamenta; nimirum ex hominibus agrestibus, montanis & pastoribus. Sunt etiam iis, quæ supradicta sunt, consentanea, quæ memoriz prodidit Diodorus Siculus. Philippus, inquit, conversus ad emendandum militarem disciplinam, curavit ut decentibus armis milites sui instructi essent, & meditationibus bellicis exercerentur. Excogitavit præterea ordinem illum phalangis, quæ Macedonum peculiaris fuit; sumpto exemplo heroum qui clypeos clypeis conjungebant in bello Trojano. De his jam factis veteranis, deque eorum fortitudine, ubi Alexandrum urbem Halicarnassum oppugnantem describit idem Diodorus, ita meminit.

Veterani Macedones, qui per totum ætatis spacium semper in rebus arduis & periculosis versati erant, & sub Philippo merentes frequenter victoriâ

consecuti, ad summam fortitudinem ita proveſti fuerant, prudentia & rei militaris cognitione longe omnibus præſtantes, tyronibus pugnam detrectantibus, amariffimis verbis ignavia exprobrata; ipſi in unum coacti confectis ſimul clypeis, hoſtes, qui jam ſe viciffe arbitrabantur, exceperunt, Ephialteque & multis aliis interfectis reliquos in urbem fugere compulerunt, &c.

Horum militum virtuti devicti Orientis & tanti imperii gloriam, Alexander acceptam retulit. Sed jam eoſdem (quos ſupra dixi) obclamantes audire mihi videor, aliam fuiſſe illorum, aliam noſtri temporis eſſe rationem: illa jamdiu obſoleviſſe, puerile ac nugatorium eſſe, veruſtate ſepulta in lucem & uſum velle revocare: debere nos noſtri ſeculi ſapientia contentos eſſe. Ego vero, etſi poſſum oſtendere, quod illis temporibus utile & fruſtuofum fuerit, non minus utile & accommodatum fore rebus noſtris, tamen non agam multis rationibus cum iis, qui rationi non facile videntur daturi locum; ſed ratiocinatione omiſſa ducam eos in rem præſentem, & veluti digito fontem commonſtrabo. Rogabo itaque ex iſtis, qui cum ipſi nihil, quod opus ſit factum, in medium adferant, tamen ne nihil ſapere videantur, alienis conſiliis impenſe detrectant; Num militem Turcicum in militibus numerari patiantur? Ac credo equidem, qua ſunt pervicacia, non facile aſſenſuros: ſed tamen ſi dubitent, ego pro eis reſpondere non dubitabo; Eum qui tantum terroris toti terrarum orbi intulerit, quacunque ingreſſus ſit tantum ſtragem fecerit, tantum trophæorum erexerit, jure militem cenſeri. rogabo deinceps, Hic miles quomodo in militiam legatur, quomodo inſtituatur? Quod ſi ſe ſcire negabunt, dicam quæ ipſe præſens vidi, quæ meo periculo didici; Militem Turcicum nihil aliud eſſe, quam hominem ita natum, ita lectum, ita informatum, & exercitarum, ut paulo ante de Romanis dixi, & à nobis

bis contendendo fieri oportere ; nisi quod hic aliquando deteriore conditione est. nam quod ad militem attinet, qui ituro in expeditionem Turcarum principi ultro se offert ac nomen dat, quem *Alcangiam* vocant, ei apud Turcas exiguus honor est. Is miles habetur in pretio, qui perpetuo ejus principis stipendia meret, quique cerro judicio ac ratione in ejus principis legiones prætorianas relatus est. Cujus deligendi hæc fere ratio est. Mittit quotannis Turcarum princeps certos homines in diversas provincias, qui de pueris à Christianis hominibus natis tertium aut quartum quemque legant. Horum puerorum gregibus Constantinopolim perductis, qui liberaliore sunt aspectu, aut ingenii majorem indolem præ se ferunt, ipsius Principis, aut Bassarum, aut aliorum Satraparum domesticis usibus applicantur. Reliqui perducuntur in locum, in quem magna omnis generis hominum multitudo, præsertim rusticorum, confluit. Hi de istis pueris, ab eo qui ei negotio præest, quos visum est, poscunt. Ille accepto numo aureo, puerum petenti tradit, prius nomine ejus, patria, & conditione pueri, item annis, signisque quibus per omnem ætatem dignosci possit, in publicas tabulas relatis. Sic illi liberum est, siue agrestis siue urbanus sit, puerum trans mare in Asiam vel quocumque terrarum velit, ubi domicilium habeat, abducere; ubi assidue, labore atque opere eum ut mancipium exerceat. Puero cibaria præbentur, panis & aqua, & interdum, loco obsonii, pulsus aliquid, aut fructuum, aut herbarum, vestitus supeditatur, quo se adversus cæli injuriam tueri utcumque possit. Ad hæc disciplina & religione Mahumetana instituitur. Ita deliciarum nescius, procul à propinquorum blanditiis, in virum robustum, & cuivis labori ferendo parem adoleseit. Hic cum est opus, ab illo fiduciario hero reposcitur, & ad rem militarem tradueitur. atque ex hoc veluti seminario, diminutis Gianizarorum legionibus, supplementum

tum subrogatur. Ad Gianizaros rescriptus, primo meret menstruo stipendio, paulo plus minus, unus ducati cum dimidio. Id enim militi novitio & rudis satis esse censent. Sed tamen ne quid victus necessitati desit, cum ea decuria, in cujus contubernium adscitus est, gratis cibum capit, ea conditione, ut in culina reliquoque ministerio ei decurie serviat. Sed eum rursus, qui est ejus decurie armorum peritissimus; præceptis militaribus eruditq. quotidianaque exercitatione arma scienter tractare docet. ita robur, laboris patientiam, & usum armorum adeptus tyro, necdum tamen suis contubernialibus honore neque stipendio par, unam in sola virtute, se illis æquandi, spem habet: utpote similitæ quæ prima se obrulerit, tale specimen sui dederit, ut dignus judicetur, qui tyrocinio exemptus, honoris gradu & stipendii magnitudine reliquis Gianizaris par habeatur. Quæ quidem spe plerique tyrones impulsæ, multa præclare audent, & fortitudine cum veteranis certant; itaque ampliore honestantur stipendio, quod singulis mensibus octo ducatorum in Gianizaro summum est. Quem tamen si virtus, ac merita, ad altiorem locum vocent, aut ordinibus inter suos ducendis præficitur, aut equitibus prætorianis, quos *Spahias* vocant, adscribitur. Qui super sunt ex iis pueris, quos supra dixi, Constantinopoli varii operibus exercentur. Itaque sæpe videas CC. aut CCC. purgare aream, amoliri rudera, ferre lapides aut tigna, aut alia onera. otium nulli permissum, nec cui victus gratis constat. Hi similiter postquam adoleverunt, aut in terrestres aut in maritimas copias transferuntur. Et qui in principis aulam servitiumque lecti sunt, fere evadunt in viros primarios, maximisque muneribus, ut cujusque aut fors aut mores tulerunt, præponuntur; ex his supremi Gianizorum duces, classium præfecti, Bellerbeghi, atque ipsi denique Bassæ Visirii, deliguntur. his etiam in matrimonium ipsius Principis

p'is filix collocantur. Quibus me satis planum fecisse arbitror, qui sit ortus, delectus, disciplina, atque educatio, istius toto terrarum orbe tantopere formidati militis Turcici. Neque tamen negaverim, patere item alios ad ordinem militare aditus; sed hæc ratio atque via, inter illos usitatissima est. nam quandoque etiam militem legunt ex iis pueris, aut adolescentibus, quos excursionibus, aut bello nobis indistincto captos, intra claustra domosque, quas *ferraglia* vocant, multos annos inclusos habnerunt. In quibus posteaquam omnem memoriam, sensumque patriæ & rerum nostrarum, ac præsertim religionis deposuisse, atque in ludis, cum Arabicarum literarum, tum armorum Turcicorum, sub præceptoribus Eunuchis, satis magnos progressus fecisse videntur, eos demum sepius illis emissos, cælo restituant, & ad ea rei militaris munera traducunt, ad quæ maxime videntur idonei. Bassarum quoque atque aliorum purpuratorum servi, bello vel alia ratione quæsit, in numerum militum sæpe reponuntur. Nec tamen ex his, quos dixi, quisquam sine certo discrimine iudicioque recipitur, sed explorata prius universiujusque corporis atque animi firmitate, ut tueri cum locum possit cui sit ascriptus. In quo sane sæpenumero sum admiratus vim disciplinæ atque institutionis Turcicæ, cum viderem homines apud nos contemptos & abjectos paucis annis tantum profecisse apud istos, non modo ut gregarii militis nomen egregie sustinerent, verum etiam omnium Turcarum iudicio digni haberentur, quorum disciplina alii militiæ rudimentis imbuerentur. Fiebat enim nonnunquam, ut cum animi causa de fenestra in publicum prospicerem, assidentes Turcæ quosdam mihi monstrarent, quos propter armorum usum, tyronibus instituendis præfectos dicerent. Rogabam qua gente aut qua natione essent oriundi. nam qui inter eos armorum opinione tantopere excellerent, nescio quos Par-

thos, Bactrianos aut Massageras cogitatione mihi finge-
bam. Sed audiebam, hunc esse Hungarum, illum Croatam, tertium Germanum. mirabar e-
quidem: veruntamen hanc tantam præstantiam, ex usu armorum quæ apud nos tractassent, quod nobililoco nati, quod liberaliter instituti, quod militassent, proficisci suspicabar. Pergebam quærere, num scirent, quem illi apud nos locum tenuissent, quodve genus vitæ securi fuissent. illi cum aliquantisper cogitassent, in memoriam venire sibi aiebant, hunc solitum dicere se nescio cujus coqui fuisse puerum, alterum se vitæ monasticæ initiatū, illum vero cauponi promendo vino locasse operas; eosque belli, vel induciarum tempore, interceptos, atque in reliqua præda Constantinopolim perductos, in istius vel illius Bassæ familiam pervenisse. Hic ego etiam magis admirans, & Quinam, inquam, fieri potuit, ut isti evaderent in tantos bellatores? commemorabant dominos quibus illi obtigissent, domi habuisse viros insignes, magistros armorum, magno iudicio scientiaque rei bellicæ præditos, quibus (cum eos rē ex corporis tum ex animi signis dignos iudicassent quibus operam impenderent), in disciplinam traditi essent, sub quib. brevi tempore tantum profecissent, ut omnes æquales superarent, & non obscuram futuræ virtutis spem de se darent. secuta deinde fuisse bella, in quibus navata strenue opera, eximie fortitudinis ab omnibus laudem ac testimonium reportassent. hinc ad tantam auctoritatē pervenisse. Quum hæc audirem, afficiebar non mediocri dolore, nostros mores ab hac Turcarum consuetudine tantum differre, hanc illis rationem invidebam. habent hoc omnino Turcæ, ut hominem nacti egregium, tanquam adepti rem pretiosam, vehementer gaudeant, neque in eo excolendo quicquam laboris aut studii prætermittant; præsertim si ad rem militarem idoneum esse cognoverint. Nostra longe diversa est ratio. nā nos quidem

si quem bonum canem, accipitrem, aut equum su-
 raus nacti, valde læramur, neque ulli rei parcimus,
 dam illum ad summam in suo genere perfectionem
 perducamus. In homine vero si quem prælara in-
 dole nancisci contigerit, non perinde elaboramus;
 neque ejus institutionem ad nos magnopere per-
 tinere existimamus. ac nos quidem ex equo, cane,
 atque accipitre belle assuefactis, varia: oblectatio-
 nes, multiplicemque usum capimus: sed Turcæ ex
 homine bonis moribus informato tanto majorem,
 quanto reliquis animantibus natura hominis præ-
 stantior est atque excellentior. Jam vero ex iis, quæ
 hætenus dicta sunt, satis constare arbitror, non
 novum neque inauditum esse, quod de milite cer-
 to cum judicio deligendo instituendoque contem-
 do; sed cum ab ipsis Romanis, tum à cæteris gen-
 tibus, quæ imperia tenuerunt, aut armorum lau-
 de floruerunt, usurpatum; neque rursus adeo ob-
 soletum, aut à nostræ ætatis moribus tam remo-
 tum, ut ad usum nostrum revocari non posset:
 quandoquidem experiamur quotidie, quid exulta-
 tali disciplina Turcarum arma valeant, modo ne
 nos pigeat rei adeo necessariæ ab illis partem mu-
 tuari; quando illos tam multa, quæ ex usu suo
 essent, de nobis sumere non piguerit. quod si fe-
 cerimus, faxim profecto, ut brevi cognoscamus
 non minus ad salutem nobis bonam disciplinam
 valere, quam hætenus ad nostram perniciem valu-
 isse senserimus. Quæ quidem una restat, in hac
 periculosissima tempestate veluti anchora sacra,
 qua fluitantem Reipubl. nostræ navem retinere &
 servare possimus. Unaquæque res qua ratione
 paratur, eadem stabilitur & conservatur: ut re-
 gna atque imperia virtute militari, beneque insti-
 tuti exercitus viribus quærantur, eadem etiam
 ratione conservantur. si tollas arma, removeas
 militem, disciplinam negligas, mox aut per se
 regnum concidet, aut in prædam cedit finitimis:
 Ad regni majestatem conservandam, non tam dia-

demā, aut sceptrum prodest, quam ferrum. frustra illo caput ornes, hoc dexteram, nisi gladio accinctum sit latus: nisi ferro muniatur, debile ac mancum fuerit omne imperium. neque ulla unquam diuturna potestas erit, quam arma non tuerentur. Sed armadico, non falso nitore specieque fallentia, sed vera, sed solida, sed omni vitio expurgata. Quicquid corruptum est, atque à sua perfectione degeneravit; aut minimum adfert utilitatis, aut non modo nihil prodest, verum etiam nocet. quamdiu arma Romana, militari disciplina viguerunt, extremæ tum quoque orbis terrarum oræ, eorum legionibus patuerunt: sed postquam disciplina corrumpi, virtusque militum, neglectis veteribus institutis, remolliri cœpit, non modo maxima imperii pars amissa, sed ne ipsius quidem urbis Romæ mœnia suo præsidio Quirites à eade direptioneque incolumes præstiterunt. Itaque tunc illa gentium omnium caput ac princeps civitas cunctis nationibus prædæ aut ludibrio fuit, non secus sua spolia atque exuvias repetentibus, quam ab illo graculo Æsopico ceteræ aves suas plumas. Nobis vero eo minus tergiversandi occasio datur, quo mortiferum vulnus nobis propinquius imminet; quo magis viscera nostra hostium telis nuda patent; nec ulla nobis præter hanc unam, ad spem salutis, via proponitur, quam superatis & perruptis quibuscunque impedimentis, si quicquam nobis rerum nostrarum charum est, sine dubitatione persequi debemus. Est ubi Reipub. moderatori, propter rei novitatem, propter præsentis seculi mores, propter civium caput & ingenium, aliasque item manifestas difficultates, ab eo quod erat rectissimum, non nihil desistere liceat. at in huiusmodi angustiis deprehensis, ubi patris excidium ante oculos positum sit, constanti animo eo præsidio quod solum ostenditur, salus ejus fulcienda est iis populis, quibus adhuc longæ sunt spēs, quod ab hoc hoste procul disjuncti

disiuncti sunt, licet quibusvis, vel linteis (si ve-
lint) armis, corpus regere, adversus tela quæ non-
dum adigi eo possunt. Nobis qui intra hostilis
teli iactum versamur, vel qui cum hoste potius
jam ad manus & gladios venimus, non nisi pro-
batissimis & firmissimis armis, salutis nostræ tu-
tela committenda. sed non deerunt, quibus hic
nostrarum virium apparatus, tenuior neque satis
idoneus videbitur, qui tantis Turcarum opibus at-
que potentix opponatur : quibus respondeo à me
idagi, ut solida perennis exercitus fundamenta
jacentur : quibus semel constitutis, in reliquo æ-
dificio construendo non multum fore negotiū
polliceor his enim initiis positis, quicquid acces-
serit auxiliorum, mox iusti exercitus corpus effi-
ciet. Accessura autem impensius auxilia, ubi jam
nos nobis de non contemnendo præsidio prospe-
xisse, paratisque in hostem copiis excubare, longe-
lateque fama dissipaverit, clarius est, quam ut
multis demonstrare sit opus. etenim natura pœne
ipsa nos iis conciliat, quos armis atque animis ad
quemcunque fortunæ impetum excipiendum pa-
ratos videmus. contra vero, ab eorum benevolen-
tia nos revocat, quos inermes imbellesque cui-
cunque obnoxios injuriæ animadvertimus. Itaque
præclare Xenophon, ut reliqua omnia, eos qui sem-
per in promptu & expedita habeant arma, hoc
consequi dixit, ut amicos habeant multos, inimi-
cos nullos : Siquidem ad eorum amicitiam, quā
possint prodesse, omnes libenter accedere, tanquā
ad arcem, & certum dubiis temporibus perfugia-
um : quemadmodum ex altera parte inimicum
habere nemo velit, quem ita semper armis instru-
ctum norit, ut cum velit nocere possit. Qua ratio-
ne sit, ut dum cessamus ipsi, neque quicquam co-
namur, dum hastas abjicere, ac de nostra salute de-
sperare videmur, & ex alienæ tantum opis spe pen-
demus ; non modo vicinitatis, sed etiam sangui-
nis necessitudine nobis cōjuncti, nos contemnant

& deferant; ad armatum vero & sibi præfidentem hostem, etiam illi sese aggregent, quos si nihil aliud, certe diversissima religionis ratio retraxisse debebat. Tanta vis est expeditorum armorum. Quod itaque felix & faustum sit in Dei omnipotentis nomine, eamus ad saga, capessamus arma, quemadmodum decet, contra tantum hostem; ipsi primi armipotentis Minervæ sacris iniciemur, ejusque studiis nos totos devoteamus. primi manum adhibeamus stivæ, & nostro pro viribus fungamur officio. Deus mox conantibus aderit: neque deerunt auxilia, ubi nos nobis non deesse cognitum fuerit. Ne quiescamus donec ut minimum (quod exempli causa dictum velim) præter ordinaria præsidia ad XII. millia peditum (nam de equitatu dicemus alias) ex nostris popularibus delecta, probe armata, exercitaque, habeamus. hic animus & hoc institutum nostrum divulgatum non tantum necessariorum nostrorum, verum etiam alienorum insperata auxilia, cum res poscer, nobis conciliabit & adjuaget. Quod si quandoque nos omnia destituant, his tamen copiis, & æstatis tempore munitionibus inclusi, hostium imperum reprimere, & hyeme ita in eorum fines incurrere poterimus, ut lacessivisse illos poeniteat; atque inducias quas vix nunc à se redimi patiuntur, cum petant ultro, tum multo, quam fert eorum consuetudo, servent diligentius. Nunc quicquid increpuerit, trepidare cogimur; & si præsidia nostra laborent, aut nec opinata aliqua vis subitam opem requirat, nihil habemus, quo nostris subsidio ire, vel hostium impressionem morari saltem & retardare queamus. Sed hæc (dicendum est enim tanta de re laxius) studium quoddam eximium & singulare desiderant; neque vero alibi non modo cogitationum, sed nec delectationum nostrarum majorem partem rectius collocaverimus, neque ulla ex re laudem justius quæsierimus, quam si nostras copias indies virtute & disciplina magis magisque

gisque proficere & coalescere videamus. Placeant sibi alii auratis rectis, alii exquisitis hortorum amœnitatibus delectentur: ornamenta domus alii, signa, tabulas & plurimum lauræ supellectilis ostentent: Nobis hæc pacis decora, hæc belli præsidia faciant animos: his nos amicis, qui ad nos diverterint, venditemus; his gloriemur. quid enim præclari hospitis oculis possit esse gratius, quam videre tantum selectæ juventutis numerum, armis fulgentem, robore & velocitate præstantem, sclopeto, hasta, gladio, & quocunque reli genere pulcherrime decerrantem, ad omnes præfectorum nutus quacunque se circum agentem versantemque, denique summa vultus atque animi alacritate hostem & prælium deposcentem; Hujusmodi juventutem, imperii spem ac fundamentum, videlicet Gianizaros, non immerito Turcarum Princeps *filios suos* vocat. Memorant Philopœmenem, quem Græcorum Imperatorum ultimum dixerunt, cum videret antiquam Græcorum rei bellicæ laudem per ignaviam, & disciplinæ militaris neglectum senescentem, brevique intermorituram; atque ei rei, ut patriæ amans civis subventum cuperet; haud parvum nobiliss. juventutis comitatum sibi ascivisse, quam belli artibus institueret. Quumque aliquando cum hoc juvenum globo. militari vestitu decenter ornato, in quoddam Græcæ theatrum, multitudine hominum refertum, introiisset; magnum illi ab universo illo populo plausum datum, summisque exceptum laudibus. Cujus quidem plausus is sensus fuit, quod ille populus intelligebat, quid ei civi deberetur, qui patriæ gloriam, quantum in se esset, ab interitu revocaret, & juventutem ad militare decus, virtutemque capeffendam, excitaret. Nos quoque quis dubitet quin Diis hominibusque approbantibus, summo totius populi Christiani applausu, communis salutis causam simus suscepturi, labentemque rei militaris laudē, in pristinā dignitatem

tatem vindicaturi. Sed non ero longior, & finem faciam, si prius eo paucis me rerulero, unde hæc defluxit oratio; si monuero & inclamavero, si obtestatus fuero, ut in tanto periculo, quanto post orbē terrarum conditum, nulla unquam gens versata est, ab eo, cui indormivisse videmur veterino, aliquando excitemur, Reique pub. ad exitium ruenti succurramus; has sedes, hoc nomen, hæc decora, tanta cum laude à majoribus nostris parita & nobis tradita, conservata velimus. Conservandi autem unicam esse rationem, si nos adversus vim, ad vim & arma convertamus: arma vero non fortuita neque tumultuaria, nec procul quaesita, sed nostra, sed expedita, sed magno iudicio magnaue ratione delecta, instituta & exulta. Exemplo eorum qui loco parum munito formidolosa premuntur obsidione, qui cum jam jamque in hostis potestatem venturos se videant, omniaque extremæ crudelitatis exempla ab insolenti victore timeant, ad eum repellendum nihil non perpetiuntur & faciunt: neque quicquam grave sibi ducunt, neque ulli rei parcunt, modo summæ rerum & publicæ saluti consulant. Quod si secus statuerimus, nobisque & reipub. per ignaviam aut mentis errorem, defuerimus; restabit aliud nihil, quam ut migremus in alias terras, quod multæ sæpe fecerunt gentes, vicinorum injuria coactæ, avitisque possessionibus hosti pro victoria cumulo relictis, ejus immanitatem fuga declinemus, aut certe moriamur, aut turpissime serviamus. Nos vero migremus citius (si adeo in nobis omnis obsolevit virtus) bonaque nostra, agros, restia, lares hostis ante possideat, quam corpora, quam sanguinem nostrum hauriat, quam liberorum & conjugum pudori foedissime illudat, & (ut uno verbo dicam) potius quam eam rerum omnium indignitatem videamus, quam tot Asia, Africa, atque Europæ populi, ab Orientis regionibus ad nostros usque fines, majore terrarum, quam rem-

temporum intervallo, subierunt. Cum iisdem nos quibus illi vestigiis, ad exitium præcipitemus, sitque idem rerum nostrarum, qui fuit illorum, antequam perirent, status, idem in causa pari nos exitus manet. sed cur migremus? imo militemus, & quæ nobis salutis subsidia largissima manu Deus benigne suppeditat, alacres & grati suscipiamus. Nos ad arma, in quibus post Deum spes una salutis superest, ingentibus animis atque ita convertamus, ut nostro nomine & magnitudine periculi, & exitio quod nobis impender, dignum est.

*RELATIO sive SERMO Legati pacifici,
Ebraimi Strotſchenii, nati Poloni, à Solyman-
no Turcarum Imperatore, ex Constantinopoli
ad Christianorum Casarem Ferdinandum ejus
nominis primum destinati apud Francofurtum
Mœni coram Statibus Imperii ibidem præsen-
tibus lingua Sclavonica recitatus, Anno
MDLXII. die 27. Novembris.*

Potentissime atque Serenissime Christianorum
Electæ Cæsar Ferdinande. Inviçtiſſimus, ter
maximus ac potentissimus Turcæum Imperator,
princeps meus clementissimus, ad Tuam Majest.
me terra marique profectum, cum certis ac spe-
cialibus mandatis instructum, fide dignum Lega-
tum misit ac direxit; tum ut salutem & felicem
administrationem, longamque & firmam corporis
sanitatem Tuæ Majest. suo nomine dicerem, tum
vero ut simul ipsius Majest. propensum animum,
studium, benevolentiam ac verum amorem erga
Tuam Majest. conceptum modis omnibus testarer,
declararem, denunciaremque. Quæ ipſus Maje-
ſtas firmiter sperat ac plane confidit, hanc initam
gratiam

gratiam & amicitiam etiam per prioris legationis occasionem auctam & roboratam esse; idque eo magis quod ipsius Majestas antehac quoque satis evidentia & indubitata confirmatz ac duraturz amicitiz amorisque argumenta erga Tuam Majest. dederit: id quod utrinque Deus fortunare dignetur. *Hac prafatus, paululum filens respiravit.* Quo vero (*mox inquit*) Tua Majestas prxdicti amoris, conciliationis ac gratiz mutuz indicia manifestius in principe meo potentissimo deprehendere, cognoscere ac intelligere queat. ipsius Majestas à modo omnes Christianos captivos libertate donatos, ad Tuam Majest. & quocunque vellent, redire permisit; quos tamen alias ipsius Majest. è captivitate illa non auro argentoque, non quantiscunque muneribus, neque alicujus vel principis etiam intercessione seu precibus redimi ac dimitti passa fuisset. Fecit itaque id sua Majestas nullam aliam ob causam, quam ut firmam ac minime fictam suam amicitiam, amoremque erga Tuam Majest. redderet omnibus perspicuam, planeque confirmaret; fretus omnino ea spe, tuam Majestatem vicissim omnes Turcas, quos hinc inde captivos habet ac detinet, libere & in sua religione permanentes dimissuram & postliminio prxstituram esse. Id ut fiat, sua Majestas per me unice atque amanter petit. optat quoque Tuz Majestati perpetuam valetudinem, quietam senectam, prosperitatem ac pacificam regnorum tuorum gubernationem: cupitque ex animo, ut felix illa ac pacifica administratio usque ad posteros Tuz Majest. fausta successione conservetur. Promittit etiam se omnibus modis operam daturum & effecturum esse, ne hoc amicitiz cum Tua Majest. contractz scdus, & induciarum confirmatarum jus, à quoquam suorum subditorum vel in minimo lædatur, rumpatur aut debilitetur. Rogat insuper ac petit ut ad has literas, quas suo nomine Tuz Majest. ego præsentaui, Tua Majest. non

non gravetur sigillatim respondere. Quod si à Tua Majest. præstitum fuerit, experietur modis omnibus Tuam Majest. amicabile atque pulcherrimum mutui amoris certamen cum principe meo Turcarum Imperatore potentissimo & æquitatis observantissimo iniisse; in quo ipse se nunquam à Tua Majest. vinci ac superari quovis modo patietur, sed potius summo conatu enitetur, ut hæc inter utrumque jam senio confectum inita amicitia ac concordia in diem magis magisque crescat, novisque indiciis & argumentis provocetur semper atque stabiliatur.

Hæc cum ille disseruisset, tum Cæsaream Majest. interrogat, quinam in isto principum procerumque præsentis confessu sit Maximilianus, suæ Majest. dilectus filius, & imperii legitimus hæres. Mox ergo Cæsar digito monstravit illum esse, qui à sinistris sibi assideret. Tum legatus vultu ad Regem converso, se coram ipso Parthico seu Turcico more inclinavit, dextram ad pectus admovens, cœpit Regi suæ Majest. multam vitæ longævæ felicitatem, faustam in administrando Romanum Imperium successionem, rerum & actionum suarum prosperitatem, omnemque salutem imprecari; addiditque, se minime dubitare, quin ipse Rex, cum de tam præstanti ac laudato genitore sis natus, non quidem ipso patre inferior aut inæqualis, sed potius vel juxta nominis sui propriam paronomasiam, qua Maximilianus sive Major vocatur, longe major, præclarior ac præstantior futurus sit.

Ad extremum igitur Legatus rursus ad Cæsarem conversus, ea quæ secum attulerat munera, nempe duos preciosissimos ex nativo Crytallo & gemis longe nobilissimis elaboratos crateras seu pocula, & caballum Turcicum generosissimum, aureis plane phaleris, gemmis, catenisque ex purissimo auro ornatum, tum quatuor camelos ex tota urbe Constantinopoli exquisitissimos Cæsareæ suæ Majest.

Majest præsentare, ac summis laudibus efferre cœpit: fastus interim & excusans, quod & equus ille, & cameli jam ob longinquam terra marique profectionem, quam inde a quatuor mensium spatio fecissent, macie & defatigatione confecti & attenuati esse conspicerentur.

*EXEMPLAR sive COPIA Literarum
Creditoriarum eidem Legato in causa indu-
ciarum octennalium ad Romanum Imperium
à Turcarum Imperatore datarum.*

EGO Dominus omnium Dominantium, Re-
gnator Orientis & Occidentis, qui potens
sum facere & non facere quæcunque libet, Domi-
nus totius Græciæ, Persiæ, & Arabiæ, Dominator
omnium eorum quæcunque Regi & Domino sub-
jici possunt, magnus Heros horum temporum, &
fortis Gigas latissimi hujus orbis universi, Maris
albi atrique, & sanctæ civitatis Mechæ splendore
Dei relucentis, & civitatis Medinæ, sanctæque &
castæ urbis Jerusalem Dominus; Rex nobilissimi
regni Egypti, Dominus terræ Ioniæ civitatumque
Athenarum, Senanum, sacri templi Dei Zabylon
& Bassio, Rethsam & Magodin, sedes ac solium
magni Regis Nashin Rettam, & Dominus insulæ
Algieræ, & princeps Regnorum Tartariæ, Meso-
potamiæ, & Medorum, Georgianorum, & uni-
versæ Græciæ, Moreæ, & Anatoliæ, Asiæ, Armeniæ,
Walachiæ, Moldati, & totius Hungariæ, aliorum-
que quamplurium Regnorum ac Dominiorum,
quorum ego sum Imperator, ter magnus ille Cæ-
sar Soldanus Solimannus, filius magni Impera-
toris Soldani Selim, qui à Deo habeo potestatem
ad regendum in freno omnes populos, & poten-
tiam ad aperiendum omnium civitatum ac forta-
liorum portas & claustra; in manu mea potenti
traditi.

traditi sunt omnes fines terræ, nullis exceptis; ego Dominus Orientis à terra Tſcin uſque ad fines Africæ, quem Deus fortem in acie gladii bellatorem conſtituit: inter cujus potentiſſima Regna pro minimo reputatur caſtrum inexpugnabile Czſarez, & pro viliffimo reputatur inter hereditarias meas ditiones Imperium ſeu Dominium Alexandri Magni: mecum eſt fortitudo totius mundi & virtus firmamenti. Quandoquidem Rex Ferdinande, qui eſt potens totius Chriſtianitatis Dominus, & vas electum potentis fidei Chriſtianæ, creatus & electus Imperator Romanorum populorum, & Bohemiæ, Vandalorum, Crabatiz, & multarum aliarum ditionum Rex & Dominator, &c. ſuperiori tempore ad aulam meam confugientium, & thronus gratiæ omnium principum horum temporum eam petantium, miſiſti & ablegaſti quendam ſelectum conſiliarium & Legatum tuum *Augerium à Buſbeck*, una cum literis confederationis, ad renovandam nobiſcum pacem & contrahendam amicitiam ac noſitiam faciendam: quæ literæ datæ erant Anno à propheta Ieſu (ſuper quem & ſuper noſtrum prophetam Mahomet ſit ſplendor & pax Dei) Milieſimo quingenteſimo, ſexageſimo ſecundo, die autem primo menſis Iunii, petens à nobis ut conceſſis tibi per octennium induciis tuas civitates, caſtra, regiones, & populos poſthac nullis armis infeſtemus, ſed in pace ſecura ac tranquillitate vivere ſinamus, &c. Ad quam tuam petitionem reſpondemus, poſthac per integrum octennium inter nos & ab utraque parte futuram & continuandam eſſe novam, veram & firmam concordiam, & amicitiam. Cuius concordiz, pacis, ac confederationis hæ conditiones ſunt; primo ut Tua dilectio quorannis ad aulam noſtram pro arra induciarum 30000. Hungaricos Ducatos mittere teneatur, una cum illo reſiduo, quod nobis per proxime præterlapſum biennium à te debetur. Pro eo promittimus

mus nos posthac cum Regis Ioannis filio , quantum ad ejus hæreditarias nationes attinet , sive hæ in citeriõri Hungariæ , sive in ulteriore parte Theissæ sitæ sint (quæ tamen omnes de jure belli ad nos spectant) durantibus his induciis ostendit nullas vel inimicitiz vel amicitiz partes suscipere velle. Idem quoque Regis Ioannis filius sub hoc ostennalis pacis tempore in modo prædicto obedientiam nobis præstare tenebitur , ita ut posthac nullas inimicitias nec bella contra vos exercere , nec subditos vestros, vel ferro, vel igne infestare ; nec civitates , castra , aut villas occupare ; nec pecora , armenta , bona , pecunias aut decimas violenter auferre , vel exigere à colonis & subditis vestris ei liceat. Nos quoque similiter nullum jus habebimus , nec occasionem quæremus populos vestros profligandi , igne devastandi , aut captivos abducendi , sed potius in hoc octo annorum spacio vobiscum pacem & concordiam sancte servabimus. Hisce quoque conditionibus pacis subiecti erunt , cum omnibus bonis ac dominiis suis Balaschi Michael , & Nicola Bathori , ac horum similes plerique , eruntq; vobis ac filio Regis Ioannis subditi. Porro si forte quidam è vestris ac filii Regis Ioannis subditis populis jam antea tempore belli alius alium bonis , fundis , ac dominiis suis expulerit , unde lites ac nova dissidia à modo oriri queant , volumus & statuimus illa negotia , causas , ac jura differri debere , donec hoc definitum induciarum tempus sit revolutum. Præterea si forte in posterum ob jurisdictionem nova dissidia inter utrumque nostrum oriantur , ita ut nullo modo conciliari ac componi posse videantur , volumus ut vestri interim vestri , nostri autem nostri maneant , seclusa omni contentione & inimiciã. Villæ quoque nonnullæ ad Danubium & Tattam hinc inde sitæ eo jure , quo ante , frui permittantur : ita ut milites qui sunt adhuc in præsidio Castelli Tattæ nullum jus habeant villas istas juxta

juxta Danubium sitas infestandi aut vexandi. Præterea si ab hoc pacis spacio quidam ex vestris nobilibus aut dominis quosdam nostros nobiles ex fuga vel qualicunque modo captivos penes se habuerint, eos dimittere & libere sine damno & præda exactiois ad suos remittere debent; quo inita inter nos concordia & pax firmitus servetur, & securius vivatur. Hæc omnia & singula volumus & sancte promittimus à nobis sine omni fraude ac dolo abhinc usque ad octennii prædicti finem servari ac teneri debere: ad hoc enim has induciarum ac confœderationis literas ex aula Magnificentiz nostræ publicari fecimus; ac insuper non solum curavimus, ut earum literarum forma cum edicto nostro universis ac singulis nostri Cæsareatus summis exercituum terra marique ducibus, præfectis, capitaneis, centurionibus ac omnibus stipendiariis militibus ac satrapis promulgaretur, sed etiam ut firmiter ac sancte servaretur, severe mandavimus. Volumus quoque hæc pacis & induciarum conditio comprehendat & concernat duos nostros summos præfectos sive Waivodas, Walachiz & Moltaviz, ita ut nulli vestrorum Hungarorum, Crabatorum, Sclavoniorum aut alii quarumcunque regionum, marium, insularumque vestrarum populi à nostris ullo pacto molestantur aut graventur. Quod si forte quidam ex vestra parte è castellis suis imperum in nostros fecerint, & bona illorum vi rapuerint, hi ad restituendum nostris sua bona omnino tenebuntur. Quod si quidam à nobis transfugerint, & secum aut aurum aut bona dominorum, quibus servierunt, abstulerint, vel si idem à vestris ad nos profugientibus commissum erit; tunc ab utraque parte, illa bona postliminii jure reperi ac restitui, transfugæ autē in exemplū aliorum puniri ac plesti debent: transfugarū enim bona de jure ad dominos ipsorum referuntur. Præterea licitum erit vestris centurionibus, ac capitaneis, ut castella, urbes

bes & villas in finibus Hungariz communiant & ædificent, & illuc commeatum, victualia, arma & id genus importent: Sed ne ultra fines suos aliquid horum exerceant. Durantibus quoque his induciis nullus vestrorum subditorum, vel in Hungaria, vel aliis quibuscunque ditionibus vestris, captivari aut abduci debet: quod tamen si casu forte contingeret, tum illa mancipia secure & sine mora ad suos redire sinentur. Præterea, quicumque ex parte Christianorum in nostris regionibus & in magnifica nostra aula aliquid negotii expediendum habuerint, quales sunt Legati, ministri, officarii, & id genus; his omnibus non solum concedimus & permittimus, ut ambulent, accedant, & recedant à nostris ditionibus & aula, sed etiam eos reverentia ac benevolentia à nostris prosequendos & linguæ nostræ interpretatione juvandos esse volumus & jussimus. Quod si propter confinia agrorum, aut terminos, vel ob id genus causas alias, diffidia & inimicitia inter subditos utriusque partis natæ fuerint, istæ lites à discretis ac æquis viris ab utraque parte adhibitis judicari ac discerni, auctores vero tallum diffidorum tanquam suspecti ac fœdisfragi puniri debent.

Inhibemus quoque certamina hostilia, seu duella, quæ in finibus ab utrisque aliquando committi solent. Cupimus autem ut passim in vestris regionibus hæc pacis ac concordia forma ejusque singuli articuli publice legantur, affigantur, & ut cum obedientia & reverentia servantur ac teneantur, eis mandari curetur. Id quod nos vicissim fideliter ac serio facturos jam ante promissimus: & Legatus vester, quem superioribus mensibus ad nos ablegastis, hoc ipsum à nobis vestro nomine petiit & rogavit, simulque nos precibus interpositis commovit, ut eam pacem ac confœderationem per juramentum Cæsareum & per has editorias literas (tanquam ipsi præsentibus vobis loqueremur) ratam ac firmam fore contestaremur.

Qua-

Quapropter ei has pacis literas ad vos dedimus, ut & vestri subditi, domini ac milites ista omnia servare teneantur. Quamdiu ergo nihil eorum à vobis, quod fœderi huic sit contrarium, suscipietur; tam diu vicissim à me omnes hi pacis articuli acceptabuntur ac assecurabuntur. In quorum omnium testimonium & robur juro ego hoc iurandum per verum & vivum Creatorem cœli & terræ, per vera signa magni & venerandi nostri Prophetæ, per Cæsaream meam potentiam, perque veram meam fidem: quod prædictis articulis, conditionibus ac promissis initi inter nos æternalis fœderis ac pacis, nil contrarium, nil alienum, nec inconveniens agi, tentari aut præsumi debeat, ab ullis nostrarum partium Capitaneis, Ducibus, Archistrategis, præfectis, Weivodis, &c. mandantes insuper omnibus nostri potentissimi Imperii juratis præfectis Walachiz & Moldaviz, ipsique Regi Stephano, ac cæteris qui in finibus vestris regna nostra gubernant, ut & ipsi omnes ac singuli non minus, quam nos, has pacis conditiones erga vestros populos, urbes, castella, villas, & alia ad vos pertinentia, sancte, iuste ac fideliter servant, acceptent & revereantur; nec ullis vestris subditis, etiam in minimo, damnum, exitium, ignominiam, aut injuriam inferant. Breviter, huic præpotenti ac magnæ amicitiz atque amoris conciliato, quantum nostras partes concernit, summum honorem, reverentiam & auctoritatem tribuemus, ita ut nec quod in minimis haberi possit; in nobis desideretur. Cæterum Christianos quosdam captivos, quos per Legatum vestrum dimitti petiistis, sine omni exactiione auri vel argenti libere ad vos redire permisimus: ex qua tamen captivitate non quidem redimi unquam potuissent, nisi in gratiam amicitiz ac concordiz nostræ eam libertatem illis donassemus; maxime tamen propterea, ut & Vos vicissim Turcas nostros, quos captivos detinetis, dimittatis; id quod omnino

Vos

286 LEGAT. SOLIM. TURC. IMP. &c.

Vos facturos speramus. Datæ ac scriptæ sunt hæc confederationis ac pacis literæ in Cæsareo nostro palatio & solio potentissimæ urbis Constantinopolitanæ, anno magni & venerandi nostri Prophetæ DCCCC LXIX. die vero primo Septembris.

Porro notandum, quod Legatus Turcarum in comitatu secum habuerit viginti tres personas, quarum pars maior fuerunt præfecti & nobiles è Buda Ungariæ, equos vero XXI. & Camelos VI.

Ipsius vero Legati atque comitum nomina & cognomina sequuntur.

EBRAHIMUS STROTIVS ortu Polonus, Solymanni Turcici Cæsaris Legatus, XXI. ministros adduxit, habens secum XXI. equos & camelos VI.

Wascha Budensis Aulæ præfectus, ministros VII. equos X.

Rassius Mustaffa Quinqueeclesiensis, ministros III. equos IV.

Istraphius Zauschus, ministros II.

Perchaimus Zauschus, ministros II.

Bermanus Byli Vuascha Budonensis, ministros II.

Durachius Bulius Vuascha Budonensis, ministros II.

Dellius Contrassius Budonensis, ministros II. equos III.

Hossenius Bulius Vuascha Budonensis, ministros II. equos III.

Duratefon Budonensis, ministrum I. equos II.

Dalli Achmallius, ministr. I. equos III.

Odoverdas, ministr. I. equos II.

Kadalius, equos II.

Ballius Sachemilus equos II.

Mustaffius, ministr. I.


Hussamius.

D E
TURCARUM
MORIBUS EPITOME,

*Bartholomaei Georgieviz Pe-
regrino auctore.*



Anno Domini, 1660.





D E
T U R C A R U M
R I T U E T C E R E M O N I I S.

De Templis , seu Meschitis eorum.

HAbent Tempia satis ampla & sumptuosa , ipsorum lingua *Meschit* appellata , in quibus nullas prorsus imagines vidi , præter hæc verba inscripta, Arabica lingua, viz. *La illah Mellah, Mehemmet, Iresul, Allah, Tanre Bir Pegamber, Hach*, id est, non est Deus nisi unus, Mehemmet autem propheta ejus: Creator unus, & prophetæ æquales. Vel hæc, *Fala Galib Mellah*, id est, non est fortis sicut Deus. Deinde conspicitur magna abundantia lampadum ardentium oleo, totum Templum dealbatum, pavimentum floreis stratum, ac desuper tapetis ornatum. Circa Templum turris miræ altitudinis, quam eorum sacerdos tempore orationis ascendens, voce alta, digitis in aures insertis, hæc verba ter repetit, *Allach Hechber*, id est, Deus verus unus. Audito clamore conveniunt in Templum nobiles & otiosi, tantum devotioni adstricti. Deinde prædictus Sacerdos descendens orat cum illis, idque ex officio facere debet quinquies inter diem & noctem. Quicumque vero veniunt ad orationem, debent ablucere manus, pedes & pudenda: postremo ter spargunt

N

gunt aquam super capita , recitando hæc verba, *Elhem du Lillah* , id est , gloria Deo meo. Deinde, exutis calceamentis *Patmagh* dictis , cisque ante januam Templi relictis, introeunt, alii nudis pedibus, alii habentes munda calceamenta *Mesh* vocata, quibus non palpant terram. Fœminæ nunquam cor grediuntur cum viris, sed seorsum certo in loco, prorsus abstruso à virorum conspectu & auditu: ipsæque rarius Templum frequentant, ut tempore *Bairam* paschatis , nonnunquam diebus Veneris, quæ *Gisumaagun* eorum lingua vocatur, orantq; ab hora nona noctis usque duodecimam, ut puta mediam noctem: atque inter orandum corpus continuo agitur, & vociferationibus mire affligunt, ut sæpius viribus & animo defectæ, in terram pronæ concidant; & si aliqua ab eo tempore se gravidam senserit, spiritus sancti gratia imprægnatam esse affirmat. Quumque pariunt, ab ipsis nati *Nefes Oglu*, id est, Animæ, vel spiritus sancti filii appellantur. Ita mihi narratum est à pedissequis earum: nam nec ipse vidi, nec aliquis virorum huic spectaculo interesse potest. Virorum autem orationibus cum hero meo sæpe interfui, quibus mos hic est: Inter orandum pileos suos (qui *Tfalma* illorum lingua vocantur) non depouunt, sed summis digitis attingunt, quasi elevaturi, genibus incumbunt, & terram sæpe deosculantur. Christianum eorum sacris interesse nefarium putant; credunt enim ab hominibus (ut ipsi aiunt) illotis, sua templa contaminari, quippe Christiani non usurpant illorum more frequentia lavacra. Ibi Sacerdos illorum suggestum ascendit, ac ad duas circiter horas concionatur: peracto sermone ascendunt duo pueri, qui cantando suas preces pronunciant. peracto eorum cantu, incipit Sacerdos cum toto populo submissa voce cantare, quassando corpus in latus, nihil aliud præter hæc verba, *La illah Illallah*, id est, non est nisi unus Deus. sic media fere hora personat,

ac movetur. Hujusmodi autem orationes , & ceremoniæ , ut cantus , prædicatio , non fiunt singulis diebus , nisi tempore Quadragesimali & die festivo , ut puta die Iovis , ab hora nona noctis usque duodecimam . Et ipsa dies Venetis à quibusdam religiosissime colitur.

De Quadragesima eorum.

HAbent etiam Quadragesimam sua lingua *Orutz* appellatam , jejunantes unum mensem , & unam hebdomadam singulis annis , at non semper eundem , sed si (videlicet hoc anno) jejunaverint Ianuarium , sequenti Februario , pergentes serie , ita ut duodecim annorum decursu annum & duodecim hebdomadas loco decimæ offerant Deo. Quum jejunant , toto die nihil gustant , ne panem quidem , aut aquam. Deinde visa stella , licet illis omnia manducare , præter suffocatum , & porcinas carnes. Suffocatum , ab eis *Murdar* , id est , cadaver sive immundum , & porcus *Domuz* vocatur. Quadragesima peracta , Pascha celebrant , eorum lingua *Bairam* vocatum , magna cum solennitate per triduum , oblinentes ungues manuum & pedum certo ceromate ab eis *china* appellato , quod ungues rutilos efficit : eadem quoque rinctura caudas equorum & pedes imbuunt. Hic color tenacissime hæret , nec ablui aut extergi potest : quamobrem nisi novi à radicibus ungues exierint , semper rutilantes apparent , sed de manibus frequenti lorione potest deleri. Mulieres non solum ungues , sed & manus atque pedes illo ceromate imbuunt.

De Circumcisione.

VTuntur circumcisione eorum lingua *Tsuneth* dicta, non octava die, more ludæorum, sed quamprimum natus septimum aut octavum annum exegerit, sermonis jam peritus: idque ipsis mysterium est, propter verba confessionis, quæ ante circumcisionem requiruntur, erecto pollice manus *Parmach* dicto, hæc videlicet, quæ supra ostendimus in templis descripta. Puer ob id non detertur in templum, sed in domibus parentum circumciditur. Huic solennitati sæpe interfui, quæ ita se habet: Primo convocatis amicis ad convivium, quibus satis delicata parantur fercula ex omni genere carniū, quo ipsis vesci licet, & passim (ut apud ditiores) bos cæditur, in hunc excoriatum & exenteratum includunt ovem, in qua gallinam, & in illa ovum, quæ integre assantur ad splendorem illius diei. Deinde inter epulas tempusque cœnæ adducitur puer circumcidendus, cujus medicus illius artis glandem reteggit, & replicatam pellem forpiculis apprehendit: deinde, quo metum adimat puero, ait se in proximum diem circumcisionem peracturum, atque ita discedit: mox simulans, quasi omissum aliquid esset, quod ad præparationem attinet, ex improvviso præputium abscindit, vulneri parum salis & bombasini apponens: jam vocabitur *Musulman*, id est, circumcissus. Et die circumcisionis non induuntur illis nomina, sed ipso die natali, quo in lucem eduntur, quæ talia sunt: & primo Regum, ut *Suleman*. Solomon interpretatur; *Sultan Scelim*, id est, princeps pacis; *Murash beg*, id est, desideratus dominator; *Mustafa*, & similia. Ducum *Perrin*, *Hairadon*, *Hader*, *Ebrahim*. Dominorum humilioris conditionis, quemadmodum sunt *Spahalar*, *Sauslar*, *Eminler*, *Behram*, *Memmi*, *Mehmet*, *Alli*, *Ahmat*, *Taslebi*, *Puiazith Chat-sun*,

*Jun, Hufcres. Cæteris omnibus Musfa, Ionuz, Schandet, Perbat, Ferro. Captivorum ac servorum majori ex parte Seremeth, quod nomen significat audacem, atque velocem. Postea continuato trium dierum convivio, circumcisis ducitur in balneum cum maxima pompa. Quum redit domum, ducitur per convivas, qui parata illi munera offerunt: alii vestes sericeas, alii scyphos argenteos, alii pecunias, vel etiam equos; Mulieres quoque indussa, sudariola, & alia hujuscemodi. iuxta voluntatem & opes unusquisque convivarum donat. Fœminæ non patiuntur circumcisionem, sed tantummodo jam dicta verba consentientes, Musulman efficiuntur. Si autem ex Christianis quispiam sua sponte confesso Mehemmeto circumcidi se patiatur, quod sæpe contingit, propter gravissimum jugum, & onus tributi, talis ducitur per omnes vicos atque plateas civitatis, summo cum honore, & gaudio populi sonantium tympana: ipsi quoque dantur munuscula, postea immunis efficitur à solutione tributi, Haracs eorum lingua appellati. Et cupiditate hujus lucri, multi Græci, quos *Vrunlar*, & Albani, quos *Arnavitar* vocant, circumciduntur. Si quis vi compulsus, ut puta qui Musulmanum feriret, vel vituperio afficeret, aut Mehemmetum blasphemaret (quod vidi Episcopo cuidam Græcorum sectæ contigisse) circumciditur, illi nihil datur: à tributi tamen solutione liber erit, sicut & cæteri Musulmanlar, id est, Circumcisi.*

De sacerdotibus eorum.

Sacerdotes vero, illorum lingua *Talismanlar* vocati, parum vel nihil differunt à laicis, nec etiam à proceribus ceremoniarum (quales apud nos sunt Episcopi) nec magna in ipsis doctrina requiritur: satis erit si Alcoranum, & Musaphum noverint legere. Illi autem qui etiam inter-

pretari secundum textum noverint , peritissimi habentur : quoniam non vulgari lingua Turcica , sed Arabica à Mehemmeto sunt tradita , quod nefas esse putant , si vulgari lingua interpretata describerentur. Eliguntur isti Pontifices à populo , stipendium autem à Rege pro labore accipiunt. Uxores habent , & habitum ut seculares. Si stipendium non sufficit , propter multitudinem liberorum , mechanica trahant , ac libero etiam homine digna attingunt : præficiuntur scholis , aut libros describunt. Apud illos sane nullos vidi typographos , sed chartam optime parant. Alii alium quæstum faciunt , ut sartoris , sutoris , & similia.

De monachis.

NON desunt illis Monachi *Dervissar* , vocati , varii quidem , ac imprimis triplicis ordinationis. Primus ordo talis est , qui nihil proprii habentes , quasi nudi incedunt , præter pudenda pellibus ovinis tecta ; & tempore frigoris ad cooperiendum dorsum similiter pelle utuntur : latus , manus , pedes , & caput nullo prorsus regunt vestimento. Exigentes eleemosynam tam à Christianis quam à Turcis , *Atahics* petentes , quod significat , propter Deum. Hi devorata herba *Maslach* vocata in rabiem aguntur , adeo ut per pectus totum in transversum vulnus ducant , itidem per brachium vel nullo dolore dissimulato , & fungum arborum incensum capiti , pectori , manui superpositum non remonent , donec in cineres resolvatur. Aliud genus vidi , qui incedunt pertusa verpa , sive mentula , & incluso annulo æreo ponderis trium librarum , à coitu disclusi , ob servandam castitatem. Tertium genus raro egreditur , sed manent die noctuque in templis , habentes in angulis templorum tuguriola , sine calceamentis , vestimento , discoo-

discooperto capite, nihil gestantes præter unam
camisiam, multis diebus jejunii orantes, ut Deus
ipsis futura revelet, quos rex Turcarum bellum
morum consulere solet.

*De Reverentia, quam exhibent Machometi
traditionibus.*

TAntam reverentiam Turcæ Machometi tradi-
tionibus & statutis præstant, ut non so-
lum Deum (quod nostris plerumque accidere
solet) non blasphemant, imo schetam quomo-
documque scriptam in terra jacentem si repe-
rint, erectam, & sæpius deoſculatam, in sinum
aliquam parietis positam, obstruunt. dicunt pec-
catum esse, si litteræ, quibus nomen Dei & lex
Machometi describuntur, pedibus conculcentur.
Et nemo audet Christiano, vel alterius fidei seu
religionis homini vendere Alcoranum, aut alia
eorum scripta, ne abjecta palpentur pedibus,
vel immundis manibus contrectentur: alioquin
capitis pœna pleſterentur. quare in hac re nobis
profecto meliores dici possunt.

De Scholis ipsorum.

HAbent quoque loca ad instituendum *Ochu-
machgirleri* eorum lingua appellata, & suos
Doctores quos *Hogſialar* vocant, tam masculos
quam fœminas: separatim tamen instituunt,
masculi masculos, & fœminæ fœminas, Astrono-
miam, Philosophiam, Artem poeticam. Inter
discendum clara voce clamantes ad latus corpora
movent. Musicam non norunt artificialem, sed
fingunt carmina ad præscriptas regulas, quæ ita
se habent. Quodlibet carmen undecim debet com-
plecti syllabas. Placuit itaque exempli gratia hæc
pauca inferere.

Carmina ab ipsis Bethler dicta,
Birechen bes on eiledum derdumi
Iaradandan istemiscem iardumi
Terch eiledum zahmanumi gurdumi
Ne ileim ieniemezum glunglumi.

Sunt enim carmina amatoria, *Dex* ipsorum lingua *Afsich* vocatur, id est, *Dex* amoris. quorum interpretatio hæc est de verbo ad verbum;

Birechen, id est, ex una. *bes*, id est, quinque. *on*, id est, decem. *eiledum*, id est, feci. *derdumi*, id est, tribulatione mea.

Iaradandan, id est à creatore. *istemiscem*, id est, postulavi. *iardumi*, id est auxilium.

Terch eiledum, id est, neglexi. *zahmanumi*, id est, patris mex. *gurdumi*, id est visitationem.

Ne, id est, quid. *ileim*, id est faciam. *ieniemezum*, id est, non possum vincere. *glunglumi*, id est, mentem meam.

De matrimonii contractione.

Matrimonium eorum lingua *Eulemmech* vocatum, tale est. Coeunt nuptiæ sine iuramento, accipiunt plane indotatas, propemodum emere coguntur, contrario (quam olim apud Romanos) more, ubi gener emi solebat, non nurus. Nihil habet sponsa in corpore cultus vel ornamenti, quod non cogatur à soceris redimere. Divortium apud illos faciunt improbi mores, vel infœcunditas: cognoscit de istis rebus iudex ipsorum. Inter servos emptos etiam matrimonium permittunt, sed geniti ex illis veræ fiunt.

De Peregrinatione illorum.

Peregrini, eorum lingua *Hagfilar* appellati, loca ab ipsis sancta habita invisunt, videlicet *Mecham*, *Medinam*, ut nostri Hierosolymam: ubi aiunt

aiunt Mehemmetum obiisse: sed non minus quæ-
stus gratia quam religionis & devotionis. Ibi
viseo calceamento *Tsaroch* vocato, quod inauratum
solummodo à testudine templi pendet, coemptis
subtilissimis telis, *Chumas* dictis, in patriam re-
grediuntur magno cum lucro. Et quum redierint,
alii vestant devotionis gratia aquam in utribus
platearum, idque obviis sitientibus gratis offe-
runt: alii rem suam agunt. & si qui in itinere
pereunt quocumque modo, etiam si non veniant
Mecham, nihilominus in peregrinorum numero
habentur.

*De Miraculis Machometi Mecha factis, & qua modernis
quoque temporibus aiunt eum facere.*

Nescio miraculane vel miraculosas nugas po-
tius dicam quæ sunt scripta in eorum libro
Mehammedine dicto: aiunt enim, quod sibi etiam
persuasum habent, quod quum Mecha extrueretur,
Deum per Machometi preces montibus ius-
sisse, ut lapides ad ædificandum Mecham quisque
adferret: quumque quisque montium decimam
lapidum attulisset, & ex his Mecha extructa &
completa fuisset, quidam mons *Araphat dagh* di-
ctus, quum cæteris, ex longinquiorebus partibus
veniens, tardior esset, & Mecham extructam vi-
disset, cognovissetque ejus lapidibus opus non
esse, cœpit flere amare. Quem quum Machomet
flentem vidisset, causamque ejus doloris intel-
lexisset, Esto bono animo, inquit, & noli
tristari, sed depone in eo loco illi demonstrato
decimam tuam: & quisquis super eum lapidem
non oraverit, illius peregrinatio inutilis ingrata-
que fiet. Et percussit Machomet lapidem pede, &
eduxit ex illo aquam ad potandum inueilem, im-
posuitque illi nomen *Abzemzem* sui, id est, purifi-
cationis aqua, ex qua omnes eorum peregrini in
vasculo secum domum deferre solent: & dum

quispiam eorum moritur, vestimenta, quibus cadaver ab eis involvi debet, ea aqua asperguntur in remissionem omnium scelerum eorum.

Dicunt etiam, quod nemo potest Meham venire, quin adventus ejus Machometo sit cognitus, qui postea custodibus (qui sunt omnes eunuchi) per eum revelatur: & si talis *Hagii*, id est peregrinus, raptor fuerit aut sceleratus, seu Christianus, vel alterius religionis homo, dicti custodes prohibent illi Meham ingressum. Ceterum cadaver ejus ibi non est, ut quidam aiunt, sed forma imaginis in muro templi, persona Machometi impressa: illam deosculantur, & ita domum redeunt. Talia enim sibi mendacia loco miraculorum illi infideles per Machometum habent persuasa: & multo magis ridiculosa, quæ profecto pudet me hic adferre. Velim tamen ut generosus lector interrogaret aliquem Turcarum, si ita sese res habeant: tunc affirmabit Peregrinum meram veritatem narrare.

De Eleemosyna eorum.

HAbent xenodochia *Imareth* appellata, ex testamento Regum condita, ubi datur cibus pauperibus atque peregrinis. sed alibi alius. Sunt qui dant oryzam *Pirinets Tforbâ* dictum cum carnibus: alibi *Boghdai as*, qui fit ex tritico, pro obsonio: additur panis satis magnus; porus quem præbent, est aqua. Ceterum pernoctandi ibi aut dormiendi locus nulli conceditur, sed habent alium locum pernoctandi publicum *Chaynasanrie*, ubi gratis recipiuntur hospitio: non habent tamen lectos: sed in fœno vel stramine sub lecto dormiunt.

De victimis eorum.

Immolant etiam victimas, sed plerumque votivas, *Chorban* tam Turcica quam Arabica linguis vocatas: in morbo enim aut periculo ovem vel bovem pro cuiusque opulentia in certis locis se sacrificaturos promittunt. voti deinde victima non comburitur in holocaustum, ut Iudæis mos est, sed mactato animali, cutis, caput, pedes, & quarta pars carnis sacerdoti præbetur, altera deinde pars datur pauperibus, tertia vicinis. Cæteras reliquias ipsi victimatores sibi & comitibus parant ad vescendum, neque tenentur voto, si è morbo vel periculo erepti non fuerint. Omnia enim illorum conditionalia sunt, Dabo si dederis. Similis etiam apud Græcos & Armenios, & cæteras nationes Asiaticas Christianæ religionis cultus observatur.

De Legatis & Testamentis.

Si quis ex Musulmanis moriens testamentum condere constituit, talia ferme legata fiunt, adhibitis amicis & vicinis: ut aut rivos deducere ex longinquis partibus ante aliquod hospitale, aut templum, sive in locum aridum, qui frequentatur ab hominibus *Hairisî*, id est, pietatis gratia, & *Gfsianisî*, id est, pro anima. Alii captivos & emptorios servos legant liberos faciendos. Mulierculæ enim (ut hoc genus præ cæteris superstitiosum est) legant pecuniam militibus, pro certa exde Christianorum. Id putant magno ad salutem suæ ipsarum animæ prodesse. Reges vero templa, hospitalia, extruenda constituent, & alii si qui sunt potentes.

De Ceremonia defunctorum.

Ubi quis moritur ex Musulmanlaris masculus, tunc masculi funus ourant: si foemina, foeminaz.

fœminæ. Abluunt cadaver, ac ntidissimis linteis induunt, postea efferunt extra urbem in locum aliquem : nefas enim est in templis sepelire. Procedunt cereoferarii cum candelis Monachi illorum, subsequuntur sacerdotes cantillantes interim, donec ad sepulturæ locum perveniant. Quod si pauper fuerit ille defunctus, pro laboribus religiosorum plateatim collectæ pecuniæ solent illis offerri.

De Edificio sepulcri, Tulbe dicto.

Conditorio superædificatur (ut puta Regio) templum, ipsi enim reges in urbe sepeliuntur: Divitum & pauperum instar altaris, in eam altitudinem, ut bestiz insultare, aut locum conspurcare non queant. Sæpius eo cum luctu redeunt, & inferias ciborum monumento superponunt, panes, carnes, caseum, ova, lac: novendialis cœna, more Ethnicorum, pro anima defuncti devoratur à pauperibus, aut avibus cali, & formicis. Dicunt enim æque gratum esse Deo, offerri eleemosynam tam brutis gentibus quam hominibus, quum ob amorem Dei offertur. Multos vidi, qui aviculas reclusas, data pecunia valoris aviculæ, evolare jusserint; alios panem piscibus in flumen projicere amore Dei, dicentes se pro tali pietate erga egentes mercedem amplissimam à Deo consequuturos.

DE
MILITIA EORUM.

HAbent omnes unum Regem, qui illorum vocabulo *Huncher Othman lardan Sahis sultan Suleiman*: modernus ita appellatur ab eis, id est, Imperator ex Othomanis Sahi princeps Solomon, qui nunc habet filium primogenitum viginti

viginti vel circiter trium annorum *Mustafa* vocatum, excellentem suos antecessores tyrannide atque crudelitate, sæpe insidiantem patri, ut si quomodo posset illum occidere, ob libidinem dominii. Habet Rex sub se duos duces sive satrapas *Tfangiach Begler* vocatos, Europæum & Asiaticum, quibus subsunt præsides minores *Timargilar* dicti, quorum imperiis parent milites ordinarii; qui si cessant dum ad expeditionem evocantur, suspendio pœnas luunt. *Bassalar*, qui interpretantur capitæ, plures sunt: ii propter consilium semper Regem comitantur. *Sulhsarlar* quoque, qui sunt stipatores corporis illius, semper post tergum ejus succedere solent, una cum *Capugisibegler*, id est cubiculariis, *lazigisibegler*, id est, cancellariis. *Eminler*, id est, tributî exactoribus, videlicet puerorum, & pecuniarum, *Spahalar*, id est, levis armaturæ militibus equestribus, multis *Vlachlaris*, id est, nuntiis, & aliis hujusmodi continue aulam sequentibus.

De Conditione Procerum.

NULLUS ex Satrapis possidet provinciam aut civitatem aliquam jure hæreditario, quam post obitum liberis vel suis successoribus possit relinquere sine consensu sui regis. Sed si aliquis Ducum vel Principum certas possessiones cupit habere, id illi conceditur hac conditione: Initur ratio pretii, & redituum illarum possessionum: Cognoscit & Turca quot milites ali annuo illo censu possint: tunc satrapa ille cogitur habere illum numerum militum semper promptum ad omnia imperata; alioqui capite plectitur: Nihilque eum à belli comitatu potest excusare, quam sola adversa valetudo. Et si quando Turcæ placuerit eum privare tali beneficio, in ejus est libertate: si autem non deponitur, suum est usque ad mortem. Post obitum, si successores defuncti pactum observare voluerint, admittuntur: sin secus, aliis provide-
tur.

tur. Si aliquando aliquis istorum procerum cum rege loquitur, oculos humi defigit, non audens illius vultum contueri.

De Bassis, quos Consiliarios, seu Cancellarios, aut potius Secretarios possumus intelligere.

OMnes Bassæ plerumque sunt eunuehi (prout mihi narratum est quum esset mancipium cuiusdam Constantinopolitani satrapæ) qui sunt ceteris ejus proceribus, exceptis Sangiachis, potiores apud Turcam, & omnes fere ex raptis Christianorum filiis in eam dignitatem provehuntur. Nullus tamen eorum etiamsi habeat filiam Turcæ in uxorem, ut Mruflan Bassa habet, donatur castello, pago, seu villa, quod hæreditario jure possideat: sed in aliquam dignitatem effertur, illam vel ad mortem, vel donec Turcæ placet, habet.

De obedientia quam Turca suo Regi præstare coguntur.

Nemo neque ex Jenitseris, vel proceribus armatus, vel gladio accinctus, habet licentiam per civitatem incedere, nisi quum Turca venandi aut orandi gratia palatio egreditur: & si qui sunt custodes civitatis aut officiales, baculos gestant: qui ubi litigantes, vel alteri injuriam seu calumniam inferentes reperiunt, fustibus eos pumunt. Neque quispiam, illi loquens, audet ejus faciem intueri, sed in terram procidens deosculatis pedibus ejus, fixis in terram oculis sibi loquitur. Et dum veredarios cum literis suis ad aliquos rectores provinciarum mittit, quorum equi in itinere ubi defatigati, & veloci cursu lassifuerint, facultatem habet veredarius quoscunque in via repererit, equis dejicere: qui si in itinere neminem offendit, ad civitates, vel pagos divertit, *Cadiam*
id

id est, iudicem aggreditur, qui, si illi equum non invenerit, ante ostium domus suæ suspenditur: & hanc ob causam pauci equis, sed asinis utuntur. Et quum talis Nuntius ad eos, ad quos missus est, pervenerit, à quibus honorifice exceptus, literis eorum Regis magna cum humilitate acceptis, & deoscularis, mandatis ejus mira celeritate exequutis, dimittitur. Nemo ibi princeps qui illi contradicat, nulla Provincia vel Civitas (ut sit apud nos) quæ rebellet, nullus demum qui illum non timeat.

Quo pacto Turca vires diminuantur.

Turcarum Imperator ex æquo omnes Provincias suis Proceribus, ea tamen conditione distribuit, ut ejus Provinciarum redditibus miles continue tam tempore pacis quam belli alatur: nunquam vires occiso milite amittit, nisi amittat & provinciam. Exempli gratia, si Imperator Turcarum nunc habeat quadringentos milites, quorum centum Hungariæ proventibus sustententur, ibi amissa Hungaria amittit centum milites: si vero nullam amittit Provinciam, & totum amiserit militem, nihil amisit: quia in eorum loca, etiam si plures cupit, inveniri facile possunt: non secus quam apud nos beneficia Ecclesiastica, vel alia officia vacantia, facile possessorem inveniunt.

De Conditione Chazilariorum.

Milites Chazilar vocati, strenui, & in re militari miro modo exercitari, qui in primo congressu lanceas frangunt cum adversariis suis, nulla prorsus armatura, præterquam clypeo, hasta, framea utentes more nostratum, ut puta lorica, galea, sed fractis hastis, evaginata framea, clypeo sese defendentes, viriliter pugnant, semper capiti,

capiti manui adversariorum insidiantes, adversarios toris viribus extinguere nitentes. Punctura autem gladii hostem vel equum ferire, non laudi, sed ignominie ducitur apud eos. Hi omnem vitam & salutem in protectione Fortunæ Deæ, ipsorum lingua *Nassup*, sive *Cisutara* dicta, habentes, cuius apud omnes proverbium istud celebratissimum est: *Iatzlan Gelur Bassina*, quod ita potest interpretari lingua Latina, *Iatzlan*, id est scriptura: *Gelur*, id est, veniet: *Bassina* id est, capiti, quasi dicerent, quicquid die nativitatis uniuscujusvis Fortuna Dea capiti inscripserit, id evitare impossibile erit, etiam si latitaverit in arce inexpugnabili. Horum enim gesta carmine in historiis descripta, ab omnibus recitantur, ut & cæteri eadem audacia (honoris & laudis studio exçiti) fortiter & intrepide hostem aggrediantur. Cæterum pro qualibet victoria talium stipendia duplicantur, ita quod omnes prædicti equestres debent regem sequi, instructi his armis, lancea, framea, sagittis, clava ferrea: alii habent clypeos, alii non, & semper accipiunt stipendium, tam tempore pacis, quam belli.

De Ordine peditum.

Primus ordo peditum est *Solachlarum*; id est, sagittariorum; tales utuntur arcu, sagittis, frameis: differunt pileis à *Jenitseris*. Secundus ordo est *Jenitserorum*, illi etiam habent arma similia *Tsolachlarum*: pro arcu tamen & sagittis harcabus utuntur, & una securi. Tales omnes collecti à Christianis ibi degentibus sub tributo, vi abrepti, circumcisi, in loco *Tsarai* dicto educari, contra Christianos pugnant strenuissime; & habent satis exigua stipendia victui: videlicet alius quatuor, alius quinque vel sex nummos *Ahrsè* vocatos, qui sexaginta Coronatum conficiunt: & hi sub pœna vitæ non possunt equitare, nisi ægrovent. Reperiuntur etiam ex filiis Turcarum facti *Jenitseri*

jenitseri quamplurimi. Tertius ordo peditum Azaplarum est, quorum finito bello finitur & stipendium; & sunt omnes filii Turcarum. Tales utuntur longiori hasta, framea, pileos habent rubros, vel alterius coloris ex panno, cum quatuor angulis corniculatis, *Tachia* dictis, & differunt à Jenitseris & Solachlaris vestitu atque armatura: tales perfodiunt hostium equos in bello. Deinde aliud genus peditum ex *Walachia* sectæ Græcorum, *Voinichlar* vocati: hi nihil aliud habent stipendii à Turca, quam quod immunes sunt à tributi solutione, & decimis. Tales teneatur otiosos equos Regis Turcarum propriis sumptibus alendo, curamque illorum gerendo, ducere tempore belli.

De Tentoriis Regis Turcarum.

Quum Constantinopolim relinquens Turcarum Rex ad bellum proficiscitur, duo usurpans tentoria, cognomento *Saporlar*, quorum hodie alterum pro eo tenditur, alterum ad proximam mansionem figitur, ut ibi postero die recipiatur. Magnitudo tabernaculi tanta est, ut procul visentibus urbs videatur: in proximo castrametantur Principes, & ambiunt Regis sui Tabernaculum: deinde Equites, qui vel singuli, vel terni tentorium habent. Etiam pedites habent propria tabernacula, id enim ex disciplina habent, ne quis sub dio cubet. Ituro exercitus stratores viam faciunt, hinc inde collocantes acervos lapidum, vel strues lignorum ad indicium viz, adeo ut ne in tenebris quidem facile erreretur. Movent se media nocte, & usque meridiem sequentis diei in agmine sunt. Inter equitandum Rex in medio duorum Bassalarum cum illo colloquentium incedit, quos præcedunt aliquot Jenitserorum ordinis milites in equis, ferentes candelas ardentes: & hoc fit tempore noctis obscuro. Deinde *Tsauslar*, id est, Capitanei, clavas habentes ferreas, undique cuspidatas, pel-

lunt.

lunt homines a conspectu Regis, ad iactum vel cursum sagittæ, ibi *Sulhtarlarum*, id est, stipatorum copia, inter quos currus cinadis pleni, in usum Turcæ, & Procerum. Subsequuntur & præcedunt jam dicti Duces cum maximo milite equitum, & peditum, & diversæ conditionis hominum, alii habentes stipendia, alii quæstus gratia & lucri, masculi tantum, nullas secum ducentes mulieres.

De Vestura Animalium.

DEinde sequitur multitudo camelorum, mulorum, equorum (interdum solent & Elephantres, eorum lingua *Phil* dictos, deducere) portantes victualia, tentoria, & similia militi necessaria. Et ubi figitur tentorium Turcæ, ibi jam singula suo ordine tanquam in urbe parari debent. Ibi locus Sartorum, Pistorum, Macellariorum: alii parant epulas: carniū omnium generum: qui si non potuerint habere carnes recentes, tunc exponunt ea quæ ab animalibus vehuntur; videlicet, panes bis coctos, carnes siccas, *Pastarma* dictas, caseum, lac coagulatum. Sunt enim patientissimi famis, sitis, frigoris. Raro hospitantur in urbibus, sed in agris sub tentoriis, circa scœnilia & rivos, majorem gerentes curam animalium, quam sui ipsorum, parvo & satis vili cibo contenti, videlicet, dicto lacte coagulato aqua temperato, & immisso pane, vel recenti, vel bis cocto, servi pariterque domini. Ibi silentium tempore noctis magnum, adeo ut captivos fugientes negligant, ne clamor excitetur, ob pœnam injunctam: sed quum vadunt cubitum, & quum surgunt ad proficiscendum, omnes alta voce clamant hæc verba, ter repetentes, *Allah Allah Allahu*, id est, O Deus, ter repetitum.

De Iustitia qua exercetur in bello.

Tanta Severitas disciplinæ fit in bello, ut nemo militum ausit aliquid injuste rapere, alioquin sine misericordia puniretur: habentur enim inter eos ordinarii custodes, sive defensores earum rerum quæ in via occurrunt militi, ut pueros octo vel decem annorum portantes venales panes, ova, fructus, avenam, & similia. Tenentur quoque defendere dicti præfecti hortos fructuum circa viam sitos, adeo ut nec ipsi audeant unum pomum, vel huiusmodi simile sine licentia possidentis carpere; alioquin & tales capitis poenam luerent. Quum essem in exercitu Turcæ in expeditione contra Persas, vidi Tspahiam una cum equo & ministro decollari, quod solutus equus arva cuiusdam ingressus fuerat.

De Feste celebrando ob victoriam Turca.

Quam renuntiatum fuerit de victoria, in omnem lætitiâ sese effundunt civitates. Notum autem sub primam facem auspiciantur triumphalem istam festivitatem, funalia, ceræ, redæ, faeces, ubique disponuntur: stragulis, aulæis, vestibus holosericis ædes velantur, & via qua intraturus est Imperator Turcarum. Triumphum autem verum reportat Constantinopolim, ubi continue residet, si non agit bellum in aliquas regiones. Legibus tamen tenetur tribus annis elapsis ipsemet suscipere expeditionem in regiones Christianorum, pro amplificatione regni, vel defensione.

De Venatione eorum.

Nulla natio sub Sole tantum gaudet Venatione, quantum Turcica. Penetrant enim insequendo

sequendo feras loca aspera & montuosa in equis, capientes diversa animalia: & si animal extrinsectum à canibus suffocatum fuerit, illo non vescuntur neque ipsi, sed nec Christiani inhabitantes illas regiones. Et si casu occidunt aprum, dant illum Christianis illarum regionum, quia Musulmanis prohibitum est vesci porcorum carnibus.

De Operariis & Agricola.

Rustici per servos suos agros colunt, qui decimam dependunt suo Imperatori. Opifices vero artibus mechanicis se sustinent. Qui otium colunt, fame contabescunt. Mercaturam quoque strenue exercent. Asiam minorem, quam nunc Natoliam vocant, Arabiam, Ægyptum peragunt, ad Venetos sese conferunt. Balnea in singulis civitatibus habent, ubi solenni more bis vel ter se lavant. Si reddunt urinam, mutonem, sive mentulam lavant. Si ventrem solvunt, podicem abluunt: idem fit à mulieribus, quos sequuntur servi, vas aquæ plenum gestantes, masculum masculus, & foeminam ancilla. Et quum exeunt lavatum, mulieres ungunt se quodam genere unguenti, quod post mediam horam pilos cadere facit: viri ipsimet radunt mutones, nec quovis modo sinunt crescere pilos, sed singulis mensibus bis vel ter ita faciunt, tam masculi quam foemina: & maxime quum templa frequentant, alioquin ignibus (ut violatores sacri loci) traderentur. Habent etiam diversos artifices, ut sartores, sutores, auri, argenti, & omnis generis metalli fabros, similiter carpentarios, pictores, lapicidas; sed non tam subtilis & præstantis ingenii, ut in istis partibus nostris.

De Iustitia apud Cives.

Iudicem omnes habent eundem, tam Christiani quam Turcæ (ex Musulmanis tamen) unum

unum electum, qui ex æquo omnibus jus ministrare tenetur. Si quis occidit, ipse quoque mortem subire debet. Si quis furatur, aut violenter rapiat, suspenditur: Ut contigit Jenitfero cuidam, qui mulierculæ cujusdam portantis in forum venale lac ebiberat, non solvendo pretium; quum accusatus coram Judice negaret factum, pedibus sursum suspensus, chordaque per medium ligatus, lac statim evomuit, atque illico judicio strangulatus. Hoc me præfente in Damasco contigit, quum ex Armenia Hierosolymam proficiscerer. Si aliquis adulterium commiserit, masculus in carcerem conjectus, post aliquot menses pecunia redimitur: & mulier, videlicet adulterata, super asinum vicatim & plateatium ducitur, flagris exditur denudata, & lapidatur viscera bovis in collo habens.

De Agricultura.

TAm Christiani, quam Musulmani, agros, vineas, & pascua colunt, habentes frumentum simile nostrarum regionum, tritici, milii, hordei, avenæ, siliginis, fabarum, & omnium generum legumina: insuper oryzam in abundantia; lini, bombacis, plus quam hæc regiones. Vineta quoque utraque gens possidet, fructu ejus varie utentes. Christiani vinum conficiunt, & Turcæ mel eorum lingua *Pechmez* vocatum, uvas passas quasdam ita medicantur, ut semper & visu & gustu recentes appareant, has *Vsum Turssi* vocant. De fructibus in magna copia habent. Ibi peponum, melonum, cucumerum, suo tempore horti & agri repleti. Ibi nuces, poma, pira, mala punica, nuces castanæ, ficus, cerasa, poma narranza, & alia id genus vili pretio, sed non in omni regno. Sunt etiam loca, ut passim in Cappadecia & Armenia minori, ubi nihil horum (propter validum frigus) possunt habere.

De diversitate Animalium.

HAbent opiliones *Sobantar* appellatos: hi semper in solitudine degunt, & ad pabulum singulis fere mensibus sedes mutant, nullas prorsus domos, vel possessiones præter tentoria & greges armentorum possidentes. sed pascunt camelos, mulos, equos, boves, oves, & hædos: faciunt caseum, butyrum: tondent lanam, inde faciunt penulas *Ghepenech* appellatas, tapetia: ea vendunt, & inde emunt frumentum, ad victum suæ familiæ. Omnes prædicti dependunt decimas Regi Turcarum, de omnibus quolibet anno creatis animalibus. Insuper Christiani sub tributo viventes, coguntur dare tributum, videlicet, de quolibet masculo unum coronatum, &, quod est crudelissimum, etiam filios omnes uxores non habentes, vi abripiunt, singulis quinque annis perlustrantes domos eorum.

De Edificiis domorum.

INædibus non multa magnificentia, pleræque lateritio opere constant, duplici ex materia: sunt enim lateres alii fornacibus, alii sole excocti. Testa cuneatim coeunt, quemadmodum hic; & hoc in tota Europa: sed in Natolia testa plana sunt in modum tabulari, sine ullo fastigio: scyphones, & canales aquæ pluviam demittunt, quæ ad illos per Cylindrum devolvitur.

De Vestimentis eorum.

Cultus illis ex materia lanæ, lini, & serici, satis magnificus. Veste *Chantan* vocata utuntur, stricta, laciniosa, & usque ad talos proluxa: brachias nostras detestantur, ut nimium pudenda exprimentes. Indusia *Gumlech* dicta, sudariola violaceo colo-

colore tingunt. caput illis aggestu pepli in turrim
 edificatur, & in pyramidem turbinatur. & talis pi-
 leus *Tulbent* sive *Salma* eorum lingua vocatur. Mu-
 lieres divitum velata facie incedunt, nunquam a-
 lienis viris vultum aperiunt, nunquam forum
 frequentant. Calceamenta *Babues* vel *Cisime* dicta,
 tam virorum quam mulierum, in solo suppositum
 habent, ut diutius illis uti possint.

De Cibariis illorum.

VTuntur & ipsi quoque non pessimo pane
Echmech dicto, nigro & albo, quemadmodum
 & nostrates: sed illi spargunt quoddam genus se-
 minis *Suffam* vocatum super recentem panem,
 postea coquitur, quod tribuit magnam suavitatem
 manducantibus, quo nusquam utuntur nostri, præ-
 terquam in Hispania passim in quibusdam locis,
 videlicet in regno Granatæ, & circa Siviliam.
 In eduliis illis multiplex ars, & varia conditura:
 cibus vero maxime solennis est, puls ex oryza, ita
 addensata, ut partes inde manibus decerpantur.
 Piscium mira abstinentia. Carnibus omnibus u-
 tuntur præter porcinis. Nullæ ibi tabernæ ho-
 spitiis designatæ, aut publica diversoria, quemad-
 modum apud nostrates; tamen in plateis diversa
 venduntur cibaria, & alia hujusmodi ad victum
 necessaria.

De Potu illorum.

TRiplex illis potus: Primus ex succaro, ab
 illis *Secher* vocato, aut melle diluto aqua;
Tserbeth appellatur is potus. Secundus ex uvis
 passis detractis acinis in aqua decoctis, additur
 deinde aqua rosacea, & aliquantulum veri mel-
 lis; & hic potus *Hoffaph* vocatur, & venditur ubique
 locorum in Turcia, est enim dulcis & inflat ven-
 trem. Tertius fit ex illo defruto *Pechmez*, appella-
 to, quod ex musto factum, speciem mellis præ se
 fert

fert gustu & visu: diluitur enim aqua, & datur servis ad bibendum.

De modo sedendi, & comedendi.

QUum manducandum est, subjiciunt stoeas *Haſſer* vocatas, deinde insternunt tapetia, aut pulvinaria. Alii in nuda humo discumbunt. Mensa illorum *Tſophra* dicta, ex corio fit, & explicatur, & contrahitur, ut marsupium. Non assident nostrorum more, nec discumbunt veterum ritu; ut cubito innitantur, sed decussatim pedibus inter se complicatis more sartorum: antequam cibum sumant oratio præmittitur. Raptim comedunt, & magno silentio: interim omnes uxores in abdito tenent: servi vero post duodecimum annum, non permittuntur domum, ubi mulieres sunt, ingredi, sed infra duodecimum annum pueri ingredientiæ & egredientes deferunt majoribus necessaria, qui in alia domo segregati procul habitant. Captivæ vero non habent licentiam egrediendi foras, nisi cum mulieribus Turcarum quum vadunt in balnea lavatum, vel alio extra urbem recreationis causa in hortos & vineas (quod sæpe facere solent) sed semper in domibus latitantes operantur, nec permittitur illis cum captivis servis conversari.

Salutatio Turcarum, Persarum, & Arabum,
hæc est.

<i>Sellam</i>	<i>aliech</i>	<i>Tſultannum.</i>	<i>Sellam</i>	<i>aliech</i>	<i>Baba.</i>
Pax	tibi	Princeps.	Pax	tibi	Pater.
<i>Sellam</i>		<i>aliech</i>			<i>Ana.</i>
Pax		tibi			Mater, &c.

Ita & alios seriatim secundum dignitatem personæ salutare licebit,

Re-

DIALOGUS.
Responsio eorum.

.373

<i>Alechi</i>	<i>Sellam</i>	<i>Rahmatullah</i>
Et tibi quoque pacem donet misericors Deus.		
<i>Terehyat</i>		<i>iscudignum.</i>
Benedictionem,		amicemi.

Dialogus interrogationum & responsionum Turcæ
cum Christiano. Et primo Turca ad
Christianum hoc modo :

Handa	giderisen	bre Giau ?
Quo	vadis,	O Christiane ?
Responsio Christiani.		

<i>Stambola</i>	<i>giderum</i>	<i>Tsulamm.</i>
Constantinopolim	versus pergo	Princeps.
	Turca.	

<i>Ne issum</i>	<i>var bu memlekerten ?</i>	
Quid negotii habes in	his regionibus ?	
Christianus.		

<i>Bezergenlik</i>	<i>ederum,</i>	<i>Affendi.</i>
Mercaturam	exerceo,	Domine.
vel, <i>Muslahatom</i>	<i>var</i>	<i>anadolda,</i>
Mihi negotium	est in	Asia,
	Turca.	

<i>Ne</i>	<i>habar</i>	<i>scizum</i>
Quid novi fertur in vestris	partibus ?	
Christianus.		

<i>Hits</i>	<i>nefte</i>	<i>bulmezom</i>
Nescio quid novi scire cupis, ut dicam tibi.		<i>tsaa dimoge.</i>
	Turca.	

<i>Gioldastum</i>	<i>varmi</i>	<i>tsennumle ?</i>
Estne	tibi	comes ?
Christianus.		

<i>Iochs</i>	<i>Lalannz</i>	<i>gheldum.</i>
Non,	sed solus	veni.

Turca.

Benumle	<i>gelutmitsun ?</i>	
Mecum	placet ne venire ?	
	O	Christi.

Christianus.

Arachmider *isenum* *iataghom?*
 Estne procul tuum hospitium?
 Turca.

Iachender *bundan* *gustereim* *tsaa.*
 Prope est, hinc ostendam tibi.

Christianus.

Gel *ghusterivere* *Allaha* *tsereverson.*
 Veni, ostende. si Deum amas.

Turca.

Kalch *iocbari* *tnr* *bonda.*
 Erige te sursum, sta hic.

Christianus.

Hangni *daraftan* *der* *bilmezum.*
 In qua parte est, nescio.

Turca.

Tsag *eline* *bacha* *ghun* *dogutfine.*
 Ad dexteram respice ad orientem.

Christianus.

Bir *huch* *ew* *atsarghibi*
 Una alta domus tanquam castellum
gurunur. *omider?*
 apparet, illud ne est?

Turca.

Gerselsson *oder,* *iaken* *degihlmi?*
 Verus es, illud est, prope nonne est?

VALEDICTIO.

Christianus.

Allaha *tsmarladoch* *tseni.* *Ben* *oraa* *getmezom.*
 Deo commendo te. Ego illac non ibo.

Turca.

Bre *nedem* *korkartsom?* *niscie* *gelmesom?*
 He, quem times? quare non venis?

Christianus.

Benum *iolum* *oraa* *deghalder.*
 Meum iter illac non est.
 Turca.

Turca.

Vargenb tsagloga eier ghelmefon.
I bonis avibus, si non vis venire.

Christianus.

Gegsien hair olson.
Nox fausta tibi fit.

Turca.

Agbate hair olson. Ben kurtuldam tsch succur Allaha.
Et tibi felicior. Ego liberatus sum, sūma laus Deo.

DOMINICA ORATIO

Lingua Turcica.

Bahamoz, hanghe gugtesson chuduff olsmn ssenungh,
Pater noster qui es in cœlis, sâctificetur nomē tuū,
adungelsson ssenung memlechetun, olssum ssenungh
adveniat, regnum tuum, fiat voluntas
issiedgunh nycse gugthe vle gynde.
tua sicut, in cœlo & in terra.
Echamegumozs hergunon vere bize bugun,
Panem nostrum quotidianum da nobis hodie,
hem bassa byze borligomozs, nycse
& dimitte nobis debita nostra, sicut
biz de baslaraz, borsetigleremozs.
& nos dimittimus debitoribus nostris.
kem yedma byzegebeneme, de
Et ne nos inducas in tentationem, sed
cburtule bizy iaramazdan,
libera nos nos à malo,
Amen.
Amen.

Hæc pauca Turcicæ linguæ vocabula tibi, non
necessitatis, sed delectationis gratia, generose le-
ctor, adjunxi: ut scias quam sint crassa atque bar-
bara. Faxit Deus Opt. Max. ut illis nostra magis,
quam nobis eorum, sint necessaria. Vale.

AVGERII GISLENI
BUSBEQUII,
CÆSARIS APUD REGEM
GALLORUM LEGATI,
EPISTOLÆ
AD RUDOLPHUM II.
IMPERATOREM.

*E Bibliotheca Io. Bapt. Honratii I. C. Patricii
Bruxellensis.*

Anno CLD. ID. LXXXII. & sequentibus, Parisiis
scriptæ.

EPISTOLA I.

Ter, quod mihi secundo Christianissimæ
Reginæ, Cæsareæ Majestatis Vestræ
sororis, negotiorum causa instruen-
dum fuit Blæsum, fecit, ut esset lon-
gius litterarum mearum intervallum; quod spe-
ratem me rebus confectis aut certe infectis, de die
in diem dimissum iri. Quod cum non fieret, ne-
que tamē negotia illa deferere possem, quod magna
Reginæ res ageretur, tandem rationem ineundam
dixi, ut hinc litteras darem; sicuti facio. Quo
tempore sum ad Regem admissus, ut agerem de
quibus dixi negotiis, eodem tempore reddidi C. M.
V. litteras, pauca præfatus; nimirum C. M. V. bo-
nis auctoribus certiorē esse factam, convenisse
illum cum fratre in expeditione Belgica, cui rei
M. V. fidem non adhibere. Quod si tamen ita esset,
neque M. V. neque Imperii Electores, quorum
tantopere interesset, id posse tolerare; quemadmo-
dum amplius cogniturus esset ex ipsis C. M. V. lit-
teris. Ad quæ Rex respondit, sibi cum fratre in
rebus Belgicis nihil esse commune: cui rei argu-
mento esse, quod, si se frater adiutorem habuisset,
longe nuper in Belgio majorem ruinam daturus
fuerit. Eum non multum uti suis consiliis, atque
etiam in præsens majorem strepitum edere, quam
stragem: imo si quod sit incommodum, in se su-
osque subditos redundare, qui jam per multos
menses, intactis Belgii colonis, à fratris militibus
vexentur & diripiantur. Visurum se, quid C. M.
V. scribat, daturumque responsum. Ne pluribus
aut asperius agerem, retinuit me, quod Reginæ in-
ter sit, ne me his temere invisum aut odiosum red-
dam. Id responsum C. M. V. cum his litteris ac-
cipiet, xxv. Martii, CIO. IIO. LXXXII.

Epistola 2.

DVbium esse desit, Auriacum vivere & valere. Sed vixit uxor, lateris dolore absumpta. Præne Auriaco exitio fuit venæ maxillaris ruptio, ex qua tantum fluxit sanguinis, ut pro conclamato haberetur, neque sistendi via reperiretur. quod ille per triginta sex horas continuavit, suffectisramen subinde aliis, qui manu cubitum illi fulcirent, alioquin labori futurum imparem. Regina Angliæ bonam pecuniæ summam suppeditasse dicitur Alenzonio, nimirum trecenta coronatorum millia. Ad Belgas quoque, si se sub ditionem ejus submiserint, latum ferunt, ut quintam partem omnium bonorum suorum in belli imminenti sumptus contribuant. Quod si perfertur, ea erit haud contemnenda summa, alendo aliquandiu bello suppeditura. Audenarda obsidetur à Principe Parmensi, ejusque muri admotis, tormentis quatiuntur; sed qui sunt intrus propugnatores monuisse dicuntur Alenzonium, ne quid eorum causa ante duos menses metuendum putet. Interea Alostum interceptum manet in potestate Alenzonii, quod quidem multas & magnas commoditates adferebat Parmensi. In eo cæsi sunt aliquot boni milites, qui fortiter pugnando mortem optetere maluerunt, quam turpiter se dedere. Non absunt procul Cameraco equites Germani mille, ut fertur, & quingenti, ab Alenzonio mercede conducti: quos sequentur alii. iis se bene multi Galli conjungunt, præter eos, qui jam frequentes sunt in Belgio. Videtur id Alenzonio propositum, ut vastandis ferro flammaque Hannoniorum aut Arthesiorum finibus, Parmensem ab Audenardæ obsidione revocet. Audio eundem Alenzonium misisse in Italiam, qui conducerent equites instar Epiorum. xxx. Maii. clj. lð. lxxxii.

Epistola

Epistola 3.

Ferret bellum. Parmensis facto expugnationis Audenardæ periculo, cum nihil egisset, totam noctem insequentem tormentis intonuit, neque mœnia percutere destitit, quo deterreret oppidanos à reparanda murorum strage. Ab eo tempore nihil est allatum, sed difficilem fore expugnationem conjiciunt, præsertim ingruentibus Alenzonii auxiliis, quæ jam ubi Atrebatum ita appropinquant, ut vix duo miliaria absint. quæ si nihil aliud agant, quam ut maturas fruges exurant, sane damnum erit & ei civitati, tum reliquis, quæ eundem casum subibunt, non ferendum. xxvi. Aprilis, clō. lō. LXXXII.

Epistola 4.

Allatum est, Audenardenses ter frustra oppugnatos, tolerabilibus conditionibus se dedisse Parmensi. Contra aiunt Bouchsinum, munitissimum oppidulum Hannoniæ, Cameraco propinquum, proditione ejus, cujus custodiæ Parmensis commiserat, venisse in potestatem Alenzonii. Alenzonius magnum se Catholicorum propugnatorem præfert, quibus templa multis locis restituenda curat. Ex quo nonnulli non fore diuturnum in iis regionibus ejus Imperium arbitrantur, quod dissimilium non sit fida societas. Connivere quidem Catholicorum adversarios præsentis ruinæ metu; sed ubi periculum præterierit, in promptu fore mutationes. Optimam postremo partem exuviarum laturum Auriacum, Hollandiæ & Zelandiæ quietam possessionem. xii. Junii clō. lō. LXXXII.

Epistola 5.

Rex profectus est Lugdunum; qua de causâ, incertum. Desiderium ejus, relinquendæ ex se virilis sexus proles, religioq; (quapropter. Divorum

aras frequentat, apud quos vota valere veteres fama receptum est, credibile fecit eo profectum, ut alicujus Divi, miraculis clari, in eo itinere delubrum viseret, vota que nuncuparet, si sibi proles mascula nasceretur. Qua in peregrinatione amplius duos menses aberit. Interim summa Regni permissa est matri, cui per hanc occasionem magna Alenzonio gratificandi, auxiliisque, quibus valer, juvandi potestas erit. IV. Julii, C. D. D. LXXXII.

Epistola 6.

TAndem dubitari desitum est de clade ad Terezas accepta, postquam litteris ex Hispania allatis eadem affirmata sunt, nisi quod nonnulla paulo secius referuntur. Inter cetera Strossium, & eum quem Don Antonii Connestabilem vocant, in potestatem hostium venisse, sed ita vulneribus gravatos, ut paulo post expirarent. Galli interpretantur veneno in vulnera injecto mortis quæsitam celeritatem. Nobiles ad quadraginta pro piratis, quod nullum à Rege mandatum ostendere possent quo eis hæc expeditio imperaretur, capite truncatos; gregarios milites ad trecentos eadem de causa suspendio necatos. Atque hanc victoriam, alterius tardiorque navigatione solius classis Lisbonâ profectæ fuisse memorant. Cujus tantæ felicitatis causam adferunt magnitudinem navium, & vim bombardarum. Quibus quidem rebus isti ad magnam vindictæ cupiditatē exarserunt, adeo exacerbatis animis, ut diu homini Hispano in Gallia obversari tutum futurum non putem, ipsique, conduplicata ad bellum voluntate, in Belgium ruant; ulturi hunc casum, an eundem subituri, Deus novit. Magnum certe ex omni parte militum numerum in Belgium influere constat, maximumque jam habiturum Alenzonium exercitum. Cujus ductores sunt Princeps Delphinus, Rochefocaldus, Lavalus Dandelotti filius. Dux vetus, & multorum bellorum usuperitus

periculis requiritur; quem tamen suo tempore non putant defuturum, utpote Bironem, quem ab Alenzone postulat, nec à Rege concessum, alias scripsi. Eam arbitrantur, ubi tempus postulabit, hinc clam per Regis absentiam, ita imperante Regina seniore, ad Alenzonium transvolaturum, quinimo idem facturas regias aliquot equitum turmas, quæ in extremis contra Belgium finibus stativa habent: ut nuper factum est, cum Alenzone deductus fuit Cameracum. Ante Gandavi portas, procurantibus utrinque levis armaturæ militibus, tumultuaria aliquot prælia inter, cum adesset cum toto exercitu Parmensis, & Alenzone spectaret ex incenibus. Inde cæsis ex utraque parte aliquot, pari fere certaminis eventu discessum. Alenzone cum suis Antuerpiam se reculit. Qui sunt Liræ in præsidio, ad Divi Bernardi Monasterium munimentum quoddam insiigerunt, magno incommodo futurum Antuerpiensibus, si perficiatur. Id ne fiat, credibile est omnibus viribus repugnaturum Alenzone. E Scotia quoque res turbatæ nunciantur, casum Regni Gubernatorem, Obenignium obsideri, Regulum ipsam in custodiam datum, atque hæc omnia nomine Statuum fieri. His deinde admiscetur fabula, ei Regulo filiarum alterius nuptias pollicitura Hispaniarum Regem, modo Regine Angliæ moveret bellum. Quæ se offensum Sabaudum avertisse animum ab amicitia ejus Regis, totumque ad Gallos transulisse, eoque de causa ducturum uxorem, Regis Navarre sororem. Videbit C. M. V. ex adjuncto libello, nescio cujus conspirationis in Alenzone & Auriacum indicia; extra quem libellum nihil habeo quod dicam, nisi Salcedum illum, cujus in libello fit mentio, captivum hic teneri. Quo eventum, conjectura consequi non possum, nisi quod in Regis adventum eum reservari suspicor. Rex Lugdano se accepit ad uxorem, ad balneas Borbonicas. xv. Augusti, cl. Id. lxxxix.

Epistola 7.

ET itineri & incæptis copiarum Alenzonii occurrit Parmensis, castris ad urbem Atrebatensem positus. Illæ defleunt Caletum, ut quo itinere terrestri prohibentur, mari perveniant, & navibus trajiciant ad Alenzonium; qui quidem exercitum, quem jam habuit in Belgio, in varia præsidia partitus est. Itaque alios collocavit Bruxellæ, alios Mechliniæ, alios Vilvordix, quosdam etiam in Geldria & in Frisia. Orator Hispanus unum miserat de suis cum litteris ad Parmensem, sed is mox à prima posta incidit in nescio quos equites, qui litteras quidem ei ademerunt, ipsum vero, quod Belga esset, incolumem dimiserunt, cum hac comminatione, non fuisse sic discessurum, sed suorum consanguineorum manibus ad Terzeras matatorum morte pœnas daturum, si fuisset Hispanus. XII. Septembris c10. 10. LXXXII.

Epistola 8.

Non fefellit eos conjectura, qui Marschallum Bironium maturo tempore in castra Alenzonii concessurum suspicati sunt. Belgio Gallix, quam Picardiam vocant, Rex eum præfecit, ut videret, ne quid in ea parte detrimenti caperetur, & quod facto opus esset provideret. Cujus imperio jussi sunt ejus oræ præfecti dicto audientes esse. Magna cum expectatione profectus est; habetur enim, si quis hodie in Gallia, belli inprimis sciens, ut qui multos annos militiam per omnes gradus ordinesque exercuit. Pars una Alenzonii exercitus ad eum in Brabantiam trajecit; altera, & quidem multo major, est apud Bironium. His accedit equitatus omnis Regni, quem vicinis locis per speciem præsidii commorari solitum scripsi. Nihilominus equitum amplius postulavit; nam peditatu se quidem inferiorem nihilo Parmensi putat, equitatu vero minime parem judicat. Itaque septem

septem aut octo turmæ equitum eo destinantur. Interea Peronam & Sanctum Quintinum, præsidiiis impositis, adversus omnem hostilem impetum firmavit. Nam Parmensis non obscure denunciare solet, si quam in partem suorum finium Galli faciant eruptionem, se continuo ad Sanctum Quintinum oppugnandum ducturum. sic ei rei provisum. Parmensi una fames videtur metuenda, præcipue excluso mari, prohibito Galliarum comœatu. Multa sunt, quæ Regem arguant fraternis consiliis indies fieri æquiores. Nuper hic nec opinato datum quibusdam negotium, ut libros ratiocinarios, Italorum præsertim, inspicerent, si quæ pecuniæ ad Parmensem transmissæ deprehenderentur. Iussu deinde ex Gallia duo migrare, Capellius quidam Mediolanensis, & Calvy Genuensis, magnis indicibus uterque suspectus navaræ Regi Catholico in transportandis in Belgium pecuniis operæ. Apud quendam deprehensa sunt deposita ab Hispano decem & octo aureorum Italico-
rum millia. ea fisco vindicata, quod hic alterius, nisi Regiæ, aut certe Hispanicæ notæ monetam habere edito prohibitum sit, sed eam necesse sit ad Collybistam Regium deferre, ut cum gravi jactura permutteretur. quo ex auro Rex novos nummos sui signi conflaret. Ita non modo cautum, ne hinc ullum adversariis Alenzonii famis subsidium pateat, omni comœatus exportatione gravissime interdicta; verumetiam id agi videtur, ne commercio deinceps locus sit, itineribus omni ex parte iis qui adhuc Regis Catholici imperio parent interceptis, & sic infestis, ut nemo hac transire possit, quin spoliatur aut intercipiatur. Cujus rei nulla querela est, quod latrocinio imputetur. Postis quidem, quos vocant, liber & apertus hactenus fuit in Hispaniam transitus; sed nunc tabellario illuc festinanti negata equorum copia. nisi datis prædibus caveat, se nullas nisi mercatorum litteras ferre: qua difficultate injecta ille hic retinetur.

Cladis

Cladis ad Terzeras acceptæ adeo non pœnitet, ut instituendæ novæ classis, & quidem multo majoris quam fuit superior, cui Princeps aliquis præsit, consilium caprum sit. Itaque selectæ naves, quas nunc ornare incipiunt, ut proximo vere ad expeditionem paratæ sint. sed dies multa mutat. Delphini Principis pater Monpenseriæ ætatis exactæ discessit è vivis. ea de causa filium posthac vocabo Monpenserium; nam is nihilominus cœptum iter in Belgium prosequitur. Salcedus ille, de quo alias in litteris meis attigi, graves dedit pœnas; haud scio cujus criminis, nisi quod enorme fuisse oportet, cui tanta supplicii acerbitas conveniret. Quod unum in tota Romana historia reperitur, quo Suffetium Hostilius affecit. An in caput Alençonii conjuraverit, an in Regis, an in utriusque, mihi non constat. Damnatu fuit, ut à quatuor equis discerperetur. Cum primum equi trahere cœpissent, dixit etiam esse quædam, quæ vellet indicata. cum ea per tabellionem essent excepta, laxari sibi dextræ manus vincula postulavit, quo facto adscripsit quædam, aut certe subscripsit. Manu vinculis denuo adstricta, cum equi bis in diversum acti traxissent, & non distraxissent Regem, qui una cum matre & uxore de fenestra despectabat, inclamavit, ut in se uteretur clementia. Tum ei fracta gula, caputque à cervicibus ablatum, & evulsum cor; reliquum corpus distraxerunt equi. Caput missum Antuerpiam, cum hoc mandato, ut in eminentissimo urbis loco figeretur. Hic fuit finis hominis, audaciæ & improbitatis prodigiøsæ. Adulterinos nummos cuderat, quibus cum prædium emisset, fraude detecta venditor. Majestatis accusato Salcedo, villam suam recuperat. ille, ne oleo fervente, ut mos est, extingueretur, fuga sibi providit, ignem tamen in eam villam noctu conjiciendum curavit; parumque absuit, quin dominus una cum domo combureretur. Quo nomine cum Rex, qui aliquoties accessit ad locum ubi custodiebatur.

batur, eum increparet, quod hominem, cui prius nummis improbis imposuisset, tali morte affectum voluisset; Nimirum, inquit Salcedus, ille me elixatum voluerat, ego illum assandum curaveram. Ingenium hominis! cui ne in tanto quidem casu jocis abstinendum videbatur. Vereor ne hujus indicio Comitris Egmondani frater periculosa suspicione implicatus hæreat. I. Octob. CLO. IO, LXXXII.

Epistola 9.

Bironius constitit ad Somam fluvium, super cujus ripas habet castra. Sunt qui putant aliquamdiu ibi mansurum, speculantem quæ futura sint Parmensis consilia, qualis exitus; cujus quidem exercitus cum fame, cum peste vehementer indies extenuari dicitur. Cursor ille Belga, quem hic retineri dixi, postquam per homines idoneos cavit, aliorum nullas, quam mercatorum, litteras se ferre, in Hispaniam dimissus est. Orator Hispanus motus, quod Salcedi caput Antuerpiam missum erat, ut tanquam jussu Regis in loco altissimo spectandum proponeretur, apud Regem testatus est, nullum ei Antuerpiæ imperium esse. Rex ad rem inexpectatam non habuit quod responderet, nisi se fratri misisse, ut eo faceret, quod videretur; ut hic dicunt, *Qu'il en fît des petits pasteurs, s'il vouloit*. Abire dicunt Schombergium in Germaniam; an ut militem conducatur, nescio. His diebus venit nuncius è Gallia Narbonensi. aliquot nobiles Italos ex Hispania redeuntes ab Hugonottis in mari exceptos retulit, ductosque in oppidum Ayguesmortes, inter quos suspicantur unum esse de fratribus Marchionis Pescariensis; sed tamen certum non scitur, quod noluerint nomina sua profiteri. Quicumque erunt, si sunt alicujus loci, non facile extricabunt, antequam Novus in libertatem restitatur. Rex de novo peregrinatur, suscepto in Divam Virginem latit

tiz præsidem itinere (*noſtre Dame de Lieſſe* vocant) in finibus Campaniæ, qua Picardiæ jungitur, ut Ixtitiz, ſi vera eſt conjectura, ex nata ſibi prole, fiat compos. Aiunt Regem dediſſe negotium Bironibus, ut quinquaginta triremes ædificent. ſunt & alia indicia futuræ classi. xxv. Novemb. c15. 15. LXXXII.

Epistoſa 10.

Aiunt à Rege decreta eſſe Alenzonio in ſumptum ſingulis menſibus quinquaginta millia aureorum, cui tamen præter id ſubinde aliquid muneris extraordinarii miſſiretur. Nemo eſt jam amplius qui dubitet quin Monpenſerius & Bironius ad Alenzonium tranſierint, factò ſupra Brugas per oram maris itinere. hos ſibi latum putant Alenzonium, hunc rei bellicæ præfectum, illum Gubernatorem & rerum civilium Præſidem; ipſum vero trajecturum in Angliam, unde communicatis cum Regina conſiliis huc ſe recepturus ſit, ut conveniat fratrem. Nunc cum maxime magno omnium aſſenſu rationes repetere ab iis dicitur, qui bona Eccleſiaſtica tractarunt, quos ſuſpectant multa domum, & in rē ſuam avertiſſe. Bironius non magnas, ſed ſelectas copias ſecum duxit, Regio equitatu conſinium Gallicorum cuſtodiz relicto, remiſſiſque omnibus, quorum aut res, aut animi diuturnioris belli moræ non videbantur ſuffecturi, aut quorum licentia populis illis tolerabilis futura non erat. Intra mille equites, & peditum octo millia duxiſſe exiſtimatur. Qui tamen hoc leve malum putat, meo iudicio non leviter fallitur. Magnas paulatim radices agit, quibus extirpandis multum futurum ſit negotiū; cum & haud ſcio an pariter longius & propinquius ex æquo metuendum. Sunt qui aſſerunt copias Parmēſis morbo & fame afflicti, præſertim Italicas recentes, talibus hibernis ſolibus nondum aſſuetas. Recepit Parmenſis, antequam ſe in Brabantiam

Brabantiam converteret, oppidum Cambresium-
Is nunc arcta obsidione dicitur premere Diesthe-
miam, Principis Auriaci ditionis oppidum; quo
sine dubio potietur, nisi subito subventum sit. Quo
facto gradu Bruxellam putant tentaturum. Ad-
sunt hic frequentes Helvetiorum Legati omnium
fere pagorum, ut fœdus cum hoc Rege renovent,
mutuoque jurejurando firment. Agitur ea res
magna celebritate & lætitia; atque illi solennibus
epulis magnificisque conviviis quotidie accipiun-
tur, modo Regis, modo civitatis Lutetiz, modo
Guisianorum, reliquorumque aulæ Principum,
Quibus transactis, donatisque singulis magnis
torquibus aureis, dimittentur. Fama est Regem &
Lotharingæ Ducem eodem tempore huc ventu-
ros. Recentes redierunt ab insulis Terzeris Galli
quidam, qui nunciant salva ibi omnia, nec ullius
rei inopiam esse, præterquam vestimentorum, quæ
jam magno studio illuc mittuntur; nam cum bona
pars cum militum, tum navium Gallicarum, pro-
fligato Strossio, eo se recepit, interim fama novæ
expeditionis non intermittit. Hic Rex dimissis in
omnes regni sui provincias primariis & illustri-
bus viris, per speciem corrigendorum si quæ secus
administrata sunt, audiendarumque omnium que-
rimoniarum, id agit, ut magno tributo eas denuo
oneret; sed non videtur satis facile experiri. Quid
tamen futurum sit affirmare non auctum; neque
enim, quod sæpe Rex voluit, adsequutus est. xv.
Decemb. cId. Id. LXXXII.

Epistola II.

HAud scio an operæpretium sit referre, quod
nuper accidit Antuerpiæ. Erat in cubiculo A-
lenzonii Sanctus Lucas. Is cum gratia Regis
excidisset, sectam deinde Alenzonii sequutum
esse scripsi, ni fallor, alias. Eo præsentē alius, ne-
scio quis, nobilis aliquid dixit, quod ille dictum
nollet, & in suâ contumeliam acciperet. Itaq; illi
statim

statim os manu percussit, coram & inspectante Alenzone. Id Princeps Auriacus, qui aderat, tulit indigne, neque adeo iram tenuit, quin Alenzone diceret, tam indignum facinus non debere esse impunitum, neque fuisse laturum Imperatorem Carolum, cum viveret, sed severissime in auctorem vindicaturum, ejusque tandem dignitatis aut fastigii fuisset, Inviolata & sacrosancta esse debere cubicula Principum, in quibus nulli sit injurix locus. Ad ea hinc fere verbis S. Lucas; Ain' vero? Carolum mihi narras? qui si viveret, & bona, & caput habere desisses, quo dicto se proripuit, omnesque vetoris audacie admiratione defixos reliquit. XVIII. Decem. CLO. IO. LXXXII.

Epistola 12.

Dimissi hinc ab Helvetiis Legati, singuli quingentorum aureorum torque prius donati. Viginti sex fuerunt, quibus hic honor habitus. Separatim tamen legationis principes aliis muneribus cumulati, argenti, supellectilis, aliarumque rerum. Oratio, quam Rex in eorum discessu habuit, cum his litteris conjuncta est. Leges, quibus id foedus renovatum est, habere non potui, tamen in eo adlaboraverim: isti videntur nolle vulgari. Sic jam Regi de peditatu provisum est. equitatum sibi abunde esse in Regno suo arbitrat. Restat pecunia, quæ eudirures, quæ nuper scripsi, ratione; quæ etsi hætenus parum profectum est, provinciis omnibus aures ad hujusmodi postulata parum præbentibus, tamen sic adhuc insudatur, ut quid futurum sic affirmare non audeam. Don Antonius cum aliquot navibus huc se retulit. An quod ad Terzeras sibi parum tutus videretur; an quod suam præsentiam adhortationemque non parum momenti ad novam expeditionem habituram putaret, mihi incertum. Venit certe, & jam sæpius ad secretum Reginae collo-

colloquium admissus est. Hospitium ei datum proximum ædibus, quas nova Regina construxit, quo sæpe secedere solet. Is Don Antonius diebus proximis Dieppam profectus est, ut præsens maritimum apparatus urgeat, alioquin desiderio suo remissiorem. Dici non potest, quam sint omnium istorum adversus Hispanos exulcerati animi, quantaque belli cupiditate teneantur. Liber sub prælo esse dicitur, quo jus, quo sibi Regina senior Lusitanæ Regnum vindicat, prolixè exponitur. Auriacus cum febre periculosa laboraret, ex qua convalescere dicitur, pro ejus salute non modo per Belgium, verum hic quoque Ecclesiæ quæ se repurgat Religionis nomine venditant, preces publice habuere. Parmensis Dietsam, atque alia pleraque non nobilissima loca in ditionem recepit; ex quo ita Bruxellæ imminet, ut non sit extra periculum, nisi fortasse Bironii hostis non contemnendi cum copiis adventus aliquid muret. Quem quidem in Campaniam iturum aiunt, ut loca quædam Parmensis consilii valde necessaria expugnet. Alenzonius ab Antuerpiensibus obtinuit, ut trecentis nobilibus Gallis hospitia in ea urbe designarentur. Diem obiisse Ducem Albanum ex Hispania allatum dicunt. Præsidium quod est Cambrii equitatu validum, magnam adfert Gallis qui sunt Cameraci molestiam, omnem eam regionem suo discursu infestans. Multos Dunquerkæ cives præsidium Gallicum interfecit, cum illi adversus ejus insolentiam arma cepissent. Turbæ Colonienfes hic sunt in omnium sermone. Post hunc qualemcumque fumum magnum incendium expectandum. Venit huc Dux Lotharingæ cum duobus filiis, incertum qua de causa. Vulgo ferunt, ut filiam Duci Sabaudia despondeat, filio vero maximo natu uxorem petat Regis Navarræ sororem. Cæsaream Majest. Vestram Deus Opt. Max. in hunc annum & alios quamplurimos sua ope auctam & conservatam velit. Cui ego
mo,

me, negotiumque librorum Græcorum, quod jam
tot annis pendet, humillime commendo. XVI. Ian.
CLD. ID. LXXXIII.

Epistola 13.

PER quam foedæ sunt hic tempestates, solis jam
per multos menses Austris aeris imperium
obtinentibus, & per continentes pluvias & pro-
cellas defævientibus ad hæc intempestivo & pesti-
fero tempore obnoxiam morbis æstatem porten-
dentibus. Flumina ripas supergressa longe lateque
campos inundant. Sic madent agri, atque ita con-
tinua illuvie diluuntur, ut corrumpantur sata,
cultoribusque exigua spes bonæ messis relinqua-
tur. ex quo non modo futura gravior annona ti-
metur, verum jam sentitur, aucto pro dimidia
parte frumenti pretio. Huc accedunt crebra pene
ob oculos naufragia inter trajectum in Angliam
vel in Zelandiam. Certe totum littus Aquitanicum
tabulis, malis, antennis, gubernaculis, aliisque na-
vium spoliis, quæ maris furor expurgavit, refertum
memorant; ut non temere qui sidera speculantur,
etiam si nihil aliud sit, hunc magnæ conjunctionis
annum mortalibus formidolosum prædixerint.
XIX. Ianuarii, CLD. ID. LXXXIII.

Epistola 14.

NUNCII proxime ex Anglia, deinde ex Braban-
tia huc allati, mirum in modum Regnam &
totam civitatem perturbarunt. Ii significabant
magis quam declarabant, orto inter Gallos &
cives Antuerpienses dissidio, ad internecionem
Gallos cæsos. Curas ingeminabat Alenzonius;
à quo cum nullæ essent litteræ, de ejus incolumi-
tate dubitabatur. Sic aliquot dies abierunt.
demum alii super alios nuncii venerunt, qui rem
quemadmodum gesta erat, retulerunt; non ita
tamen plane, quin multa desiderentur; neque
omnes

omnes uno modo. Dicam quæ intellexi, & quæ mihi ad rei fidem propius accedere videntur. Quæ nondum novi, supplebo postea; & quæ perperam mihi narrata sunt, corrigam. Videor mihi meminisse ad C.M.V. scribere. Alenzonio esse in animo facto per Angliam itinere, huc venire, ut Regem viseret, & , ut est credibile, de rebus & toto statu Belgii cum eo communicaret; interea vero qui suas vices obirent, relicturum Monpensierum & Bironium. Cum is ergo cum Bironio ageret, ut eam conditionem susciperet, cœpit tergiversari & recusare Bironius; quod diceret sibi negotium futurum cum gente inquieta & turbulenta; neque tamen habere quo se reciperet, si quid durius incidisset: non posse prohiberi tam frequentem Gallicam nobilitatem, quin aliquando perulantius aliquid aut contumeliosius in cives admitteret; ex quo cives statim ad arma concursuri essent, atque omnibus perniciem intenteraturi. Adversus hoc commodissimum fore, si quem locum Galli in sua potestate haberent, quo se reciperent, uti tui essent ab omni concitatione atque impetu populi. Ad eam rem sibi opportunissimam videri arcem, quæ minimo negotio resecta, & valido firmata præsidio receptaculum præbitura esset. Esse jam in urbe magnam Gallorum frequentiam, cum nobilium, tum aliorum; à quibus nullo negotio occupari posset. nec fore difficile potiri unius poræ civitatis, perque eam, tam propinquo exercitu suo, quantumvis copiarum in urbem introducere. Habere Alenzonium, ne tumultui interfit, magnam urbe egrediendi causam, ut exeritum inspiciat quem ipse adduxerit: nec in reliquis ullam fore difficultatem, si modo Alenzonio, & nobilitati quæ præsens sit, hæc sententia placeat. Major nobilitatis pars licentiæ assueta in eam sententiam, quæ ipsi patrocina-retur, facile discessit; integriorem traxit verecundia, ne tanto negotio metu se subtrahere videretur. Subscripsit
postremo

postremo omnium votis Alenzonius. Postridie iturus in castra porta egreditur. Sed multi ex ejus custodia, notæ audaciæ homines, ad eā rem delecti, in pōte, qui trans fossā in agros ducit, consistunt neque Alenzonium sequuntur. Cives qui erant in ejus pontis & portæ custodia, Gallos monent, ut pontem liberent, vel Dominum sequantur, vel in urbem redeant. illi obaudiunt, & nihilominus in ponte remanent. sed durius deinceps à civibus appellati, ipsi quoque non minus ferociter respondent. sic à verbis ad manus ventum. Galli, qui pīxidarii erant omnes, & ad cogitatum facinus veniebant, facile civium alios vulnerant, alios occidunt, alios propellunt, atque ita ponte & porta potiuntur. His adjungunt se alii, cum pedites, tum equites, qui ex Alenzonii comitatu vicinis locis ex composito subsisterant, unaque omnes facto agmine in urbem irrumpunt. Ad quem tumultum excitati cives, qui in moenibus stationem habebant, occurrunt ab utraque parte portæ, in viam se demittunt, & cum Gallis, qui ad portæ custodiam remanserant, pugnam ineunt: ejus is fuit exitus, ut facti superiores, portam, quod unum adnitebantur, clauderent. Aiunt Alenzonium mox recurrisse, & petiisse ut in urbem intromitteretur, sed ei non alia quam bombardarum voce responsum. Interea Galli per urbem discurrent, & quamvis ex omni parte convenientes contra se civium copias vident, tamen non se deserunt, neque de victoria desperant. sumpta ab usu armorum contra rudes & imbelles cives fiducia. Alii ad arcem gradum inferunt; alii de arce parum solliciti domos civium invadunt, ut eas diripiant; qui paulo post omnes, exceptis paucis, impressioni civium impares, temerarii incepti morte poenas luerunt. Ferunt Reginam senio-rem, cum hæc audiret, in lachrymas, & in has voces prorupisse; Utinam, Alenzoni, ante multos annos extinctus esses, quam tua causa tantum nobi-

nobilitatis interiret, tantumque Regno Galliarum turbarum & molestiarum crearetur. Quinetiam ipsum Regni Statum in dubium vocas, qui cum sis Regni hæres, eo te dimiseris, unde nisi magna molitione & periculo te recipere non possis. Aiunt Guisium Reginarum operam suam in reducendo obtulisse, ut sibi dentur tria millia Gallorum equorum, se Alenzonium undecunque repetiturum, & domum reducturum. Itaque ad eum sit nobilitatis concursus, omniaque armorum apparatu perstreperunt; sed eo rem venturam non credo. Hoc Bironii consilio, si modo ipsius consilium fuit, valde adfirmabitur eorum opinio, qui ipsum strenuum quidem & bene belli peritum Ducem, ceteroquin hominem parum prudentem judicare soliti sunt. Alenzonius Antuerpia exclusus ad cœnobium D. Bernardi cum exercitu pernoctavit. Illic missi sunt ei ab Antuerpiensibus ejus Officiales, sive ministri domestici, ad quos nihil illæ turbæ pertinere videbantur, & qui se domi continuerant. Nihil vero prius fuit Alenzonio, quam ut Scaldim transmitteret, ne si tempus interpositum esset, major trajiciendi difficultas oboriretur. Itaque tota ea nocte in ea laborarunt Helvetii, ut illi pontem manibus struerent. Quo opere perfecto, ille trajecit ex Brabantia in Flandriam, venitque Teneramundam, ubi etiamnum esse existimatur. Iam vero venit in quæstionem, quid ei faciendum sit, an huc revertendum cum exercitu, cura rerum Belgicarum penitus abjecta, an in gratiam cum Antuerpiensibus redeundum; quod quemadmodum fieri possit, fide de medio sublata, non perspicio. Sed egregii sunt, ubi animum intenderunt Galli. Hæc sunt, quæ de multis selecta ad Cæsaream M. V. perscribi haud alienum duxi. Dies & certiora, & plura adferet. In hac Tragœdia etiam M. V. & Archiduci Ernesto suæ partes, suus locus fuit attributus, maxime cum adhuc ignoraretur totius rei gestæ ratio. Homines enim quidam

dam de numero Aulicorum, qui se multum intelligere putabant, ita ratiocinabantur; Majestati Vestrae desponsam Regis Hispaniæ majorem natu filiam; Archiduci vero Ernesto minorem, cum Provincialis omnibus Belgicis pro dote. Itaque multum ad eos pertinuisse deleri Gallos, qui erant Antuerpiæ, atque ipsum Alenzonium inde expelli. Ideo clam cum civibus egisse, promissa impunitate & venia præteritorum omnium, si Gallos trucidassent. Quin & Auriaci benevolentiam sibi conciliassent, ut in hac re se præberet adiutorem. Hinc natum illud malum; alioquin nunquam tantum facinus Antuerpienses per se ausuros fuisse. Præsentio quodam mentis videtur prævidisse tumultum hunc Auriacus, qui cum ab Alenzonio in castra traheretur, obfirmato animo recusavit, affectam valetudinem & cœli gravitatem excusans. Ejus præsentia Gallis aliquot salutis fuit: inter reliquos Fervacquo Sarrapæ apud Alenzonium præcipuè auctoritatis. Sed hic alio genere nunc periclitatur. Ad eum authorem originem sententiæ de occupanda arce referunt, ideoque cognita causa capitali supplicio in eum animadverbi volunt. De reconciliatione inter Alenzonium & Antuerpienses conventurum putant, Rege auctoritatem suam interponente, ab eoque missis, qui huic negotio intersint, viris aliquot primariis, inter quos Belleurius & Pibracqui designantur. Pibracqui vero etiam Cancellarium Alenzonio destinant. Iam ultro à Gallis Antuerpienses ab humanitate & prudentia commendantur, quod postquam populi furor recidisset, in nullo cessarint officio, cum erga captivos, tum erga eos qui se domi continuerant. v. Februarii, cl. lo. LXXXII.

Epistola 15.

NON judicaram posse fieri, cum dedi postremas litteras ad Cæsaream Majestatem Vestram, quia

quin mox de rebus Antuerpiensibus & plura & certiora audirentur. Sed ea me spes frustra habuit. Nam dies interea complures abierunt, cum nullus illine venit, qui rem gestam ad fidem commemorare posset, aut certe vellet. Qui venerunt (qui pauci fuerunt) omnes ab Alenzonio ad Regem missi venerunt, qui res mandatas referrent, & veluti dictata redderent, multoque fumo causam Alenzonii speciosiores reddere conarentur: tabellarius aut mercator Antuerpia nullus; neque enim Gallis Antuerpiam, neque Antuerpiensibus huc transire per confinium Gubernatores liberum fuit. Postremo tamen laxatz custodiz, & merces liberatz quæ utrimque retinebantur, restitutumque verus commercii jus. Sed ne si fere quisquam ancipitis itineris alex se committit. Unus tamen tabellarius venit facto per Angliam itinere, qui nihil præter vetera & jamdiu vulgata retulit, nisi quod cæsum & captivorum numerum ampliorem fuisse ait, quam initio nunciatum sit. Reliqua haud plurimum differunt ab iis, quæ superioribus litteris meis comprehendî. Qui favent Alenzonio, atq; ejus existimationem maxime salvam volunt, dicunt illum, clementem alioquin & mitem Principem, cum diutius æmulum Principem Auriacum ferre non posset, neque fastuosam ejus civitatis libertatem, moribus Gallicis insuetam, urbe in suam potestatem redacta, eis rebus providere: id vero cogitasse non magno negotio, & sine multa cæde consequi. Orto enim tumultu, & magna multitudine Gallorum in urbem recepta, paucis civibus primo concursu trucidatis, reliquos perterritos de defensione nihil cogituros, sed abjectis armis ab illo in urbem regresso qualvis leges, modo vivere liceret, accepturos. sic ei facile fore civitatē in suas condiciones adstringere. Sed fugit eum ratio: neq; enim tam imbelles animos civium, neq; tã enervatos eorum lacertos offendit, quã Gallis distitare mos est. Alii totum hoc facinus

facinus aliter accipiunt. Sed hæc de mente Alen-
zonii. De re ipsa puto supervacuum scribere plura;
nam non dubito, quin Majestati Vestra jam com-
perta sint omnia, quod in eam partem non ita
fuerunt clausa itinera. Si quid tamen desideraretur,
tria mitto scripta: unum ipsorum Antuerpien-
sium, editum lingua vernacula; alterum, quod
ad Bodinum refertur auctorem, qui ante paucos
annos in lucem dedit de Repub. ea est epistola
Gallice scripta; tertium est incerti authoris, Gal-
lici tamen, in quo non videntur satis sincera. Ad
Alenzonium missi à Rege primum Mirabellius
Lausacqui frater, deinde Bellienus. quid futurum
sit adhuc incertum. Sunt qui conventurum inter
Alenzonium & Status putent; sunt qui pernegent.
mihi fidem suspensam tenere certum est, donec
certius aliquid adferat tempus. Interim redierunt
eorum plerique, quos ad cogendam pecuniam Rex
circum miserat. Referunt nihil posse sine seditionis
periculo obtineri; respondere omnes, si quid
Regem premeret, scire se quid sui officii; sed nilum
nulla alia de causa pecuniam quætere, quam ut
more suo juvenes aliquot intempestiva liberalita-
te locupleter. id vero sibi minime videri conve-
nire. Ac sane mihi narrabat vir quidam fide
dignus, ex iis qui Regis ærarium tractant, Regem
ex quo rediit ex Polonia, sexagesies centena mil-
lia Coronatorum, sive, ut dicimus, sex milliones
largitionibus aliisque inutilibus sumptibus pro-
degisse. Hac ergo spe Regem exclusum, putant à
Reginis viduis multa ablaturum, ne juvenibus illis
interioribus amicis suis desit. cujus damni pro-
portione suam partem feret Cæsareæ Majestatis
Vestra soror, jamdiu præter pactorum fidem in
reli quarum ordinem coacta. Est in Gallia Regina
frater Vaudemontii filius, Gubernator Britannia,
Ducem Mercurii vocant. Is cum abesset, nuncia-
tum fuit eum peste absumptum. Duo à Rege illico
petierunt eam præfecturam; Nivernensis, & Dux
Esper-

Espernonius; is est in intimis Regis amicis fere præcipuus. Nivernensis tulit repulsam; hic Britannia à Rege Præfectus dictus est, modo ea præfectura vacaret. Quam rem, tametsi fuit irrita, renuntiato incolumi Mercurii Duce, tam indigne tulit Nivernensis, ut statim suis protectionem & discessum ex aula ediceret. biduoque post, exprobrata prius Regi officiorum suorum oblivione, domum se reciperet. Hoc factum Regis multorum sermone, sed Optimatum maxime, carpitur. xx. Martii, clō. 15. LXXXIII.

Epistola 16.

NULLUS etiamnum venit Antuerpia ab Alenzone. Plerique, atque ipse Mirabellius, qui omnes exigua in spe pacificationem esse referunt, immensa postulare Status; Dunquerkam reposcere, & Cameracum; nec ferre posthac in comitatu aut famulatu Alenzone quemquam, qui sit alibi natus quam in illis regionibus. Rex copias, tam equitum, quam peditum, Regni confiniis admover, ut si qua re sit opus, sint in promptu. Nescio tamen an sic Alenzone expeditissimum futurum sit iter, cum vel in luto hæzere possit, quod est his temporibus in illis locis altissimum. Antuerpienses interim à suis captivis pecuniam exigere, & pro vita quam eis indulserunt pretium repetere dicuntur. Utcunque sit, ita videtur Alenzone apud eos fregisse tesseram, ut non facile deinceps eum recepturi sint. Vana spe relinquitur pacificator Bellieurius, cujus orationis gravitate & prudentia rentur mulceri posse iras, & concordiam inveniri. Sed ut Alenzone fortunæ indulgentia inflatum, animi impotentia ex alto fastigio præcipitem dedit, sic ab Antuerpiensibus, ab intolito successu tumidis, fortunaque immodice abutentibus, gravior aliquis casus metuendus videtur. xii. Aprilis, clō. 15. LXXXIII.

Epistola 17.

Etiānum hodie incertum est, quo sit evasum Antuerpiense negotium, aliis de eo aliter judicantibus. Ac tamen si exulteratissimum animorum utrimque extant vel apertissima indicia, sunt tamen qui de compositione desperandum non putent. non quod ulla deinceps satis fida pax, aut animorum conjunctio sperari possit, tanto vulnere fide laxa, distrahenteque Belgas ab Alenzone tam fœdi incepti memoria, Alenzonium contra tam graviter vindicata perfidia ad ultionem acuente; sed quod utrisque expediat reconciliationem qualemcunque intervenire, & manere pristinam societatem, vel in speciem saltem. Quid enim habent Belgæ aliud, quo respiciant tanto circumstante bello, quam Gallica auxilia? aut quid est ab Alenzonii existimatione alienius, quam sic è Brabantia profugisse, ut quarum Provinciae ex insperato possessionem adeptus fuerat, eandem sua stulticia amisisse videatur, atque ita per omnes gentes, quæ nunc in hujus rei exitum conjectos habent oculos, tam fœdo titulo deformatum nomen ejus circumferri? Multis famæ offensionibus dies ipsa subvenit, occasione suppeditata male admissum corrigendi. Quod si nihilominus Belgio cedendum fuerit postmodum, & tempus interpositum, & quælibet discessus causæ, quæ multæ vel nasci vel fingi possunt, recessus turpitudinem non parum elevabunt. Ergo arbitrantur isti, in hæc maxime conveniri posse, ut præteritorum omnium inducatur amnestia, sive oblivio; quod ipsum tamen dicto aliquanto facilius est, quam factu. Bruxella assignetur Alenzonio, ubi suum domicilium habeat. Eodem in loco sit Consilium Statuum è Belgis conflatum. Huc accedant aliquot vicina oppida, ad majorem ejusdem Alenzonii securitatem. Præsidio sint Bruxellæ M. D. Helverii cum quingentis Gallis.

lis. Auriacus Alenzonii Locumtenens, sive Vicarius Imperii constituatur. Captivi qui sunt Antuerpiæ dimittantur; sic tamen, ut pretium sit hospitibus, qui eos furori plebis subtraxerunt. De reliquo maneant leges in fœdere, haud ita multo ante percusso, dictæ. Unus hic hæret Fervacquijs, quem obstinate populus Antuerpiensis ad supplicium deposcit, ut in ejus caput, tanquam primi & præcipui auctoris, nefarium consilium recidat. Nam Bironius, litteris ad Reginam senioremi scripris, omnem hujus stratagematis suspicionem à se amolitur. Ait se venisse sero, re jam deliberata captoque consilio; nullas alias fuisse partes suas, quam ut Alenzonio morem gereret, ejusque voluntati obsequeretur. Atque illa quidem quæ supra scripsi de pacificatione, ita disseruntur à nonnullis; sed incertum est quid dies ferat. Satis constat, cum nuper in Curiam Antuerpiensem venisset Auriacus, reconciliationem suafurus, multitudinem in forum convenisse, magno clamore vociferantem; Quisquis author futurus esset Gallos in urbem denuo recipiendi, eum se de fenestris præcipitem daturus. quo tumultu perterritum Auriacum, ea nocte in Curia quievissè. Huc accedit vel potissimum argumentum incertæ pacificationis, quod fere Antuerpiensium nemo, tanto jam intervallo, tametsi iter pateat, huc trajecerit; cunctis reformidantibus salutem suam Gallis credere, si fortasse societas non integretur, neque de conditionibus conveniat. Hæc hætenus. Habeo idoneos authores, qui enixe contendere Regem à Lotharingo affirmant, ut filiam, in summam spem natam, jam nubilem, despondeat Espernonio. At Lotharingum, à tam iniqua conditione abhorrentem, quocunque se vertere, atque omnia experiri, ne in tam indignas nuptias consentiat; eo vero confugere, ut, si filio suo Principi Lotharingo sororis Regis Navarræ Rex nuptias cōficiat, libenter ei vicissim sit gratificaturus. Ea est in

spe magna summæ hereditatis puella, si frater sine liberis discesserit, ut est probabile. Nam is quidem uxorem sterilem hætenus expertus est, quæ ea est ætate, ut eum vivendo superare possit. In has vero nuptias non consensurum Navarraum credibile faciunt veteres inimicitie per manus traditæ Borboniorum cum Guisianis & domo Lotharinga; in quas successisse Navarraum non minus quam in Regnum, Ducem Lotharingiæ non fugit. Is ergo hoc se propugnaculo tueretur, in quo an satis futurum sit firmitatis dies declarabit. Iam de Espernonio etiam dicendum est aliquid. Is Regis beneficio factus est Dux. Erat ante quinque annos, antequam Regi in intimis esse cœpisset, sine re, sine nomine; *la Vallette* vocabatur. Bonorum ejus redditus non excedebant ut multum cccc. coronatorum annuorum summam. Patrem habuit bello egregium; avum tabellionem, sive notarium. Nunc ipse Dux est, & quidem bene locuples, quando ei Regiæ opes semper patent. Sed nihil sunt ea quæ possidet, præ iis quæ expectantur, primum aliquod Regni officium ac dignitas, & præcipua præfectura, qualis Britannica esse potest, ut proxime scripsi. Quod si ad hæc uxor sequatur, Regi tam propinqua, qualem in Gallia nemo sperare audeat, ne Optimatum quidem aliquis princeps, ne ille communis felicitatis modum longe superaverit, sine natalibus tamen, sine meritis. At spe & expectatione magnus fieri potest Regis iudicio, sed reliquorum non item. Invidia hæc sit, an ejus culpa, non possum dicere; sed fere odio est omnibus propter ingenii fastum & superbiam; atque eum potissimum Principes aversantur. Hujus veluti collega est, sed priore loco, Dux modo, paulo ante Comes loysius, Regiæ sorori matrimonio vinctus: quem tamen antiquæ familiæ claritas, moresque amabiles, & ingenii indoles sublevar. Hic nuper factus Galliæ Admirallius, nunc vero totius Normanniæ Gubernator, despoliatis
&

& eiectionis tribus primariæ nobilitatis viris , inter quos ea Præfectura divisa fuit. Ergo hi duo juvenes sunt, quorum amicitia se Rex beatum, & ipsius Alexandri Magni fortunam superare putet. Hoc est quod tota fremit & ingemiscit Gallia. Quod ne videant, qui hactenus primum à Rege dignitatis locum tenere soliti sunt, ex aula profugiant, ceteri animum Regis satis admirari non possunt. Hoc est cur semper indigeat , semper pauper sit Rex, & nulli benemerito gratia referatur , neque honos habeatur, dum istis cumulantur opes, & de nihilo dux vel potissimæ futuræ Galliarum columnæ excitantur. Quo nomine inter primos offenditur Alenzonius, qui sibi in tantis, ut putat, rebus occupato maligne subveniri , portioemque ipsorum quam sui rationem apud Regem esse , graviter & indigne fert. Hæc ideo pluribus exposui, ut cum usu venturum existimarem ut horum sapius facienda esset mentio, haberet C.M.V. informatam quandam eorum notionem, nec incognitos animo requireret. Don Antonius Rhotomagi & Dieppæ adhuc obversatur, intentus in apparatus suæ classis, vel potius, si sic licet, classiculæ suæ. neque enim ea classis quæ jactabatur, instruitur, sed ea in qua vix erunt quingenti milites, supplementum iis copiis quas ad Terzeras habet. adhuc multa comportabuntur, quæ illorum locorum usus atque necessitas exigit. 11. Maii, clō. 10. LXXXIII.

Epistola 18.

Recentes quidam ab Alenzonio in bona spe reconciliationis negotium esse nunciant. Ad cuius rei fidem conditiones, quæ sunt cum his litteris conjunctæ, proferunt. Bruxellam recusat Alenzonius; Dunquerkam mavult domicilii sedem. Ubi eo venerit, putant tracturum in Galliam, ut Regis aures multis & molestis querelis oneret, quod ei juvenum quorundam amplificatio

magis curæ sit, quam ratio gravissimorum negotiorum. Auriacus quondam Admiralli Colignæ filiam, Tillignii viduam, ad se Antuerpiam evocavit, ut eam ducat uxorem; ipse filiam suam, Comitæ Burani neptem, Lavallio, Dandelotii Colignæ præfati fratris filio, elôcat, quem urbi Antuerpiensi præfuturum dicunt. Rex novum sodalitium instituit eorum, qui Flagellantes, seu Pœnitentes vocantur. Qua de re multus est per totam civitatem sermo, eoque magis, quod cum proxime concionator quidam celeberrimus multis diſtictis, tametsi bene Catholicus, pro suggestu sodalitium istud incesſeret, eum Rex urbe migrare jusserit. Sed & quod risu dignum est, servi nobilitatis à pedibus, quorum hic maximus numerus est, cum illius soldaitii in ipsa regia quædam per jocum & lasciviam æmularentur, Regis jussu abrepti fere ad octoginta in coquinam, atque ibidem flagris ad satietatem cæsi, haud fictum simulacrum flagellatorum & pœnitentium retulerunt xx. Mali, clv. lv. LXXXIII.

Epistola 19.

CRescit rumor, de quo attingi nuper, novarum Turbarum; neque, quod pessimum est, satis constat an conscio & particepe Alenzonio. Itaque mater jamdiu ad eum profecta fuisset Calesium, nisi eum morbus, quem Gallicum vulgo ferunt, Dunqueræ teneret, cum Medici & Chirurgis rationem habentem; quo simul se extricaverit, Calesium trajecturum arbitrantur; de quibus dies certiora. Nam alii in Normanniam iturum, alii navigaturum in Britanniam contendunt. Si bellum erit, perquam incommode eveniet Regi, cum à pecunia, tum à reliquis rebus satis imparato. Rediit Antuerpia Belleurius, qui inde pacata omnia nunciat, rebus utrimque redditis & compositis, quæ mutux benevolentix impedimento esse poterant. Sic etiam dimissi captivi, inter quos Fervac-
quius,

quius, quem ad se reversum Alenzonius sex millium coronatorum annuorum Abbatia donavit; egregiam operam, & preclara ejus consilia ita compensans. Quod cum Regina seniori referretur, teneri non potuit, quin stolidum & dementem Alenzonium subinde exclamaret. Bironii litteræ in supellestili Alenzonii Antuerpiæ inventæ sunt, quas pridie illius diei Gallis nefasti & feralis scripserat, in quibus Alenzonium a tam perverso consilio deterrere conabatur. quæ res magna Bironio civium Antuerpiensium charitatem conciliavit, ut nihil nunc apud eos illo sit gratiosius, in quem fere antea facinoris ejus major invidia pers derivabatur. Pibracqui nuper ad Alenzonium profectus, ab eo Antuerpiam ad illos Status ablegatus est; quem quidem in ea causa plus incommodaturum puto, quam multa armatorum millia. Endhovia Brabantia oppidulum conditionibus rediit in potestatem Regis, frustra propugnante Bonivetto. Bironius contra minuta aliquot castella recepit. Parmensem aiunt se comparare ad obsidionem Alosti, paulatim Bruxellæ imminentem. 1. Junii, clc. 10. LXXXIII.

Epistola 20.

Rex tanto cum ardore suam Religionem complectitur, ut multis sermonem & admirationem præbeat, & sint qui postremo Regnum cum Monachatu mutaturum credant. Certe Regina senior pertæsa neglectum multarum rerum, quæ sunt muneris Regii, graviter Edmundum Iesuitam quendam, quem Rex auctorem potissimum sequitur, increpuisse dicitur, quod sibi filium ex Rege pene Monachum reddidisset, magno cum Regni totius detrimento. Res interim strenue turbantur in Aquitania & in Provincia Narbonensi; quæ de causa Ferrerû (quæ diu apud Veneros Oratore usus est) notæ prudentiæ senæ ad Regem Navarra ablegavit, Regina senior magno impetu ferebatur Calesiû, ut conveniret Alenzoniû, nisi ipse per litteras

prohibuisset; admonens hunc congressum futurum Statibus Belgicis suspectum, ac proinde rebus suis incommodum. Hanc ille quidem causam obtendit; sed plerique eas litteras ex sententia auctorum tragœdiæ Antuerpiensis scriptas opinantur, Reginæ convitium & reprehensionem, & forte etiam mutationem aliquam metuentium. Fuit hic nuper cum Regina seniore Don Antonius, Dieppa & Rhotomago propter pestem profugus. Inde transiit ad pagum propinquum, Ruel vocant, ubi vivit in amœnis ædibus, quarum usum Alenzonii beneficio consecutus est. Constat illius familia sexaginta admodum hominibus, in cuius victum singulis diebus quarta bovis pars, duæ pecudes, unus vitulus, & centum quinquaginta panes infumuntur.

Nemo ambigit, quin jam Auriacus non dissimulante Hollandiam pro Comite possideat. Flisingam Zelandiæ urbem ære suo sibi emit. itaque claustra atque aditum à mari provinciarum istarum inferiorum tenet. Sic in tanta reliquorum ruina & strage uni Auriaco res bene gesta est. Rex iter parat Meferias, inde ad castellum, quod vocant Foullenbraye, deflexurus, ut potionem aquæ Spadensis valetudini subveniat; commendata interim Reginæ seniori & suo Consilio Regni administratione. Tota fere æstate abfuturus existimatur; inेतuo ut diu sit superstes. Parmensis cum multum fluctuatus esset, suspensis omnibus quam postremum in partem imperum daret, demum Cameracum dicitur obsedisse, longinquum inceptum, neque satis certi exitus; quod si tamen ei procedat, magnum ad summam rerum momentum futurum sit. Idem Parmensis oppidum Dieft recepit dicitur; sed & Bruxellæ videntur ad eum inclinare. Pestis hic denuo timeri cœpit; quæ quidem & Lutetiæ, & in aliis multis Galliæ locis non levia indicia sui dedit. xxv. Iunii. clō. lo. LXXXIII.

Epistola 21.

FUIT ad Regem Regina senior, à quo conventu recurrit Bononiam urbem maritimam in congressum Alenzonii, ascito sibi comite Marechal-lo Rhetio. Ipse Alenzonius militem denuo scribit, quem, ut opinor, Cameraco subsidium mittat. Non leve damnum Status & Bironius acceperant ad urbem Bergas, plurimis de suis militibus desideratis. Vulneratus Bironius, vix Bergarum mœnibus salutem suam tutatus est. Namurcensis Gubernator Regem invisit nomine Principis Parmensis. Venit & à Calimiro, qui transitū per Galliam peteret, nuncius quidam, quem de rebus Coloniensibus ad Reginam Angliæ missurus esset. Pontifex per Nuncium magnopere contendit apud Regem, ut decreta Concilii Tridentini recipiat, & per Regnum promulganda curet. Sed parum videtur profecturus, non tam Rege privilegium & libertatem Ecclesiæ Gallicanæ defendente, quam suspectantibus multis id agi, ut in Galliam Inquisitio introducatur; cuius rei invidia manifestum novarum turbarum periculum ostendit. Quæ de causa Regem, alioquin à Pontificiis postularis haud aversum, negant eis daturum locum, ut cui sit in animo, quoad ejus fieri possit, novos motus & bellum intestinum declinare. Ejusdem votum erat præficere Metis Ducem Espernonium; sed eum moratur Præfectus arcis, qui se negat possessionem ejus cuiquam cessurum, nisi prius diutius militiæ & navatæ Regi per multos annos fideliter operæ præmia sibi solvantur. Rex etiam eo impensius mihi videtur in iis locis hære, quod forte vicinitate Coloniæ, & turbarum illarum occasione ad res quasdam sibi opportunas abuti cogitet. Inde deducta ad balneas Borbonenses uxore, Lugdunum excursurus est, neque huc ante æstatis exitum reversurus. Reditus Ducis Ioyssi est in expectatione, qui cum splendido comitatu

transcendit in Italiam, voti solvendi causa, quod in morbo uxoris conceperat, si eo liberaretur, Divæ Virginis Lauretanæ se delubrum aditurum. In eo itinere in Urbem quoque accessit, ut Pontificem veneraretur, & fortasse arcaniora quædam Regis mandata ei ederet. Non est Auriaco apud Antuerpienses ea fides atque charitas, quæ solebat, ut cui ad modo curæ esse videatur, ut illud Regnum suum Hollandicum stabiliat, non satis habita reliquarum Provinciarum incolumitatis ratione. Bruxellis quoque turbatum aliquid fuisse nunciant. quæ de re per hominem certum comperta expecto. Interea Deum oro, ut C. M. V. integra sanitate impertiat, cui ego me humillime commendo. 3. Iulii. clc. 10. LXXXIII.

Epistola 22.

Reginæ seniori per Picardiam Bononiam properanti occurrit ad Feram Alenzonius; tempestive quidem ille Dunquerka elapsus. nã, mox ab ejus discessu Parmensis miles oppidum obsidione cinxit, tam apposite, ut qui ab Alenzonio relictæ erant, diu sustinere non possent, deditionemque, non tamen inhonestis conditionibus, facere cogerentur. Sic ille ubi pedem ponat in Belgio, non habet, præterquam Cameraci; quod tamen ipsum valde laborat, dispositisque circumcirca præsidiis & stationibus rerum necessariarum inopia premittitur. Sed Alenzonius cum auxiliis imminet, coacta militum manu, vinoque & frumento per Picardiam ad Divi Quintini fanum contracto, quo civitatis illius fami subveniat. Incertum quo res casura sit. Quæ expectabantur Antuerpia Legati ad confirmationem reconciliatæ gratiæ, non venerunt; itaque perquam iratus illis Statibus in Galliam remigravit Alenzonius. Antuerpiæ dicitur esse Bironius, unam pecuniæ vocem identidem ingeminans. sed audit nemo; neque enim quicquam ab illis civibus sine seditionis peri-

EPISTOLÆ.

periculo videtur posse extorqueri, adeo tædet
 toties male impensæ pecuniæ. Contra pugnat,
 quod potest, Auriacus; sed ejus gratia post tra-
 gœdiam illam Antuerpiensem valde refrixit,
 suspectusque evasit plebique, ut rei privatæ suæ
 quam publicæ studiosior. Sunt qui eum in Ze-
 landiam trajecisse dicant, ne quod ibi gravius
 damnum acciperetur, atque ut rebus provident
 necessariis. Dunquerkæ casum sequuta sunt e-
 jus tractus oppida, Neoportus, sanctus Winoc-
 cus, atque alia nonnulla, ut ne de Brugis &
 Ipris desperetur. Sic res Belgicæ haud pessime se
 habent. Ac nescio si quis commode eas insinuet,
 an pacis condiciones à plebique admittantur. Ex-
 spectabam è Brabantia, per quem de rebus illis
 omnibus edoceret; sed vercor, ne capta Dun-
 querka, non jam ita libero ad navigandam, ut
 antè, mari, ejus tardio rem reditum faciat. Erat
 hic quidam ob dexteritatem in regiis mandatis
 & litteris perferendis notissimus, neque enim erat
 quisquam cui Rex magis fideret, aut cui rectius
 committi putaret. Hunc miserat ad Ducem Ioy-
 sium trans Alpes, cum litteris sua manu scriptis
 bene prolixis, duorum quippe foliorum. Sed
 cum esset non multum progressus, incidit in
 quatuor equites, qui iter ejus observabant, qui
 multis vulneribus confosso litteras Regis abstu-
 lerunt, ex quo non pauca secretiora adversariis
 patefacta arbitrantur. Rex quidem, an ea an alia
 de causa, mihi incertum, statim huc revolavit, ne-
 que euntem ad balneas Borbonenses uxorem, ut
 proposuerat, comitatus est. Sed tamen paucis
 diebus ad illas balneas ad illam revertitur, inde
 Lugdunum petiturus. Quid vero ibi acturus sit,
 conjiciunt multi, sciunt pauci sic tamen mihi per-
 suaderi patior, eum ex propinquo tentaturum,
 num Monmorantium Languedocæ Præfectura
 deicere, atque in ejus possessionem Ducem Ioyssiũ,
 aut quem aliam de suis interioribus illis amicis,
 im-

imponere possit. nam Duci quidem Ioyfio totius Normanniæ Præfectura, Alenzonio ipsi negata, pulcherrime provisum est. sed dies fortassis non longissima de his rebus certiora aperiet. Hic omnium sermone increbuit, eas naves quas Don Antonius ad Terzeras denuo misit sub duce Maltenfi Equite. quem Monsieur de Chattes vocant, Ioyfii Ducis, sive Admiralli consanguineo, eo incolumes prevenisse. Servivit C. M. V. pro nobili puero quidam, quem vocant S. Hilaire. Eum nunc audio militare in Hungaria. Decessit ei natus maximus frater, cui ipse, ni fallor, proximus hæres est. Sed plures sunt fratres, periculumque est, ne, si absente eo hæreditas dividatur, ille debitam sibi partem non ferat, neque sine detrimento ejus fiat. Qua de causa domum revocandum putarunt qui sunt ei amici, mecumque egerunt, ut ad C. M. V. scriberem, etique supplicarem, ut eum cum bona venia dimitteret, sicuti facio. Erit C. M. V. clementia dignum, libenter ei comestum dare, quo negotiis domesticis consulere & providere possit. Pestis hic denuo multis in locis grassatur, ad miraculum usque tenentibus cælum ventis, vel Australibus, vel Occidentalibus. De libris illis Græcis, ut C. M. V. clementer velit esse memor, humillime etiam atque etiam supplico. Fuit hic quidam ex illustri familia, quem vocabant le Baron de Viteaus, qui pervenerat in ora hominum, magnumque nomen sibi quæsierat, nobiliū aliquot inimicorum non minore audacia quam successu patrata cedere. Sed unius illorum filius, vindicandæ paternæ necis cupidus, & quod patefactis insidiis, quas nuper Baroni struxerat, necessitatem sibi impositam videret pereundi, nisi prævenisset, statuit simpliciter agere. Ergo die Dominico superiore Baronē ad certamen evocat in campum Lutetie vicinū, ubi cum singulis modo pueris, & quodam nobili, communi utriusque amico, quo arbitro & veluti campī magistro uterentur, soli ense &

pugione

pugione conjuncti, sine ullis præterea armis remgerent, inimicitiasque alterutrius morte finirent. Non repudiavit conditionem Baro, hostemque initio congressus trajecto brachio prostravit: sed jacentem ferire noluit, jussitque surgere; quod officium magno ei constitit. Nihil enim vulnere deterritus adversarius, sed potius pudore casus accensus, tanta arte, tantoque impetu ferrum in Baronem direxit, ut ei medium cor transverberaret; quo ille ictu moribundus in terram corruit: jacenti plagas complures hostis inflixit, sic ejus stultitiam castigans, quod inimico armato pepercisset. Ad quem effectum ut perveniret, jam aliquot annos uni arti gladiatoris studuerat, tametsi annum vigesimum primum vix excederet. Talem exitum iortitus est ille Baro, qui diu in Gallia tanquam Mars alter est habitus, quem ipse etiam Rex aliquando expavisse dicitur. Sic & Montenellus, sic & Busius factis dignum exitum invenerunt.

Aspiciunt oculis superi mortalia justis.

Victor ex duobus vulneribus non sine periculo decumbit; altero, ut dixi, in brachio; altero in femore. Qui si ex hoc casu evaserit, tamen manet eum adhuc certamen, eum quodam cæsi Baronis propinquo, petitisimo mortis ejus vindice. Hoc totum, tametsi non valde ad rem pertineret, tamen nihil obfuturum putavi si adscripsissem. Lutetia, x. Augusti cld. lō. LXXXIII.

Epistola 23.

NUnquam fuit tam novi ferax Africa quin eam hodie Gallia superet. Nondum hic requieverant aures à sermonibus, quos excitaverat cædes illius Baronis, de quo nuper, cum subito aliud natum est, quod non minus admirationis & sermonis præberet. Rex sororem suam, Reginam Navarræ, palam multis audientibus graviter increpuit, quod vitam degeret turpem, & flagitiis contaminatam. Commemorat memoriter mæchorum

chorum introductiones, quibus illa consuevisset. Etiam puerum sine mariti opera natum objectavit. eaque omnia suis temporibus & reliquis rebus ita notata, ut ipse interfuisse videretur, & Reginam ea magis confiteri puderet, quam confutare posset. Finis orationis fuit, ut eam statim Lutetia migrare juberet, urbemque sua contagione liberare. Sic illa, collectis raptim sarcinis, die sequenti, non modo sine ullo prosequentium officio, sed sine iusto etiam famulitio, Lutetia excessit. Vendosmium mariti ditionis oppidum petere existimatur. Nobiles duæ scæminæ, ejus familiæ capita, ex itinere retractæ, & in custodiam datæ sunt. neque eo contentus Rex, ad Regem Navarra litteras scripuit, per quas de his rebus omnibus eum doceret. quibus si fidem is habuerit, uxoremque non accipiat, aiunt Regi in animo esse illam in arcem inaccessam condere, ubi nec vitæ licentia, nec pravis consiliis cuiquam oblit. Enimvero metus est, si ad maritum redeat, eique se purgaverit, ne plurimum concordia & publicæ tranquillitati noceat. Nam neque voluntas neque malitia ei deest, & abundat ingenio. Ab illo Regis cum sorore congressu Chanvallonius quidam in Germaniam profugit. Fuerat hic aliquamdiu valde acceptus Alenzonio, sed cum esset compertus scripsisse quædam Antuerpia in hanc aulam, quæ scripta nollet Alenzonius, gratia ejus exciderat, iussusque fuerat ejus comitatu abstinere. Ita ille huc reversus receptum habuit ad præfatam Reginam, quam rem adeo ægretulisse Alenzonium ferunt, ut ab eo omnem amorem abjiceret. Chanvallonius juvenis est dubia nobilitatis, suavitate morum, ætatis flore, & formæ venustate præstans, habitus inter primos ejus Regina procos. Etiam Reginam seniore filia ob hujusmodi intemperantiam infestissimam factam dicunt. Ut ut sit, illa, ut scripsi, Lutetia migravit, identidem usurpans, nihil se & Regina Scoria vivere miserius; sibi quidem exigua portione veneni succurri

succurri posse, si sit qui suggerat; sed se neo amicum habere, nec inimicum. Hæc fabula nunc Galliam pervagatur, quæ haud scio an C. M. V. auribus satis digna sit, & operæpretium fuit eam peculiaribus litteris persequi. Quod ut impensius facerem, me nuncii opportunitas, & necessariz ad Reginam scribendi causæ adduxerunt; nam sane præterea vix erat quod scriberem. Regina senior ad Alenzonium Feram reversa est, Rex ipse Lugdunum profectus, majori, ut videri vult, ex parte, ut suo Duci Ioysio ex Italia redeunti occurrat. Fama est Alenzonium ducturum uxorem neptem ex sorore, filiam Ducis Lotharingæ, sororem Regis Navarræ destinati Ducis Sabaudiz. Sed hæc apud me plus adhuc habent admirationis, quam fidei. Cursus victoriæ Parmensis in Flandria constitit ad Ostendā, quæ præsidio ab Auriaco misso deditionem facere recusavit. Ipræ amissæ. Dixmudæ valde laborare dicuntur; nam Brugeses, evocato quod erat Meninis præsidio, urbem suam, parum alioquin tutam, firmarunt. Meninz præsidio vacuæ direptioni & prædæ relictæ sunt. XXVII. Augusti, clō. 10. LXXXI II.

Epistola 24.

Rediit tandem is, quem à Belgio expectari dixi, nec quicquam refert præterquam illorum populorum miram insaniam, discordes cives, dissidentes inter se civitates, nulloque consilii exitu, quo ferat libido, ruentes. Commune tamen omnium Gallici nominis odium esse, gentem à facinore Antuerpiensi pene detestabilem haberi; cui odio mutua benevolentia respondere Gallos. Ergo & Bironiū & suos omnes remigrasse in Galliam, cumq; non suppetere naves singulorū equis transportandis, multos circumjecto stramine equos suos cremasse, multos confodisse, aut succisis poplitibus inutiles reliquisse. Viatores quoque Belgas passim à Gallis excipi & spoliari: hæc fieri in gratiam

gratiam beneficiorum apud eos acceptorum disti-
rantibus. Ex quo satis apparet, quam non sit tu-
ta dissimilium societas, quamvis sub multa amici-
tiz simulatione & fuce lateat, quamque item fa-
cile recrudescant inveterata nationum odia. Ca-
meraci dicunt esse pro Præfecto, nomine istius
Regis, Regolliardum, equitatus regii in finibus
Picardix ducem: nam ejus urbis possessionem
cessisse Regi Alenzonium, ad quem Bironius nunc
suum iter habet. Cujus quidem Alenzonii, ut
videtur, consilium est, ut quam valido præsidio
Cameraci imposito, vicina aliqua loca recipiat;
Hannoniensium & Arthesianorum civitates cre-
bris expeditionibus vexet; atque ita Brabantis,
cæterisque, quos sibi inensos novit, ostendat
quantum in se præsidii fuisset, quantumque eis
prodesse potuisset, si se amico uti perseverassent.
Hanc enim, aut aliam viam nullam esse alienatos
eorum animos recuperandi. cujus rei eo majore
facultatem habet, quod Rex cum summum
vicarium, sive Locumtenentem designasse dica-
tur; ita tamen circumcisa potestate, ut neque pe-
cunias imperare possit, neque pro suo arbitratu
abuti Regis ærario. Sed tamen tantum est, ut di-
xi. Belgarum in Gallos odium, ut propter eorum
studiorum adfectum ipsemet Auriacus pessime au-
diat, neque ejus ea sit auctoritas quæ solebat, ne
apud Hollandos quidem & Zelandos, à quibus pa-
rum abfuisse existimatum sit quin Comes & Do-
minus declararetur. Nunc vero non modo libe-
ra, verum etiam acerbis & contumeliosas eorum
voces sæpe auribus haurire cogitur. Nec desunt,
qui insimulare audent in illa Antuerpiensi tragœ-
dia consensisse eum Alenzonio, ejusque consilio-
rum fuisse participem. Itaque pene ad modum
privati hominis otiosus Flissingæ desidet; nisi
quod nescio cujus domus suæ negotiis vacat, sic
expectans dum istius invidia tempestas prætereat;
quemadmodum fere mobile vulgus est, nec secun-
da

dx, nec adversæ voluntatis retinens. Non adfirmo quod dicturus sum, quamquam fere sunt rumores quos ii dissipant quibus sunt adversi, quique veros esse nollent. Tota Gallia percrebuit, denuo ad Terzeras male pugnatum, amissam classem, Gallos omnes concisos, Lusitanos remo & triremibus reservatos, Navarchum teneri captivum. Quæ si vera sunt, ut non sunt veri dissimilia, magno Gallis hospitia Lusitanica constant. Inter cætera mandata, quæ Duci Ioyfio in Italiam proficiscenti Rex dederat, illud vel præcipuum fuit, ut impetraret à Pontifice facultatem vendendi bona Ecclesiastica ad aliquot centena millia coronatorum. in quo nihil potuisse efficere Ioyfium renunciant. Ita hic Regem sua expectatio frustrata est, ut & nuper cum viros primarios per Galliam circummisit qui pecuniam conficerent, quorum similiter inanis labor fuit. Cum Rex huc redierit, de ratione eruendæ pecuniæ, argenti que inventionem primos conventus futuros puto. Plebi quidem hic pene ad restim res rediit, tot & tantis exactionibus tributisque male excipitur. xv. Septembris, clō. lō. lxxxiii.

Hic nuntius Apostolicus, Armeniensis Episcopus, senex, humanitate & vitæ integritate insignis, in febre diem suum obiit. xx. Septembris, clō. lō. lxxxiii.

Epistola 25.

PAUCA sunt quæ scribam; nimirum esse Cameraci Alenzonium, rerum multarum penuria laborantem, sed potissimum, quod ad rem attinet, pecunia. Hannoniæ oppidulum est satis munitum Quesnoy, quod ejus duces furtim intercipere conati, cum multa cæde & suorum jactura repulsi fuerunt. Aldegundius, & Junius quidam, superioris Comitum Palatini, dum vixit, Secretarius, Cameracum venisse dicuntur, tanquam à Statibus Legati, ut cum Alenzonio de concordia & reconciliatione

ciliatione agant. Sed agant, & reconcilient ut volent, non videntur id secunda voluntate populi facturi, apud quem nihil est nomine Gallico invidiosius. Ipræ obsidio castellis aliquot excitatis continuatur; quamquã à Brugensi præsidio nescio quid damni illatum obsidentibus memoratur. Quo tempore Alenzonium quoque adfuturum existimant. Regis reditum arbitror remoraturum pestem, quæ plusquam mediocriter sævit Lutetiæ. Nova quædam religio populos istos incescit. Confurgunt urbis alicujus atque incolæ agri promiscuæ ritatis atque ordinis, cætervatimque in modum supplicationes habentium duorum aut trium dierum itinere peregrinantur ad templa religionis opinione clara, fere vestibus albis linteis amicti, cruceque ligneas gerentes in manibus. Hujus rei initium quidam ad prodigia referunt, quorum novitate territi hac cerimonia Deum placandum, malaque quæ portenderentur averruncanda, duxerint. Alii fieri putant in gratiam Regis, ut illi Deus prolem impertiatur. VI. Octob. clō. 10. LXXXII.

Epistola 26.

Scribitur mihi à C. M. V. Cameræ Consiliariis libros quos ejus Bibliothecæ, superstitæ etiamnum Divæ memoriæ Imperatore Maximiliano, ante annos, ni fallor, septem addixeram, & consecra-veram, mille florenis estimatos. Quam summam, si ea C. M. V. visum est munus remunerari, sane amplissimam duco, & C. M. V. eo nomine humillime magnam habeo gratiam. Sed si ea, ut pretium æstimatæ mercis pro tot & talibus libris C. M. V. Bibliothecæ propter canitiem perpetuo ornamento & auctoritati futuris, rependitur & imputatur, facere non possum quin eam justo pretio longe inferiorem ponam. quod pro dignitate librorum, & ea qua semper eos colui observantia, reticendum non putavi. nam mihi certum est, quamecunque C. M. V. boni consulere. IX. Octobris, clō. 10. LXXXII.

Epistola

Epistola 27.

TAndem Rex huc reversus est. Urbem Lutetiam inire propter pestem non placuit. Commodissimum visum est, divertere ad fanum Divi Germani Layorum. Primum ut eo ventum est, rei primariæ cura fuit convocare, quos alias scripsi conquirendæ pecuniæ circa Galliæ populos & civitates missos. Hi sunt omnes viri primarii. Quid egerint illi, quidque responsi tulerint, Regi renunciabunt. Quippe unam vocem fuisse populorum omnium, tantum esse oneris, ut potius demendum sit aliquid ex vetere, quam novi imponendi locus. alioquin ferri ultra non posse. Hinc causa nascetur Regi eorum sententias explorandi, qua potissimum ratione pecunia, qua quoquo modo inventa, opus sit, erui possit. Incertum est quo inclinent, nisi quod non desunt, qui putent hoc munus ordini Ecclesiastico delatum iri. Rex videtur per Ducem Ioysum agi voluisse apud Pontificem, ut denuo bonorum Ecclesiasticorum ad aliquot centena coronatorum millia venditionem fieri permitteret, sed quacunque de causa nihil esse effectum. Jam isti cujusmodicunque conventus D. Germani ad exitum perducti essent, nisi Cameraco ad castellum Theodorici, quod vocant, sex abhinc milliaribus venisset Alenzonius, capto circuitu ad Andes suos festinans, ut ibi hybernet. ad quem est profecta mater, ut, si fieri possit, in aulam ipsum perducatur, ut eis, quos dixi, conventibus intersit. Sed incertum est etiam quid ille faciat. Nam ille quidem ratus est suo more, tanquam sibi in maximis rebus versanti parû subveatum sit; Rexq; potiozem alienissimorum hominû, quam ejus rationem duxerit. Caterum Cameraci neque securitati, neque annonæ satis provisum est. Castellum Cambresium expugnationem tentavit Bironius; sed nimis feliciter supervenit Parmensis, ut parum absuerit quin major clades acciperetur, &

& Bironius trepide se reciperet. tormenta tamen bellica in tutum reducta. Belgici rebelles Status Middelburgi convenerant, ut de rebus communibus, quod esset ex usu, statuerent. Auriaci factio instabat; ut rediretur in gratiam cum Alenzonio; sed frequenter ab aliis reclamatum est, Satis se recenti casu monitos quam nihil Gallis credendum sit affirmantibus. Fuerunt qui Regem Daniz optarent, nonnulli Casimirum nominarunt, suffragante Regina Anglix; sed discessum est nulla re confecta. xxix. Octob. clō. lō. lxxxiii.

Epistola 28.

ALenzonius se recepit Laodunum. Eo Regina mater ad eum profecta est. Quid fuerit in causa, non satis scio; nisi ut fortasse propius adesset Cameraco, ubi magnopere tumultuatum esse constat, & aut captam urbem conjuratione quorundam civium & vicinorum Praefectorum, aut certe prope fuisse ut caperetur, arce tamen Gallis salva. ii. Novemb. clō. lō. lxxxiii.

Epistola 29.

REdiit ab Alenzonio Regina senior, itineris labore frustra suscepto. neque enim is in aulam se trahi passus est. Sed neque Rex ejus absentiam valde iniquo fert animo. Regina Navarrae pervenit ad virum, à quo satis comiter fuit accepta; vivit tamen ab eo sejuncta, donec de flagitii, ejus insimulatur, veritate constiterit. Ea de causa missus ad Navarrum Bellieurius, ut palinodiam Regis nomine canat, & rem inter eos componat. Regem accusatum, quod per iracundiam suomet sanguini notam imposuisset, poenituisse ferunt. purgare nunc se, quod quorundam verbis fidem temere habuisset. Sed postulat Navarrus, ut si deliquit uxor, merito supplicio afficiatur; si falso sit delata, & criminis expers sit, auctores calumniae poenam ferant. Satis constat Regem exacerbatum

acerbatum eade ejus tabellarii, quem ad Ducem Ioyssum missum alias scripsi (quam non sine conscientia Sororis perpetrata suspicabatur) eo irarum processisse. Qui ejus mulieris ingenium norunt, valde se falli dicunt, nisi illa talem ignominiam aliquando insigniter lutura sit. De tumultu Cameracensi quod adjeci postremis litteris meis, inde natum fuit, quod in ea urbe visus fuerat Dominus de Goigny, vicini loci Regis Præfectus, quem nonnisi de civium voluntate in ea urbe versari interpretabantur. Inscienter quidem illi, quod postea res indicavit; nam ideo Cameracum venerat, ut conveniret Alenzonium, ad quem etiam huc accessit, ac nescio an etiamnum apud eum sit. Causa adventus ejus fuit, spes injecta recipiendi per pacitionem Cameraci, Alenzonio ingenti pecuniæ summa Regis Catholici nomine promissa. Posse vero eam actionem non abire inanem, credibile facit multum apud Alenzonium naufraga & à rebus omnibus nuda nobilitas, cui perquam comoda esset hujusmodi transactio, quod ex ea cujusque esurie & inopie paratum esset remedium. Sed hoc negotium tam in aula Regis, quam per totam Galliam magna laborat infamia, ut quo nulla remelius Gallica levitas exprimi possit. Et scripsisse de ea re, & monuisse fratrem Rex dicitur. Species quidem negotio quaritur ex mutua utriusque partis captivorum liberatione. Nihilominus novam parari à Statibus Brabantie legationem, brevique adventuram quidam putant, quæ de reconciliatione cum Alenzonio agat. Quo illi adduci videntur rebus gestis Parmensis, qui pleraque omnia quæ sunt præter Gandavum & Antuerpiam occupavit. Sed illi aggeres maritimos passim aperuerunt, ut & ipsi maris inundatione tutiores essent, & eam partem Parmensi redderent inutilem. Secundo loco decursuri existimantur ad hoc novæ legationis consilium, ut quibus propositum sit extrema quæque potius subire & pati, quam

quam redire sub verus imperium. Auriacum certe & Zelandis & Hollandis in Ducem brevi creatum iri nunciatur. Pigagliardus Cameraco excessit. arcis & præsidio præest Balagnius, ita animatus, ut ejus possessione, vix etiam ipso jubente Alenzonio, cuiquam cessurus videatur. Alenzonius mutato consilio non creditur abiturus longius, neque in Andes, ut dicebatur, hyematum concessurus, sed mansurus ubi nunc est ad castellum Theodorici, Chasteau Thiery vulgo vocant. Ita rediit à Belgio male acceptus, ut locus ubi maxime latere possit ei sit optatissimus. Rex interim suos habet conventus, quorum vix finis erit ante duos menses; non enim de pecunia eudenda tantum agitur, verum omnia sub incudem revocantur. Quæcunque toto regno prave, aut cum insigni populi detrimento administrantur, ea mutare in melius, pro novæ vitæ sanctimonia quam profiteretur, propositum habet. In quibus tamen probabile est eo plerumque rem recasuram, ut prima sit ejus utilitatis ratio. Exempli causa, Reges Galliarum usurpant sibi jus conferendorum beneficiorum Ecclesiasticorum; itaque pueros, milites, & mulieres videre est Episcopos & Abbates. Disputatum imprimis fuit, an melius esset rem in antiquum statum restitui, ut electioni res permitteretur. Sed decrerum fuit, quandoquidem non esset, quæ fuit antiquitus electionis integritas, sed tota esset depravata, non videri causam, cur Rex tanto jure quæsito spoliaretur. sed præstare rem relinqui ut esset, cum eo ut Rex in conferendo bonorum & idoneorum virorum rationem haberet. Ita fortasse fiet de plerisque aliis, ut postquam populi utilitas, & onerum, quibus premitur, allevatio multis & magnificis verbis jactata fuerit, postremo tamen Regis vincat utilitas. qui quidem legem vestitariam, quam nuper tulit, arcte observandam curat. Nam cum ea Lutetiæ, ut fere fit in ejusmodi legibus, post aliquot dies negligeretur, ipse suum,

suum, ut vocant, aula Præpostum eo mihi, qui compingeret in carcerem, quotquot; deprehendisset contra legem venire. ducti multi, quæ viri, quæ mulieres, quæ res ingentem in eo populo tumultum excitavit, ut minimum abesset a seditione. Quid enim ita se per Præpostum tanquam latrones aut prædones arripi? habere se suos Iudices & Prætores, per quos castigari, si quid secus admissum esset, solerent. nisi abisteret, se ei funestum illud officium facturos: & proxime minis effectus aberat. De quo factus certior Rex per Urbis Prætores, qui eum adierunt, primum graviter eos increpuit, quod per negligentiam leges salutares obliterari paterentur. ea re se coactum alia ratione obviam ire. Deinde Lutetiam festinavit, rectaque ad carcerem profectus, ea de causa captos omnes dimisit, soluta de suo carceris custodi pro singulis quæ solet mercede. Ab eo tempore legi vis addita. Cardinalis Bragius diem obiit octogenario, ni fallor, major. Eum aula, suo usæ ingenio, quem vivum non amaverat, defunctum magnifico funere extulit. Nomen habebat Gallie Cancellarii, sed officium administrabat alter. Vir fuit æquitatis amans, ideoque Christianissimæ Reginæ C. M. V. sororis fautor & amicus. cui successit moribus, voluntate, & instituto dissimillimus. Urbem Geldricæ Zurphen ab Hispano interceptam accipere molitur Auriacus. Comitem Geldrensem, suspectum communicatorum cum Parmensi consiliorum, una cum liberis captivum in Zelandiam abduci fama est. Gandavi quoque detecta per Embisium, qui aliquamdiu in ditione Palatini exulavit, Optimatum aliquot contra præsentem urbis statum conspiratio, in magnum omnes coniecit periculum: inter quos & Rhivius, qui fuit Constantinopoli Orator. Champagneo certe, qui potissimus auctor & architectus ejus conspirationis fuit, certum videtur exitium allatura. IV. Decembris, c15. 15. LXXXIII.

Epistola 30.

A Meis postremis litteris nihil accidit memoratu, quod sciam, valde dignum, nisi quod deprehensi sunt quidam apud Alenzonium cum telis, veluti locati & parati ad aliquod facinus. Quæ res magnam injecit Alenzonio suspicionem, existimanti aliquid contra se initum consilii, & sibi submissos alicunde percussores. Tandem post sedulam inquisitionem compertum est, non ei factas insidias, sed Fervacquo, idque machinatione cujusdam ab accepta injuria ei ex professo hostis. Regina senior ad Alenzonium denuo profecta est, cum aliis de causis, tum ut suspicionem, si qua in eo hæsit, deleat. Ad eundem Alenzonium designari dicuntur ab omnibus fere Statibus Belgii rebellibus Oratores, præter quam à Flandris, quibus receptio Alenzonii probari adhuc non potuit. Præfatis Oratoribus venturis octodecim torques aurei apud Alenzonium constantur. Hollandi autem jam jurasse, aut brevi juraturi, in verba Auriaci existimantur; ita tamen, ut supremi Imperii honos Alenzonio relinquatur. Auriaco prius omnia deficient, quam continuandorum motuum, & novorum consiliorum facultas. Summus ejus administrator & consiliarius Aldegundus factus est, Antuerpiæ Burgimagister. Multis etiamnum annis nullum mihi videor videre otium, nullam pacem in Belgio. Multum quidem profecit Parmensis, sed non minus fortassis negotii restat quam confectum sit. E Vasconibus Aquitanisque parum tranquillæ res nunciantur, locis utrimque interceptis, quæ per arma repetuntur. Ego C. M. V. hunc annum & alios quam plurimos prosperos cedere opto & precor, cui me humillime commendo. ix. Januarii. clō. 10. LXXXIV.

Epistola

Epistola 31.

Rex urget institutum sanctioris, & in melius conversæ vitæ. Putabatur acturus Lutetiæ dies istos geniales, qui sub quadragesimam actitari solent, ut consueverat. Solebat enim dicere, nisi per eos dies Lutetiæ esset, se sibi visum iri etiamnum esse in Polonia, propter affluentem ejus urbis omne genus voluptatum & deliciarum copiam, præsertim certamen mulierum quibus assueverat. Sed nunc migrare Divo Germano non placet, ubi vita solitudini propior. Interim Conventus moribus corrigendis, Statuique Regni emendando institutus, continuatur; in quo multa salutaria quotidie sanciuntur. quale illud est; Nihil est huic Regno gravius multitudine officiorum, quibus Rex illud onerat, dum sibi pecuniam constat. Illa nunc bona ex parte rescinduntur, abolenturque. Habebat, verbi gratia, Rex ad centum quinquaginta ministros cubicularios. exauthoratque expunctique nunc omnes, præter sedecim; aut, ut quidam, viginti quatuor. Sic factum iri putant de cæteris, cum magno compendio & allevamento populi, cujus id totum humeris incumberebat. quod tamen non fiet sine privatorum querela, qui hujusmodi officia præsentī pecunia sua redemerunt. Quibus tamen ratio inibitur ut satisfiat, non tamen fieri poterit sine incommodo & insigni jactura. Interea non abest suspicio belli intestini renascentis. & sunt qui contendant jam à Navarrazo missum in Germaniam ad conducendum equitem. Regi certe miles conscribitur. Reginam Navarraz putant aut rediisse in gratiam cum marito, aut certe brevi redituram, maxime opera & interventu cujusdam Pernantii Lotharingi, præcipui novæ Religionis propugnatoris. Sunt etiam apud Alenzonium Oratores Belgici, ampliora mandata à suis civitatibus exspectantes: Alenzonius urget, ut à fratre Regni vicarius constituatur, eadem cum

Q

potestate

potestate quam is habuit sub Rege & fratre Carolo, quæ sane fuit amplissima; sed recusat Rex. Itaque parum inter eos conventurum videtur: quæ ex dissensione discordiæ, si bellum erit, etiam graviores timentur. Quotidie huc transfugiunt ex Anglia conjurationis illius in caput Reginæ factæ participes. Comitis cujusdam Northfolki eadem de causa in carcerem illic dati exitium extra controversiam habetur; sed non item Comitis Arundelii, in quem Reginæ clementia propensior videtur. Sed nec Regina Scotiæ omnium, ut arguitur, conscia, magno periculo vacat. Oratorem quidem Regis Catholici, cui hæc conspiratio magna ex parte refertur accepta, migrare Anglia iustum dicunt. Sunt qui eum Oratorem hac iter in Hispaniam habiturum putent. XII. Februarii, clo. lo. LXXXIV.

Reginæ senioris febris diuturnior aliquanto, quam sperabatur, Regem à sano D. Germani huc revocavit. xv. ejusdem.

Epistola 32.

Matrem ægrotantem invisit Alenzonius, fuitque apud eam aliquot diebus antequam se Regi proderet. Postremo ejus, ut opinor, monitis ad Regem accessit salutatam, tanta cum reverentia & submissione, ut diu genu pene terram contingeret. A Rege sublevatus, sermonis initium fecit, ut Regem veniam oraret eorum, quæ contra eum secus admisisset. Respondit Rex, nulla opus esse venia; scire quidem opinionibus se de quibusdam dissentire, in quibus uter rectius sentiat se ad arbitrium matris referre paratum, statuturumque eo quod illa judicasset. Aiunt datum Alenzonio consilium, ut si Regem in partes trahere, & moribus Belgicis permiscere vellet, daret operam ut sibi Joysum & Espernonium, alios Regis oculos, conciliaret; eorum studio atque opera quovis impelli Regem posse, quod consilium videtur amplexurus.

plexurus. Ajunt Oratores Brabantia & Flandria (nam & hi venerunt) facere potestatem Alenzonio imponendorum quibuscunque in urbibus praesidiorum, duabus exceptis, Antuerpia & Gandavo. Iidem Oratores venerunt Lutetiam, Regi suam causam probaturi. Alenzonius paucos dies cum Rege moratus se recepit ad castellum Theodorici, unde venerat, reversurus huc ante solemne Paschatibus. Exeuntem tota aula magno strepitu sequuta est, sed praecipue Ioysius & Espernonius, dimissique sunt ab eo cum multis magnae benevolentiae notis. Rex videtur suae tutelae Cameracum factururus, eoque nescio quas copias, nomine tamen Alenzonii, transmissurus. In ore omnium est bellum contra Damvillam, quem nunc Ducem Montmorancium vocant: Is est Gubernator Provinciae, quam Languedoccam dicunt. Praefectura hujusmodi nullis terminis definiri, sed vitae aequales esse solent. Successor non datur nisi rebellibus, aut Majestatis convictis. Regi fixum est ei Provinciae praeficere Ioysii patrem; sed Montmorancius non videtur ejus possessione cuiquam cessurus, nisi ex ea pedibus trahatur. Dedit Rex operam, ut à Parliamentorum suorum Consiliariis causa cognosceretur, Montmoranciusque contumax & rebellis judicaretur. Ajunt post Pascha sumptum iri hoc bellum, Legatum Regis fore Alenzonium, quo testatius sit ejus erga Regem obsequium. Res ea in magna expectatione est. Magnae sunt in illo tractu Montmorancii vires, multiplex societas & confederatio; multi ejus ruina ad suum exitium viam muniri suspicabuntur. Nuper parum absuit, quin rex in concilio quiddam admitteret regiae clementiae non satis consentaneum. Erat in eo concilio eques Maltenis, Priorem Campaniae vocant, vir ingenio turbido, & non satis circumspecto; cumque Rex nescio qua de re, gravissima tamen, sedulo dissereret, eiq; Prior iste refragaretur, eo dilapsus est, ut his verbis uteretur,

Si verum. Rex. velles dicere, meministi &c. Quibus verbis, ut in suam contumeliam prolatis, Rex vehementer exanduit, Et quid, inquit, egone tibi mentiri videor? cito procumbe in genua, & veniam precare. Quod cum esset ab illo factum, Rex quidem illi veniam dedit, sed cum hac conditione, ut statim abiret è conspectu suo. Quod cum ille cunctantius faceret, aut aliquid obloqueretur, sic ira Regi referbuit, ut educto gladio eum transfixurus fuerit, ni retentus ab iis qui aderant. Episcopus quidem Parisiensis adhuc vulneratam gerit manum, dum eam nudam in gladii aciem injicit. Sic fere Rex in concilio facinus poenitentiam proficiente indignum commisisset. Deprecantibus multis Rex ei ignovit; ita tamen, ut abfistat aula, neque unquam se det in suum conspectum. Quod quidem non est supplicii parum homini in aula educato, & qui nullam alibi quam in aula felicitatem novit. Don Bernardinus ille de Mendoza, conscius, ut fertur, & particeps tragicæ dî Anglicanæ, venit Luteriam, ubi nescio cujus rei à Rege Catholico responsum expectat. Sunt qui ambire legationem istam arbitrentur. xx. Maii, clō. lō. lxxxiv.

Epistola 33.

ALenzonius reversus ad Castellum Theodorici in gravem morbum incidit, quo cum magno vitæ periculo ægrotavit. Hinc fabula vulgo orta, propinatum venenum. ei tamen nunc melius factum dicitur. Sunt qui propter copiosum sanguinis vomitum, pulmonis vitium esse suspicentur. Mater ad eum invisendum profecta etiam nunc abest. xxi. Maii, clō. lō. lxxxiv.

Epistola 34.

CUm Flandri se nihil apud Alenzonium proficere viderent, neque spem relinqui in Gallicis auxiliis, domum reversi aliter sibi consulere, & de

de reconciliatione cum Parmensi agere coeperunt. Comiter accepti ab eo illorum Legati, & cum muneribus dimissi; eademque ratione habiti à Gandavensibus, quos eo vicissim Parmensis misit. Sic ejus negotii exitus in expectatione est. Antuerpiensibus alia mens est, omnia potius perferendi, quam redeundi sub antiquum jugum. Itaque sortem cum Hollandis & Zelandis communicare, eundemque quem illi rerum suarum exitum expectare constituerunt, cum quibus se fœdere & societate junxerunt. Quod eorum consilium reliquias laboris portendit; siquidem illi populi, si qui hodie, valent opibus, undique muniti sunt, & habent in sua manu claustra maris. Nam reliqua quidem Brabantix oppida una cum Flandris, permittentibus etiam Antuerpiensibus, quo eo onere liberentur, ad veterem Regis Catholici obedientiam reversura existimantur, exceptis unis Bergis, quas in suam tutelam acceperunt Hollandi. Alenzonio vero alia nunc quam rerum Belgicarum cura, quæ proprie ad ipsum pertinet. Siquidem rumor est constans eum phthisi, quæ jam ad hecticen inclinat, laborare. Quod si est verum, ut omnes adfirmant, longum ei vitæ tempus superesse non potest. Sic quamvis iniqui Valesii proximi erunt istius Regni hæredes Borbonii, Cardinalis imprimis, deinde Navarræus. Reginam quidem senio-rem ex animi ægritudine valetudine adversa affligi quidam dicunt; nam hinc aliquanto longius ruri agit. Bellum quod erat in ore omnium adversus Damvillam Rex videtur deposuisse; nam testificatus est vulgato edicto sibi nihil tam cordi esse, quam pacem. moveret se nemo, sed cōmuni quieti omnes consulerent. Quod Regis edictum qui sunt adversæ factionis in contrarium rapiunt, tanquam certissimum belli signum. ita eum solitum aiunt præstigias sibi effingere, quoties adversus eos bellum pararetur. Recte illi, an secus, tempus aperiet. x. Aprilis, cl. d. lxxxiv.

Epistola 35.

ALenzonii salus pro deplorata habetur. Quin-
 imo fama percrebuerat his diebus, illam in-
 ter mortales esse desisse; nec dies modo nomina-
 batur xxv. hujus mensis, verum etiam hora, utpote
 x. noctis, qua migrasse ex hac vita dicebatur. Iacu-
 erat per aliquot horas sine ullo motu, ut extinctus
 judicaretur. postea rediit ad se, & etiamnum
 vivit, si vivere est singulis momentis sine spe vitæ
 mortem exspectare. Invisit eum Reginus Archia-
 trus, qui reversus Reginam senioremem bona spe
 implevit. Cæterum seorsim dixit amicis, non ar-
 bitrari se tota hac luna illum superfuturum. Erit
 quod volet Deus; qui M. V. servet incolumem, cui
 ego me humillime commendo. xxix. April. clv. 12.
 LXXXIV.

Epistola 36.

Non dubia habetur Gandavi, Brugarum, &
 Ostendæ cum Parmensi compositio. Ac
 jam quidem in summo templo Gandavi more Ro-
 mano sacra celebrari aiunt; idem fieri Brugis in
 tribus templis. Una ejus oræ Slusa non discedit
 à sædere, quod ei intercedit cum Flissingensibus.
 Brevi hujus compositionis leges in lucem exituras
 putant. iiii. Maii, clv. 12. LXXXIV.

Epistola 37.

ALenzonius etiamnum laetè affixus eubiculo,
 vel potius lecto, nec ulli se præbet videndum,
 præterquam uni aut alteri, qui ei bene volunt, bene
 quoque sperare jubent. Sed qui sunt sine studio, de-
 speratam ejus salutem putant; nec desunt qui jam
 mortuum arbitrentur, sed dissimulari. Quorsum eva-
 dat exspectatio, totam Galliam suspensam tenet, nec
 immerito; nulla enim hodie res est, quæ magis in-
 ter sit ad istius Regni statum. Rex jam aliquamdiu
 ab uxore alieniorem se præbet. Causam ejus rei
 putant æmulationem inter fratrem Reginæ, quem
 Ducem Mercurii vocant, & Ducem Ioylium, qui
 foro-

Sororem ejus habet in matrimonio. Hinc Rex cum amplissima potestate constituit Admirallium maris, Britanniaque præfecit Ducem Mercurii. Is in sue Præfecturæ partibus sui juris debere esse putat collationem officiorum & munerum; contra Iosias. de quo Rex certior factus graviter increpuit Ducem Mercurii, ab eoque tempore visus est adversus uxorem iniquior, ut cujus fiducia & conscientia crederet pervicaciorum elatioremque præbere se Ducem Mercurii. Hinc injecta quibusdam suspicio, Regem divortium cum uxore meditari tanquam sterili, cum Regni status, si unquam uxoris fecunditatem desideret. Missus in Aquitaniam cum ingenti & splendido comitatu Dux Esperonius, magnam præbet sermonibus & conjecturis materiam; nam istius itineris arcani vix unus atque alter, præter Regem, conscii habentur. Ipse quoque Rex brevi Lugdunum meditari dicitur, haud dubie non levi de causa, sed quam nemo fidelius, neque certius aperuerit, quam tempus. v. Junii, clc. Id. LXXXIV.

Epistola 38.

Letalem fuisse Alenzonii morbum, mors indicavit. Concessit fato die hujus mensis decimo, eodem pene tempore & momento, quo superioribus annis frater ejus Carolus; eodem certe morbo, nimirum è pulmonis ulcere, quemadmodum C. M. V. ex ipsius Regis litteris intellexit. Quorundam judicium est, publico magis bono sublatum quam natum, hominem obnoxium pravis futilium ministrorum consiliis, qui adulatores à veris amicis non discerneret, & qui magnam famam adfectaret, sed quaecunque potius quam bonam, facilem suscipiendis actionibus, sed faciliorem deponendis. Ergo omnis vita ejus inconstans, mobilis, inquieta, miscendis perturbandisque bene compositis rebus dedita, portendebatur. Hunc mater non ficto dolore luet; in reliquorum læthrymis plus est fortassis ambitionis

& simulationis, quam veri. Parari aiunt forus magnificum; luctum tamen intra ferias D. Joannis proximas inclusum iri. Cadaver expectatur Lutetiz. Rex vestem lugubrem atram præter morem induit, cum antea violacei coloris vestitu lugere Regibus mos fuerit. Hunc casum magnæ mutationis hujus Regni causam fore, sunt qui conjiciunt; nec temere, ut opinor. Nam ita animatæ videntur præcipuè hujus Regni provinciæ & civitates, ut non facile Regem accepturæ sint, qui cum eis in religione non consentiat. quibus ad morus & tumultum non defuturi sunt duces, cum ipsi provinciarum Præsides, tum alii; quæ quibuldam tam certa tamque exitiosa videntur, ut jam de migrando è Gallia cogitent. Rex quidem Navarrum omni honore complectitur. Donavit eum Ducatu Alençonii, & in litteris eum honestat titulo, quò proximi Regni hæredes honestari solent. Ad hæc inventa est ratio, qua intercepto Alençonio, nihilominus miseræ Belgii continuentur. Aiunt enim testamento legasse matri Cameracum. accedet fortassis quicquid sibi usurpavit in Belgio, totaque illa actio. Hoc omne mater Navarroz cessura existimatur. Sic illi quod volent in Belgio liberum erit, sine ulla Regis Catholici de isto Rege querela. Hæret interim in lateribus Arthesii & Hannoniæ acerba pestis. Cameracense præsidium longe lateque incendiis & rapina populatur. Brugeses præsidium Regium acceperunt, Gandavenses Auriacense; sed ea fuit pabuli inopia, ut mox equitatus ea urbe excedere & abire coactus sit. Quare quidam suspicantur Gandavenses abjectam compositionis cum Parmensi actionem repetituros, vel metu appropinquantis recens militis Hispani. XVI. Junii, cld. Id. LXXXV.

Epistola 39.

Ferit D. Ioannis & duobus diebus sequentibus
 iusta persoluta sunt Alenzonio; quo in nego-
 tio nihil præcipuum annotatum, nisi quod in ora-
 tione funebri nulla rerum in Belgio gestarum facta
 sit mentio, neque ullius illarum Provinciarum
 insignia pompæ illata. Testamentum Alenzonii,
 cuiusmodi circumfertur, his litteris adunxi. Du-
 cem Espernonium venientem ad se Rex Navarra
 perquam comiter & honorifice complexus est;
 quæ res lætitiæ fuit isti Regi. Uxor tamen Navar-
 ræ eum ad se admittere noluit. Idem Espernoni-
 us per provinciam Narbonensem Lugdunum pete-
 re existimatur: quo loco Rex ei occursurus sit.
 Mareſchallus Rhetzius versatur in Picardia, ubi
 arces atque oppida, quæ eo indigere videntur, præſi-
 diis firmat, adversus subitas impressiones, & in quæ-
 cunq; eventum. Multus pedes, multus eques passim
 locatur: eo amplius, ut ego interpretor, ut si Ca-
 meracum obsidione premi contingat, non longe
 petendum, sed ad manus sit subsidium. Hollan-
 di Zelandique classem instituerunt, qua prohibe-
 ant ne quid alicunde commeatus in oram Belgii,
 quæ suæ factionis non sit, importetur. quæ res
 fortasse nonnihil cariorem annonam facit. x. Iunii,
 cl. 15. LXXXIV.

Epistola 40.

Certum est Auriacum ictu minoris sclopeti in-
 terfectum; percussorem captum, & tormen-
 tis admotum nihil extorqueri ex se passum esse,
 quo auctore tantum facinus perpetrasset; tan-
 tum sua manu scriptum reliquisse, eo adductum
 se studio liberandarum illarum provinciarum tali
 Tyranno. Venerunt huc Oratores ex Belgio, cre-
 do ut Regem in suas partes protraherent, sed haud
 commodum ab eo responsum abstulerunt. Nunc
 sollicitant Reginam seniore, à qua quoque

Q

fi

si rejiciantur, Regis Navarra & Borboniorum opem imploraturi videntur. Lillo Antuerpiensium munimentum Parmensis obsidione premit; & tentata expugnatione oppugnantes magna cum eade repulsi. Rex iter Lugdunum versus ingressus est, ea maxime, ut putant, de causa, ut in locum præsentis Præfecti Lugdunensis substitueretur Espernonius Ioyssive pater. Rex Navarra in-
 vitat, delatogi Regni vicariatu. Guisii dominationem cogitant. Aliquis videtur esse rerum timor, nec certum qualium, nisi quod hoc optime tempus declaraverit. Cameracenses Mareſchallus Rherzius in verba Regina senioris adegisse jurejurando dicitur. XXIII. Iulii, c13. 13. LXXXIV.

Epistola 41.

VNum in præsens se mihi offert, quod scripti-
 one dignum sit, Oratores Belgicos magna vi niti ut in suas partes Regem pertrahant. Valde favet eorum causæ Regina senior; itaque Regem ipsum nonnihil commovisse dicuntur. Remissus ex iis unus, & cum eo simul ille qui Alenzonio, dum viveret, Antuerpiæ pro Oratore operam navavit. Hos commodam ad illos Status à Rege responsum ferre aiunt, consilium, operam, favorem, auxilia liberaliter promittente; nam ei Status è contra immodica, & pene dictu incredibilia offerunt. Res est magnæ expectationis. Sunt quidam, qui vehementer classicum canunt. Quid enim expectare Regem, aut quod opportunius tempus habiturum bellum, quod intra paucos annos necessarium sit futurum? cur eum non præsumere, cum tanta occasio, tanta utilitas ostendatur? Stulte optari, quod haberi possit. Esto, nunquam Gallis ex animo credunt Belgæ, neque se eis subicient; parumne videtur eos à veteris domini obedientia abstraxisse? Vivant aliqua ex parte liberi, ne sint plane dediti Gallis, dummodo vivant hostes infestissimi Hispanis. Exiguam

quam profecto plagam Regis Catholici rebus infixisse videri non potest, qui tot ab eo provinias abalienaverit, licet non plane sibi subdiderit. Ne mini vero, non bono judicio prædito, obscurum, quin Hispani, cupida regnandi natio, ubi se paululum confirmarint, nequaquam in tanta potentia quieturi, sed reliquæ ditionis Christianæ imperium affectaturi sint. Quantum autem superest præ eo quod jam adepti sunt? hic nullam deinceps libertatem, nullam reliquorum Principum aut Rerumpublicarum dignitatem fore. Unius gentis Hispanicæ omnium rerum erit arbitrium; quo nihil miserius, neque indignius. Mature ergo tantæ ruinæ occurrendum, antequam coalescant vires. Non esse dubium, quin omnes Reges, Principes, & civitates, quibus sua salus aut dignitas cara sit, libenter arma consocient, & ad commune restinguendum incendium occurrant. Neq; hæc non æquis auribus accipi puto, sed unum mortis Regis Catholici tempus expectari. eam videri summam miscendis rebus opportunitatem. Ab Lillo Parmensis ad Termondam castra transtulit, multis, ut narrant, suorum desideratis. Calolum tamen castellum retinet, unde non parum prævehentibus navigiis incommodi infertur. Termondæ non difficilem expugnationem sperant exclusa ejus majori præsidii parte. Marefchallus Rhetzius est ad D. Quintini fanum, unde summo pere conatur persuadere Balagnio, qui est Cameraeci, ut ea Præfectura Regi, quemque Rex volet imponere, cedat. Balagnius autem ejus loci civibus, propter dominatus impotentiam, magno est odio, nec de effectu desperatur. Spectatur jam Rhetzii in hujusmodi actionibus dexteritas & prudentia. Lutetiz. xviii. Augusti. clj. Id. lxxxiv.

Epistola 42.

Vix est quod scribam, tamen me ad scribendum tempus & officiū vocent. Rex nulla, quod sciam,

sciam rememorabili confecta Lugduno rediit. Fuit hic aliquamdiu in suburbana arce, quam *le bois de Vincennes*, vocant, ubi templum Hieronymitarum construit, sibi suæque Pœnitentium societati; mores interim & flagitia castigans, præsertim eorum, qui pecuniam publicam, sive fisci, sive ærarii subverterunt, quorum plena est Gallia. nec parit in his, ne summa quidem dignitate præditis. itaque multi profugiant metu. Ab his irrupturus in Consilia, quæ Parlamenta vocant, existimatur, jurisque & judiciorum rationem ab illis repetiturus; nam & hanc nationem valde corruptam, & medicinæ indigentem arbitrantur. Regnant in Gallia, non minus fere quam ipse Rex, jusque habent quæstui, aut dant gratiæ. Cardinalis Borbonius, tametsi decrepitis, non videtur satis æquo animo Navarreo fratris filio juri successionis Regni cedere. Ea re ad partes Guisianas valde inclinat, quorum apud multos præcipua est auctoritas & gratia. Quinimo nuper dictitatum fuit, cum, sacris & Cardinalatu repudiatis, ducturum uxorem Monpenserii viduam, Ducis Guisii sororem; manetque etiamnum ea fama. Mareschallus Rhetzius non discedit à Picardia, ubi quæ munitionibus desunt explenda curat, & loca pleraque præfidiis firmat. Nam Reginæ seniori nihil videtur deliberatius, quam Cameraci possessionem continuare. ob id & miles Prætorianus eo missus. Ipsa Regina ad Ligerim abest, circumque ea loca vagatur, congressum, ut rumor est, cum Rege Navarreo captans; sed is non videtur eo facile adduci, quod à Regis Reginæque insidiis sibi cavendum putet. De uxoris adventu non desperatur. Illuc & ipse Rex profectus est, aliquamdiu mansurus, nisi veraret eadem pestilentia, quæ eum Lutetia arceret. Hic adhuc incertum est quo se applicet. Res in Belgio Regi Catholico procedunt ex sententia. Recepti in gratiam Gandavenfes iis, ut dicunt, legibus, ut ducenta coronato-

coronatorum millia solvant, templa restituant, pro una geminam arcem habeant, sex capita quæ postulentur tradant. Sed & Bruxellenses de deditione agitant. Propter hæc nihilominus non dimittit animos Antuerpia: Sed nec Hollandi, neque Zelandi de inceptis quicquam diminuunt. Venit ab illis Reginz senioris Orator. jactat amplissimas conditiones, quibus eos cum Rege depacisci paratos adfirmat. Non est extra dubitationem quid futurum sit. Interea Deus Optimus Maximus C. M. V. conserveat, cui ego me humillime commendo. IV. Octobris, CIO. IO. LXXXIV.

Epistola 43.

NON modo speratus de die in diem Saneeri discessus longius fecit litterarum mearum intervallum, verum etiam quod nihil haberem scripture dignum. Rex lustratis diversis regionibus, ubi se à peste tutum fore crederet, postremo Blesii constitit. Sed & illinc eum pestis ejecit, abrepta de gynæceo uxoris nobilium puellarum una. Sic postremo recepit se ad fanum D. Germani Layorum, eo in loco cœptam morum & institutorum censuram peracturus. Vidi eum Blesii, apud eum, Reginaeque matrem & uxorem, dolorem & luctum Christianissimæ, M. V. Sororis ex morte Alenzonii testatus. Fuit aliquis rumor novorum motuum Galliz Narbonensis; sed ii videntur consedissee. Don Bernardinus ille de Mendoza, qui ex Anglia hac iter habuit in Hispaniam, huc reversus est; primum ut luctum Domini sui de morte Alenzonii testificaretur; deinde ut amoto Taxio Oratorem ageret. Taxius in Belgium se recepit, inde in Hispaniam profecturus. Si boni Oratoris est magnum sumptum facere, non facile reperietur hoc Don Bernardino melior; nam aiunt illi esse in animo ad sedecim millia coronatorum quotannis in suam legationem insumere. Utinam reliqua

reliqua consentiant, nullaque re Taxio inferior sit. Dux Espernonius, Regis fere alter, pessimo strumæ sive scrophulæ genere laborat, cui medendo contactu dextræ Reges Gallici facultatem profitentur; ejus virtutis experiundæ magna nunc Regi occasio datur. Atque hæc scribo, quod nihil haberem quod scribam aliud; omnia enim congelasse videntur, quo majores fortasse sequenti vere motus expectandi. x. Decem. c10. 10. LXXXIV.

Epistola 44.

Denuo adsunt à rebellibus Statibus è Belgio Oratores cum amplissimis, ut aiunt, mandatis, Regem, si possint, ad suam tutelam traducturi. Quid futurum sit, mihi non satis liquet. Regi quidem belli suasores non desunt. Antuerpia interim gravi obsidione urgeri dicitur, pene intercepto fluminis sive æstuarii usu. xv. Decem c10. 10. LXXXIV.

Epistola 45.

Adsunt denuo à rebellibus Belgii Statibus frequentes Oratores, cum amplissimis mandatis & ingentibus promissis. Duodecim oppida deferunt Regi, modo ipsi in tutelam & fidem recipiantur; in quibus oppidis summum sit ei jus & potestas. Pollicentur in sumptum belli in singulos menses centum millia coronatorum, ex quibus quinquaginta sumpturi sint à Regina Angliæ, quinquaginta ipsi præstabunt. De quibus rebus expectatur Orator Anglicus, cum magno & splendido comitatu. Adventui obtenduntur Insignia ordinis ejus Regni, quæ per eum huic Regi mittuntur. Interea jussi subsistere in propinquo oppido Oratores Belgici; nihilominus tamen cum Rege per scripta & codicillos agunt. Sumptus eis à publico suppeditantur. Facilem & expeditam viam ad victoriam Regi promittunt, si comteatu adversarios prohibeat, neque ex suo Regno

Regno quicquam exportari patiatur. Si id fiat, nullum intra annum in Belgio hostem fore; intercluso enim ex altera parte omni maritimo subsidio, non fore tolerabilem famem, ne nunc quidem, cum omnia à Gallia pateant, nisi difficili ac gravi annona. Quæ ad hæc mens Regis futura sit, non est facilis conjectura. Si causam suscipiet, simul in se grave bellum trahet. Si rebellibus auxilio erit, minime probabile exemplum erit iis rebellibus quos habet domi. Postremo capienda arma pro iis qui à communi religione diversa sentiunt, quos in Regno suo odit & averfatur, neque fert, nisi invitus. Non videntur ista hominis sibi constantis. palam certe non putant transgressurum in partes. Reginæ matris auspiciis id bellum destinatur, non tamen sine regiis viribus & consensu. Cujus autem ductu geretur, excogitare non possum. Esset quidem idoneus Rex Navarræ, aut Condæus, sed neuter Regi se credit, nuptiarum & cædis Bartholomæanæ memor. Attamen non desunt, qui dicant Regem Navarræ sororem unicam Regni hæredem Condæo elocaturum, quo magis utriusque securitati consulum sit, si qua vis alteri fiat, altero superstite qui vindicet. Harum rerum eventus diu ignorari non possunt. Mons. ille de Selles, quem in Hispania M. V. novit, in carcere Zelandico interiit. Edictum tamdiu meditatum emendandis moribus tandem prodiit, sed quod nisi in paucis multorum expectationi non respondeat. Ejus exemplar transcriptum mitto ad C. M. V. cui ego me humillime commendo. & Deum oro, ut diutissime servet incolumem. xxv. Jan. cl. l. lxxxv.

Epistola 46.

REX Oratores Belgicos privatim audivit. Quæ forma fuerit eorum orationis, ex vero non possum dicere; nec tamen difficilis est conjectura. Regem quidem respondisse aiunt, in nullo se

se boni vicini officio cessaturum. Sunt Oratores numero quindecim, cum comitatu ad homines sexaginta, quibus se adjunxit Princeps d'Espinox, ille, qui cum fratre Marchione Richeburmensi diu vixit in aula Divæ memoriæ Imperatoris Maximiliani. Etiam à Rege Catholico, & à Pontifice, & à Duce Sabaudix adveniare Oratores percerebuit, aut certe litteras, quæ Regem foederis moneant & in officio contineant. Sed ego nec Sabaudi, nec Regis litteras aut legationem magnam vim habituras puto; quantum valitura sit Pontificis auctoritas non possum statuere. Oratoribus, quos dixi, publice sumptus suppeditantur. Venit postremo, qui exspectabatur Orator Anglicus, cum amplo & splendido comitatu. ei nomen Comiti de Herbei. Regia stirpe ortum ipsi Angli confirmant. Sic obviam ei itum est, ut nihil fieri potuerit splendidius. ædes præbitæ Regiis proximæ; sumptus decreti in singulos dies ducenti coronati. Causa adventus præferuntur Insignia ordinis Anglicani, quibus Regina illa Regem impetrat. Cæterum vero propinquior causa ad negotium Belgicum refertur. Ea Insignia Rex accepit die ultimo mensis superioris, in Templo D. Augustini, tempore Vespertinarum precum, assidente toto ordine Sancti Spiritus. Cui ceremoniæ vocati Oratores omnes interfuerunt; etiam illi qui è Belgio adsunt, cum magna tamen offensione Oratoris Hispani. Dies crastinus audiendis præfatis Oratoribus, una cum Legato Anglico, præstitus. Cæterum de exitu negotii diversæ sunt conjecturæ. Certum est Regem non libenter in hanc causam descendere; arque etiam desiderare quædam in mandatis Belgarum. sed mater urget, cujus in nomen Hispanum infinitum est odium. Matris voluntati cessurum, & in partes transgessurum putant, si non palam, certe consensione occulta. Quod si fiat, vereor ut subsistat pax. Sunt qui arbitrantur inter turbatores rerum Belgicarum

rum præcipuas partes futuras Don Antonii, eumque auxiliis Gallicis impositum iri. Sed de his rebus id demum haberi certum potest, quod præterit. Dum ista hic laborantur, non est cessatum alibi. Quidam Regem Navarræ veneno tollere conatus, postquam id frustra fuit, seu firmitate corporis Regii, seu debilitate veneni, ad vim se convertit, intento in eum minori sclopero. Sed nec ita propositi scopum attingit, captusque, & in carcerem datus, causam dicit ex vinculis. Casus iste Regem graviter movit, ut certe debuit, quod ad invidiam ejus plurimum pertineat; eaque de causa illi misit unum ex iis qui juri dicundo præfunt, magnæ auctoritatis virum, qui causæ cognitioni & tormentis sicarii illius intersit, resque certas & compertas referat, an aliquo auctore, an sua sponte & proprio odio eo processerit. vi. Martii, ClO. IO. LXXXV.

Epistola 47.

HAud dubie nunciatur de Brabantia subactam fame Bruxellam Parmensi se dedisse; Antuerpiam vero graviter premi, amisso navigationis usu ob flumen sive æstuarium ponte junctum, quod opus tandem ad exitum perductum sit. Eam rem credibile est calcar istis additurum, quo citius de negotio Belgico statuatur. Nam res illic nisi fulciantur, strenue ad ruinam tendunt. Oratores quidem contumacium civitatum suis rebus parum confidere videri volunt, quod Rex suo nomine bellum gerere nolit, sed maternis auspiciis deleger. vii. Martii, ClO. IO. LXXXV.

Epistola 48.

Dimissus Orator Anglicus die hujus mensis decimo quarto, postquam viginti diebus hic fuisset, magno in honore, omnibusque cultus officiis. Abeunti donatum tantum vasorum argenteorum, quod quatuor coronatorum millibus æsti-

æstimetur. sed & comitum præcipui donis honestati. Sequenti paulo post Belgarum Oratores, quorum singulis impertitæ catenæ aureæ pretio ducentorum coronatorum. quorum adventus nullius, aut non magni usus fuit, aut certe valde testi & dissimulati. Rex palam respondit, sibi esse in animo servare pacem, quam haberet cum Rege Catholico. Reginam esse salutis eorum valde cupidam, sed quo minus opem ferat, prohiberi voluntate Regis. an quid secerius sub hoc velo lateat, non habeo certum. Illi quidem omni conatu adnisi sunt Regem in apertum bellum trahere. Quod idem Oratori Anglo propositum fuit, sed parum videtur profecisse. Sunt qui putant nescio quid modicæ opis eis promississe Regem, donec ex hac tempestate impendente evasisset; postquam conquerit, majore auxilii mole subventurum. Non enim ambigue novi istius Regni tumultus portenduntur. Movent arma Guisiani, irati, ut vulgo aiunt, quod sua majorumque tanta merita nulla Regis liberalitate pensentur, cum interim duo juvenes novi, nulla re, nisi arrogantia & superbia, insignes, magnis viribus & honoribus cumulentur. Neque hic consistunt. volunt post Regis interitum designari Regem, qui Religionem profiteatur Catholicam; revocantque denuo in scenam sacras societates, & fœdera adversus hæreses instituta, in quibus sibi primas partes vindicant. Hoc est, cum præclare intelligent, si Rex Navarræ post Regis mortem rerum potiatur, nullum sibi in Gallia locum fore, mature obviam ire, & dum tempus est rebus suis consulere, vel cum summa istius Regni perturbatione, conantur. Ac sane suspendit ingens metus atque expectatio omnes Galliarum populos, quisnam religionis status futurus sit Rege defuncto. Plerique enim veteres ritus, omnesque ceremonias & sacra sub Rege Navarræ profanatum dissipatumque iri credunt, eodemque loco, &
forte

forte pejore, Catholicos tum futuros, quam huc usque fuerunt qui diversam religionem sectati sint. Ea opinio res novare volentibus magnam præbet opportunitatem; præsertim iis qui à vetere religione nunquam deflexerunt. Quo numero sunt Guisiani; quorum præterea ingens favor & gratia est apud populum, adeo ut voces interdum audiantur, quibus illis plus deferatur, quam Regi. Continuatam à Carolo Magno usque in hoc tempus gentem, perpetuos veteris religionis propugnatores. Regi & Regno Galliarum nunquam non fidos, tamen si neglectos, aliis locum obtinentibus, quem ipsi mereantur, nunc iusta de causa capere arma, munus Regis subire, & defendendam suscipere religionem. Stat etiam ab illa parte, relictis gentilibus suis, Cardinalis Borbonius. Regi per litteras & nuncios admonenti, viderent quo progredierentur, responderunt, se nihil contra eum moliri, sibi manere fidem & obsequium, ne crederet fictis malevolorum criminibus. Nihilominus appropinquare equitum Germanorum adventum fama increbescit, jamque Lotharingæ imminere, & brevi habiturum Guisium in armis ad viginti millia hominum. De pecunia si quærat aliquis, unde sit suppeditatura, vulgi ad hoc expedita responsio est, pecuniam deesse non posse, amicis & adiutoribus Pontifice Maximo, & Rege Catholico; nam hos non dubie cum Guisianis convenire. Enimvero si quis attendat quibus præcipue boni sint isti motus, non facile reperiet alios, quam Pontificem & Regem Catholicum; nam hujus quidem Provinciarum quies, & cœptorum quos sperat eventus, non aliunde pendet quam à moribus & perturbatione istius Regni. Non fallunt ista Regem Navarræ, neque ab eo negliguntur, quin & ipse ea comparat, quibus vim propulset, & salutem muniat. Idem Regi operam suam adversus hostem offert. Rex cum animo quieto esse jubet, neque

neque quicquam attentare; tantum ira habere provisas urbes suas ne pateant hostium insidiis. fore sibi curæ cætera. Nescio quatenus is fidem adhibeat: nam non desunt quibus suspicari libet, nihil inscio atque invito Rege à Guisianis cœptari. Alii quidem huc usque Regem consiliorum Guisianorum expertem, sed eundem brevi cum illis sensurum, causamque communicaturum judicant. Non quod eos præcipuo amore complectatur, sed quod Navarræ ob veteres discordias & dissidium religionis magis oderit. Neque mihi dubium est, quin, si detur ipsi optio, quemvis Regni hæredem malit, quam Navarræ. Quid enim actorum suorum firmum? cujus affinis, aut etiam consanguinei statum inconcussus? cujus amici fortunam nullam subituram mutationem hoc successore polliceri sibi possit? Postremo durum est post mortem prævidere florentes fore, quos in vita afflictos volueris. Sed est difficile talium rerum fontem & radices recludere; ideo melius, dum tempus in apertum proferat, in medio relinquuntur. Novam haud ita pridem in caput Reginz Angliæ conjurationem deprehensam constanti fama circumfertur. Hollandiæ & Zelandiæ populi toti sunt in apparanda classe, qua perrupto ponte Antuerpiæ subveniât. Quod si minus succedat, aggerem maritimum qui est citra Bergas subruant, ac mare Antuerpiam usque immittant, ita ut deinceps naves irritò ponte ad mœnia ejus urbis appellì possint, non sine miseranda accolarum clade. tanta pertinacia est; ipsi necessitatem vocant. xxv.
Martii, cIo. Io. Lxxxv.

Epistola 49.

MAGNUM in metu est bellum, subitum quidem illud & inexpectatum, Regi ipsi pene visum prius, quam cognitum. Ante duos menses Dux Bullonius eum per litteras monuerat ut rebus suis consuleret, parari bellum à Guisianis, quod à se
rum

tum neglectum identidem ingemiscere dicitur. Auctor istorum motuum specie præcipuus Cardinalis Borbonius; revera, ni fallor, Duces Guisus & Maynxus, & Cardinalis Lotharingus, fratres, Dux d'Aumale & Marchio d'Elbœuf patruels, Dux item Mercurius Reginæ frater, oræ Britonum & Armoricæ civitatis Præfectus. Hos sequuntur multi alii, sed inferioris notæ, quos longum esset per censere. Causæ offensionum plures; inprimis æmulatio. Iamdiu ægre ferunt Guisiani, non se locum gratiæ & honoris, quo se dignos putant, apud Regem tenere; divitiis & dignitatibus alios cumulari, sui nullam haberi rationem; jacere ære alieno oppressos, officiis majorum & suis erga hoc Regnum contracto. Regem sibi duos juvenes selegisse, quos amaret, foveret, loco filiorum haberet, in quos Regni opes effunderet, qui ejus interiore convictu assidue uterentur; cum ipsi non modo ab ejus congressu, verum etiam à conspectu objectis foribus contumeliose repellerentur. Huc accessit, ut opinor, suspicio nec temere orta, fore ut Navarræ soror, ejus Regni & latissimæ ditionis hæres, nuberet Duci Espernonio, Connestabili, ut credunt, à Rege designato; qua matrimonii conjunctione conciliatus Navarræ Rex, alias iniquior, æquum se successioni illius præberet. Huic incommodo, ut gravissimo, visum fortassis Guisianis ire obviam; nam satis constat eos, vel Navarræ, vel Condæ Regno, nulla auctoritate, nullo numero in Gallia futuros. Cardinalis Borbonius Regni successoris nomen affectat, fertque indigne sibi præferri fratris filium, certiorumque hæredem judicari. Adeoque fastidito Cardinalitio habitu sibi placet in sagis, ut quibusdam delirare videatur. Persuasum habet deberi hoc à se Sedi Apostolicæ, deberi religioni quam profitetur, deberi generi & dignitati, ne huic Regi defuncto succedere alium quam Catholicum patiatur. Sic tanquam conjurationis caput se infert, & primas partes

partes deposcit. Religio, bonum publicum, conventus Ordinum, incolumitas Regni, salus bonorum, tralatitia res novas volentibus usurpare, adsciscuntur, obtendunturque. Quin etiam afferri bulla, jamjamque adesse dicebatur, quæ Regi Navarræ & Condæo omni spe successionis interdicat, ut inhabilibus & indignis; Haud scio quam utili ad concordiam exemplo, præsertim his temporibus, quibus triumphatis Persis, si unquam, Christianorum finibus pertimescendus sit Turca. Fallitur enim, si quis tam diuturno bello aliud Turcæ quæsitum putet, quàm ut sibi ad excidium Christianitatis viam muniret; ut postquam is hostis sive sublati, sive domiti tuta terga præstitisset, ipse totis viribus de salute & Imperii summa inæquabili certamine nobiscum dimicaret. Atque ea quæ dixi tam grata sunt in vulgus, sic animos multorum permovent, ut nesciam quid futurum sit. Regi quidem nihil potuit accidere, neq; inexpectatius, neque incommodius, imparato ab exercitu, modo à pecunia. Vix est Catholicorum optimatum quispiam, qui non Guisii consiliorum particeps & fautor occultus habeatur. Provinciæ fere omnes nutant; præcipuè civitates partim sunt infidæ, partim præsidium accipere recusant. Ita Rex vix habet quo se vertat, inter certos hostes, amicos vel imbecilles, vel exiguos. Et quamquam agat omnia ut vires contrahat, tamen hoste jam propinquo & jam accincto omnis festinatio tarda est. De uno Duce Mercurii mihi mirum, adduci potuisse, ut contra Regem indueret arma, qui sororem habeat Reginam, & sit ipse magnis & recentibus Regis beneficiis auctus. Sed & hunc movit injuria, quæ prædecessores ejus Britonum gubernatores habuerunt, ereptorum, & ad Ducem Ioyssum ut maris Admiralium translatorum, injuria. Urbs Aurelia primæ est post Lutetiam auctoritatis; stat à partibus Guisianis. Oppidum Normanniæ maritimum Caen, cui arx imminet munitissima, est in potestate

te Marchionis d'Albœuf. arcem tenet d'O, quondam inter intimos Regis, nunc Guisianus. Complura alia loca Dux d'Aumale occupavit, ad quæ recuperanda proficiscitur Dux Ioyfius. Blaya, locus haud longe Burdegala distans, & à quo multum noceri illi civitati potest, si Regi fidelis esse pergat; Lanfaccius junior, & ipse Guisianus, eum præsidio insedit. Brisaccus Andium arcem tenet. Sic plures partim per Galliam projecta Regiæ Majestatis reverentia quotidie desciscunt. Tentata quoque Marsilia, sed inauspicato. Ergo hic rerum status Ducem Espernonium, juvenem alias tantæ superbiz, ut Regi generis homines aperto capite ipse operto se alloquentes audiret, aliquanto comiorem reddidit, ut & ipse pileo manum admoveat. Itaque vulgari joco, pileum quem antea ignorare videbatur ubi esset, jam reperisse dicitur. Rex circumquaque suos Oratores dimisit, qui sævientes animos lenirent; sed nihil æqui referunt. Regina senior etiamnum est apud Guisium, ejus atroces in filium quærelas sæpe audire cogitur. Eodem accessit Cardinalis Borbonius, ante cujus adventum negabat Guisius ad se de his rebus adiri debuisse sibi nullam præcipuam potestatem, sed ut unumquemlibet Fœderi Sancto sive sacro militare. Est ibidem cum amplissimis à Rege mandatis Archiepiscopus Lugdunensis. si quid transigi possit, ea una spes Galliz salutis. Itaque magna est expectatio redditus Regiæ, quo vel optata cum Guisianiis pax referetur, vel perniciosi ducetur belli initium. Sunt qui affirment non aliter de pace conventurum, quam si Regi Catholico restituatur Cameracum, adeo non dissimulanter præ se ferunt Guisiani, se communicatis cum Rege Catholico consiliis arma movisse. Regina Angliæ, quam non latet quam ista ad se pertineant, sex millia equitum ære suo conductorum auxilium Regi offerre dicitur, optione data sive Anglos malit, sive Helvetios. Rex quoque Navaræ magnum offert

offert popularium suorum numerum, ut qui vereatur, neque temere, ne hæc postremo in suo capite cudatur faba. De eadē Marchionis Richeburgi, & ut etiam aiunt, Billii, & quorundam aliorum ad pontem Antuerpiensem haud dubie Cæsarea Majestas Vestra audierit. Vereor ut semper eadem scribendi facultas suppetat, itineribus quibus Metam & Nanceum itur alterutrius partis militibus infestis, omnia scrutantibus ac dissipantibus. Ac nescio an hæ ipsæ litteræ pervadere sine naufragio poterunt, xxv. Aprilis clō. Id. LXXXV.

Epistola 50.

Guisus oppidum Verdunum cum nonnulla resistētiū eadē interceptit. Ad Guisianorum item factionem Lugdunum & Nantes descisse creduntur. Ex Anglia novi motus detectio, conscio Comite Arundellio captoque, nunciatur. xxviii. Aprilis clō. Id. LXXXV.

Epistola 51.

Bellum strenue ghescit, nihil tamen gestum valde commemoratu dignum. Clerus dicitur suppeditare Regi quot mensibus centum millia coronatorum in sumptum belli, cum eo ut Rex terminum quem Huguenotorum migrationi finierat contrahat, quemadmodum fecit, ut ex edicto quod his conjunctum est, Majestas Vestra videre poterit. Sed tamen ne sic quidem Rex fidem facit se revēra & sincere cum sacra societate sentire, & in partes illas transivisse. Sunt enim qui dicant eum ita fingere ut pecuniam eliciat, quam consecutus pellem versurus sit. dies docebit. Magnum tumultum excitarunt pauci milites Huguenoti infra viginti, qui arcem Andegavensem occuparunt, præsertim ubi auditum eo venire Principem Condzum, & jam trajecisse Ligerim, & in suburbio castra locavisse. Concurrit eo quidquid erat militum, sive equitum sive peditum, una cum Helvetiis ipsius Regis custodiæ, ductores omnes, Ioysius, Espernonius, Maynzus, Bironius. Sed
Condzus,

Condusus, postquam se tantis copiis circumveniri vidit, neque se posse in arcem evadere, damnato consilio trans Ligerim se recepit, dissipatisque copiis in tutum atque intra sua præsidia pervenit: rumore hic interea sparso, & credito, illum in transitu fluminis cujusdam captum. sed mox de vanitate ejus rumoris constitit. Paulo post Rex copias revocavit, propter continuas pluvias, & tempus anni gerendo bello contrariū, male acceptas, & non immunes à grassantis luis contagione. Oppidum Burgundix, Auxone vulgo vocant, Majestatis suum Præfectum postulavit, quod præsidium Hispanicum in arcē accipere cogitasset, & eo obtentu arcem magna ex parte delent. Et Lugdunenses jam pridem arcem suam solo æquarunt. Idem ut fieret de Andegavensi Regem imperasse ajunt. Sic magna hic sit arcium ruina; alibi ædificantur. Cum his conjuncta erit Bulla Pontificia, qua inhabiles ad succedendum huic Regno Navarrus & Condusus declarantur. Quam vim habitura sit, novit Deus. Mihi metuendum videtur ne tuba sit majoris tumultus. Nihilominus dicitur Rex bona Navarræ, quibus manum injicere potuit, confiscata fiduciario titulo donasse patrueli ejus Cardinali Vendosmio. Episcopus Parisiensis Romam Regis nomine Legatus abiit, de alienatione bonorū Ecclesiasticorum, aliisque, ut credibile est, de rebus multis acturus. Orator itē novus Constantinopolim profectus non ultimæ nobilitatis, quem nihil quod expediat Germaniæ tranquillitati structurū puto. Unus hic timetur eques Germanus, cui distinendo Turcicorum armorum terrorem remedio esse videtur istis persuasum. Intelligo fasciculum unum mearum litterarum quas scripsi mense Majo desiderari. nescio ubi hæserit. miseram per viam Bruxellensem, ut tutiorem; ut etiam hunc mitto, sed cautius. Spero & illum Cæsarex Majestati Vestræ redditum iri, sero tamen. Lutetix. xv. Novembris clō. lō. lxxxv.

ET si nihil incidit à postremis meis litteris scri-
ptione dignum, scribo tamen nactus scribendi
opportunitatem, quæ rara est hoc tempore. Dux
Maynzus cum suis copiis pervenit ad loca finibus
hostium proxima. Brevi audiemus quos progressus
faciet, & quo eventu bellaturus sit. Rex animum
vehementer obfirmavit ne quem sectæ Hugueno-
ticæ, aut alium quàm Catholicæ religionis in Gallia
patiat. Itaque se proripiunt qui religionem mu-
tare nolunt. Fuerat his diebus porrectus Regi li-
bellus nomine mulierum & puellarum quarun-
dam, quo ei supplicabatur ut illis tuto manere li-
ceret, victuris in abdito sine ulla cuiusquam offen-
sione. Rex assentiri noluit, sed fide sua in Angliam
incolumes trajiciendas curavit. De reliquo, totus
ipse deditus novis suis ceremoniis, & vitæ solitu-
dini; ut non desint qui vereantur ne ex eo in ad-
versam valetudinem, aut certe in genus aliquod
odiosæ superstitionis prolabatur. Regina Angliæ
non dissimulanter Hollandiæ, & Zelandiæ, & qua-
rundam aliarum civitatum tutelam suscipit, ut
etiam scripto publice edito testata est. Locis me-
diterraneis haud scio quantum opis allatura sit;
sed maritimus ejus Regni situs, & reliquorum lo-
corum, & validæ classis opportunitas magnum
auxilium videtur promittere. Sic certe bellum
ducetur, prorogabuntur miseriæ, incerti posteri
temporis eventus aditus reservabuntur, & clauso
mari cæteras Belgici tractus regiones famis metus
premet. VI. Decemb. clæ. 15. LXXXV.

Epistola 53.

Vulgata jam adventantium Germanorum
equitum fama. Rex Ducem Espernonium
Metas ad suam Præfecturam dimisit. Ea urbs
mire turbata est propter novitatem religionis.
VII. Decemb. clæ. 15. LXXXV.

INDEX IN BUSBEQUII

EPISTOLAS DE ITINERIBUS

Turcico & Amasiano, & in Epitomen de
Moribus Turcarum.

A.

A Chama Bassa. 55
Achomates Bassa à
carnifice interfici non vult.

81. 82

Achomati Bassa primo Vi-
siriorm laqueo gula fra-
cta. 71

Achomatis Bassa obitus
causa. 81

Edibus magnificis cur
Turca non studeant. 2

Edificia elegantia in Tur-
cia pauca. ib.

Alcorano insidere homini
Christiano capitale. 26

Alcoranus quid. 59. quan-
ta in veneratione. 26

Amasia praefectura Turci-
ca. 28

Amasia urbis Cappadocia
descriptio. 54

Amasianum iter. 1

Amurates Belgradum op-
pugnauit. 14

Ancyra urbs. 45. descri-
ptio. 48

Ancyra hodie Angur. 46

Angustia quibus Darius
exercitum contra Scythas
trajecit. 40

Anima in hominem unde ex
Turcarum opinio. 37

Antoninus Nicaeam restau-
rauit. 43

Apparitores Chiausi sunt
Turci. 7

Erarium Suleimanni à
Rustano constructum. 28

Araxis flus. Turcarum &
Persarum limes. 164

Architectus qui obeliscum
Constantinopoli huius ja-
centem erexit. 37

Area hippodromi Constan-
tinopoli. 36

Arslambegus Singiacus.
110

Asiam quomodo Turca vo-
cent. 41

Asperus Turcis quid. 20

Attila qualis. 233

Aula vera bona non nouit
nisi sero. 218

Aulica vita, splendor, multa
miseria. ibid.

Aurora aduentante Turca
ad venerandum Deum
vocantur alta à turri. 19

B.

B Ajazetes major iustam
conjugem in matrimo-
nio habuit. 26. à Tamer-
lane una cum uxore
captus. 27

Bajazetis praefectura qua.

137 R 2 B4.

INDEX.

- Bajazetes* ad patrem vocatur & venit 79. *Suleimanno* patri conciliatus. 80. quamdiu in officio manserit. 135. omnia circumspicit quo fratris manus caruifices aliquando vider. 136. quo prae-textu *Mustapham* vivere fingat. 74
- Bajazetis* ad suos adhortatio. 144. fratrem aggre-ditur. 145
- Bajazetes* *Bassam* *Erzerumensem* fallit astu. 163. *Bassa* *Sebastianopolitano* illudit. ib. *Pereau* domum remittit. 140. in *Persia*. 165. squalore deforma-tus in carcere strangu-latur. 214, 215
- Baglison*. 54
- Balduinus* *Major* *Flandria* Comes. 22
- Balnea* *Turcicarum* mulie-rum. 110. conciliatrices amorum. 111
- Balsamum* *eximium* munus *Turcicum*. 220. ejus fru-ticis succi genus duplex. ibid.
- de* *Bassis*. 302
- Bassa* *Budensis*. 2
- Bassa* *Visirii* *Turci* qui. 2. mirantur nigrum vesti-tum in *Christian*. legatis. 49
- Bassarum* mos ante sua quadragesima. 211
- Belgradum*. 12. ejus descri-ptio. 13. & incolae. 15. quando à *Turcis* captū. 14
- Bellerbegus* *Gracia* 213
- Biceps* testudo. 42
- Borchara* urbs *Persiae*. 200
- Bosphorus* *Thracius*. ib.
- Bosphori* fauces duas arces habent. 40
- Bosphorana* concubina *Suleimanni*. 26
- Brachia* ingredientibus ad *Turcarum* Imp. cur-temantur. 56
- Bruxella*. 2
- Buda*. 2. ejus descriptio. 10. quando à *Turcis* capta 14
- Budensis* *juventus* *laniati*, & saucis spontaneae sic defor-mati *Busb*. excipiunt. 226
- Bulgari* unde dicti 22. Il-lyrica lingua utuntur. ib.
- Bulgarorum* reges. 20
- Bulgararum* faminarum ornatus. 21
- Busbequii* patria. 195
- Busbequius* legatus in *Angliam*. 1
- Busbequii* celeritas in ap-parando se legationi *Turcica*. 2
- Busbequius* legationi suffi-citur. 2. per biduum à *Ma-lvezio* de *Turcarum* consue-tudine & cautela instrui-tur. ib. *Vienna* discedit. 6. quomodo acceptus à *Turcis* prope *Strigonium*. ibid.
- Budam*

INDEX.

Budam venit & quomodo ibi acceptus 7. in Amasiam iter parat, 41 secundo legationi se accingit, 71. valvas forium aperit & visendi Suleimanni gratia prodit 147. fidei juret pro captivis, 178 libellum Basii exhibet quo testatur se ignaram voluntaria sui domini Constantinop. manere, 85, castra Turcarum contemplantur ignotus 151 in Germaniam iter ingrediuntur 211	Charta ex bombycum exuvii 101. ad sordida usurpari Turca agerrime ferunt 25
Byzantium vetus ubi situm putetur 36	Charta Turca multum tribuunt, & cur ib.
C	Cathaia regio 200
Cæs. Majest. postulata à Turcarum Imp. qualia 56	Cathata rex muneribus afficitur à mercatoribus 101
Caddy judex Turcu 204	Cathains peregrinorum hominum concubernium diturnum non ferunt ib.
Cameli usus peregrinantibus 200	per Cathaiam uti peregrinandam 201
Camelopardali descriptio 38	Cervicalia Turcica qua 16
Canis apud Turcas spectum animal 106	Ceruus audito nomine Dei caput inclinat 94
Capitanei Turcici 58	Chazilar milites 303
Captivi Turcarum quomodo tractentur 276	Chederle heros quidam Turcis, & secta inde nata 52
Carcer Turcicus Captivorum 40	Chederlu equilotium fontem peperit 53
Carolus Casar 3	Chiaus Turcu quid 7
Carolus V. qua existimatione apud Turcas 170, ejus laus 196, insignia à Turcu capta 174	Chiausorum officium quale ibid.
Chalcedo urbs ubi olim sita 41	Chiausius apud Turcas quis 89. intercludens hospites ipse excluditur 131
	Chiurli oppidum insignis pugna Selimi cum patre Bajazete 24
	Chio insula à veteribus incolis Gemensibus tenetur 174
	Christiani expugnaverunt Moningem insulam 170, certis diebus bacchari & furere videntur 153
	Christianis Turcarum templa R 3 pla

INDEX.

pla ingredi difficulter conceditur	34	Crassi interitus & eversiois terminus,	50
Circulator plumbum igne liquefactum contrectat	203	Cyanea insula	40
De Circumcisione	292	Cyprinorum utilitas	31
Clades Christianorum ad Nicopolim, Varnam, & Mohacios campos	154.	Hungaria	64
Sfortia Pallavicini & Episcopi Quinqueeclesiensis	115 prope Sigethum		
	117	D	
Classis Turcica	170. victrix Constantinopolim venit.	Damarlanes hostis importunissimus	141
Colchi hodie qui	121	Dadianus sopitus capitur	122, quomodo se liberet ib.
Colchorum regio qualis	122	Demirlanes qualis	233
Colores auspiciati	49	Dervis Turcarum secta	52
Columna Octavianæ	40	Dies Turcis in quatuor partes divisus	19. Veneris Turcis sacra ut nobis Solis
Columna duæ Constantinopoli vet. rum monumenta	36		89
Coma sepulchris appensa cur apud Græcos	15	Dieterichstein Baro Austriacus	173
Con. il. militaria Racos vocant Turca	66	Discordia Belgradum pessundedit	14
Comitia imperialia sub Casare Ferdinando Francofordia	217	Discordia Christianis multa oppida ademerunt	196
Commarronium	2	Divanum Turcis quid	60, 81, 85
Commarronii situs	4	Divortia Turcis variis ex causis fiunt	110
Commarronium prima Casaris arx	216	Druersorium Turcicum	16
Concubinarum Turcicarum liberi quo honore:	27	Don Petrus Lasius	1
Consiliarii Turcis qui	3	Dragomannus Turcis interpres dicitur	207
Constantinopolitanum iter	1	Duces Hispani à Busbequio redempti	206
Constantinopolis situs	36, ejusque commendatio	E	
terra motibus opportuna	87	Ebrahimus Bassa urbi præfectus Constantinopolis	26
		Præsiadem ad Mustaphæ filium interficiendum mittitur	32
		Ebrahi-	

I N D E X.

Ebrahimus officio deturbatur & restituitur honori, 207. Turca primarius interpret ibid. ad legationem à Busbequio expeditur, 219. Francofordiam ducitur 227	lis mortis necessitas manet 28
De Eleemosyna Turcarum 298	Formica Indica canis magnitudine 210
Endrene olim Hadrianopolis 23	Forum mulierum 361
Equi appellati hinnitu respondent 100	Francifurdenses portæ veteri ceremonia referari nõ debent, cum sit electio aut Regis aut Imperatoris 228
Equis Turcicis nihil mansuetius 99	Fugacia Turcis quid 20
Equorum Turcicorum initio itineris alendorum ratio 220	Furor dextro Mercurio magni asstimatur 225
Esek oppidulum Katziane ri & nostri exercitus in ternecone nobile 65	G
F	Alerus Turcius 21
Felis Turcis in deliciis est 106	Gebise Bitunia opp. 42
Ferdinandus Archidux 68 cum gloria ad patrem redit 117	Gerba insula quondam Meninx dicta 170
Ferdinandus Romanorum rex 1	Gerbenfis elades 217
Ferdinandi regi benevolentia ibid.	Germani in Moldaviam irruerunt 194
Ferdinandus Transilvania potitur 3, pacta sua cum Veyvoda irrita fieri non vult 4	Georgiani populi 213
Ficiminum 5	S. Georgii fabula & Turcarum Chederlis eadem 53
Filios Turcarum Imp. parente mortuo, & mo imperatore facto, inevitabili-	S. Georgius quomodo pingatur à Græcis 54
	Giangir Suleimanni fil. quomodo perierit 73
	Gianizari Turcis qui 8. praesidarii Christianorum Iudeorumq; sunt ib. eorum vestitus 9. eorum mos in salutando ib. monachis, non militibus similes ibid.
	Gianizarorum modestia & silentium in praesentia Imp. 58
	Gianinum 68
	Græcorum ritus circa fune-

INDEX.

7415, circa nuptias ib.	Hispani in Meninge insula
superstitio in piscium re-	cum Turcis belligerant
probatione 35	170, arcem per trienni-
Graci stratagemate utuntur	um defendunt 172
cum interdictum iis esset	Hispanica virtutis magna
vino 180	opinio apud Turcas 170
Guilielmus Quacquelbenus	Hora Turcis nulla 19
Busbequii medicus, &	Horologia in Turcia publica
ejus periculum in Bassa	cur rara 129
Budensi curando 8	Hyans animal quale 47, ut
H	capiatur ibid.
Adrianopolis nunc	I
Endrene dicta 23, e-	Ejunctum Turcicum 153,
jus erigo & descriptio ib.	etiam sine aqua haustum
Hami montes eorumque si-	fit 31
tus 22	Imaret Turcis Xenodochia
Haleppus Syria urbs 213	26
Hally laus 178, Bassa Epi-	Imp. Turcicorum liberis,
rota 114, fit Visiriorum	patre moriente, & uno
primus 181, Bassa Visiri-	ex iis imperatore facto,
orum secundus 59, ejus	inevitabilius mortis neces-
prandium quo Persarum	sitas manet 28
regis oratorem excepit, ib.	Imp. Turcici cur à ducen-
equos dono mittit Busbe-	dis uxoribus abstineant 26
quius 210	Incendiorum ratio apud
Hally & Rustani compara-	Turcas 55
ti 190	Indi petuntur propter præ-
Haly's ripa 50, Turcia quo-	das, interim Turca in-
modo nominetur 52	gruunt 39
Hannibalis sepulchrum ubi	Introducendi legatos ad
42	Imp. Turcarum mos
Hasan Aga orator Turci-	qualis 56
cus ad Persas mittitur	Joan. de Cardona 174
214	Joan. de Castellà ut captus
Hebrus flu. 22	172
Heydones Hungaris qui 12	Io Vaidier Aa Secretarius 2
pradatores 114	Iobus Salomonis magister
Hippodromi area Constan-	curia, Turcarum senten-
tinopoli 36	tia 53

Irruptio

I N D E X.

Irruptio in Moldaviam,
191
Isabella regina Transylva-
nia 114
Ismael rex Persarum 38
Iudicii exemplum quo Tur-
ca contra Christianos
agunt 201

K

K *Arally* 45
Kazianerus ejusque
clades 65

L

L *Avinius captivos*
Christianos exorat à
Turca & Busbegno dono
mittit 191
Lazarus ductor Epirota,
ejusque supplicium 40
Lectorum Turcicorum de-
scriptio 6
Legati ex aula Turcica non
quandocunque volunt di-
mittantur 83
De Legati & Testamentis
299
Lemnia terra quando hau-
riatur 119
Libyssa olim nunc Golise
vocatur 42
Litera Caesaris à Basis
perquiruntur 112. *quas*
Ebrabimus legere nequit
ibid.
Lateras Turcarum Imp. pan-
no aureo obsignat 60
Literati Turcarum quales
211
Locus communis de aulicis

218 & c. *de captivis Tur-*
cicis 76 & c. *de virtute*
& vitiis 52. *de Christi-*
anorum & Turcarum
frugilitate 39
Ludovici regis Hungar.
clades 65

M

M *Athemet Visiriorum*
tertius 213
Mahometes Constantinopo- lis
expugnator Belgradum
oppugnavit 14. *arcem in*
fauibus Bosphori munit
40. legislator abscindere
manicam maluit quam
felsomnum turbare 106
supremi iudicii tempore
suos sectatores quomodo
in caelum vocabit 25
Mahumetis fabula de vini
potu 155. *nomine pronun-*
ciato, capita ad genua
submittunt Turca; no-
mine dei prolato, in fa-
ciem venerabundi proci-
dunt 162
Malvezius rerum Turci-
carum peritus 2. *orator*
Turcicus 13. *incarcera-*
tur ibid morbum in car-
cere contrahit ib. à car-
cere liberatus ad Ferdi-
nandum redit 4. *recidit*
in morbum ib. an lega-
tionem subterfugiat ib.
Mancipia Christiana quo-
modo venalia agantur
62
Mancipium

I N D E X.

<i>Mancipium vulgare quot coronatis aestimatur</i>	36	<i>apud Turcas 29. de Bajazete consultatur à Suleimanno 140. ejus responsum ib. consilium de permutandis captivis 210</i>
<i>Marci Despotæ Servia vindex</i>	36	<i>Mulier juvencula filia a. more capta 111. à viro sine potiundi libidine conspicui hand potest ex Turcarum opinione 109</i>
<i>Matrimonium Turcis unde confirmetur</i>	26. 296	<i>Murus marmoreus 42</i>
<i>Maximilianus Bohemia rex</i>	68	<i>Mustapha filius Suleimanni ex qua miserie 26. mul. ros sui stind: osos reliquit 174. fictus ibid.</i>
<i>Medicus Busbequii lue corripitur & moritur 182. ejus hæresis de peste grassante ibid.</i>		<i>Mustapha Amasia proficiscitur, ad patrem vocatus venit 30. ut se in tentorio patris defendat ibid. nervo gula injecto perit ib.</i>
<i>Mehemet Visiriorum Bassarum tertius ad Selimum destinatur</i>	139	<i>Mustapha filius Trusiade educatur 31. filii novissima verba & mors 33</i>
<i>Mendici Turcici eorumque ratio</i>	64	<i>Mustum Turcis conceditur 181</i>
<i>Meninx insula nunc Gerba vocata</i>	170	<i>Muti Turcis in deliciis 30. aliquot ad cadendum Mustapham destinati ibid.</i>
<i>Mercator Italogræcus, ejusque dictum de captivis Hispanis</i>	178, 179	
<i>De Militia Turcarum</i>	300	
<i>Milliaria Turcis nulla</i>	19	
<i>De Miraculis Machometi, &c.</i>	297	
<i>Mohacz funestus clade Lodovici regis Hung. locus</i>	65	
<i>Monachi Turcici</i>	52, 294	
<i>Monachus Turcicus peregrinator ejusque, miracula</i>	202	
<i>Mortui sepeliendi ritus Græcorum</i>	15	
<i>Mortui. suos Turca sedere fingunt & quomodo</i>	46, 299	
<i>Mussi sacerdos summus</i>		
		N
		<i>Atolia hodie Turcis quid 41</i>
		<i>Nicaea 43. ejus situs 43</i>
		<i>Nicomedia 42</i>
		<i>Nissa 15. descriptio 16</i>
		<i>Nix Constantinopoli nullo fere tempore desit 52</i>
		<i>Nobilitas apud Turcas quo loco 21, 56, 57</i>
		<i>Obedientia</i>

I N D E X.

O.	
O bedientia Turcarum versus suum Regem.	Pastores diu nocturne in campis. 41
302	Pausoniam. 11
Obeliscus Constantinopoli insignis. 36	Paulus Palinaï. 5
Obsonia Turcarum qua, 51	Pax inter Hispania & Gallia reges Turcis molestia. 206
Officia Turca ut distribuant. 56	Pedites Pratoriani Turcis qui 8, 304
Officialium Turcarum Im- peratoris silentium & indestia. 53	Pellies assumere quotquot volunt Turca possunt. 109
Olympi montis angustia. 41	Pellicum liberi quo loco apud Turcas. 27
Olympus Asia mons perpe- tua nive conditus. 39. conspicuum Constantino- poli. 35	Pera oppidum. 176 de Peregrinatione Turca- rum. 296
Orator Persicus Amasiam ad Turcam venit, ejusque munera. 58	Persarum rex Sagthamas Suleimanno offensus. 29.
Oratores in Divano disces- suri mensa adhibentur. 219	& Turcarum discrimen in religione. 114
Oriza instar tritici in Tur- cia provenit. 23	Pharus Turcis quid. 40
Otmanlik Othomanni prin- cipis Othomannorum receptaculum. 44	Philippus rex Hispania qua existimatione apud Tur- cas. 170
Ottomannorum princeps qualis 233	Philippopolis ejusq; descri- ptio. 22
Oves candam aliquot libra- rum habentes. 45	Piscatores in Turcia pauci. 30
P.	Pons Mustapha per He- brum. 23
P æstum prope Budam. 10	Pontis Trajani pila. 15
Papyrus Cathaina ex bom- bycum involucris. 201	Pontus quomodo Turcis vocetur. 40
Paschales ceremonia Tur- carum. 161	Portentorum varia genera. 136 Potio Arabica qua. 52 Potughin. 46 Potus Turcici genus ex uvis passis, 31. de more gentis Turcica.

I N D E X.

159, cum Suleimanno bellum gerit.	27	Servitii varia incommoda & comoda.	ibid.
Sagthamas Bajazetem in carcerem dedist.	167	Sighetum à Turcis obside- tur.	116
Salsamenta quid.	36	Singiaccus Turcis quid.	7
Sammercanda urbs Pers.	200	Sinister locus Turcis hone- stior & dignior cur.	12
Sandans in Divanum introductus ejusque cum Bassis ibi colloquium	175, natura qualis.	Solimi cum Ismaele Persa- rum rege pugna.	38, 39
175, natura qualis.	208	Sophia templum Constanti- nopoli.	34
Saxones sub Carolo Magno in Tauricam Chersoneisum deducti.	199	Sophia ejusque descriptio.	20
Schedas Turca parietum rimis inserunt 25, cur, 26.		Stabulorum Turcicorum ratio.	18
de Scholis Turcarum.	295	Strigonium arx Turcica 6, à nostris capitur.	117
Sclopetarii apud Tartaros.	197	Suburbia in Turcia magna.	13
Sclopeti Turcis magno ter- rori.	189	Suleimanni descriptio 60, concubina 26. dictum de Tihelio, pœnas sceleris attinens 175. liberi 178, de peste judicium 181, tria optata.	236
Selimbria.	24	Suleimannus Mustfi suum consulit de Mustapha 29, consulit de Bajazete.	140
Selimi cum patre Bajazete pugna ubi. ib. præfectura qua.	137	Suleimannus transmisit in Asiam ad frangendos Bajazetis spiritus 145. Pseudomustapha resistere conatur 176, religionis sue observantior 179, re pecuniaria plerumque laborabat 27, Bajazetem interfectum caput 214, Belgradum ut cepit 14.	140
Selimus Suleimanni fil. ad imperium destinatus 73, iratus Bajazeti pro mœnibus Iconis castra ponit.	142		
Sepulchra Turcarum qua- lia.	46		
Servia Despotarum domus Sophia.	20		
Servianorum arx Syman- dria 15, pagus Iagodna.	ibid.		
Servitus sublata ab nobis profit.	95		

INDEX.

Bajazeti ignoscere constituit. 79
Sultanus nomen honorificum apud Turcas. 116
Sus Turcis impurissimum animal censetur. 91
Symandria arx. 15

T.

T Alismanni Turcis qui. 19
Tamerlanes Bajazerem majorem cepit. 26, 27
Tartarorum regulus, ejusq; exercitus natura 197, eorum victus. ibid.
Tartarus aperto semper capite pugnans. 7
Taschan urbs Pers. 200
Taurinorum numisma. 14
de Templis seu Meschitis Turcarum. 292
Tolna Hungaria municipium. 13
Transilvania 3, tota à Ferdinando recipitur, ibid. quando mancipata 14, urbes Saxonibus inhabitantur. 199
Tuguria Christianorum in Turcia qualia. 16
Tuigon Bassa & ejus nomen etymon. 8
Tulipan Turcis quid. 23
Turca ad justas uxores pellices assumere possunt. 109
Turcis à parricidio regnum auspicari necesse. 28
Turca adificiorum elegan-

tia non student, & cur. 36
Turcarum armatura 6, agere ferunt bestiam per cruciatum inmersi. 108
Turcica classis in Menin-gem insulana. 170
Turca Constantinopoli senex potaturus clamat, ut anima se in angulum quendam recipiat. 10
Turca cum extremis difficultatibus patientia, sobrietate victus, & parsimonia pugnatur. 103
Turcarum cum Christianorum militibus comparatur. 104
Turca cum Persis pacem constituunt 59, cur parum impendant in ades antiquas sarcindas tegendasve. 10
Turcarum delicia. 60
Turca de mensis opiparis sibi auferunt potius quam aliis mittant. 211
Turcarum de peccatis & panis opin. 10, eorum de vini potu opiniones. ibid.
Turcarum opinio de Chederle 52, de judicio defunctorum. 46
Turca ex duabus maxime reb. usum capiunt, Oriza & Camelis. 170
Turcarum hæresis de beatis post hanc vitam 115, Imperatoris filii adulti Constantinopolim intrare non debent

I N D E X.

- debent 179, in Asia cum exercitu. 26
- Turca imperii amulos non ferunt. 28
- Turcarum in accipienda castigatione patientia. 156
- Turca in amicos & hostes nimii 4, in expeditionibus quot Camelis utantur. 102
- Turcarum ingenia ut mitiganda. 24
- Turcica militia fructus unde. 96
- Turca multum in Hungaria sibi licere autumant 194, non omnes pisces attingunt 35, nullam habent temporum rationem & historias confundunt 53, occulta flagitia non valde manifesta graviter puniunt 111, omni lenitate equos educant 99, per cratrem ferream servestam cælum petent 26, pietatis loco ducunt Christianum falso accusare 205, porta Francofurdienses aperiuntur 228, quomodo & quando ad sacra die vocentur 19, sauciatus duos aureos ducatos pro curatione vulveris accipit. 68
- Turcarum sententia de monomachia. 121
- Turca si bene res procedant ad Deum auctorem referunt, 215
- Turcarum superbia unde. 18
- Turcarum temeritas inter navigandum. 13
- Turca Transilvaniam repetunt à Ferdinando 4, victoriam classicam sibi invicem gratulantur 171, vini dulcedine illinantur 9, vini potus ipsis crimini datur. ibid. unde suspiciosi facti 133, ut adibus utantur, 110, uti legatum Busbequium in planitie prope Strigonium acceperint 6, uxorum pudicitia student. 108
- in Turcia vivere volenti semper manus in marsipio sit. 24
- Typographia Cathai multis retro seculis 201. in Turcia non admittitur. 128
- V.
- V**eduvickius Casaris legatus. 3
- Veivoda. ibid.
- Vestitus Turcicus 310. suum 49, & Christiani comparatio. ibid.
- Vestium Turcicorum militum forma una. 57
- de Victimis Turcarum. 299
- Victoria Turcica de classe Hispanica. 171
- Vienna à Turcis obsidetur. 236
- Vienna ubertas cucurbitarum 135, porta referant.

INDEX.

rantur legato. 5	mortuum supremo dono
Vilitas Bulgaria qualis. 20	donat 15. Turcica à con-
Vinum in Turcia paratum	cubina sola dote differt.
difficile, ubi nulli Chri-	109
stiani incolunt 13. cur	W.
Turcis damnetur 51,	W. Aga flumen. 226
155. Constantinopolim	Weyvoda Turcis pra-
importari prohibetur. 130	tor. 205
Visirius Bassa Turci. qui. 3	X.
Vites Graeci excidunt. 130	X. Enadochia Turcica
296	eorumque hospitandi
Vua conceduntur; vinum	ratio 16. Turcis Imaret
prohibetur Graecis &	vocata. 25
Turcis 181. quomodo per	Z.
astatem servantur à	Z. Ay legatus. 26
Turcis. 51	Z. Zona torrida nunc terra
Uxoy in Turcia pileolo de-	inhabitabilis. 41

F I N I S.

